

ჴემინისტური ჴიბლიოთეკა

მელა ბობსაქა

გენდერი

და

საქართველოს საზოგადოება

თბილისი

2020

მედია გოგსაძე
გენდერი და საქართველოს საზოგადოება

ავტორი: © მედია გოგსაძე
დაკაბადონება და ყდის დიზაინი: მედია გოგსაძე

სერია „ფემინისტური ბიბლიოთეკა“ ფონდი ტასო, 2020

ყველა უფლება დაცულია

Medeia Gogsadze
Gender and Society of Georgia

Author: © Medeia Gogsadze
Layout & design: Medeia Gogsadze

Feminist Library Series, © Taso Foundation, 2020

All rights reserved

ISBN – 978-9941-8-2602-3

ISSN – 1987-5193



ფონდი ტასო, თბილისი, 0108, რ. თაბუკაშვილის 15
Taso Foundation, 15, R. Tabukashvili Str., 0108, Tbilisi, Georgia



ქალთა გლობალური ფონდის მხარდაჭერით
Supported by Global Fund for Women

დაიბეჭდა სტამბაში „ფავორიტი“, თბილისი, 2020
Printed in Favorite print house, Tbilisi, 2020

სარჩევი

ავტორისაგან	9
-------------------	---

თავი პირველი: მიზოგინის ზეობა - ფემიციდი

აისბერგის წვერთან	15
ოცი წლის წინათ	16
ოცი წლის შემდეგ	18
არსებობს პრობლემა? საჭიროა კანონი	19
მამაკაცები ქალებზე ძალადობის წინააღმდეგ	20
უჩინარი ფემიციდი	24

თავი მეორე: „ცხენი“ და „მათრახი“

წარსული მითოლოგიზაციის გარეშე	27
ახალი ეპოქის გარიჟრაჟზე	29
„აღსაზრდელი“ კანონმდებელი	33
„აღსაზრდელი“ საზოგადოება	35
მანანა მელიქიშვილი - ერთი მრავალთავანს შორის	38
კარგი „ცხენი“ „მათრახს“ არ მოითმენს	40
„აღსაზრდელი“ პოლიცია	43
დროებითი გამოსავალი - თავშესაფრები	49
დაძრული ყინული	51
გვიშველა თუ არა კანონმა?	53

თავი მესამე: ტრეფიკინგი, ანუ თანამედროვე მონები

„ობობას ქსელში	59
დანაშაულებრივი გულგრილობა?	63
...და ისეც არასამთავრობო სექტორი	66
ჯობს გვიან, ვიდრე არასდროს	69

თავი მეოთხე: სექსი და საზოგადოება

ის, რაზედაც არ ლაპარაკობდნენ	74
ოდესღაც, ისტორიის გარიჟრაჟზე	75
...გუშინ	80
ოცი წლის შემდეგ	87

თავი მესხეთე: ქალწულობის ინსტიტუტი

ქალწულობის ინსტიტუტი საქათველოში.....	94
ისტორიულ საწყისებთან	95
ახალი ეპოქა და ძველი სტერეოტიპები.....	98

თავი მეექვსე: ვინ არის სინამდვილეში პატივყარილი?

ძალადობა ძალადობის შემდეგ	102
გაგაუპატიურეს? ე.ი. დაიმსახურე	105
„კანონიერი“ გაუპატიურება	108
„ხმა ქართველი ქალისა“ მოტაცების წინააღმდეგ.....	109
მოძალადე - საკუთარი თანამეცხედრე	110
წლების შემდეგ: რა შეიცვალა.....	111
კანონი და ცნობიერება	114

თავი მეშვიდე: ნარკოტიკების ტყვეობაში

ქალის ცოდვა უფრო მძიმეა?	117
გზა თვითგადარჩენისკენ.....	120
თანადამოკიდებული ქალის სინდრომი	123

თავი მერვე: ტრანსგენდერი ადამიანები

მე - „მეს“ წინააღმდეგ.....	127
გარიყუნნი	129
როცა არცოდნა არცოდვა არ არის.....	131
ისტორია და თანამედროვეობა	132
მენტალიტეტი, მედიცინა და კანონი.....	134
... და ისევ ფსიქოლოგიური ფაქტორი.....	137

თავი მეცხრე: გენდერი საკუთრებრივი უფლებები

არის თუ არა ქალი მესაკუთრე?.....	141
ბიბლია და თანამედროვეობა	142
ლექკვი ლომისა სწორია?.....	143
გარანტი მოულოდნელობების წინააღმდეგ.....	145
ქალაღმდეგ დარჩენილი კანონი	147

თავი მეთათე: გენდერი და შრომის კანონმდებლობა

შრომის კანონმდებლობა და ოჯახში ძალადობა	150
გუშინწინ და გუშინ	154
დღეს.....	157

თავი მეთერთმეტე: ქალთა პოლიტიკური აქტიურობა

მამაკაცებს ქალთა გააქტიურება აფროთხოვთ..... 161
პირველი წარმატებები 165
თვისობრივი გარდატეხა 167
პოლიტიკური მონაწილეობა და „სავსე ქისის“ პრინციპი 169

თავი მეთორმეტე: ქალის კულტი - მითი თუ რეალობა?

შენიღბული სტიგმა..... 173
მარადიული მსხვერპლის გამღები 175
„ბანკომატი“ დედები..... 177
ქალი „კუხნაში“, ან „ბუტკაში“?! 181
ამორძალის სინდრომი..... 184

თავი მეცამეტე: ძველი თემა - დედიკოს ბიჭები

„დედის წიაღში“ ჩარჩენილნი..... 188
მიზეზი - ზედმეტი განებებერება 189
„გოგია უიშვილის“ სინდრომი 192
შეზღუდული პასუხისმგებლობის მშობელი 196

თავი მეთოთხმეტე: „ჩატეხილი ხიდის“ გენდერული ვერსია

„მზეთუნახავი“ და „ურჩხული“..... 202
ორი ნაპირი 206
ქალი - ფარული მმართველი?..... 209
„ნეკნის“ შიში 210
როგორ აღვადგინოთ „ჩატეხილი ხიდი“?..... 214
ბოლოსიტყვაობა..... 218

გამოყენებული ლიტერატურის ჩამონათვალი..... 221

ვუძღვნი ჩემს ქალიშვილს, გურანდას,
ერთგულ მეგობარს და თანამოაზრეს

ავტორისაგან

რატომ დავინტერესდი გენდერული პრობლემატიკით? იმიტომ, რომ საზოგადოებაში დამკვიდრებული წარმოდგენები ქალისა და მამაკაცის როლსა და ურთიერთობაზე ყოველთვის ცხოვრებას მირთულებდა; ამისი პირველი სიგნალები უკვე ღრმა ბავშვობაში ვიგრძენი. ყოველ ნაბიჯზე აშკარად ვხედავდი, რომ საზოგადოების თვალში მამაკაცი რატომღაც ქალზე მეტად ფასობდა. ვიზრდებოდი და ცხოვრება „მარგალიტებივით“ წინ მილაგებდა კლიშეებს: „გოგო ხარ და შენ ეს არ შეგეფერება!“ (თამამ საქციელზე), „ის ბიჭია, შენ კი გოგო, ამიტომ ნაზი უნდა იყო!“ (როდესაც თავხედი ბიჭუნას გამოხდომას არ ვეშუებოდი); უფრო საფუძვლიანად მეთე კლასში მასწავლებელმა „განმანათლა“. ვუმტკიცებდი, ინტელექტუალური შესაძლებლობები სქესზე არ არის დამოკიდებული-მეთქი. დღემდე მახსოვს მისი სიტყვები: „მაგით ნუ მოტყუვდები, რომ ბევრ ბიჭზე უკეთესად სწავლობ. საბოლოოდ, ნიჭიერი ბიჭი მაინც გაჯობებს - იმიტომ რომ გოგო ხარ!“. გაითვალისწინეთ - სწორედ ეს მასწავლებელი გვიკითხავდა საზოგადოებათმცოდნეობის კურსს, რომელშიც სქესთა თანასწორუფლებიანობაზე იყო ლაპარაკი.



ყველაზე მტკივნეული ვაკვეთილები კი ურთიერთობის სფეროში მივიღე: ქალისგან განუზომლად მეტს მოითხოვდნენ და ნაკლებს პატიობდნენ. სამაგიეროდ მამაკაცებს სრული თავისუფლება ჰქონდათ მინიჭებული. თან, ყველა სიკეთესთან ერთად, საზოგადოებას ეს რატომღაც სავსებით ნორმალურად მიაჩნდა (ჩემი ოჯახის წევრების ჩათვლით). „მამაკაცისგან ლალატი ოჯახიდან გადაფურთხებაა, ხოლო ქალისგან კი ოჯახში შემოფურთხება!“ - მითხრა ერთხელ დედაჩემმა. საშინლად გავღიზიანდი; რადგანაც მტკიცედ ვიყავი დარწმუნებული - ერთიც და მეორეც ოჯახში შემოფურთხებაა.

ერთი შემთხვევა განსაკუთრებით დამამახსოვრდა: როდესაც შსს რაიონულ განყოფილებაში პასპორტის ასაღებად მივედი, უცნობმა ყმანვილმა კრიტიკულად ამათვლიერ-ჩამათვლიერა და ცალყბად ისროლა:

- სულ მიკვირს, ქალებს რაღად უნდათ პასპორტი? ჩაენერონ ქმართან და ის იქნება!

- მოსამსახურედაც ხომ არ დაგიდგეთ? - ვერ დავიოკე გაბრაზება.

- ცოლი მოსამსახურეა, აბა რა!

ასე - არც მეტი და არც ნაკლები...

სკოლის დამთავრების მომენტისთვის გენდერულ შეგონებათა „კრილოსანი“ დალაგდა მენტალურ კონსტრუქციად - „შენ გოგო/ქალი ხარ!“, რომელიც სიკვდილამდე „დამლასავით“ უნდა მეტარებინა. ეს ფაქტობრივად იყო „განაჩენი“ უამრავი შეზღუდვით და უსამართლო მოთხოვნებით. სხვა საკითხია, რომ კატეგორიულად არ დავეთანხმე. შესაძლოა, ეს ყველაფერი ასე მკაფიოდ იმიტომ ვიგრძენი, რომ მშობლები განქორწინებულნი იყვნენ და, როგორც ახლა ამბობენ, მონყვლადი აღმოვჩნდი. საზოგადოების თვალში ქალს ფასს და წონას ანიჭებდა ქმარი, ხოლო გოგონას - მამა. არაერთხელ გამაგონეს ფრაზა: „მედიკოს დედა ქმართან გაშორებულია“. ძირითადად, ეს იყო ვინმე არამკითხველ მონამბის მეტიჩრული გამოსვლა, ან ზურგსუკან ჩურჩული. ის ჩიტი არასოდეს ვყოფილვარ თავს ვინმეს რომ დააჩაგვრინებს, ამიტომ პირველი პროტესტი, დიფუზიური და გაუაზრებელი, სწორედ ამაზე გამოვხატე:

- დიახ, გაშორებულია. შენი საქმე არ არის!!!

როცა წამოვიზარდე, კიდევ ერთი ფრიალ შემანუხებელი კანონზომიერება აღმოვაჩინე: ექსტრავაგანტური ჰაბიტუსის ქალს საზოგადოება ეჭვის თვლით უყურებდა („მამას პატრონი თუ ჰყავს, ზედ არ ეტყობა რაც არის?“). სამაგიეროდ, თუნდაც გადაჭარბებულად ექსტრავაგანტურ მამაკაცს, „კოლორიტად“ მოიხსენიებდნენ. „მაგარი ტიპის“ ატრიბუტიკაც თუ ამკობდა (მანქანა, ფული და „კაი ცხოვრება“ მაქვს მხედველობაში), მქუხარე ტაშს იმკიდა (რა „ჯიგარი“ ტიპია!). ყველა ჩამოთვლილ „პლუსს“ თანამდებობაც თუ აძლიერებდა, მქუხარე ტაში ოვაციაში გადადიოდა და „თითით საჩვენებელ ვაჟკაცს“ საზოგადოება ფეხზე უდგებოდა. ქალის შემთხვევაში ძლიერი სოციალური პოზიცია (ქონება, გავლენიანი ოჯახი და ა.შ.) შეზღუდვათა ჩარჩოს მეტ-ნაკლებად აფართოებდა, მაგრამ საბაზისო ტრადიციული მოთხოვნები ფორმალურად მაინც უნდა დაეცვა; ანუ, ამ შემთხვევაშიც, ქალს მეტ შეზღუდვას უწესებდნენ.

პატრიარქალური სტიგმის მაგალითები თბილისის სახელმწიფო უნივერსიტეტში სწავლის პერიოდშიც ჭარბად ვიხილე. პიროვნული თავისთავადობა და ტრადიციული კლიშეების უარყოფა ქალისთვის აქაც დიდ პრობლემებთან იყო დაკავშირებული. უკეთეს შემთხვევაში, უბრალოდ, არ გიღებდნენ, ხოლო უარესში - წნეხს აწყდებოდი. თუმცა, ეს ძალზე სასარგებლო გამოცდილება გამოდგა. როგორც ცნობილია, რაც არ გკლავს - გაძლიერებს; ცხადია, სწორად მიდგომა-გააზრების შემთხვევაში.

სწავლის პერიოდში გავთხოვდი. ცოტა ხნის შემდეგ საკითხი ასე დადგა: ან უნდა მიმეღო ტრადიციული მოთხოვნები, ანდა, როგორც იტყვიან, „ოჯახი უნდა დამენგრია“. გარედან დაძალებულ უაზრო შეზღუდვებს ვერასოდეს ვეგუებოდი; თანაც, იმ მომენტისთვის უკვე საბოლოოდ გავაცნობიერე, რომ ადგილი, სადაც ცალმხრივად ვაკონტროლებენ (ჩაცმის სტილიდან და კონტაქტებიდან - სახლიდან გასვლა-შემოსვლის დრომდე) ოჯახი კი არაა, ციხეა; ამიტომ განქორწინება ვარჩიე და მონყვლადობა კიდევ უფრო დავიმძიმე. საზოგადოების თვალში ქმართან განქორწინება, უკეთეს შემთხვევაში, დიდი შეცდომა იყო, ხოლო უარესში - „საეჭვო ყოფაქცევის“ ქალთა კატეგორიაში გადასვლა, აქედან გამომდინარე დის-

კომფორტული შედეგებით. ქალების მხრიდან - არაჯანსაღი ფანტაზიები, ხოლო მამაკაცებისგან - შემანუხებელი, ხშირად კი შეურაცხმყოფელი ყურადღება მაქვს მხედველობაში. „განათხოვარი ქალის“ სტატუსიც ფრიალ „ნაყოფიერი“ ცხოვრებისეული გამოცდილება გამოდგა - კიდევ უფრო თვალსაჩინოდ ვიგრძენი სტიგმური მენტალიტეტის „სიკეთენი“, დავინახე, რა ფატალურად დაბინძურებული იყო მენტალური გარემო და არც გამოსავალი ჩანდა. მთვარეზე ვერ გადავსახლდებოდი; აქედან გამომდინარე, საკუთარი წესებით სწორედ ამ გარემოში უნდა მეცხოვრა და ვიცხოვრე კიდევ.

ქორწინება-განქორწინების პერიპეტეიებმა სადიპლომომ ნაშრომის თემა მიკარნახა: **„ოჯახში ქალისა და მამაკაცის როლურ ფუნქციებზე განწყობების სოციალურ-ფსიქოლოგიური ანალიზი“**. გამოკვლევის ჩასატარებლად კითხვარიც შევადგინე, რომლის კითხვების შინაარსი საკუთარ ოჯახში გაჩენილმა პრობლემებზე ავაგე (უთანხმოება საოჯახო ფუნქციების განაწილების, უფლება-მოვალეობების, ურთიერთობის ეტიკეტის და უამრავი სხვა კუთხით). ასზე მეტი ადამიანი გამოვკითხე, რაც სადიპლომომ ნაშრომისთვის სავსებით საკმარისი ბაზა იყო. შემძიძლია სრული უფლებით ვთქვა - დამსახურებული ხუთიანი მივიღე, რაც დღესაც მემამყება. ეს მოხდა 1984 წელს. ვერ დავიჟინებ, რომ ამ საკითხებზე მუშაობაში სულ პირველი ვიყავი, მაგრამ ერთ-ერთი პირველი - აუცილებლად.

სადიპლომომ ნაშრომზე მუშაობისას მივხვდი, რომ მსგავსი პრობლემები სხვა ქალებსაც ჰქონდათ და განსხვავება მხოლოდ რეაქციაში იყო: საზოგადოების აბსოლუტური უმრავლესობა ვერც კი აცნობიერებდა სიტუაციის მანკიერებას და ღინებას მიჰყვებოდა. შედარებით მცირე ნაწილს მეტ-ნაკლებად ესმოდა, რომ ყველაფერი რიგზე არ იყო, მაგრამ თვალს ხუჭავდა და თავის დამშვიდებას სიტუაციის გამართლება-რაციონალიზაციით ახერხებდა. მოჭადლოებული წრის გარღვევას და საკუთარი წესებით ცხოვრებას მხოლოდ ერთეულნი თუ ცდილობდნენ. საზოგადოების პირველი ორი ნაწილი მესამეზე მეტ-ნაკლებ ზენოლას ახდენდა. რაც გამოიხატებოდა ნეგატიურ შეფასებებში, ან პირდაპირ აგრესიაში. ანუ, ჩემი ყველა პრობლემა იქიდან მოდიოდა, რომ ყოველთვის მესამე „გუნდის“ „მოთამაშე“ ვიყავი; მაგრამ სხვანაირად მოქცევა არ მინდოდა და არც შემეძლო; საკუთარ თავთან თანხმობაში ცხოვრება მერჩივნა. კოგნიტური დისონანსი, ანუ მუდმივი გაორება, განუზომლად უფრო აუტანელი იქნებოდა. სადიპლომომ ნაშრომის წერის პროცესში ისიც გავაცნობიერე, რომ, თურმე, ფემინისტი ვყოფილვარ.

უნივერსიტეტის დამთავრების შემდეგ თბილისის ელმავალმშენებელ ქარხანაში გამანაწილეს ფსიქოლოგად და ცხოვრების გაკვეთილები იქაც გაგრძელდა; მახსენდება კოლეგის საყვედური:

- მედიკო, ენას ვერ გააჩერებ? უკვე მთელმა ქარხანამ გაიგო რომ ქმართან გამორეხული ხარ!

- რატომ უნდა დავმალო?

- შენი საქმისა შენ იცი, მაგრამ რად გინდა ხალხს რომ ალაპარაკებ? არ იცი რას იტყვიან?

კიდევ ერთი ფაქტი:

- ჩემს დედამთილთან ნუ იტყვი, რომ ქმართან გამორეხული ხარ - მითხრა

ერთხელ ამხანაგმა - ძველი ყაიდის ქალია და ზედმეტებს დააბრეხვებს!

დედამთილი რომ არც მისი პატივისცემით გააჩერებდა ენას, ძალიან მრავლისმეტყველია; ამიტომ, წლების შემდეგ, ქმარს თავადაც რომ გაეყარა, არც გამკვირვებია. მოკლედ, ყოველდღიურობა ანალიზისა და დასკვნების გამოტანის რესურსს არ მკლებდა. ეს შესაძლებლობა ძალზე ნაყოფიერად გამოვიყენე.

უნივერსიტეტის დამთავრების შემდეგ იმავე თემზე სადისერტაციო თემა გავაფორმე. სადიპლომო ნაშრომის კითხვარი გადავამუშავე, კითხვების რაოდენობა გავზარდე და, ამჯერად, თითქმის სამასი ადამიანი გამოვკითხე (მათი უმრავლესობა თბილისის მკვიდრი და უმაღლესი განათლებით იყო). სსრკ-ში განვითარებულმა პროცესებმა ჩემი გეგმები კარდინალურად შეცვალა. რა დროს ხარისხის დაცვა იყო - პატარა ბავშვი და მოხუცი ბებია მყავდა; როგორმე თავი უნდა გადავკერჩინა. სწორედ ამ პერიოდში, ან განსვენებული და უსაყვარლესი მეგობრის, **ჟურნალისტი ლილი არაბულის** რჩევით, ჟურნალისტიკაში გადავინაცვლე. **1995-1997** წლებში **„ქალთა გაზეთი“** გამოვაქვეყნე პუბლიცისტური ციკლი **„ქალის ტვირთი“**, რომელშიც სადისერტაციოდ მოგროვილი მასალებიც გამოვიყენე. შემდგომ წლებშიც ჩემი ჟურნალისტიკური საქმიანობის ლომის წილი სწორედ გენდერული საკითხების ანალიტიკურ გაშუქებაზე მოდიოდა. სხვადასხვა დროს სტატიებს ვაქვეყნებდი გამოცემებში: ჟურნალი **«Подруга»(2005-2010)**, ყოველკვირეული გაზეთი **„Комсомольская правда в Грузии“ (2010-2021)**, ჟურნალ **„ლიბერალის“ ინტერნეტ-ვერსია (2013-2014)**, <http://tspress.ge> (2012-2014), **For.ge** (2013), **„მერიდიანი-44“ (1998-2000)**, **„გზა“**, (1998-2000 და 2013-2014), **„დრო“**, **„იმიჯი“ (2001-2002)**, **„ქალთა გაზეთი“ (1995-1997)**, აგრეთვე: **„სარკე“**, **„კვირის პალიტრა“** **„ექო“**, **„ახალი ჟურნალი“**, **„ქალის საიდუმლო“**, **„საოჯახო გაზეთი“** და ა.შ.

2000 წლისთვის ჯერ კიდევ მკრეხელობად მიაჩნდათ იმის გაფიქრებაც კი, რომ რუსთაველის და თამარის სამშობლოში ქალებზე ძალადობდნენ. ამიტომ სტატიებზე მუშაობისას ყოველთვის ვცდილობდი არგუმენტირებული პასუხი გამეცა კითხვებზე:

- 1) თანასწორად ასახავდა თუ არა კანონმდებლობა ორივე სქესის უფლებებს და რამდენად იყო ეს უფლებები დამკვიდრებული საზოგადოების მენტალობაში?
- 2) რამდენად იყო დაცული დედებისა და ბავშვების უფლებები?
- 3) რამდენად იყვნენ ქალები წარმოდგენილნი საკანონმდებლო და აღმასრულებელ ორგანოებში?
- 4) სარგებლობდა თუ არა ქალი ოჯახში მამაკაცის თანაბარი ხმის უფლებით?
- 5) ინაწილებდა თუ არა მამაკაცი მეუღლესთან შვილის აღზრდის ფუნქციას?
- 6) როგორი იყო ქალისა და მამაკაცის წილი ოჯახის რჩენის საქმეში და როგორ აისახებოდა ეს წილი მათ უფლებრივ სტატუსზე?
- 7) რამდენად იყო დაცული ქალი ოჯახში ძალადობისგან ყოფით და სახელმწიფოებრივ დონეზე? ჰქონდა თუ არა საშუალება ძალადობის შემთხვევაში მიემართა სამართალდამცავი ორგანოებისთვის და მიეღო კვალიფიციური დახმარება?
- 8) გვექონდა თუ არა დაცული თავშესაფრები, სადაც ქალებს შეეძლოთ გარიდებოდნენ მოძალადეს, აგრეთვე გაეარათ ფიზიკური და ფსიქოლოგიური რეაბი-

ლიტაცის კურსი?

9) რამდენად დაცული იყო ქალის საკუთრებრივი უფლებები განქორწინების შემთხვევაში?

10) რამდენად შემწყნარებელი იყო საზოგადოებრივი აზრი იმ ქალის მიმართ, რომელიც საკუთარი ღირსების დასაცავად იბრძოდა?

11) მოქმედებდა თუ არა საქართველოში ანტიტრეფიკინგული კანონმდებლობა?

წლების განმავლობაში ამ კითხვებზე პასუხი ოპტიმიზმის საფუძველს ნამდვილად არ იძლეოდა. მოგვიანებით უამრავი სასიკეთო ცვლილება მოხდა და ვცდილობდი, შესაძლებლობის მიხედვით, პროცესს მივყოლოდი. შემოთავაზებულ პუბლიცისტურ ნაშრომში ასახულია გენდერული ლანდშაფტის ტრანსფორმაციები უკანასკნელი სამი ათეული წლის მანძილზე. ვეცადე, 1995 წლიდან დღემდე გამოქვეყნებული სტატიების კვალდაკვალ, გამეშუქებინა, როგორ იცვლებოდა სიტუაცია საკანონმდებლო, სოციალური და მენტალური თვალსაზრისით, რომელი პრობლემა იყო აქტუალური სხვადასხვა პერიოდში და როგორ ცდილობდა სამთავრობო, თუ არასამთავრობო სექტორი მის გადაწყვეტას. გამოვიყენე, აგრეთვე, არასამთავრობო სექტორის და კოლეგა ჟურნალისტების ზოგიერთი პუბლიკაცია, რაც მითითებულია ბიბლიოგრაფიაში. მადლობას მოვასხენებ ყველა ექსპერტს, რომელმაც კომენტარისთვის დრო დამითმო და მოვუბოდიშებ მათ, ვისაც პანდემიასთან დაკავშირებით შექმნილი სიტუაციის გამო ხმა ვეღარ მივანვდინე. ექსპერტთა რეგალიები მითითებულია კომენტარის ჩანწერის მომენტში არსებული მდგომარეობის მიხედვით.

ნამდვილად არ მაქვს პრეტენზია, რომ ეს წიგნი ამომწურავად ასახავს საქართველოს გენდერული ლანდშაფტის ტრანსფორმაციის პროცესს და ამ პროცესში არასამთავრობო სექტორის ფასდაუდებელ ღვაწლს - ერთი ადამიანის ძალები, თან ერთი წიგნის სივრცეში, ამ ურთულეს ამოცანას, უბრალოდ, ვერც გასწვდებოდა. ეს არის თქვენი მონა-მორჩილის მორიდებული წვლილი საქართველოს გენდერისტიკაში. წიგნი გათვლილია ფართო მკითხველზე და, იმედია, მოწონებას დაიმსახურებს.

2009 წელს „ფონდმა ტასო“ გადმოცა პრემია - საოფისე ტექნიკა და გამოყენებული სტატიების დიდი ნაწილი სწორედ იმ პირველ კომპიუტერთან დავწერე. თავად წიგნიც ფონდის ფინანსური მხარდაჭერით დაიწერა. ამ შესაძლებლობისთვის მინდა უდიდესი პატივისცემით მადლობა მოვასხენო „ფონდ ტასოს“ და პირადად მის ხელმძღვანელს - ქალბატონ მარინა თაბუკაშვილს.

მეღვა გოგასაძე

თავი პირუელი

მიზობინის ზამუკა -

ფეხისილი

აისბერგის წვერთან

საუბარს გენდერული ნიშნით ძალადობის რადიკალური ფორმით - ფემიციდით დავიწყებ. ეს არის ძალადობის ყველაზე ულმობელი გამოვლინება, ვინაიდან მოძალადე ქალს სიცოცხლეს უსპობს მხოლოდ იმიტომ, რომ მის ნებას არ ემორჩილება. ეს თემა ბოლო წლებში ძალზე გამწვავებულია.

მოდით, გენდერული ნიშნით ძალადობა ოკეანეში მოტივტივე აისბერგად წარმოვიდგინოთ. მაშინ ფემიციდი წყალსზედა ნაწილის წვერია, ხოლო კალთებს ფიზიკური, ყოფითი და ფსიქოლოგიური ძალადობა ქმნის. ოკეანის ზედაპირზე აისბერგის მხოლოდ მცირედი ნაწილი ჩანს; ძირითადი მასა, ანუ სტივით გაჯერებული და, ხშირად, გაუცნობიერებელი სტერეოტიპები, წყალქვეშა დამალული. ანუ გენდერული ძალადობის ისტორიულ-კულტურული და ფსიქოლოგიური მიზეზები „წყლის“ სიღრმეში უნდა ვეძიოთ. ამ იდუმალ ნაწილზე მოგვიანებით ვისაუბრებთ. უკუნ სიღრმეებში ჩაყვინთვამდე ჯობს ჯერ ხილული ნაწილი „დავათვალიეროთ“.

UNODC-ის (გაეროს ნარკოტიკებისა და დანაშაულთა სამმართველო) მონაცემებით, 2017 წელს გენდერული მოტივაციის საფუძველზე 87 ათასამდე ქალი გამოასალმეს სიცოცხლეს. ყველაზე მეტი ფაქტი დაფიქსირდა **აზიაში** - თითქმის 20 ათასი, **აფრიკაში** პარტნიორებისა და ნათესავების მხრიდან ძალადობას 19 ათასი ქალი შეეწირა, **ამერიკაში** - რვა ათასი, **ევროპაში** - სამი ათასი, ხოლო **ოკეანეთში** - 800. მკვლელობის მიზეზი, ხშირ შემთხვევაში, მეუღლის, ან პარტნიორის მხრიდან ეჭვიანობა, ან მიტოვების შიში ხდება.

ქალთა გენდერული ნიშნით მკვლელობა ყოფილი, ან „მოქმედი“ პარტნიორების მიერ საქართველოშიც გახშირდა. 2018 წლამდე, სპეციალური საკანონმდებლო ნორმის უქონლობის გამო, ფემიციდის ფაქტებს არ ანიჭებდნენ გენდერულად მოტივირებული დანაშაულის კვალიფიკაციას. **საქართველოს სახალხო დამცველის ანგარიშის თანახმად**, 2014 წელს, 2013 წელთან შედარებით, 62%-ით მეტი ქალი იქნა მოკლული. მათ შორის გენდერული მოტივით - 57%-ით მეტი. ანგარიშში ნათქვამია: „ქალთა მკვლელობებისა და მკვლელობის მცდელობათა რაოდენობრივი მაჩვენებლების შეჯამებით გამოიკვეთა, რომ შემთხვევათა უმრავლესობა ჩადენილია პარტნიორის, ყოფილი პარტნიორის, ან პირის მიერ, რომელსაც უარი ეთქვა პარტნიორულ ურთიერთობაზე“ (**„ქალთა უფლებრივი მდგომარეობა და გენდერული თანასწორობა“**, საქართველოს სახალხო დამცველი, 2015).

მხოლოდ ციფრები: ბოლო წლებში საქართველოში, საშუალოდ, ფემიციდის 14 შემთხვევა ფიქსირდება. 2010 წელს ერთი ასეთი ფაქტი დაფიქსირდა; 2011 წელს – სამი, 2012 – რვა, 2013 – შვიდი, 2014 – პირველი ხუთი თვის მონაცემთა თანახმად – ხუთი; 2015 წელს მოკლეს 18 ქალი; 2016 წელს - 32; 2017 წელს - 26, 2018 – 22. 2019 წელს ათი თვის განმავლობაში გენდერული ნიშნით 16 ქალი გამოასალმეს სიცოცხლეს.

ოცი წლის წინათ

„მოგმართავთ უდემდამოდ დარჩენილი ბავშვები, რომლებსაც დედა მამამ მოგვიკლა. თქვენი გაზეთის ფურცლებიდან გვინდა მივმართოთ მამას, რომელმაც საკუთარი ცოლი არ დაინდო:

დედამ ყმანვილქალობა შენ შეგალია. შენ კი ვერ დაათვასე მისი სიკეთე, ცამეტი წელი ტანჯე სრულებით დაუმსახურებლად. არც ჩვენ გვინდობდი; გვანამებდი, ჩხუბობდი, გვაგინებდი, გვცემდი. ბევრჯერ ვთხოვა საბრალო დედამ კონზე მოსულიყავი, მაგრამ ამაოდ... მაინც ითმენდა, არ უნდოდა უმამოდ ვავზრდილიყავით, თუკი შეიძლება მამა ეწოდოს შენნაირ ბოროტ ადამიანს...ბოლოს ვედარ ვაგიძლო და საბოლოოდ დავტოვეთ. შენ კი საბრალო დედიკოს ქუჩაში დახვდი და როდესაც შერიგებაზე უარი მიიღე, ექვსი ტყვიით დაცხრილე... შენ ისეთი ბოროტი ხარ, რომ დედა ჩვენთვისაც კი არ გემეტებოდა. მაინც ვის იმედზე დავტოვე? დედიკოს გაუბედურებული მშობლების იმედზე? მათ ხომ შეეძლოთ უარი ეთქვათ თავისი შვილის მკვლელის შვილების ვაზრდაზე? მაშინ ხომ ქუჩაში ვრჩებოდით! რას აპირებ, ციხიდან რომ გამოხვალ? ვინ დავხვდება - ცოლი, თუ შვილები?! ჩვენ აღარასოდეს მივიღებთ. სრული ასაკის მიღწევისთანავე შენს გვარსაც მოვისპობთ და დედიკოს გვარს ვატარებთ...“

ეს ტკივილით გაჯერებული წერილი „ქალთა გაზეთის“ რედაქციაში 1996 წელს მოვიდა. პუბლიკაციის მომზადება თქვენს მონა-მორჩილს დაავალეს და ეს იყო უმძიმესი დავალება, რაც კი ოდესმე მიმიღია. შედეგად დაინერა სტატია „**მკვლე-ლი**“, რომელიც ზემოთმოყვანილი წერილით იწყება.

ტრაგედია **1995 წლის 5 მარტს** დატრიალდა. **საპატრულო-საგუშაგო პოლიციის ინსპექტორმა დავით ჯ-მ**, დღისით-მზისით, თავზარდაცემული ხალხის თვალწინ, სატაბელო იარაღით მოკლა ყოფილი მეუღლე, თავისი სამი შვილის დედა – **ცისანა ც.** შემაძრწუნებელი დანაშაული მრავალწლიანი ძალადობის „დაგვირგვინებად“ იქცა. **დავით ჯ-მ** მოიტაცა **ცისანა ც**, როდესაც გოგონა მხოლოდ 16 წლის იყო. მსხვერპლის მშობლები მოერიდნენ „ოჯახის შერცხვენას“ და გოგონა იძულებული გახდა მოძალადის ოჯახში დარჩენილიყო. თავიდან დავითი საქვეყნოდ არ ავლენდა ხასიათს, სამაგიეროდ სახლში ცოლს შავ ღღეს აყრიდა. ცისანას ნათესავი ახალდაქორწინებულებთან ერთად ცხოვრობდა და არაერთხელ გამხდარა დავითის სასტიკი საქციელის მოწმე. თავის ოთახშიც ხშირად ესმოდა ცისანას ტირილი. ერთხელ ამაზრუნე ფაქტს შეესწრო: კაცმა ცოლი ცივი წყლით საფეხ აბაზანაში ჩაავლო და ამოსვლის უფლებას არ აძლევდა; მის ხვეწნა-მუდარაზე კი შემოილივით ხარხარებდა. ამკარა იყო, რომ ნეტარებას ჰგვრიდა ქალის წვალე-ბა. ცისანა ამ მომენტში პირველ ბავშვზე იყო ფეხმძიმედ. ერთხელაც დავითმა საკუთარ დას დაუნყო ჩხუბი - რატომ ვალს არ მიბრუნებო. ცისანა მულს გამოესარჩლა

და სახეში მუშტი მიიღო. არც შვილის დაბადებამ შეცვალა მამაკაცის სადისტური ბუნება; პირიქით, სიტუაცია იმდენად აუტანელი გახდა, რომ ქალმა თავისი გასაჭირი დედას გაანდო და სთხოვა - სახლში დავბრუნდებიო. საუბედუროდ, დედამ ვერ დაძლია სტიგმური წარმოდგენები და ოჯახის შენარჩუნება ურჩია. ამასობაში კიდევ ორი შვილი შეეძინათ. ცისანა დედას აღარაფერს ეუბნებოდა და შვილებსაც არიგებდა - ბებიასთან არაფერი წამოგცდეთ, ტყუილად არ ანერვიულოთო. ამით გათამამებულმა მამაკაცმა სულ „გამალა ფრთები“; ერთხელაც ცოლი ისე სცემა, რომ ძლივს მოასულიერეს და ცალ თვალში მხედველობა დაკარგა. საბოლოოდ, ქალმა ძალა მოიკრიბა, ბავშვებს ხელი დაავლო და მშობლებთან დაბრუნდა. ფინალი მკითხველისთვის უკვე ცნობილია: დავითი არ შეეპუა ცოლის „ურჩობას“ და სიცოცხლე მოუსწრაფა.

საინტერესო დეტალი: სასამართლოზე მკვლელი გულმოდგინედ ცდილობდა მის მიერ მხეცურად მოკლული ქალის რეპუტაციის შებლაღვას - სხვა ვაცთან ჩახუტებული დავინახე და მისი ამორალური საქციელი ვერ ავიტანეო. საქმის მასალებში მონშეთა ჩვენებებს გულდასმით გავეცანი; ამდენად სრული პასუხისმგებლობით ვამბობ - დამნაშავე უსინდისოდ ტყუოდა. საუბედუროდ, მსხვერპლისთვის ტალახის შესხმა დღესაც „თავის გამართლების“ ძალზე გაფრცელებული პრაქტიკაა.

მკვლელობის საქმის მასალების შესწავლისას აშკარად დავინახე, რომ პროცესში ჩართული ყველა ოფიციალური პირი ბოროტმოქმედისთვის ბრალის შემსუბუქებას ცდილობდა. ბრალდებულის ადვოკატი კბილებით იბრძოდა რომ მისთვის 106-ე მუხლი წაეყენებინათ (**განზრახ მკვლელობა მსხვერპლის მხრიდან შეურაცხყოფის, ან ძალადობის ნიადაგზე**). მაინც რა შეურაცხყოფა მიაყენა ქალმა დავით ჯ-ს, ან რა ძალადობა ჩაიდინა მის მიმართ? თურმე ნუ იტყვიო და, როცა ქუჩაში ხალხის თვალწინ თმით მიათრევდა, დამპალი უწოდა და ეს მკვლელობის შემამსუბუქებელი გარემოება ყოფილა! უფრო მეტიც: ამნისტიის შესახებ კანონის საფუძველზე ადვოკატმა საქმის შეწყვეტა მოითხოვა. მოსამართლემ არ დააკმაყოფილა ეს აბსურდული მოთხოვნა, სამაგიეროდ, წარმოუდგენელი „შემამსუბუქებელი გარემოება“ გამოაცხო: თურმე ბრალდებული საზოგადოებრივად სასარგებლო შრომით ყოფილა დაკავებული და ამიტომ ლმობიერებას იმსახურებდა! საბოლოოდ, „საზოგადოებრივად სასარგებლო მკვლელს“ 105-ე მუხლით (**განზრახ მკვლელობა დამამძიმებელი გარემოებების გარეშე**) მიუსაჯა სასჯელი, თან ორი წლითაც შეუმსუბუქა. სხვათა შორის, დაზარალებული მხარის ადვოკატი თავის შეფასებებსა და მოთხოვნებში ფრიად მოკრძალებული აღმოჩნდა. მასალის მომზადების პროცესში გავესაუბრე და გაოგნებული დავრჩი მისი უპასუხისმგებლობით და საქმისადმი გულგრილობით.

ცნობისთვის: სასამართლო ექსპერტიზის თანახმად დავით ჯ. შეურაცხადი იყო, თუმცა ფსიქოპათიური გადახრები დაუდგინდა. გასაოცარია, რომ ასეთი აღამიანი წლებების მანძილზე მსახურობდა პოლიციაში და სატაბელო იარაღს ატარებდა.

ოცი წლის შემდეგ

2014 წლის ზაფხულში მთელი საქართველო შეძრა შემაძრუნებელმა ტრაგედია: ზესტაფონის ცენტრალურ პარკში **პოლიციის თანამშრომელმა სერგი ს-მ** მოკლა ყოფილი მეუღლე – თავისი ვაჟიშვილის დედა, ოცდაორი წლის **სალომე ჯ.** მკვლელობის მოტივი ეჭვიანობა გახდა. სალომე ჯ. უნივერსიტეტის უცხო ენების ფაკულტეტზე სწავლობდა და ფოტომოდელირებითაც ყოფილა გატაცებული. მეუღლე დაჟინებით ცდილობდა მასთან შერიგებას და უარი ვერ „მოიხელა“. **ქუთაისის საქალაქო სასამართლოს** გადაწყვეტილებით სერგი ს-ს თერთმეტი წლით თავისუფლების აღკვეთა მიესაჯა.

სალომე ჯ-სა და ცისანა ც-ს ტრაგედიაში ბევრი რამეა საერთო. ორივე პოლიციის თანამშრომელმა მოიტაცა დაქორწინების მიზნით; ორივემ ვეღარ გაუძლო მეუღლის „მზრუნველობას“ და წერტილის დასმა გადაწყვიტა, ორივე შემთხვევაში მოძალადემ „შელახული ღირსება“ ტყვიით „აღიდგინა“. თუმცა არსებითი განსხვავებებიც არსებობს: 1995 წელს საქართველოში პერსონალური კომპიუტერი ჯერ იშვიათობა იყო და არც სოციალური ქსელები არსებობდა; ამდენად ცისანა ც-ს ტრაგედია ფართო საზოგადოებისთვის უცნობი დარჩა. სამაგიეროდ, სალომე ჯ-ს საქმე საყოველთაო განსჯა-განქიქების საგანი გახდა: „ეგ გოგო წმინდა წყლის არ იქნებოდა, ალბათ უღალატა და კაცი მაგას როგორ მოითმენდაო“ და ა.შ. საზოგადოების ნაწილი სერგი ს-ს გამართლებასაც კი შეეცადა - სანყალი, ალბათ, როგორ იტანჯებოდა, როგორ ყვარებია ცოლი ამ ზომამდე რომ მივიდაო. ფეისბუკში ფემიციდის ფაქტებზე დადებული სტატუსების ქვეშ უამრავ ასეთ „სიბრძნეს“ იხილავთ. საუბედუროდ, მოძალადის დაცვა და მსხვერპლის დადანაშაულება ჩვენში ძალიან „მოსულა“. ამის მაგალითი იყო, თუნდაც, **2019 წლის ოქტომბერში მოკლული ნათია გ-ის** ყოფილი მულის განცხადება - ქმარი ამ ზომამდე თვითონ მიიყვანაო.

მკვლელობამდე სალომე ჯ-მ არაერთხელ მიმართა სამართალდამცავ ორგანოებს თხოვნით - დაეცვათ ქმრის ძალადობისგან, მაგრამ მისი მიმართვები რეაგირების გარეშე დარჩა; სახელმწიფომ, ფაქტობრივად, ხელი დაიბანა და ამით მოძალადეს მწვანე შუქი აუნთო. ეს სულაც არ არის ერთეული შემთხვევა. სახალხო დამცველი თავის გამოსვლებში აღნიშნავს, რომ სამართალდამცავნი მოსალოდნელი საფრთხის შესახებ ინფორმირებულნი არიან, მაგრამ, რიგ შემთხვევებში, ვერ ახერხებენ (?) მის პრევენციას. **სააპელაციო სასამართლომ 2017 წლის 11 იანვარის გადაწყვეტილებით სალომე ჯ-ს** ტრაგედიაში დამნაშავედ სახელმწიფო სცნო. **შს-ს** და **მთავარ პროკურატურას** სალომეს დედისთვის მორალური ზიანის ანაზღაურება დააკისრეს. ეს ინფორმაცია გაავრცელა **ახალგაზრდა იურისტთა ასოციაციამ**, რომელიც დაზარალებულის ოჯახის ინტერესებს იცავდა. სასამართლომ დაადგინა, რომ შესაბამისმა სტრუქტურებმა სალომეს მოთხოვნა უყურადღებოდ დატოვეს და კანონით გათვალისწინებული ღონისძიებები არ

გაატარეს, რამაც მოძალადეს ირიბად უბიძგა მკვლელობისკენ; სწორედ ამიტომ გოგონას სიკვდილზე პასუხისმგებლობა სახელმწიფოს დაეკისრა. ძალზე დამაფიქრებელია, რომ **პროკურატურამ** და **შსს-მ** პირველი ინსტანციის მართლბომიერი გადაწყვეტილება გაასაჩივრეს, თუმცა პასუხისმგებლობა მაინც ვერ აირიდეს. ამ ინსტანციებს ამჟამად თავი დამნაშავედ არც მიაჩნდათ, რაც ახალი რისკების თვალსაზრისით ძალზე დამაფიქრებელია.

„ფეფექტიანობის აუდიტის ანგარიშის“ თანახმად: „2013 წელთან შედარებით, 2017 წელს მკვლელობების 18%-ით შემცირების ფონზე ოჯახში ძალადობის ნიადაგზე ჩადენილი მკვლელობების რაოდენობა 3-ჯერ გაიზარდა (ზრდის გამოწვევი მიზეზები უცნობია). 2017 წელს რეგისტრირებული მკვლელობის 25% (ყოველი მეოთხე) ჩადენილია ოჯახური დანაშაულის შედეგად, ხოლო დანაშაულებრივად გარდაცვლილ ქალთა 50% (ყოველი მეორე) მოკლულია ოჯახში ძალადობის ნიადაგზე. აღნიშნულიდან გამომდინარე, ოჯახში ძალადობის წინააღმდეგ ბრძოლა მთავრობისთვის და შინაგან საქმეთა სამინისტროსთვის ერთ-ერთი პრიორიტეტული საკითხია“ (#26/36, 08.02.2019.)

არსებობს პრობლემა? საჭიროა კანონი!

როგორც წესი, ფემიციდი მსხვერპლზე განხორციელებული წინარე ძალადობის „დაგვირგვინებაა“. აქედან გამომდინარე, ფემიციდის პრევენციის უპირველესი მეთოდად ძალადობის პრევენცია უნდა ვალიაროთ. **2014 წლის ნოემბერში**, ფემიციდის საკითხებს მიძღვნილ კონფერენციაზე, **შსს მინისტრის მოადგილემ ლევან იზორიამ** ძალადობის პრევენციის ეროვნული სტრატეგიის პროექტის შექმნა დააანონსა. ძალზე საგულისხმოა, რომ ტექსტში არ შევიდა „ფემიციდი“ (ქალთა მკვლელობის) ცნება. **ბატონ იზორიას** განმარტებით, პროექტის ავტორებმა მიიჩნიეს, რომ საქართველოს კანონმდებლობაში არსებობდა ნორმები, რომლებიც „ფარავდნენ“ ფემიციდის ფენომენს. იმ კონფერენციაზე მეც გახლდით და დავინტერესდი რომელ ნორმებზე იყო საუბარი; აღმოჩნდა, რომ სექსუალურ ნიადაგზე ჩადენილი მკვლელობა ჰქონდა მხედველობაში. პასუხმა გამაოგნა! კონფერენციაზე ფემიციდის ოცდაოთხი გაუღერებელი ფაქტიდან არც ერთი სექსუალურ ნიადაგზე არ ყოფილა ჩადენილი. გენდერი სექსზე ბევრად უფრო ფართო ცნებაა. აქედან გამომდინარე, სრულებითაც არ არის აუცილებელი, რომ გენდერული ნიშნით ჩადენილი მკვლელობა მაინცდამაინც სექსუალურ ნიადაგზე მოხდეს.

2014 წელს ილიას სახელობის უნივერსიტეტში ყოფილმა ქმარმა პროფესორი **მარიკა წ.** გამოასალმა სიცოცხლეს და მერე თავი მოიკლა. **კავშირ „საფარის“ აღმასრულებელი დირექტორის ბაია პატარიას** სიტყვით, ეს იყო ბოლო წვეთი, რომელმაც საზოგადოებაში დიდი შეშფოთება გამოიწვია:

- გაიმართა ძალიან დიდი შეხვედრა, რომელსაც ორ-



მოცდაათამდე სხვადასხვა ასაკის ქალი ესწრებოდა. ეს არ ყოფილან მხოლოდ ფემინისტები, ან არასამთავრობო სექტორში მოღვაწე ქალები. შეიკრიბა საკმაოდ ჭრელი საზოგადოება, რომელიც ამ საკითხზე მუშაობის სურვილმა გააერთიანა. ინიციატივას დაერქვა „ქალთა მოძრაობა“. ფეისბუქში გვერდიც გვაქვს, რომელიც დღეს უკვე ოთხი ათასამდე ქალს აერთიანებს. **2014 წლის 25 ნოემბრიდან**, მთელი საქართველოს მასშტაბით, ოცდახუთ ქალაქში გენდერული ძალადობის საწინააღმდეგო **16-დღიანი კამპანია** მოეწყო. ორი კვირის განმავლობაში ტელევიზიით გადაიყვმოდა ფემიცილის პრობლემას მიძღვნილი ვიდეორგოლები. პარლამენტის შენობასთან საპროტესტოდ უპრეცედენტოდ ბევრი ხალხი გამოვიდა. ვითხოვდით **სისხლის სამართლის კოდექსში** ფემიცილის საწინააღმდეგო მუხლის შეტანას. ამას მოჰყვა დიდი გამოხმაურება და შსს-ს წარმომადგენლები ჩვენთან სალაპარაკოდ დასხდნენ. **2018 წელს კი განზრახ მკვლელობის მუხლში** შევიდა ცვლილება, რომლის თანახმად, **გენდერული მოტივი დამამძიმებელი გარემოებაა და ასეთი დანაშაული 17 წლამდე თავისუფლების აღკვეთით ისჯება.**


პარალელი: 2014 წლისთვის ლათინური ამერიკის თექვსმეტი ქვეყნის სისხლის სამართლის კოდექსში ფემიცილის ცნება უკვე ფიგურირებდა. 2015 წელს იგივე გააკეთეს ბრაზილიამ და კოლუმბიამ. ბრაზილიის კანონმდებლობის თანახმად, ფეხმძიმე, ან შეზღუდული შესაძლებლობის, აგრეთვე 14 წელზე უმცროსი, ან 60 წელზე ხანდაზმული ქალის გენდერული ნიშნით მკვლელობისთვის სასჯელი კიდევ უფრო მძიმდება.

მამაკაცები ქალებზე ძალადობის წინააღმდეგ

1989 წლის 6 დეკემბერს ავტომატით შეიარაღებული ახალგაზრდა მამაკაცი **მარკ ლეზინი მონრეალის პოლიტექნიკური სკოლის** აუდიტორიაში შეიჭრა, აიძულა იქ მყოფი ყმაწვილები გარეთ გასულიყვნენ და სტუდენტი გოგონები ამოხოცა. ამის შემდეგ სხვა სართულებზეც კიდევ რამდენიმე გოგონას გაუსწორდა და ბოლოს თავი მოიკლა. რას ერჩოდა ტვინნაღრძობი ფსიქოპათი მისთვის სრულებით უცნობ ადამიანებს? როგორც გაირკვა, ეს იყო „გათავხედებული ქალების“ დასჯის აქტი. ლეზინს სძულდა ყველა „მატრაკვეცა ძუკნა“, რომელიც „მამაკაცურ პროფესიას“ ეუფლებოდა. თავად რამდენიმე მცდელობის შემდეგაც ვერ მოახერხა იმავე სკოლაში ჩაბარება და განსაკუთრებით ამაზე იყო გამწარებული. ხელმოცარული კაცუნას თვალში გოგონები არასწორად გაგებული ფემინიზმის სიმბოლოებად იქცნენ. სწორედ ამიტომ გაუსწორდა ასე სასტიკად. აქვე უნდა აღინიშნოს, რომ არც ერთი მოკლული გოგონა არ ყოფილა ფემინისტური მოძრაობის წევრი. ამ მხეცურმა აქტმა კანადის მთელი საზოგადოება ფეხზე დააყენა. ქუჩაში აქციაზე ასი ათასამდე განრისხებული მამაკაცი გამოვიდა, რომლებსაც მკერდზე ქალებზე ძალადობის წინააღმდეგ პროტესტის სიმბოლო - თეთრი ლენტის ჰქონდათ მიმაგრებული. **1991 წლისთვის** ჩამოყალიბდა „**თეთრი ლენტის**“ **საერთაშორისო მოძრაობა**, რომელმაც შეითავსა უსაფრთხო დედობის დაცვა, სამართალდამცავ

ორგანოთა და არჩევნების სინდინდისტოვის ბრძოლა და ა.შ.

რაც შეეხება ქართველ მამაკაცებს, მათი უმრავლესობა ფემინიზმს დღესაც ოლიგოზურ მოვლენად აღიქვამს, ხოლო „თეთრ ლენტზე“ არაფერი სმენია და მსგავსი საკითხები არც აინტერესებს. მიუხედავად ამისა, აღნიშნული მოძრაობის და ფემინიზმის გულშემატკივარნი საქართველოშიც არსებობენ. **2002 წელს** ამ საკითხზე **მხატვარ ვია ბულაძეს** ვესაუბრე:



„ფემინიზმი კაცობრიობის განვითარების ლოგიკური შედეგია და ნიშნავს საზოგადოებრივ ცხოვრებაში ქალის აქტიური პოზიციის მხარდაჭერას, რასაც მივესალმები. ხშირად მინევს ურთიერთობა ახალგაზრდებთან და უნდა ვაღიარო, რომ ბიჭებში უფრო ხშირია ამბიციის, ხოლო გოგონებში - ცნობისწადილი. ძალზე საწყენი იქნება, თუ ამ პოტენციას უხეში ძალა ჩაკლავს. **პირადად მე „თეთრი ლენტის“ პირველი კავალერი ვარ ამიერკავკასიაში.** ჩემთვის მიუღებელია ქალზე რაიმე ძალადობა. გონიერი და განათლებული ქალი შიშს მხოლოდ გაუნათლებელ, უნებისყოფო და ლაჩარ მამაკაცებში აღძრავს. სამუხაროდ, მამაკაცების მიერ მოწყობილ გარემოში ჭკვიანი ქალი არაჭანსად მოვლენად მიიჩნევა. ფემინისტი - მიუხედავად...“

„მეც ფემინისტი ვარ!“ განმიცხადა **2008 წელს** ჩანერილ ინტერვიუში **„ფონდ ტასოს“ თანადამფუძნებელმა და თანამშრომელმა დავით გაბუნია:**

- დაუსვით კითხვა ნებისმიერ ანტიფემინისტს: რა არის ფემინიზმი? გარკვევით ვერაფერს გიპასუხებს. არასამთავრობო სექტორის ბევრი წარმომადგენელიც კი დიპლომატიურად აცხადებს - ფემინიზმთან საერთო არაფერი მაქვს, გენდერისტი ვარო. მათ, უბრალოდ, არაფერი იციან არც ფემინიზმზე და არც გენდერისტიკაზე. აუცილებელია, რომ გენდერი უმაღლესი განათლების სისტემაში შესასწავლი საგანი იყოს. ისიც უნდა ვთქვა, რომ ყველაზე თავგადაკლული ანტიფემინისტები ხანდახან სწორედ ქალები არიან. ზოგჯერ უბრალო არაინფორმირებულობის ამბავია, მაგრამ, რიგ შემთხვევებში, სხვა მიზეზებიც არსებობს. მაგალითად, კონკურენციის ფაქტორი. გრანტის მიღება საკმაოდ რთულია. ფემინისტური ინიციატივები კი ხშირად იღებენ დაფინანსებას დონორებისგან. სწორედ ამიტომ ახალი სახეები ახალი კონკურენტების გამოჩენას ნიშნავს. ჰოდა, იქმნება პარადოქსული სიტუაცია: ქალების აქტივიზმი თავად ქალებში იწვევს უკუერეცხვას. ფემინიზმი ხომ, ფაქტობრივად, ქალთა აქტივიზმის საფუძველია!

კორექტულად მოაზროვნე მამაკაცი არასამთავრობო სექტორში სხვაც მინახავს, მაგრამ უფრო მნიშვნელოვანია, თუ მთლიანად საქართველოშიც იმრავლებენ „თეთრი ლენტის“ კავალრები და ფემინისტი მამაკაცები. განსაკუთრებით - სამართალდამცავ ორგანოებსა და გადამწყვეტილების მიმღებ სტრუქტურებში (ეს ჯერჯერობით ფანტასტიკის სფეროა!). არანაკლებ მნიშვნელოვანია, გენდერისა და ფემინიზმის საფუძვლების ცოდნა მოსახლეობის ფართო ფენებისთვის გახდეს ხელმისაწვდომი. მაშინ აღარ მოვისმენთ უკბილო ხუმრობას, რომ ქალთა მოძრაობა სექსმოკლური და გრანტებს დანატრებული მდებარების სერობაა.

ბოლო წლებში გენდერულ აქტივიზმში ჩართვა მამაკაცებმაც დაიწყო. **2014 წლის 21 ოქტომბერს საქართველოს კანცელარიის** წინ აქცია-პერფორმანსი შედგა,

რომლის ინიციატორი **აქტივისტი სოფო კილასონია** იყო. აქციის საბაზად ფემიციდის ფაქტებზე გახშირება იქცა. მონაწილეებმა პროტესტი სამზარეულოს ქვაბების და ტაფების რახუნით გამოხატეს. ეს იყო სიმბოლური მინიშნება იმ ჩაკეტილ სამყაროზე, რომელშიც საზოგადოებრივმა სტიგმამ გამოკეტა ქალები და რომლისგან თავის დაღწევა, რიგ შემთხვევებში, სიცოცხლის ფასად უკდებათ. სამწუხაროდ, აქციაზე სულ 200 თუ 300 ადამიანი მოვიდა - ძირითადად, გოგონები და ახალგაზრდა ქალები. აქა-იქ ახალგაზრდა მამაკაცთა სახეებსაც დალანდავდით.

აი, რა მითხრა აქციის მონაწილემ, საშუალო **სკოლის მოსწავლემ ნოდარ რუხაძემ**, რომელსაც ხელში ეჭირა პლაკატი წარწერით: „გაგვაგონეთ ქალთა ხმა!“:

- როგორც ხედავთ, მამაკაცები აქციაზე ცოტანი ვართ. ალბათ შეეშინდათ პოზიციის დაფიქსირება, ან, უბრალოდ დაეზარათ მოსვლა და ცოტა ხნით მაინც გაჩერება. მე კი არ შემეძლო არ მოვსულიყავი. მამაკაცები ვალდებულნი ვართ ამ ბრძოლაში ქალების გვერდით დავდგეთ. მართო გამარჯვება გაუჭირდებათ; თანაც, ნახონ, რომ ყველა მამაკაცი მოძალადე და მკვლელი არ არის. რითი განსხვავდებიან თანამედროვე მოძალადენი თუნდაც ვარსქენ პიტიასხისგან?! არც არაფრით! მოძველებული წარმოდგენები, „ქალი - კუნძაში!“ და ა.შ. ისტორიას უნდა ჩაბარდეს. მაშინებს თუ არა ძლიერი ქალი? რატომ უნდა მაშინებდეს? მათი მხოლოდ სუსტ და მხდალ მამაკაცებს ეშინიათ. რამდენი ქალბატონი მუხლჩაუხრელად შრომობს თავისი ოჯახის გადასარჩენად! ისინი უდიდეს პატივისცემას იმსახურებენ. ნამდვილი ქალი სწორედაც რომ ძლიერი, დამოუკიდებელი და მშვენიერი უნდა იყოს. ყველა ქალი ამისკენ უნდა მიისწრაფოდეს. სამწუხაროდ, ზოგიერთ გოგონას წარმოდგენაც არ აქვს, რა არის ძლიერი ქალი და როგორ უნდა გახდეს ასეთი. ამას განათლების ნაკლებობით და ეკლესიის გავლენით ავხსნიდი. სწორედ ეკლესიის და არა რელიგიის. სახელმწიფო, ეკლესია და ოჯახი ყველაზე მეტად სწორედ ქალს „პრესავენ“. ეკლესიის მსახურნი პირდაპირი ტექსტით მოუწოდებენ ქალებს მორჩილებისკენ და მათ ხშირად უჭირთ ამ ზეგავლენისთვის წინააღმდეგობის გაწევა. დროა ცხოვრების წესი შევცვალოთ. ამას ახალგაზრდობაზე უკეთესად ვერავინ გააკეთებს.

საინტერესო დეტალი: აქციაზე უფროსი ასაკის მამაკაცები არსად ჩანდნენ; ნაშრომის ავტორის აზრით, ეს უფრო კანონზომიერება იყო, ვიდრე შემთხვევითობა.

2014 წლის 25 ნოემბერს, გენდერული ძალადობის წინააღმდეგ 16-დღიანი აქციის ფორმატში, თბილისში პარლამენტის შენობის წინ გაიმართა საპროტესტო აქცია ქალებზე ძალადობის წინააღმდეგ. საზოგადოება შეძრა ქალთა მკვლელობის გახშირებამ, მაგრამ აქციის საბაზი მხოლოდ ეს არ იყო: **1999 წელს გაეროს გენერალურმა ასამბლეამ 25 ნოემბერი ქალებზე ძალადობასთან ბრძოლის საერთაშორისო დღედ გამოაცხადა**. პირქუში და წვიმიანი 25 ნოემბერი გავვითონდა, მაგრამ ქალთა ორგანიზაციების მიერ მომზადებული აქციები მაინც ჩატარდა. „ქალებზე ძალადობა დანაშაულია!“, „შევაჩეროთ ქალებზე ძალადობა!“ - ეს იყო ამ ღონისძიებათა მთავარი გზავნილი. აქციებზე საზოგადოებას გააცნეს მიმართვის ტექსტი ფემიციდის აღმოფხვრის მოწოდებით. თბილისში ჩატარებულ აქციაზე ხალხის წინაშე წარსდგა ოჯახში ძალადობის ერთ-ერთი მსხვერპლის, **გიტა უ-ს** დედა. გიტამ დამცირება-შეურაცხყოფას ველარ გაუძლო და სიცოცხლე

მოისწრაფა. სულისშემძვრელი იყო დედის მწარე გოდება: „თხუთმეტი წლის წა-
მართვეს, მომტაცეს ჩემი ანგელოზი და ხუთი წლის შემდეგ მკვდარი დამიბრუნეს...“
ამ ტრაგედიაში ფემიცილის გარდა სხვა გენდერული დატვირთვის პრობლემებიც
გამოიკვეთა: მოტაცებას, სექსუალურ ძალადობას და არასრულწლოვანზე დაქორ-
წინებას ვგულისხმობ. კორექტული გენდერული ცნობიერების დანერგვის გარეშე
ვერც ერთის მოგვარება ვერ მოხერხდება.

ამჯერად აქციაზე უამრავი ახალგაზრდა მამაკაცი ვიხილეთ. განსაკუთრებით და-
მაინტერესა ყმაწვილმა, რომელსაც ეჭირა ბანერი წარწერით: „ნამდვილი ვაჟკაცი
ქალზე არ ძალადობს!“. ეს გახლდათ **„ახალგაზრდული ცენტრის“ წარმომადგე-
ნელი გიორგი ნიქაბაძე:**

– მინდა პურნალისტების დახმარებით ეს სიტყვები მთელმა საქართველომ და
მსოფლიომაც გაიგოს. ნამდვილი ქართველი ვაჟკაცი არასოდეს შეურაცხჰყოფს
ქალს. მით უმეტეს, არასოდეს იძალადებს მასზე; იმიტომ, რომ მასში მანდილოსანს
აფასებს. თუ საჭიროა, მისი კეთილდღეობისათვის სიცოცხლესაც კი განირავს. ბა-
ნერზე მინერია „ქართველი ვაჟკაცი“, რაც სავსებით შეგნებულად გავაკეთე. ბოლო
ხანს ქართველი ვაჟკაცის ფენომენი გაკვივდა-ირონიის ობიექტად იქცა. ასეთი გა-
დაცემაც კი არსებობს. სწორედ ამიტომ მინდა ხაზი გავუსვა, რომ ნამდვილი ქარ-
თველი ვაჟკაცი ქალს უღირსად არასოდეს ექცევა. პირიქით: ყოველთვის იცავს
და აფასებს...

– *იცავს და აფასებს როგორც სუსტს და უმწეოს, თუ როგორც თანასწორს და
ძლიერს?*

– ცხადია, როგორც თანასწორს და ძლიერს. დღეს აქ ქალთა დასაცავად მო-
ვედი. მაგრამ ასევე ვაპროტესტებ ნამდვილი მამაკაცურობის დისკრედიტაციას. მა-
მაკაცური – ეს არ ნიშნავს უხეშს და აგრესიულს. ბევრს ჰგონია, რომ ვაჟკაცობა
არის ბილნსიტყვაობა, სუსტის დაჩაგვრა, ოჯახში უფროსობისკენ სწრაფვა, ცოლზე
ძალადობა და ა.შ. განა ასეთი იყვნენ ქართველი კაცები ორიოდე საუკუნის წინ?

– *სწორედ ასეთია ტარიელ მკლავაძე ეგნატე ნინოშვილის „ჩვენი დროის რა-
ინდიდან“ – უხეში, თავხედი და სასტიკი. მისი სახე „ვაჟკაცის“ ცნების „დეფალეაციას“
ასახავს. განა ეს არ ამტკიცებს, რომ აღნიშნული პრობლემა მაშინაც იდგა?*

– გეთანხმებით. ცუდია, რომ ნამდვილი მამაკაცურობის დაკნინების პრობლე-
მაზე მუშაობა მაშინვე არ დაიწყეს. მაგრამ ოდესმე ხომ უნდა დავიწყოთ? თუ ახლა
არა, მაშ როდის?! ეს აქცია ჩემთვის მარტო ქალთა უფლებებისთვის ბრძოლა კი
არ არის, არამედ იმის საშუალებაცაა, რომ ქართველ მამაკაცთა ღირსების აღ-
დგენის აუცილებლობა გავახმოვანო!

ჭეშმარიტად თეთრი ლენტის კავალერის ღირსი განაცხადია. მამაკაცის მკერ-
დზე თეთრი ლენტი იმის მიმანიშნებელია, რომ ის არა მარტო გმობს ქალებზე ძა-
ლადობას, არამედ ასეთ სიმახინჯეს თავის გარშემოც არასოდეს დაუშვებს. კიდევ
უფრო მნიშვნელოვანია ლენტთან ასოცირებულმა ფასეულობებმა ღირსეულთა
მკერდიდან ყველა მამაკაცის გულში გადაინაცვლოს და გონებაშიც დაფიქსირდეს.

უჩინარი ფემიცილი

გენდერული მოტივაციით განპირობებული ქალების ხოცვა ხილული ფაქტია. ამას ყველაზე თავგადაკლული მიზოგინიც კი ვერ უარჰყოფს. მაგრამ არსებობს ფემიცილის არანაკლებ სასტიკი, ფარული ფორმა. სელექციური აბორტებს, ანუ მდებრობითი სქესის ნაყოფის მოშორების პრაქტიკას ვგულისხმობ. შთამომავლობის მიზოგინურ სელექციას უძველესი ისტორია აქვს და ადრე კიდევ უფრო არაადამიანური სახე ჰქონდა. უძველეს კულტურებში გავრცელებული მდებრობითი სქესის ჩვილების ხოცვა განსაკუთრებით ხშირად ხდებოდა მოუსავლიან პერიოდებში; ხოცავდნენ მათ, ვინც „ნაკლებად ფასეული“ იყო, ანუ ე.წ. „ზედმეტ მჭამლებს“. ასეთებად კი ძირითადად მდებრობითი სქესის ბავშვები და აგრეთვე მოხუცები მოიაზრებოდნენ.

„ვაჟია, თუ ქალი?“ - ასე ეკითხებდნენ ძველად საქართველოში ბავშვის დაბადების მახარობელს, თან გული უსკდებოდათ: „ღმერთი არ გაუნყრეს, „ქალი“ არ გვიჰასუხოსო“. იგივე შეკითხვა ისმებოდა იმის გასაგებად, წარმატებით დაბოლოვდა რაიმე საქმე, თუ მარცხით; ანუ ყველანაირი სიკეთე და წარმატება სწორედ ძეობასთან იყო ასოცირებული; გოგონას დაბადება ნაკლებად სასურველად, ანუ არაპრესტიჟულად მიიჩნეოდა. ამ მიზოგინურ ინერციას პოზიციები დღესაც არ დაუკარგავს. მამაკაცთა დიდი ნაწილი ვაჟის გაჩენას საკუთარი ღირსების დადასტურებად მიიჩნევს. ქალები, კი, ან ემორჩილებიან ქმრის ნებას, ან თავადაც ვაჟი ურჩევნიან. ძალზე ნიშანდობლივია, რომ საბჭოთა პერიოდში გოგონათა მამებისთვის სახელდახელოდ „გამოაცხეს“ სახუმარო ეპითეტი „ბრაკოდელ!“ („წუნის მკეთებელი“). მიზოგინური სტიგმა საზოგადოებრივ ცნობიერებაში იმდენად ღრმად და ფესვგადგმული, რომ ზოგიერთი წყვილი ხელოვნური განაყოფიერების დროსაც მოითხოვს - აუცილებლად ბიჭი გვინდაო. მეცნიერული თვალსაზრისით ეს შესაძლებელია, მაგრამ, ეთიკური მოსაზრებებიდან გამომდინარე, პაციენტები მტკიცე უარს იღებენ.

სახელმწიფოს ამ საკითხთან დაკავშირებით აქვს ერთმნიშვნელოვანი პოზიცია - სქესი არ შეიძლება იყოს აბორტის გაკეთების მიზეზი. **2014 წელს** აბორტის შესახებ კანონმდებლობაში გაკეთდა ჩანაწერი, რომლის თანახმად სქესის ნიშნით სელექციური აბორტის გაკეთება საერთოდ აიკრძალა. რაც შეეხება ამ კანონის აღსრულების მექანიზმს, აქ საქმე უფრო რთულადაა. თავიდან გამოითქვა მოსაზრება, რომ სქესის დადგენის მიზნით ექოსკოპიის ჩატარება ორსულობის გარკვეულ ვადამდე საერთოდ აკრძალულიყო; მაგრამ ექიმს შეუძლია ნაყოფის სქესი ზეპირადაც უთხრას პაციენტს და ამას ვერავინ გააკონტროლებს. ცალკე პრობლემაა, რომ ფემიცილის მეთორმეტე კვირის შემდეგ აბორტი უაღრესად სახიფათოა; ანუ უჩინარმა ფემიცილმა ათასობით ქალის ჯანმრთელობა და სიცოცხლეც სასწორზე შეაგდო. ისიც საკითხავია, საკუთარი სურვილით გააკეთეს საბედისწერო არჩევანი, თუ ქმრების ნება-სურვილს დაჰყვნენ.

დღესდღეობით სელექციური აბორტის ლეგალურად გაკეთება გამოირიყხე-
ლია. მაგრამ „გვარის გამგრძელებლებს“ დანატრებულნი ამას არაღეგალურა-
დაც „ჩინებულად ახერხებენ“. სწორედ ამიტომაა შეუძლებელი ზუსტი სტატისტიკის
დადგენა. სამაგიეროდ არსებობს „ირიბი“ სტატისტიკური მექანიზმი - ახალშობილ-
თა ბუნებრივი თანაფარდობა სქესის მიხედვით, რაც საქართველოში შესამჩნევად
დარღვეულია.

გაეროს მოსახლეობის ფონდის მიერ ჩატარებული კვლევის თანახმად, დაბადებული გოგონების რიცხვი იმაზე ნაკლებია, ვიდრე თანაფარდობის მიხედვით უნდა იყოს. 90-იანი წლების დასაწყისიდან - 2010 წლამდე საქართველოში დაახლოებით 25 ათასი გოგონა ვერ დაიბადა. თუკი ეს ტენდენცია გაგრძელდა, აღნიშნული რიცხვი 2020 წლისთვის 40 000-მდე, ხოლო 2050 წლისთვის - 80 000-მდე გაიზარდება. ამ თვალსაზრისით, განსაკუთრებით ცუდადაა საქმე კახეთში, ქვემო ქართლში და სამცხე-ჯავახეთში.

გაეროს მოსახლეობის ფონდის შეფასებით, შობადობის მაჩვენებელი 2,2-ჯერ მაღალია იმ ოჯახებში, სადაც ვაჟი არ ჰყავთ. თუ პირველი ორი შვილის სქესი მდებრობითია, სელექციისკენ მიდრეკილება საგრძობლად მატულობს. გამოვლენილი ტენდენცია ერთმნიშვნელოვნად სექსისტურ-მიზოგინურია. სტიგმით შეპყრობილი მშობლები ცდილობენ ნაყოფის სქესი ფეხმძიმობის რაც შეიძლება აღრეულ ფაზაში დაადგინონ; და თუ ის არასასურველი აღმოჩნდა, სასიკვდილო „განაჩენი“ არ დააყოვნებს. გვარის გამგრძელებელთა სურვილით შეპყრობილებს როგორღაც ავიწყდებათ, რომ, მოქმედი კანონმდებლობის თანახმად, დღეს გვარის გაგრძელება გოგონასაც შეუძლია; ნამდვილად არ ღირს რაღაც დრომოჭმული წესისთვის შვილის შეწირვა. სელექციის პროცესის გაკონტროლება საძნელთაა, ამიტომ ადმინისტრაციული აკრძალვაც - ნაკლებად ეფექტიანი, ვინაიდან ნებისმიერი აკრძალვა მიმართულია მოვლენის არა მიზეზის, არამედ შედეგის წინააღმდეგ. უჩინარი ფემიციდის მიზეზი პატრიარქალური სტიგმით შეპყრობილი ცნობიერებაა, რომელიც აუცილებლად უნდა შეიცვალოს. აუცილებელია ფართო საგანმანათლებლო კამპანია მასმედიაში და ყოველ კონკრეტულ წყვილთან მუშაობა.

2019 წლის ოქტომბერში სომხეთის პრემიერ-მინისტრმა ნიკოლ ფაშინიანმა ფეისბუკში გამოაქვეყნა ვიდეორგოლი სელექციური აბორტების წინააღმდეგ მიწინააღმდეგ: “ქალებზე ძალადობა აქედან იწყება. საკმარისია!”. სომხეთთან შედარებით სელექციური აბორტების სტატისტიკა ჩვენთან უფრო დაბალია, მაგრამ ასეთი ტიპის განცხადებების გაჟღერება არც ჩვენი პირველი პირებისგან იქნებოდა ურიგო.

თავი მეორე

„ცხენი“ და „მათრასი“

წარსული მითოლოგიზაციის გარეშე

ქართულ საზოგადოებას ყოველთვის ახასიათებდა ისტორიული წარსულის იდეალიზაცია. კვაზიპატრიოტული მითოსის თანახმად, ქართული ტრადიციული ოჯახი - დასაბამიდან იყო უნაკლო და სინწინდეებით დატვირთული სავანე, რომელმაც უნდა გველოცა და მოვფრთხილებოდა. ოციოდე წლის წინ რეალური ვითარების გაცნობიერების პროცესი დაიწყო, მაგრამ ფართო საზოგადოება კიდევ დიდხანს არიდებდა თავს მწარე სიმართლეს. სწორედ ამიტომ, რომ ოჯახში ძალადობის სანაღმდეგო კანონპროექტის წარდგენამ პარლამენტში დიდი შეხლა-შემოხლა გამოიწვია. კანონმდებელთა კონსერვატიულად განწყობილმა ნაწილმა ეს ინიციატივა ტრადიციების შელახვად მიიჩნია: ყურმოთრეული თემა, როგორ შეიძლება „რუსთაველის და თამარის ქვეყანაში“ ასეთი რამ არსებობდესო? არაფრით უნდოდათ იმის დაჭერება, რომ, სინამდვილეში, „ასეთი რამ“ უსოვარი დროიდან იყო საქართველოს რეალობის შემადგენელი ნაწილი. კონსერვატორებს ისტორიულ-ეროვნული მენტალობის ყველაზე უტყუარ სიმბოლოდ მიაჩნდათ „ვეფხისტყაოსნის“ აფორიზმები. ვფიქრობ, რეალური ვითარება ეპიკურ პოემაში კი არა, ფოლკლორში უნდა ეძებნათ. სწორედ ფოლკლორში აისახება ხალხური ყოფის დეტალები და წარმოდგენები მათი რეალური, შეუღამამბებელი სახით. გთავაზობთ ორ ფრიად კოლორიტულ ნიმუშს:

*ქალი ტიროდა ქართლელი ქართლისა შუა გზასაო,
დაყვარე წერილი ობლები, ვერ გამოვრეკე წყალსაო;
იმისი სული კრულია, ვინც ქალი ენდოს ქმარსაო,
კობტასა, ამპარტავანსა, წვერუხვეველა ყმასაო.
მიყოლა, ვადამიყოლა, გამწირა შუა გზასაო...
მეშვიდე ღამეს მოვიდა თვალშუალამის ხანსაო,
ერდოდან ჩამომიძახა: „რათ არ გამიღებ კარსაო?!“
ავდექ, ავანთე სანთელი, შუალამისა ხანსაო,
ოქროსა სკამი მივართვი: „დაბრძანდი ღვთისა მადლსაო!“
ქალმანს სახდელად შევადექ, მუშტი მიღერა ყბასაო:
„შე ბოზო, ბოზის გაზრდილო, აქ რას აკეთებ, რასაო?
რათ არ ასდექ და იარე, ჩაჰბარდი შენსა ძმასაო?!“
ავდექ და გამოვუდექი, ქართლისა შინა გზასაო,
უკან რომ თავი ვიბრუნე, მოაელეგებდა ხმალსაო...
- ძაღლო, ვის ცოლად დადიხარ, აქ საქარავნო გზასაო?*

ლოყა უგავდა სინასა, შუბლი ქისურსა ქვასაო.

- ვაჟო, რა გინდა, რას მომდევ, შენი რა ნამილიაო?

ცივი წყლით სახლი მომირწყავს, ზედ ვარდი მომიშლიაო,
დედამთილი, მამამთილი ბოსტანში გამიშვიაო...

ცხრა მაზლი ნამვლის მქნეველი შეავდებიან ზღვასაო,

ზღვა დაჰკრავს, ქვაში დაჰრეკავს ძუძუკოკობა ქალსაო...

კიდევ ერთ ნიმუშს წარმოგიდგინთ:

- ცოლი სჯობავ, თუ წანალი, ჯაბანო შენა გკითხავო?

- ცოლი სჯობავის წანალსა, წანალ ფეხებზე მკიდაო...

წანალს ფერება სჭირდება, ცოლსა კი არას გკითხავო...

შესაძლოა, ვინმე შემოგვედავოს, რომ ეს ფოლკლორული ნიმუშები მხოლოდ ცალკეული შემთხვევების ასახვაა და საქართველოში გენდერული ძალადობის, როგორც სოციალური ფენომენის არსებობაზე სულაც არ მიუთითებს. ასეც იქნებოდა, რომ არა კიდევ ერთი არსებითი ფაქტი: ჩვენს წინაპრებს დესპოტი ქმრების მოსარჩელებლად საკანონმდებლო ნორმების დანესებაც კი მოუხდათ:

„კაცი რომ ცოლს სტანჯავდეს და უპატიურად ეპყრობოდეს და ურიგოს უშვრებოდეს, მეფემ ის კაცი დააბას და დატუქსოს, ავად მოეპყრას და კათალიკოზმაც ასე უყოს. სხვა რამ ამას გარდა თუ ცოლ-ქმრობაში რამე ურიგო მოხდეს, ის კათალიკოზმან იყოს“ (ვახტანგ VI-ის სამართლის წიგნი; მუხლი 64).

ვერავინ დასწამებს მეფე ვახტანგს, რომ აღნიშნული ნორმა სამართლის წიგნში რომელიმე საერთაშორისო ორგანიზაციის რეკომენდაციით, ან გრანტების მოპოვების მიზნით შეიტანა. კანონს რეალობაში არსებული საჭიროება ქმნის. ქალებზე ძალადობა საქართველოში ისტორიულად ნამდვილად არსებობდა, თანაც ისეთი შემანუხებელი ფორმით, რომ სპეციალური კანონის შემუშავებაც კი გახდა საჭირო. ოჯახში ძალადობის „ტრადიცია“ **ვახტანგ მეფის** შემდგომ პერიოდშიც აქტიურად გაგრძელდა. ამის მაგალითები ჭარბადაა ასახული მიუკერძოებელი რეალისტების, **ეგნატე ნინოშვილისა** და **დავით კლდიაშვილის** შემოქმედებაში. იმდროინდელ პრესაშიც დავლანდავთ კოლორიტულ სურათებს ქართული ოჯახების „ცხოვრებიდამ“. მაგალითად, **„დროების“** ერთ-ერთ ნომერი გვაუწყებს, რომ სასამართლომ განიხილა **თავად ნიკოლოზ ჩოლოყაშვილის** აპელაცია; თურმე „ვნიაზმა“ თავისი „ვნიანა“ სახლში გამოკეტა და გულმოდგინედ უბათქუნებდა. სასამართლომ თავადი დამნაშავედ სცნო, მაგრამ სასჯელი შეუმსუბუქა.

როგორც ვხედავთ, ოჯახში ძალადობის საწინააღმდეგო კანონის მიღება იყო ქართული სამართლებრივი ტრადიციის ალდგენა-გაგრძელება და არა შელახვა, როგორც ამას დაუინებით გაიძახოდნენ ოპონენტები. მათი პოზიცია ეროვნულ-პატრიოტული კი არა, სინამდვილეში, ეროვნულ ფესვებს მონყვეტილია.

ახალი ეპოქის გარიჟრაჟზე

დამოუკიდებლობის მოპოვებამ და ახალი ინფორმაციის შემოღებამ აშკარა გახადა, რომ „წმიდათა წმიდა საგანეს“ საფუძველი მორყეული ჰქონდა. 90-ან წლებში სოციალური და ეკონომიკური კრიზისის ფონზე „წყალი“ კიდევ უფრო „აიძვრა“, თუმცა საზოგადოების დიდი ნაწილი კიდევ ათიოდე წელი ჯიუტად უარყოფდა ამას. ოჯახში ძალადობის თემის საზოგადოებრივი ყურადღების ფოკუსში მოქცევა მთლიანად არასამთავრობო სექტორის და მასმედიის დამსახურებაა. ამას წინ უძღოდა ქალთა მოძრაობის წარმომადგენელთა მიერ პრობლემის გაცნობიერების არცთუ ხანმოკლე პერიოდი. ზოგმა საკუთარი ცხოვრებისეული გამოცდილების მაგალითზე დაინახა, რომ „თანასწორი ლომის ლეკვები“ სინამდვილეში სულაც არ იყვნენ თანასწორნი; ზოგმა კი - პროფესიული საქმიანობის კვალდაკვალ.

ძალიან საინტერესოა ქალთა საკონსულტაციო ცენტრ „სახლის“ ხელმძღვანელის, ფსიქოლოგ რუსუდან ფხაკაძის გამოცდილება:



- ოჯახში ძალადობის პრობლემის გაცნობიერებასა და წინ წამოწევაში ძალიან შემინყო ხელი ფსიქოლოგად მუშაობამ. ლაპარაკია 80-ანი წლების დასაწყისზე. ვმუშაობდი სხვადასხვა ადგილებში: ონკოლოგიურ საავადმყოფოში, ნდობის ტელეფონზე და ა.შ. ოთხი-ხუთი წლის განმავლობაში ფსიქოლოგის ამპლუაში სიმსივნით დაავადებულ ქალებთან ვიმუშავე. წარმოიდგინეთ რამდენმა ადამიანმა გაიარა ჩემს ხელში! სხვადასხვა მეთოდებით ვიკვლევდით მათ მდგომარეობას. ფსიქოლოგიური მუშაობის პროცესში მიაშობდნენ თავის ოჯახურ სიტუაციებზე. სულ ვგრძნობდი, რომ ამ ქალებს განცდების უხილავ სპექტრში აწუხებდა „რაღაც“, რასაც სახელსაც კი ვერ ვარქმევდი. ეს „რაღაც“ ყოველდღიურობასთან მყარად იყო დაკავშირებული და დამთრგუნველ გავლენას ახდენდა მათ ფსიქოლოგიურ მდგომარეობაზე. მაშინ ჩვენ არ ვიცნობდით ტერმინს - „ოჯახში ძალადობა“ და არც ფენომენი იყო შესწავლილი. ამდენად, ამ „რაღაცას“ სახელს ვერ ვარქმევდი. 90-იან წლებში ნდობის ტელეფონზე ფსიქიატრებთან ერთად მომიწია მუშაობა. დიაგნოსტიკის კუთხით ეს ძალზე მნიშვნელოვანი გამოცდილება აღმოჩნდა, ვინაიდან ფსიქოლოგიის საზღვრები ამის საშუალებას არ მაძლევდა. უამრავი ხალხი რეკავდა სხვადასხვა გასაჭირით: ფსიქიკური დარღვევებიდან - პიროვნულ პრობლემებამდე. სწორედ იქ დავინახე, რომ რასაც წინათ სახელს ვერ ვარქმევდი, იყო ძალადობა. ამ პერიოდში **საერთაშორისო ორგანიზაცია „ოქსფამმა“** ქალთა უფლებების საკითხში ვაკანსია გამოაცხადა და მათთან მუშაობა დავიწყე. **1997 წელს** დავაფუძნე **ქალთა საკონსულტაციო ცენტრი „სახლი“**. არც სახელი შემირჩევია შემთხვევით. ის მოვლენა, რომელიც წლების წინათ შევამჩნიე და სახელს ვერ ვარქმევდი, სწორედ სახლში,

ცოლ-ქმრის ურთიერთობაში ხდებოდა. ამ პერიოდისთვის უკვე ლიტერატურასაც გავვეცანი და გადავწყვიტე მემუშავა ტერმინით „ძალადობა ოჯახში“, მაგრამ იყო რისკი, რომ საზოგადოება ამას არ მიიღებდა. მოგვეხსენებათ, ჩვენთან უამრავი რამ იყო ტაბუირებული. ტერმინი „ოჯახში ძალადობა“ მართლაც ძალიან მწვავედ იქნა აღქმული და კონსულტაციებზე არავინ მოდიოდა. ქართული კულტურა ზოგადად ფასადურია და ფარდის ახდა უმწვავეს რეაქციას ინვეს. ისმოდა ტექსტები: „საქართველოში ქალებზე ძალადობა არასოდეს ყოფილა!“, „ლეკვი ლომისა სწორია!“ „ჩვენ ქალთა პატივისცემა კულტურულად მოგვდგამს“ და მისთანანი. მე კი თურმე **ოქსფამში** ვიჯექი, ამერიკიდან ყურით მოთრეულ პრობლემას ვუკეთებდი კალკირებას, თან გრანტიჭამიობით ვიყავი დაკავებული. ანუ, ამ სფეროში სრული „გაუვალობა“ იყო. მაშინ ვიფიქრე, რომ უფრო ეფექტიანი იქნებოდა განსაზღვრება „ოჯახურ კონფლიქტებზე მომუშავე ფსიქოლოგი“, რაზეც ველარ მომედავებოდნენ. კონფლიქტები ოჯახში ხდება და ამას ვერავინ უარყოფს. ახალმა ტაქტიკამ გაჭრა. მოქალაქეებმა დაინყეს ჩვენთან მოსვლა, მაგრამ გაუძნელდათ იმის აღიარება, რომ ქმართან კონფლიქტი იყო არა შემთხვევითი, არამედ განმეორებადი და კანონზომიერი, თავად კი ძალადობის მსხვერპლნი იყვნენ. სიტუაციის შეცვლის მცდელობაზე ხომ ლაპარაკიც ზედმეტია!

ცნობისთვის: 2002 წელს ქალთა საკონსულტაციო ცენტრმა „სახლი“ თბილისში ჩაატარა გამოკითხვა, რომლის მიზანი იყო ოჯახში ძალადობის პრობლემის მიმართ დამოკიდებულების შესწავლა. გამოკითხული იქნა ოთხასი ადამიანი, რომელთა 85%-ს უმაღლესი განათლება ჰქონდა მიღებული. საქართველოში ოჯახში ძალადობის არსებობის ფაქტი ქალთა 41,9%-მა და მამაკაცთა მხოლოდ 21,2%-მა აღიარა. ანუ, საზოგადოების დიდ ნაწილს საერთოდ არ სჯეროდა ქართულ ოჯახებში ასეთი მოვლენის არსებობა. ძალადობის კონკრეტულ შემთხვევებს კი პროინციული მენტალიტეტის „ჩამორჩენილობით“ ხსნიდნენ.



ა/ო „ძალადობისგან დაცვის ეროვნული ქსელის“ კოორდინატორმა ელისო ამირეჯიბმა ოჯახში ძალადობის პრობლემა პატიმარი ქალების მიერ ჩადენილი დანაშაულის მიზგებში ჩაღრმავებისას გააცნობიერა:

- **არასამთავრობო ორგანიზაცია „პეონი“** ქალთა ციხეში პირველად შევიდა **1999 წელს** და შემდგომ წლებშიც პროექტებს ახორციელებდა. ამ ორგანიზაციის ერთ-ერთი დამფუძნებელი ვარ. **2001-2002 წლებში** უკვე გვექონდა პროექტი და პატიმარ ქალებს ვეხმარებოდით. ფსიქო-სოციალური რეაბილიტაცია და საყოფაცხოვრებო პირობების მონიტორინგი მაქვს მხედველობაში. მაშინ პირველად შეხვდით პირისპირ ოჯახში ძალადობის შედეგებს, ვნახეთ ქალები, რომლებსაც მოკლული ჰყავდათ ქმარი, ძმა და შვილიც კი. წარმოიდგინეთ ჩვენი გაოგნება... მაშინ ვერც კი წარმოგვედგინა, რამ შეიძლება აიძულოს ქალი მოკლას თავისი ოჯახის წევრი, განსაკუთრებით კი შვილი. სწორედ დანაშაულის ჩადენის მიზეზთა ძიებაში მიგვიყვანა ოჯახში ძალადობის თემამდე. ერთ-ერთ შეხვედრაზე **ფონდის „ღია საზოგადოება - საქართველო“ ქალთა პროგრამის კოორდინატორმა მარინა თაბუკაშვილმა**, რომელსაც უდიდესი წვლილი აქვს

ჩვენი ქსელის გაძლიერება-ფეხზე დადგომაში, შემოგვთავაზა ოჯახში ძალადობის თემაზე მუშაობა. მისი წინადადება ჭკუაში დაგვიჯდა, ვინაიდან პატიმარი ქალების მოტივებში გარკვევა გვანტერესებდა. ქალბატონმა მარინამ, ფაქტობრივად, დაგვახვედრა ქსელის სტრუქტურა - რეგიონული კომიტეტები, რომლებიც მერე ქსელში გავეერთიანეთ. ქსელის ჩამოყალიბებამდე რეგიონებში მცხოვრები აქტიური ქალები ჩაბმულნი იყვნენ ქალთა კოალიციაში. ეს კოალიცია ესტონეთის **ადმოსავლეთ პარტნიორობის ცენტრის პროგრამების დირექტორმა ტინა ილსენმა** შექმნა. ამ ქალბატონმა მაშინ უამრავი ორგანიზაცია დააყენა ფეხზე და საშუალება მოგვცა გენდერულ საკითხებზე გვემუშავა. მაშინ ბოლომდე გააზრებული არ გვქონდა, რა გლობალურ პრობლემას ვკიდებდით ხელს. უფრო მეტიც: ვერავის წარმოედგინა ოჯახში ძალადობა საქართველოშიც რომ არსებობდა.



ა/ო „ჰეპა+“-ის ხელმძღვანელი მანანა სოლოლაშვილი წლების მანძილზე მუშაობდა ფსიქოლოგად **„ძალადობისგან დაცვის ეროვნულ ქსელში“**. მან გენდერული პრობლემებისა და, კონკრეტულად, ოჯახში ძალადობის თემის გაცნობიერების ძალიან საინტერესო გზა გამოიარა:

- ფემინისტი მგონი ბავშვობიდან ვარ. უკვე მაშინ დავიწყე იმის გაცნობიერება, რომ ქალებისა და მამაკაცების ურთიერთობაში ყველაფერი რიგზე არ იყო. პირველი პროტესტი

მაშინ გამიჩნდა, როდესაც ბებიამ მე და ჩემს დას თითო-თითო კანფეტი დაგვირიგა, ხოლო ძმას მთელი პარკი მისცა ხელში. თანაც გვითხრა: არ გენყინოთ, ბიჭია და მეტი ეკუთვნისო. ან მოიტანდა კომპებს, ყველაზე დიდს და ლამაზს ძმას მისცემდა, ჩვენ კი მომსკროებს დაგვირიგებდა; იმავე მიზეზით, ცხადია. ვერაფრით ვხვდებოდი, რატომ ეკუთვნოდა ჩემს ძმას მეტი მხოლოდ იმიტომ, რომ ბიჭი იყო. ბებიას მამაჩემის გარდა ორი ქალიშვილი ჰყავდა და ამბობდა - ერთი შვილი მყავსო. მამაჩემი ახალგაზრდა გარდაიყვალა და ბებიაჩემმა ისე განიყვანა, რომ თავი მოიწამლა - ერთი შვილი მყავდა და ისიც მომიკვდაო. ანუ, გოგონები, მის თვალში, შვილები არც კი იყვნენ. ცხადია, მაშინ სპეციალური ტერმინები არ ვიცოდი, ამისთვის სახელი რომ დამერქმია, მაგრამ ვგრძნობდი - ეს არ იყო სწორი და პროტესტი მიჩნდებოდა. დედის მხარეს კი ბიჭების კულტი არასოდეს ყოფილა. ხუთი შვილი ჰყავდა დედაჩემის მშობლებს - ორი ბიჭი და სამი გოგო. საახალწლოდ, თურმე, ხუთ ერთნაირ ჩანთას ერთნაირი საახალწლო ნუგბარით ავსებდნენ. განათლების მიცემის თვალსაზრისითაც შვილები არ გაურჩევიათ - ხუთივეს უმაღლესი განათლება მისცეს. როგორც ჩანს, ჩემზე იმანაც იმოქმედა, დედის და მამის მხარეს რომ ვადარებდი; ორივე მხარეს ბიჭების კულტი რომ ყოფილიყო, ვინ იცის, იქნებ მეც პატრიარქალურ-სტერეოტიპული აზროვნება მქონოდა. იმასაც ყოველთვის ვგრძნობდი, რომ ვერც ჩემი მშობლების ურთიერთობაში იყო ყველაფერი წესრიგში. რატომ უნდა ეკითხა დედაჩემს მამაჩემისთვის ნებართვა ბაზარში, ან მშობელთა კრებაზე წასასვლელად?! თუ უნებართვოდ წავიდოდა, ყველაფერი ოჯახური სკანდალით მთავრდებოდა. მამაჩემი ძალზე პატიოსანი ადამიანი იყო; ნათესავებსა და მეგობრებშიც ვაჟკაცი კაცის სახელი ჰქონდა და ყველა პატივს სცემდა. მიუხედავად ამისა, ახლა ვხვდები - სახლში დედას ტიპური მოძალადესავით ექცეოდა და ამას ვერც კი აცნობიერებდა.

პრობლემატიკის გაცნობიერების და უცხოური გამოცდილების გაცნობის კვალ-დაკვალ, 90-ანი წლების შუახანს საქართველოში ქალთა მოძრაობის ახალი ეტაპი დაიწყო. 1998 წელს ფონდში „ღია საზოგადოება - საქართველო“ ამოქმედდა ქალთა პროგრამა. 1997 წელს „კონფლიქტებისა და მოლაპარაკებების საერთაშორისო ცენტრის“ მიერ დაარსდა „კავკასიის ქალთა კვლევითი და საკონსულტაციო ქსელი“, რომელმაც 2001 წელს დემოკრატიული ინსტიტუტებისა და ადამიანის უფლებათა დაცვის ბიუროს (OSCE/ODIHR) დაფინანსებით დაიწყო რეგიონული პროგრამა „ქალთა უფლებების დაცვა, გენდერული თანასწორობა და ქალთა მონაწილეობა საზოგადოებაში“. ტრენინგები ჩატარდა თერთმეტ რეგიონში (აჭარა, შიდა ქართლი, სვანეთი, იმერეთი, სამეგრელო, სამცხე-ჯავახეთი, გურია, კახეთი, რაჭა, ქვემო ქართლი, მცხეთა-მთიანეთი). მონაწილეობა 1800-მდე ქალმა მიიღო. პარალელურად ჩატარდა გამოკითხვა და ჩაინერგეს უამრავი ცხოვრებისეული ისტორია. შეფასებისთვის გამოყოფილი იქნა სხვადასხვა პარამეტრები: ქალთა უფლებები, ტრეფიკინგი, ოჯახში ძალადობა, შრომითი უფლებები და სხვა. სამწუხაროდ, მამაკაცებში გამოკითხვა არ ჩატარებულა. მოზოგებული მასალები 2002 წელს გამოქვეყნდა წიგნად: „ქალები: სიტუაციის პროფილირება საქართველოში“.

საინტერესო დეტალი: ყველაზე დიდი წონა გამოკითხულებმა მიანიჭეს ზოგად განსაზღვრებას - „ქალთა უფლებები“: 51,2%-დან - 75,4%-მდე (რეგიონების მიხედვით); ხოლო ოჯახში ძალადობას კი მხოლოდ 1,5%-დან - 25,6%-მდე. აქედან გამომდინარე, გამოკითხული ქალები ვერც კი აცნობიერებდნენ, რომ ოჯახში ძალადობა ქალთა უფლებების დარღვევის უმწვავესი ფორმაა.

2000 წელს ორმოცდათექვსმეტმა დამფუძნებელმა ამერიკული ორგანიზაცია Project Harmony-ს წინადადებით შეიქმნა „ოჯახური ძალადობის წინააღმდეგ ბრძოლის კოალიცია“, რომელიც ორას ადამიანს აერთიანებდა. რუსუდან თხაკაძის სიტყვით, კოალიციის წევრები ხშირად ძალიან სწორ აქცენტებს აკეთებდნენ. მაგალითად, გაჟღერდა სამინისტროებში ტრენინგების ჩატარების ინიციატივა. ეს იყო ძალზე მართებული წინადადება, ვინაიდან ხელს შეუწყობდა არასამთავრობო და სამთავრობო სექტორის ძალისხმევას კოორდინაციას გენდერული პრობლემატიკის გარშემო. მაგრამ კოალიციის წევრთა უმრავლესობას ამ თემასთან არანაირი შეხება არ ჰქონია; ამ მხრივ ცალკე სამუშაო იყო ჩასატარებელი. Project Harmony-ს პროექტის დასრულებამდე კოალიციამ საკმაოდ აქტიურად იმუშავა და ბევრი რამ გააკეთა ქალთა მოძრაობის წარმომადგენელთა ინფორმირებისთვის.

საინტერესო დეტალი: 2001 წელს აჭარის წარმომადგენლობის ოფისში, ა/ო „ჟურნალისტის ტრიბუნის“ ეგიდით, ჩატარდა პრესკონფერენცია თემაზე: „არის თუ არა საქართველოში ქალი ოჯახში ძალადობის მსხვერპლი?“. პრესკონფერენციაზე დათქმირებულია მოსაზრებებმა კიდევ ერთხელ დაადასტურა, რომ საზოგადოებას ამ პრობლემის მიმართ გამოკვეთილი პოზიცია არ ჰქონდა - არ სჯეროდათ მისი არსებობა და ყურმოთრეულ თემად თვლიდნენ.

„აღსაზრდელი“ კანონმდებელი

XXI საუკუნის დასაწყისში, ერთი შეხედვით, ყველაფერი თითქოს წესრიგში იყო: ჯერ კიდევ 1994 წელს საქართველო მიუერთდა კონვენციას „ქალთა მიმართ დისკრიმინაციის ყველა ფორმის აღმოფხვრის შესახებ“ (CEDAW). გარდა ამისა, 1995 წელს საქართველოს დელეგაციამ მონაწილეობა მიიღო პეკინში ქალთა საკითხებზე ჩატარებულ მეოთხე მსოფლიო კონფერენციაში და პეკინის სამოქმედო პლატფორმას შეუერთდა. მიუხედავად ამისა, მოვლენათა შემდგომმა განვითარებამ გვიჩვენა - საკანონმდებლო და აღმასრულებელი ხელისუფლების წარმომადგენელთა უმრავლესობას არ ესმოდა გენდერული პრობლემატიკის არსი და ქალთა დისკრიმინაციის აღმოფხვრის ფუნდამენტური მნიშვნელობა. უფრო მეტიც: ისინი არც კი აღიარებდნენ ასეთი ტიპის პრობლემების არსებობას საქართველოში. სწორედ ამიტომ, მათი შემდგომი მოქმედებები ფორმალური და ე.ი. ზიანის მომტანი იყო.

საინტერესო დეტალი: 2000 წელს პრეზიდენტმა შევარდნაძემ #64 ბრძანებულებით დაამტკიცა ქალთა წინააღმდეგ ძალადობის აღმოფხვრისთვის გასატარებელ ღონისძიებათა სამწლიანი სამოქმედო გეგმა. ქალთა საკონსულტაციო ცენტრ „სახლის“ მიერ ჩატარებულმა მონიტორინგმა ცხადჰყო, რომ ეს გეგმა, ფაქტობრივად, არ შესრულებულა. ამას ყოველი მიუკერძოებელი და გენდერულად მგრძობიარე დამკვირვებლის ემპირიული გამოცდილებაც ადასტურებდა.

გასული საუკუნის მიწურულს, იუსტიციის მინისტრის მიერ ჩატარებული კვლევის თანახმად, საქართველოს კანონმდებლობაში არ არსებობდა ქალთა მიმართ დისკრიმინაციული ჩანაწერები. ბატონ მინისტრს აშკარად გამოორჩა, რომ კანონმდებლობაში არც დისკრიმინაციისგან დამცავი ნორმები არსებობდა; პრევენციაზე ხომ ლაპარაკიც ზედმეტია. ამასთან, კანონმდებელი არ აღიარებდნენ ქალთა დისკრიმინაციის არსებობას და არც მიაჩნდათ საჭიროდ მისი საწინააღმდეგო ნორმების არსებობა. ამ მოსაზრებას პარლამენტართა დიდი ნაწილიც იზიარებდა.



აღნიშნული პოზიციის მაგალითია იმ პერიოდის მოწვევის პარლამენტის საგარეო საქმეთა საპარლამენტო კომიტეტის წევრის შოთა მალაშხიას (ფრაქცია „ნაციონალური მოძრაობა-დემოკრატები“) პოზიცია. მასთან ინტერვიუ 2005 წელს „ქალთა გაზეთისთვის“ ჩავენერე:

- რა ოჯახში ძალადობაზეა ლაპარაკი ქალის კულტისა და თამარის ქვეყანაში? ასეთი კანონის საჭიროება საერთოდ არ არსებობს. ერთადერთი, რაც დღეს საქართველოში წესრიგშია, არის ოჯახი და ოჯახური ურთიერთობები, რაც ტრადიციების წყალობით შევინარჩუნეთ. ჩემს საურთიერთობო წრეში ოჯახში ძალადობის ფაქტებზე არასოდეს არაფერი მსმენია. წყლის ნაყვია და სხვა არაფერი. სხვა საკითხია, რომ რადგანაც

სხვადასხვა საერთაშორისო კონვენციებს მივეერთდით, იძულებულნი ვართ კანონმდებლობა მათ მოთხოვნებთან შესაბამისობაში მოვიყვანოთ. დასავლეთს არ აინტერესებს რამდენად შეესაბამება მათი მოდელები ჩვენს რეალობას. ბრმა წამბაძველობა იქამდე მიგვიყვანს, რომ ოჯახში ძალადობას მართლა გავაჩენთ. ამ კანონპროექტის პრეზენტაციას უცხოელი სტუმრებიც დაესწრნენ. დავინტერესდი, შემსირდა თუ არა ძალადობა ოჯახში იმ ქვეყნებში, სადაც ასეთი კანონი მიიღეს, მაგრამ ვერავინ მიპასუხა. პირდაპირ გეტყვით: ამ კანონპროექტს მხარს არ დავუჭერ!



ეს სრულებითაც არ ყოფილა კონკრეტული პარლამენტარის კერძო მოსაზრება. აი, რას ამბობს ა/ო **„ქალთა ფონდი საქართველოში“ აღმასრულებელი დირექტორი ნანა ფანცულაია** აღნიშნული კანონპროექტის გარშემო შექმნილ სიტუაციაზე:

- პოლიტიკოსების მხრიდან ძალიან არასერიოზული დამოკიდებულება იყო. საპარლამენტო სხდომებზე მამაკაცი დეპუტატები დაუფარავად ქირქილებდნენ: აბა, სადაა ძალადობა, მე ცოლზე არ ვძალადობ და არც ჩემს ახლობლობაში ხდება ასეთი რამეო. ვფიქრობ, ოჯახში ძალადობის საწინააღმდეგო კანონის მიღების საკითხში, ხელიწვლებამ უფრო საერთაშორისო ვალდებულებების გამო დათმო.

„ქალთა საინფორმაციო ცენტრის“ ხელმძღვანელის, „ქალთა გლობალური ფონდის“ მრჩეველის ელენე რუსეცკის აზრით, კანონპროექტის მიღება დააჩქარა **პარლამენტარ გოჩა ჩახვაძის** ოჯახში მომხდარმა ძალადობის ფაქტმა. შევასხენებთ: ამ პარლამენტარმა ცოლს მისი მკვლევლობის მცდელობაში დასდო ბრალი. სასამართლოზე ქალბატონის სრული უდანაშაულობა დამტკიცდა. საქმე დაიხურა, მაგრამ პროვოკატორი პარლამენტარის წინააღმდეგ სისხლის სამართლის საქმე რატომღაც (?) არ აღიძრულა. ამ თემაზე **„ქალთა საინფორმაციო ცენტრმა“ საკონსულტაციო ცენტრ „სახლთან“ და ძალადობისგან დაცვის ეროვნულ ქსელთან ერთად პრესკონფერენცია მოაწყო**. ელენე რუსეცკი დანანებით აღნიშნავს, რომ მაშინ ამ საქმის ბოლომდე მიდევნება ვერ მოხერხდა, ვინაიდან გენდერული თანასწორობის ინსტიტუციები ჯერ ჩამოყალიბებული არ იყო.

არასამთავრობო სექტორის მიზანმიმართული მუშაობის და მასმედიაში გამოქვეყნებული მასალების კვალდაკვალ ყინული დაიძრა და დაიწყო პრობლემის სერიოზულობის გაცნობიერება. სტატისტიკური სურათის დადგენამაც უფრო რეგულარული და მონესრიგებული სახე მიიღო.

ოჯახში ძალადობის თაობაზე შემოსული ზარების მიხედვით ვითარება **2013-2017 წ.წ.-ში** შემდეგნაირად გამოიყურებოდა:

2013 – 10 169, 2014 – 12 386, 2015 – 17 895, 2016 – 19 078, 2017 – 22 478.

რაც შეეხება ძალადობის რეგისტრირებულ ფაქტებს:

2013 – 459, 2014 – 591, 2015 – 901, 2016 – 1 416, 2017 – 2 192.

2012 წლის 14 ივნისს საქართველოს შინაგან საქმეთა სამინისტრომ გამოაქვეყნა ოჯახში ძალადობის ამსახველი ციფრები **2007 წლიდან 2011 წლამდე**. აღნიშნული პერიოდში დაფიქსირდა ოჯახში ძალადობის 1025 ფაქტი. მოძალადის ამპლუაში ფიგურირებდა 887 მამაკაცი და 89 ქალი. მსხვერპლის როლში კი 904 ქალი და

117 მამაკაცი. სამწუხაროდ, არ იქნა დაკონკრეტებული მოქმედი პირების საოჯახო სტატუსი (ქმარი, ცოლი, ბებია, ბაბუა, ან შვილები), რომელიც სურათს ანალიზისთვის უფრო მოსახერხებელს გახდიდა. ოჯახში ძალადობის მსხვერპლნი ყველაზე ხშირად ხდებოდნენ 25-დან 44-წლამდე ქალები და 44 წელს გადაცილებული მამაკაცები. ძალადობის ფაქტების რაოდენობით პირველ ადგილზე აღმოჩნდა თბილისი (632 ფაქტი), ხოლო მეორეზე კი აჭარა (84).

2018 წელს საქართველოში ქალზე ძალადობის 5875 შემთხვევა აღირიცხა. **შინაგან საქმეთა სამინისტროს** მიერ გამოქვეყნებული სტატისტიკის მიხედვით, ოჯახში ძალადობის შემთხვევებიდან მსხვერპლი 5875 ქალი იყო, ხოლო კაცი - 1018. მოძალადე 5671 შემთხვევაში იყო კაცი, ხოლო 954 შემთხვევაში - ქალი.

IDFI-ს (ინფორმაციის თავისუფლების განვითარების ინსტიტუტი) მონაცემების თანახმად, 2019 წელს 2013-თან შედარებით ოჯახში ძალადობის მაჩვენებელი მნიშვნელოვნად გაიზარდა (+305 შემთხვევა, +10,38%). სამაგიეროდ, შსს-ს მონაცემებით, გაიზარდა მომართვიანობაც, რამაც პრობლემასთან გამკლავების შესაძლებლობები გაზარდა: 2018 წელს გამოძიება დაიწყო ოჯახში ძალადობისა და ოჯახური დანაშაულის 5621 შემთხვევაზე, 2019 წელს - 6000-ზე მეტ შემთხვევაზე.

სახელმწიფო სტრუქტურების მხრიდან, პრობლემის მნიშვნელობის გაუცნობიერებლობასთან დაკავშირებით, ოჯახში ძალადობის სტატისტიკური სურათის დადგენა საკმაოდ გვიან დაიწყო. ფაქტების უდიდესი ნაწილი სამართალდამცავებამდე დღესაც არ მიდის, მაგრამ ციფრები მაინც შთამბეჭდავი.

„აღსაზრდელო“ საზოგადოება

„ცოლ-ქმრის ამბავი მხოლოდ სანოლმა უნდა იცოდესო“ - ბრძანებს ქართული ხალხური ანდაზა. ეს რეტროგრადიზმი ოჯახში ძალადობის ფაქტების გამოვლენა-პრევენციას დღესაც აფერხებს. ხოლო ფემიციდის გახშირებული შემთხვევები და საზოგადოებრივი რეაქციის არაადეკვატურობა თვალნათლივ აჩვენებს, რამდენი „ნაგავი“ დაგროვდა „წმიდათა-წმიდა სავანეში“ კოხტად დალაგებული და ატლას-გადაფარებული სანოლის ქვეშ. არასამთავრობო სექტორს და მასმედიას დიდი მუშაობა დასჭირდა, რათა საზოგადოებას ეღიარებინა, რომ ოჯახში ძალადობის სახით რეალურ მონსტრთან ჰქონდა საქმე და ამ მონსტრის წინააღმდეგ საბრძოლველად შესაბამისი სახელმწიფო პოლიტიკა იყო საჭირო. ოჯახში ძალადობაზე მორგებული სპეციალური კანონის მიღებამდე, თითო-ოროლა არასამთავრობო ორგანიზაცია ცდილობდა დახმარებოდა ოჯახში ძალადობის მსხვერპლ ქალებს. ცხადია, შესაძლებლობის ფარგლებში. **ა/ო „ძალადობისგან დაცვის ეროვნული ქსელის“ რეგიონული კოორდინატორი ელისო ამირეჯიბი** დღესაც იხსენებს, რა საშინელი ფსიქოლოგიური წნეხის ქვეშ აღმოჩნდნენ ორგანიზაციის წევრები, როდესაც ოჯახში ძალადობის მსხვერპლთათვის თავშესაფრის ორგანიზება გადაწყვიტეს: „ყველა დაგვეცინოდა: რა თავშესაფარი, მანდ რომელი ქართველი ქალი მოვა, გიჟები ხომ არ ხართ, ეს პროექტი ჩავარდებაო“.

გენდერული მგრძობელობით არც მედია მენეჯერთა უმრავლესობა გამოირჩეოდა. 2003 წელს „ქალთა გაზეთის“ ერთ-ერთმა მესვეურმა უაპელაციოდ განმიცხადა: საქართველოში ოჯახში ძალადობა არ არსებობს, გრანტების მოსახვეჭი თემააო. რედაქციის დანარჩენი წევრები დიპლომატიურად დუმდნენ. მაშინ ქალბატონს მაგიდაზე დაუდევ ზემოაღნიშნული წიგნი - **„ქალები: სიტუაციის პროფილირება საქართველოში“**. იმაში კი დარწმუნდა, რომ ეს თითოეული გამოწვევილი თემა არ იყო, მაგრამ მაინც ბრძანა: ქალი რომელიც ცემას მოითმენს, ნამდვილად ყველაფრის ღირსიაო. ალბათ, დაგაინტერესებთ ფაქტები, რომელთა საფუძველზე ასეთი გამაოგნებელი დასკვნა გააკეთა. აი, მხოლოდ მცირედი ნაწილი:

„ქალმა ტექნიკური სასწავლებელი ფრიადზე დაამთავრა და უმაღლესში სწავლის გავრძელებას აპირებდა, მაგრამ ვათხოვდა და სამი შვილი გააჩინა. როდესაც ბავშვები ცოტა წამოიზარდნენ, ისევ გაუჩნდა უმაღლესში ჩაბარების სურვილი. ქმარი ძალზე ეჭვიანი გამოდგა; არ გაუშვა არც სასწავლებლად, არც სამსახურში... ქმარი მუშაობს და ხელფასი მხოლოდ 70 ლარი აქვს. ცოლი გამუდმებით ეხვეწებოდა გამიშვი სამსახურშიო, მაგრამ ქმარი წლების მანძილზე არ თანხმდებოდა. ორი წელია რაც ქალმა მაინც გაინია და მუშაობა დაიწყო, თუმცა ქმარი ყოველდღე ეჩხუბება ამის გამო. რა ჰქვია ასეთ კაცს?“

ნ.ჯ. შიდა ქართლი

„ერთმა ქალმა ვაყრა რომ მოინდომა, ქმარმა სცემა უსაშველოდ. როდესაც მასთან მივედი, არ გამიკარა - ქმარმა რომ ვაიგოს ამის შესახებ მოვყვი, მომკლავსო“.

ლ.ლ. კახეთი

„ჩემი მეგობარი გოგონა მეზობელ სოფელში მცხოვრებმა ბიჭმა გაიტაცა. მის სახლში მისვლის დღიდან თავს დამცირებულად გრძნობს. მეუღლე დათვრება, ზედ აფურთხებს, შიშველს დააყენებს და საღისტივით აწამებს. ამის შემხედვარე დედამთილი კი საწოლზე სიამოვნებით კოტრიალობს. ბიჭი შეეძინა რომ ბავშვიანად მშობლებთან დაბრუნდა. წელიწადი და ორი თვე თავგანებებულები იყვნენ, მაგრამ დედამთილმა და ქმარმა ისევ წაიყვანეს. ორი კვირა კარვად ექცეოდნენ. ..ეს ბედნიერება დიდხანს არ გავრძელებულა და ბავშვიანად ცალკე მიაგდეს ორი თეფშისა და ჭიქის ანაბარა... უფულობით სასამართლომდეც ვერ მიდის. ბავშვის უმაღლად გაზრდაც არ უნდა. ქმარი კი დედამისს უჯერებს და ცოლის არ ესმის“.

გ.რ. კახეთი

„ჩემს მეგობარ ქალს მეუღლე ხშირად სცემდა. მთელი ცხოვრება გაუმწარა. ბოლოს ჩემი მეგობარი ამის გამო დაინვალიდდა და ქმარმა მიატოვა“.

ი.გ. სამეგრელო

„მოვიყვან მაგალითს ჩემს ახლობელ ქალზე. იგი სამი შვილის დედაა. მეუღლე გარდაეცვალა. დედამთილი არ უშვებს სამსახურში - ქალაქში ხალხი რას იტყვის, ევრივი ქალი ეზოდან როგორ უნდა გავიდესო?!“.

ი.ჯ. გურია

„ერთ ჩემს ახლობელს ქმარი ეჭვიანობის ნიადაგზე გამორდა. ორი შვილი დაატოვებინეს. საზოგადოებამაც გარიცა. ამ ტრაგედიის გამო ქალი ფსიქიკურად დაავადდა“.

ნ.გ. გურია

„კაცმა მეათე კლასიდან მოიტაცა გოგონა, მაგრამ მშობლებმა არ მოაბრუნეს და დარჩა. შეეძინათ ერთი შვილი. ქმარი ლოთობდა, ქურდობდა, სცემდა ცოლს. ქალმა ვერ გაუძლო და მშობლებთან დაბრუნდა. ქმარმა იეჭვიანა - არ გამცილდესო. მივიდა მასთან სახლში ავტომატით და რვა ტყვიით გამოასალმა სიცოცხლეს. სასამართლოზე თქვა - მიყვარდა და იმიტომ მოვკალი. თუ ჩემი არ იქნება, ვერც სხვისი გახდებო“.

დ.გ. გურია

2000 წელს ორგანიზაციამ „ქალები დემოკრატიისთვის“ თბილისსა და იმერეთში სოციოლოგიური გამოკითხვა ჩაატარა. რესპონდენტებს დაუსვეს შეკითხვა: „მიგანჩნიათ თუ არა ოჯახში ძალადობა (ცემა, შეურაცხყოფა, გინება, მუქარა, საზოგადოებისგან იზოლაცია, ფინანსური კონტროლი) სოციალურ პრობლემად?“ გამოკითხულთა 80%-მა უპასუხა: „არ ვიცი“. 17% - „დაიხ“, 3% - „არა“. იმ პერიოდისთვის საზოგადოების დიდ ნაწილს ჯერაც არ ჰქონდა გაცნობიერებული პრობლემის არსი და, შესაბამისად, არც მის მიმართ დამოკიდებულება ჰქონდა განსაზღვრული. როგორც იმერეთში, ისე თბილისში გამოკითხულთა უმრავლესობა ცოლის მხრიდან მოთმენის მომხრე აღმოჩნდა. შესაბამისად, ქმარზე მომჩივან ცოლს უფრო გაამტყუნებდნენ, ვიდრე მხარში ამოუდგებოდნენ. ასეთ სიტუაციაში ალღუმი მიჰყავდა და, ხშირად, დღესაც მიჰყავს სტიგმით გაჭერებულ მარადიულ კითხვას: „რას იტყვის ხალხი?..“

საინტერესო დეტალი: იმერეთში გამოკითხულებმა განაცხადეს: თუკი ქმარი ცოლს სცემს, ამაში თავად ქალია დამნაშავეო. პასუხებში გაიყოფრა ცნობილმა ქართულმა ანდაზამ: „კარგი ცხენი მათრახს არ დაირტყამს!“.

კვლევებში გამოიკვეთა სამი ძირითადი მომენტი: 1) ქალები ძალადობად მხოლოდ ცემას აღიქვამდნენ, ფსიქოლოგიური ძალადობა კი ცოლ-ქმრული ურთიერთობის ჩვეულებრივ ნაწილად მიაჩნდათ. 2) ქმრის მხრიდან სექსუალური ძალადობას გაუპატიურებად არ თვლიდნენ. 3) ქალის მხრიდან ყველაზე კეთილგონივრულ საქციელად მოთმენა დასახელეს (იგივე გააკეთეს იმავე პერიოდში თბილისში გამოკითხვის მონაწილე უფროსკლასელმა გოგონებმა).

პარალელი: წიგნის ავტორის მიერ გასული საუკუნის 80-იანი წლების ბოლოს ჩატარებულ გამოკვლევაშიც საინტერესო შედეგები გამოიკვეთა. გამოკითხულ მამაკაცთა 83, 33%-მა და ქალთა 39,34%-მა ოჯახში ვადამწყვეტი სიტყვა მამაკაცს მიანიჭა. ამ საკითხში თანასწორობის მომხრე აღმოჩნდა მამაკაცთა 19,30% და ქალთა 34,5%. დამთმობლობა ორივე მუდლისთვის თანაბარ ღირსებად მიიჩნია მამაკაცთა 50%-მა და ქალთა 72,13%-მა. როგორც ვხედავთ, ამ პერიოდში

მამაკაცთა უფლებრივი პრიორიტეტი საკმაოდ თვალშისაცემია; თუმცა, ქალებში , მეტ-ნაკლებად, უკვე იგრძნობა გარკვეული „რყევები“

წიგნში „ქალები: სიტუაციის პროფილირება საქართველოში“ ფემინისტი-ჟურნალისტი გალინა პეტრიაშვილი თავის დასკვნით ანგარიშში აღნიშნავს:



- ქართველი ქალი ზოგადად აღტაცებული არ არის ტრადიციებით, რომლებიც მას უარეს შემთხვევაში ნივთად, ხოლო უკეთესში - მამაკაცის უმცროს პარტნიორად აქცევენ; მაგრამ იშვიათად აპროტესტებს ამას, ვინაიდან იცის - პროტესტით დააზარალებს ახლობლებს, რომლებიც ჩვეული ტრადიციების წიაღში თავს მშვიდად და კომფორტულად გრძნობენ. აი, რა თქვა ტრენინგზე ერთმა გოგონამ: „არასოდეს მივცემ თავს უფლებას ვიყო თავისუფალი, იმიტომ რომ ვიცი - ამით გულს

ვატკენ ჩემს მშობლებს...

თქვენი მონა-მორჩილის მორიდებული აზრით, ახლობლების გარკვეული ნაწილი, შესაძლოა, სინამდვილეში, სულაც არ გრძნობდა თავს მშვიდად და კომფორტულად. ტრადიციების მიყოლა მათ შემთხვევაში მხოლოდ და მხოლოდ კონგინტური დისონანსით გაჭერებული კონფორმიზმი იყო.

რა დასკვნების გაკეთება შეიძლება წარმოდგენილი მასალებიდან?

XXI საუკუნის დასაწყისში საზოგადოებას არ ჰქონდა გაცნობიერებული ფსიქოლოგიური ძალადობის არსი და მისი დამანგრეველი შედეგები. დაცინვა, პროფესიული საქმიანობის აკრძალვა, ჩაცმულობის და კონტაქტების კონტროლი მამაკაცის ბუნებრივ უფლებად მიიჩნეოდა. ქალს ლამის რომ წართმეული ჰქონდა პიროვნულობა, ხოლო ღირსების დაცვა და მოძალადე ქმარზე ჩივილი შეუფერებელ საქციელად ითვლებოდა.

მანანა მელიქიშვილი - ერთი მრავალთავანს შორის

2000 წელს გენდერული ძალადობის წინააღმდეგ 16-დღიანი აქციის შემაჯამებელ კონფერენციაზე **„გენდერის განვითარების ასოციაციის“ ხელმძღვანელი ნანი ჭანიშვილი** გამოვიდა მოხსენებით: „გენდერული ძალადობა გარდამავალ პერიოდში“, რომელშიც ხაზგასმული იქნა ოჯახში ძალადობის ზრდის ტენდენცია სოციალური კრიზისისა და უმუშევრობის პირობებში. უმუშევრობით და საკუთარი უძლურებით გამწარებული მამაკაცები ჯავრს ცოლებზე იყრიდნენ. ძალადობის ტენდენციის გაძლიერებამ აქტუალური გახადა თავშესაფრების სისტემის ორგანიზება, მაგრამ იმ დროს ეს უფრო უტოპიას წააგავდა. **პიდა რიზლიმ (WomenAid International)** აღნიშნა, რომ გენდერული ძალადობის გარშემო სირიუმის კედლის გარღვევა ამ პერიოდისთვის ყველაზე მნიშვნელოვანი მიღწევა იყო.

აქციის განმავლობაში ორჯერ იქნა ნაჩვენები **დოკუმენტური ფილმი „მანანა“**. ავტორმა **ლია ჯაყელმა (ა/ო „სტუდიომობილის - აქცენტი მოძრაობაზე“ ხელმძღვანელი)**, ძუნწი, მაგრამ მეტყველი შტრიხებით ასახა მაღალმთიანი სოფ-

ლის მკვიდრის **მანანა მელიქიშვილის** ისტორია. მისი ცხოვრება გენდერული წნეხის ქვეშ მოქცეული ადამიანის ძალზე ტიპური ნიმუშია. მანანა მელიქიშვილი, გარკვეული გაგებით, ქალი-სიმბოლოა, რომლის მიღმა ათასობით სხვა ქალის სახე ჩანს. მას ესმის საკუთარი პრობლემის არსი, ხედავს აკიდებული ტვირთის არათანაზომიერებას, მაგრამ ხვედრს მორჩილად თავს უხრის, რამეთუ „თუ არ დათმობ, მაშინ ოჯახიც უნდა დათმო“ და „ქმარგაყრილად ყოფნას, რომ არ გათხოვდე, ის სჯობია“.

„ქალი სატანჯველად არის გაჩენილი. ყოველთვის ასე იყო, არის და იქნება!“ - ამბობს მანანა მელიქიშვილი, რითაც პრაქტიკულად აღიარებს მასზე განხორციელებული ძალადობის კანონიერებას.

გმირის მონოლოგი საშინაო საქმეების ფონზე მიმდინარეობს: ქალი არემონტებს ღობეს, ჩეხავს შეშას, აშენებს ქვის ზღუდეს, აპურებს გოჭებს, ალაგებს, საჭმელს აკეთებს... მოკლედ, მკითხველს აღარ შევანყენთ. მეუღლე ფილმში და, როგორც გმირის მონოლოგიდან ირკვევა, მის ცხოვრებაშიც, მხოლოდ სიმბოლურად ფიგურირებს. მაინც სად არის? ვინ იცის... ქეიფობს თუ ქალებში „გულაობს“ - ვარიანტები უამრავია. „აბა მოინდომოს - ათი კაცის საქმეს გააკეთებს, მაგრამ არ უნდა და რა ვქნა? “ - და უსაქმური ქმრისთვის ნამუსის ამოსანმენდად ქალი მას „სასწავლებლად“ აგზავნის. ვიღაც ხომ დაიჯერებს! გაჭიანურებული უშვილობა, ცხადია, მანანას დაბრალდა, მერე ზედიზედ ორი ქალიშვილის გაჩენა, რაც ასევე დიდ ნერვიულობად დაუჭდა და ბოლოს კი დიდი ხნის ნანატრი „ღვთის წყალობა“ - ძეობა! აბა როგორ, ბიჭი ხომ გვარის გამგრძელებელია, მასთან გოგო რა სახსენებელია! საინტერესოა, როგორ დაითანხმა **ლია ჯაყელმა** თავისი გმირი კამერის წინ ასე გულახდილად საუბარზე? შესაძლოა, მანანა მელიქიშვილის მოქალაქეობრივი გამბედაობა მრავალი წლის მანძილზე წვეთ-წვეთად დაგროვილმა ტკივილმა და ქვეყნობიერმა პროტესტმა განაპირობა.

ფილმმა აზრთა სხვადასხვაობა გამოიწვია. დისკუსიის პროცესში წარმოჩნდა გენდერული პრობლემემატიკის გაცნობიერების ხარვეზები თავად არასამთავრობო სექტორის წარმომადგენლებში. საინტერესოა, რომ კონფერენციის ზოგიერთმა მონაწილემ მანანა მელიქიშვილის ცხოვრება კერძო შემთხვევად, ხოლო მისი განზოგადება კი გადაჭარბებულად მიიჩნია. მანანა მელიქიშვილის მაგალითი მართლაც აქცენტირებულად რელიეფურია, მაგრამ სწორედ ესაა სიმბოლოს დანიშნულება; მას ყოველთვის ახასიათებს სპეციფიკური დეტალების მაქსიმალური მოცემულობა, რაც პრობლემემატიკის უკეთ დანახვა-გააზრებას ემსახურება. ფილმზე მომუშავე ჯგუფის მიერ განეული პრომა უდიდეს პატივისცემას იმსახურებს.

საინტერესო დეტალი: კონფერენციაზე აღინიშნა ქალთა მკვლევლობების გახშირება დიდ ქალაქებში. ხელისუფლებას ამ პრობლემისთვის მაშინ მეტი ყურადღება რომ დაეთმო, შესაძლოა, ფემინციდის კუთხით ახლა ბევრად უკეთესი სიტუაცია გვექონოდა.

კარგი „ცხენი“ „მათრახს“ არ მოითმენს!

სტიგმით შეპყრობილ საზოგადოებას ღირსეული ქალის მოვალეობად მიაჩნდა მორალური და ფიზიკური ტკივილის უჩუმრად მოთმენა და ოჯახის შენარჩუნება. ამ დაუნერეელი კანონის დამრღვევი ქალი სერიოზული ბულინგის სამიზნე ხდებოდა. სამწუხაროდ, ასეთი დამოკიდებულება დღემდეა შენარჩუნებული.



ა/ო „ძალადობისგან დაცვის ეროვნული ქსელის“ იურისტი მანანა ფურცხვანიძე ოჯახში ძალადობის საკითხებზე 2003 წლიდან მუშაობს:

- **2006 წლის დასაწყისში** მქონდა სწორედ ასეთი შემთხვევა - ცოლი ქმრის მხრიდან დამცირებას და ცემა-ტყეპას ოჯახის შენარჩუნების „საპატიო“ მიზეზით იტანდა. ამ ქალბატონის ისტორიას წლების განმავლობაში ვადევნებდით თვალ-ყურს. ქმარი ისე სცემდა, რომ სულ ასისხლიანებდა. ოჯახში

დამკვიდრებული შიშის ატმოსფერო ანგრევდა მისი შვილების ჯანმრთელობას. ბიჭები მამისგან აბსოლუტურად დათრგუნულნი და დამორჩილებულნი იყვნენ. სტრესული მდგომარეობის ფონზე 13 წლის უფროსი ვაჟი ენურეზით დაავადდა. ბებია (ანუ დედის დედა) ქალიშვილს მაინც მოთმინებას უქადაგებდა. გაითვალისწინეთ: თავადაც ქმრისგან ძალადობის მსხვერპლი იყო. სამწუხაროდ, ზოგიერთი ქალი ასე მსჯელობს: მე თუ ვითმენდი, ეგ რით არის ჩემზე უკეთესი, რომ მოთმენა არ უნდა? ბოლოს და ბოლოს შვილები ჰყავს და უმამოდ როგორ უნდა დატოვოს? ასე ფიქრობდა ამ ქალის დედაც. თანაც სიძე არაჩვეულებრივ ადამიანად მიაჩნდა: აქაოდა სამსახურშიც და ძმაკაცებშიც დაფასებული კაცური კაცი და კარგი მსმელიაო. შევეკითხე: თქვენი ქალიშვილი ერთხელ მაინც თუ გყავთ ნანახი ნაცემი-მეთქი? კიო, ერთხელ ვნახეო. მერე და თქვენთვის ეს საკმარისი არ აღმოჩნდა-მეთქი? ქალი იმ დროს თავშესაფარში გვყავდა გადაყვანილი და დედა გამწარებული ეძებდა; ამიტომ ისე დაიჭირა თავი, ვითომ ნანობდა თავის აღრინ-დელ პოზიციას. მერე კი აღმოჩნდა, რომ სულაც არაფერს ნანობდა - აიძულა, რომ ისევ ქმარს შერიგებოდა. აქვე მინდა აღვნიშნო, რომ ქალს არ გაუჭირდებოდა დამოუკიდებლად ცხოვრება, ვინაიდან საკუთარი ბინაც ჰქონდა, აგრეთვე კარგი სამსახურიც და შესაბამისი შემოსავალიც. ქმარი ძალოვანი სტრუქტურის მუშაკი იყო. პირადად არ შევხვედრივარ, მაგრამ სატელეფონო საუბარი მქონდა, ვინაიდან მასზე სისხლისსამართლებრივი დევნა დავიწყეთ. ქალბატონი თავშესაფარში რომ გადავიყვანეთ, ოჯახში ძალადობის კანონპროექტზე ჯერ მხოლოდ მსჯელობდნენ, ამიტომ პოლიცია დიდად ვერ ეხმარებოდა. საბედნიეროდ, ქალბატონი ხშირად დადიოდა საზღვარგარეთ მივლინებებში. ერთ-ერთი ასეთი მივლინების დროს დარჩა და ასე დააღწია თავი ქმრისგან ძალადობას.

თამარ დადიანმა („საქართველოს უფლებადამცველთა კავშირის“ ლიდერი) 2002 წელს მოცემულ კომენტარში აღნიშნა, რომ კატასტროფულად იმატა ისეთი

ოჯახების რიცხვმა, სადაც ცოლის ცემა-ტყევა, თმით თრევა და დასისხლიანება ჩვეულებრივ ამბად იყო ქვეყლი:



- ჩვენამდე ასეთი საქმეები მხოლოდ მაშინ აღწევს, როდესაც მსხვერპლის სიკვდილ-სიცოცხლის დილემა დგება. მოგიყვებით ერთ ოჯახზე, სადაც ცემა-ტყევა წლების განმავლობაში გრძელდებოდა. არანორმალურმა ატმოსფერომ ცხოვრება დაუსახიჩრა ქალს და გზას ააცდინა ბავშვები. სანამ მომავალ ცოლს შეხვდებოდა, ქმარმა თოთხმეტი წელი ციხეში გაატარა და კანონიერ ქურდად ითვლებოდა. გოგონა კი მხოლოდ 17-18 წლისა იყო. მამაკაცი ყველანაირად შეეცადა მის მოხიბვლას, რაშიც „ქურდული რომანტიკა“ ძალიან დაეხმარა. გოგონას ვაგიჟებით შეუყვარდა და სიხარულით დათანხმდა ცოლობაზე. ქმარს ხშირად მოჰყავდა სახლში მეგობრები და მათ შორის „დაქალებიც“. ცოლი კი მათ დიდებულ სუფრას უშლიდა. ერთხელაც „კეთილისმსურველმა“ ჩააწვთა: ეგ დედაკაცები დაქალები კი არა, მაგის კახპები არიანო. როგორც ჩანს, არც ტყუოდა. გოგონა, რომელიც ამ დროს უკვე ფეხმძიმედ იყო, იმდენად გამწარდა, რომ „დაქალები“ სახლიდან კინწისკვრით გაყარა და მისი ტანჯვა-წამებაც აქედან დაიწყო. ქმარი გაცოფდა: ხმის ამოღება როგორ გაბედო და ქალი ისე სცემა, რომ სულ დაასისხლიანა. ამის შემდეგ სულ აიწყვიტა - ყოველდღე ფეხქვეშ ჰყავდა გაგებული. საბედნიეროდ, ნარკოტიკებისთვის დააპატიმრეს (ყველა სიკეთესთან ერთად ნარკომანიც გამოდგა), თორემ ბავშვი აღარ შერჩებოდა. როცა ქალმა ციხეში შეატყობინა - ბიჭი გეყოლაო, ქმარმა შემოუთვალა - ეგ რაში მაინტერესებს, ფული გამომიგზავნე, დიდი თანხა წავაგეო. ქალმა ჯერ სამკაულები გაყიდა, მერე დანარჩენი ძვირფასეულობა... მოკლედ ყველაფერი „შეაჭამა“. როდესაც კაცი ციხიდან გამოვიდა, მოვლენები ძველი სცენარით წარიმართა - ცემა-ტყევას ხვეწნა-კოცნა ენაცვლებოდა და ხვეწნა-კოცნას - ცემა-ტყევა. ამასობაში კიდევ ეყოლათ ქალ-ვაჟი და „ეგზეკუციები“ ბავშვების თვალწინ გაგრძელდა. ხანდახან, გამწარებული, პოლიციაშიც გაქცეულა, მაგრამ იქაც გაამტყუნეს - აბა რა გეგონა, ქურდს და ნარკომანს რომ მიყვებოდიო. ამასობაში უფროსი ბიჭი წამოიზარდა - უაღრესად გაბოროტებული და აგრესიული ყმანვილი. სკოლაში დანას ატარებდა და მასავით ავარდნილი ბიჭების ხროვა ჩამოაყალიბა. სხვათა შორის, ყველა ძალადობრივი ოჯახიდან იყო. ბიჭს მამის მიმართ გაორებული განცდა ჰქონდა: ერთი მხრივ - დედის გამო სიძულვილი, მეორე მხრივ - „ქურდული რომანტიკით“ აღტაცება. ეს გაორება, როგორც ჩანს, კიდევ უფრო აბოროტებდა. მისი ძმაკაცები კი მამამისის „ფანები“ იყვნენ - დიხასაც, ყველა ქალი წელში უნდა გალუნოო. რამდენჯერ ვილაც დაუჭრიათ. ერთხელაც, მორიგი ჩხუბის დროს ადამიანის დაჭრის გამო, ქალმა სახლი გაყიდა პოლიციაში საქმე რომ „მოეგვარებინა“ და ოჯახი ქუჩაში დარჩა. მაგრამ რად გინდა? ბიჭმა ისევ ვილაც დაჭრა და ციხეში ამოყო თავი. გოგონას ამბავს არ იკითხავთ? იმდენად მობეზრდა ყოველდღე აყალ-მაცალი და ნაცემი დედის ყურება, რომ 15-16 წლის ასაკში შეყვარებულთან ერთად გაიპარა. ძმამ მიავნო, ორივე საფუძვლიანად „დაამუავა“ და გოგონა დააბრუნა. არც სასიძოს ოჯახს უნდოდა ასეთ ხალხთან დამოყვრება. გოგონას ამის შემდეგ ძალიან აერია ცხოვრება. არც უმცროსი ძმა გადარჩა ოჯახური ატმოსფეროს ზეგავლენას. დანამ-

დვილებით ვიცი, რომ ისიც დანით დადის.

ოჯახში ძალადობის პრობლემაზე მუშაობისას არასამთავრობო სექტორის მოღვაწენი კიდევ ერთ, არანაკლებ ხელისშემშლელ ბარიერს წააწყდნენ - ეს იყო ძალადობის მსხვერპლის წინააღმდეგობრივი და არათანმიმდევრული საქციელი. ქალები ჯერ არ იყვნენ მზად საკუთარი უფლებების დასაცავად, ანუ თავადაც „აღსაზრდელები“ იყვნენ.

პარალელი: წიგნის ავტორის მიერ 80-იან წლებში სადისერტაციო ნაშრომისთვის ჩატარებულ გამოკვლევაშიც, ქალთა 62,9%-მა ყველაზე შესაფერ საქციელად ქმრის საქციელთან შეგუება და ოჯახის შენარჩუნება მიიჩნია; საკუთარი ღირსებისთვის ბრძოლის და განქორწინების მომხრე მხოლოდ 8,2% აღმოჩნდა.

2002 წელს სახალხო დამცველის ოფისში გამართულ მორიგ პრესკონფერენციაზე, საქართველოს შსს განყოფილების ადმინისტრაციული პოლიციის უფროსის მოადგილის შამლეთ ლოლაშვილის სიტყვით, მსხვერპლის არამყარი პოზიცია პოლიციელებს ხშირად საქმის ბოლომდე მიყვანის საშუალებას არ აძლევდა:

- როდესაც ასეთი ტიპის განცხადება შემოდის, ვალდებული ვართ მეუღლეს დავაწერიოთ ახსნა-განმარტების ბარათი, ჩავეტაროთ საფუძვლიანი საუბარი და ოჯახი ნახევარ წლამდე კონტროლზე ავიყვანოთ. თუ ფაქტის რეციდივი მოხდა, ცხადია, დამნაშავე პასუხს აგებს. მაგრამ ცოლ-ქმარი, როგორც წესი, რიგდება და იგივე ქალი გუშინ თვალცრემლიანი რომ გეხვეწებოდა - შენი ჭირიმე, მიშველეო, ქმარზე გაბრაზება რომ გადაუვლის, მზადაა თვალეები დაგთხაროს - რას გადაგვეკიდე, ხომ ხედავ, წყნარად იქცევა, თავი დაგვანებო. გაიხსენეთ რებეკა „კუკარაჩადან“ - სწორედ ანალოგიური სიტუაციაა. კიდევ ამიტომაც, რომ პოლიციის მუშაკებს ღილად გულზე არ ეხატებათ ასეთი საქმეები.

ჩნდება ლოგიკური კითხვა: რა დგას ძალადობის მსხვერპლთა, ერთი შეხედვით, პარადოქსული საქციელის მიღმა?

უფლებადამცველი ელისო ამირეჯიბი ამას ოჯახის დანარჩენი წევრებისა და საზოგადოებრივი რეაქციის წინაშე შიშებით ხსნის:

- წარმოდგინეთ, ქალი ცხოვრობს რევიონში დედამთილ-მამამთილთან ერთად. ქმარმა სცემა. ქალმა პოლიცია გამოიძახა და კაცს შემაკავებელი ორდერი გამოუწერეს. როგორ გგონიათ, რა დღეში ჩააგდებს ამ ქალს ოჯახი და მეზობლობა? ამდენად, არაა გასაკვირი, რომ ქალები ხშირად უკან იხევენ და ცხელ გულზე გამოძახებულ პოლიციასთან აღარ თანამშრომლობენ. მეტ-ნაკლებად, ასე ხდება ყველგან; ყველაზე მოწინავე ქვეყნებშიც კი არ არის გამოწვევისი - მათაც თითქმის იგივე პრობლემები აქვთ; უბრალოდ - უფრო შერბილებული ფორმით. ნაკლებად განვითარებულ ქვეყნებში სოციალურ-ეკონომიკური სიტუაცია გენდერულ პრობლემებს ამძაფრებს. ამ საკითხში სახელმწიფო პოლიტიკა აუცილებელია, რათა მსხვერპლმა თავი იმედიანად იგრძნოს და აღარ შეშინდეს.

შეგახსენებთ: თავის დროზე ვახტანგ VI-მ ოჯახში ძალადობის პრობლემაზე რეაგირება სახელმწიფო პოლიტიკის რანგში აიყვანა.

ქალთა საკონსულტაციო ცენტრ „სახლის“ მიერ 2002 წელს ჩატარებულ გამოკითხვაში, კითხვაზე: ვის მიმართავენ საქართველოში ძალადობრივი ოჯახური

კონფლიქტის დროს, ქალთა 88,6%-მა და მამაკაცთა 77,3%-მა ნაცნობ-მეგობრებზე მიუთითა. პოლიცია, ორივე შემთხვევაში, მხოლოდ 15%-მა დაასახელა. **ფსიქოლოგ რუსუდან ფხაკაძის** განმარტებით საჩივრის შეტანისას ქალი, ერთი მხრივ, წინ უნდა აღუდგეს მოძალადე ქმარს და საზოგადოებრივ აზრს, ხოლო მეორე მხრივ - საკუთარი სისუსტე და შიშებიც დაძლიოს. ამას დიდი პიროვნული სიმყარე და ნებისყოფა სჭირდება, რასაც აღზრდის ტრადიციული მოდელი ქალში მიზანმიმართულად ახშობს. ცხადია, გრძნობათა ინერციაც გასათვალისწინებელია. არცთუ იშვიათად, ქალს მოძალადე ქმარი ჯერ კიდევ უყვარს და ვერ იმეტებს. ესეც არის მსხვერპლის, ერთი შეხედვით, პარადოქსული ქცევის მიზეზი. ასე იკვრება მანკიერი წრე: ჯერ ჩხუბი, ცემა-ტყეპა, გაბუტვა; ცოტა ხანში - მამაკაცის „სინანულის“ და ხვენწა-მუღარის შემდეგ შერიგება, მერე - ე.წ. „თათლობის თვე“ და... ყველაფერი თავიდან იწყება. საკვანძო დეტალები ყველა შემთხვევაში იდენტურია.

2017 წელს საქართველოს სტატისტიკის ეროვნულმა სამსახურმა ჩაატარა კვლევა ქალთა მიმართ ძალადობის საკითხზე. ქვეყნის მასშტაბით 15-64 წლის 6006 ქალი და 15-64 წლის 1601 კაცი იქნა გამოკითხული. მიღებული შედეგების თანახმად, შვიდიდან ერთი ქალი ცხოვრებაში ერთხელ მაინც გამხდარა ძალადობის მსხვერპლი მეუღლის, ან პარტნიორის მხრიდან. თუკი ამ მონაცემებს პოლიციაში შემოსული ზარების რაოდენობას შევადარებთ, აღმოჩნდება, რომ, რიგ შემთხვევებში, საქმე ზარამდე არც მიდის. ჩნდება კითხვა: ეს მსხვერპლის და მისი ოჯახის „დამსახურებაა“, თუ პოლიციის მიმართ უნდობლობა?

„აღსაზრდელი“ პოლიცია

წლების მანძილზე ძალადობის მსხვერპლთა მიმართ სამართალდამცავთა დამოკიდებულება ფრიად არაკორექტული იყო. უკეთეს შემთხვევაში - ნაყრუება, ხოლო უარესში - მსხვერპლის დაცინვა-გამტყუნება. ეს გასაკვირი არც არის, ვინაიდან ოჯახში ძალადობის მიმართ ადეკვატური პოზიციის შემუშავება **ცივილიზებული დიდი ბრიტანეთის** პოლიციასაც კი გაუჭირდა. **ლონდონში** მხოლოდ **XX საუკუნის მიწურულს** ჩატარდა პოლიციელთა ტრენინგი ოჯახში ძალადობის სიტუაციებისთვის, ხოლო პირველი თავშესაფრები ოჯახში ძალადობის მსხვერპლთათვის, ქალთა ორგანიზაციების მიერ მხოლოდ **გასული საუკუნის 70-იან წლებში** გაიხსნა. რალა ითქმის ნახევრად ქურდული, ნახევრად ფეოდალური მენტალიტეტის საქართველოზე, რომელიც, ამასთან, ეკონომიკური კრიზისით და სისხლიანი კონფლიქტებით იყო გასრესილი?!

მეორე მხრივ, როგორც უკვე აღინიშნა, საზოგადოება კარგა ხნის მანძილზე ჯეროვნად ვერ ათვისებდა ოჯახში ძალადობის სოციალურად დამანგრეველ გავლენას. ხშირად იმასაც ვერ ხვდებოდა, რომ ძალადობასთან ჰქონდა საქმე, ან საერთოდ არ აღიარებდა მის არსებობას. დღესაც უამრავი ადამიანი გულწრფელად დარწმუნებულია, რომ ძალადობა მხოლოდ ცემა-ტყეპაა. მაშინაც კი, როდესაც საზოგადოება ძალადობის ფაქტს თავის სახელს უწოდებს, ხშირად მაინც არ იწონებს სამართალდამცავთა ჩარევას და მოძალადის დაცვას ცდილობს: ასე იმიტომ მოიქ-

ცა, რომ ცოლი „არ უჯერებდა“, ჭირვეულობდა, მოთმინებიდან გამოიყვანა და ა.შ. სტიგმური სტერეოტიპი - „კარგი ცხენი მათრახს არ დაირტყავს“ საქართველოში დღესაც ცოცხალია და მისი ამოძირკვა არც ისე იოლი საქმეა. პოლიციაც საზოგადოების ნაწილია და ხშირად სასესებით იზიარებს ასეთ წარმოდგენებს.

საინტერესო დეტალი: ცალკე საკითხია, რომ აღრე სამართალდამცავებს ოჯახში ძალადობის მსხვერპლის დაცვას არც კანონი ავალდებულებდა. ეს სსრკ-ს სამართლებრივი გარემოს ინერცია იყო. საბჭოთა კანონმდებლობით ადამიანის ცემა საზოგადოებრივი თავშეყრის ადგილებში (ქუჩა, ეზო, დაწესებულება და სხვა) კვალიფიცირდებოდა როგორც ბოროტი ხულიგნობა, აქედან გამომდინარე ყველა შედეგით. ხოლო იგივე დანაშაულის ჩადენა ბინაში, საკუთარი მეუღლის მიმართ, რატომღაც ხულიგნობად აღარ ფასდებოდა, იმის მიუხედავად, რომ, ორივე შემთხვევაში, დგებოდა იდენტური შედეგი - ნაცემი ადამიანი.

ოჯახში ძალადობის საწინააღმდეგო კანონის მიღებამ სიტუაციაზე შემოქმედების მექანიზმი გააჩინა. სამაგიეროდ, დარჩა კიდევ უფრო ძნელად მოსაპოვებელი ბარიერი - პატრიარქალური სტიგმა სამართალდამცავ ორგანოებში. ამიტომ პოლიციაში მიმართვისას მსხვერპლი ხშირად არაადეკვატურ რეაქციას იმკიდა.

35 წლის მარინა ყ-სთან საუბარი 2002 წელს ჩავიწერე. ორი შვილის დედა წლების განმავლობაში ითმენდა ქმრისგან გინებას და ცემას:

- თხუთმეტი წელია ცოლ-ქმარი ვართ. სიყვარულით დავექორწინდი, მაგრამ მოგეხსენებათ, გაჭირვება გრძნობებს ნელ-ნელა წყალს უყენებს. რამდენიმე წელია უმუშევარია. თავიდან რაღაცას ხლაფორთობდა, მერე კი ფარ-ხმალი დაყარა და სმა დაიწყო. ბოლოს კუჭის წყლული დაემართა. მაგისი წამლების ფული მძიმე ტვირთად გვანევს. ისევ მე ვდგავარ გარეთ, ვვაჭრობ და სულს მაგით ვიბრუნებთ. ოჯახი ჩემს კისერზეა. ამის შემხედვარე უფრო ბოროტდება. როგორია - მოხვალ სახლში და კიდევ ლანძღვა-გინება და მუჯლუგუნები უნდა ითმინო? ერთხელ ძალიან მეტი მოუვიდა და პოლიციაში გავიქეცი. მერე რად გინდა?! ინსპექტორმა გამოიძახა და „დაარიგა“: ცუდად გიყვამია, აქამდე რომ მოაღწიაო. სახლში რომ დაბრუნდა მასხარად ამივლო: აბა რა გეგონა, დამიჭერდნენო?!

აი კიდევ იმავე პერიოდში ჩაწერილი კომენტარი **27 წლის თიკა მ-სთან**:

- არ მუშაობს და აღმა-დაღმა დადის. მე ერთ კვირას საპარიკმახეროში ვმუშაობ, ერთ კვირას - კაფეში. წელებზე ფეხს ვიღვამ, თეთრს თეთრზე ვანებებ, შვილს ხეირიანად ვერც ვნახულობ - დედაჩემი უვლის. ქმარი ხანდახან შემოივლის, საჭმელს შეჭამს, მეჩხუბება და წავა. ხან ერთ ძმაკაცთანაა, ხან მეორესთან, რომ დარჩეს, ხომ რაღაც მაინც უნდა გააკეთოს და მგონი ამას გაურბის. ჩვენი ქორწინება რეგისტრირებული არ არის და ხელზე ეს აქვს დახვეული. პრაქტიკულად, ერთად აღარც ვწევართ. ბოლოს დროს ხელებიც წაიგრძელა. ამასწინათ კი თვალი ჩამილურჯა. პოლიციაში მითხრეს - განცხადებას ნუ დანერ, ისე დაველაპარაკებითო. დაველაპარაკენ, ცოტა ხნით დაიკარგა, მაგრამ ამას წინათ გამოჩნდა. ისე იბღვირება, რომ ცემაზე უკან ისევ არ დაიხევს. არ ვიცი, პოლიციაში რას ელაპარაკენ, მაგრამ, ამჟამად, დიდად არ შეშინებულა...

კიდევ უფრო დაუჯერებელ ფაქტებს იხსენებს **ადვოკატი ევა იობაძე (შპს „ახალი**

იურიდიული ჯგუფი“), რომელიც ქალთა საკონსულტაციო ცენტრში „სახლი“ მრავალი წლის განმავლობაში მუშაობდა:



- მქონდა პრაქტიკაში ასეთი შემთხვევა: ქმრის საყვარელი გართობა იყო ცოლს აივნიდან ფეხით დაკიდება. მორიგი „გართობის“ დროს ქალის კივილით შეწუხებულმა მეზობელმა პოლიცია გამოიძახა. აივნიდან ფეხით გადმოკიდებულმა ქალმა საკუთარი თვალით დაინახა ეზოში შემოსული პოლიციელი უკან როგორ გაბრუნდა. თურმე გაიგო, რომ კონფლიქტი ოჯახის წევრებს შორის იყო და უთქვამს: ეს ოჯახის საქმეა და ჩვენ ვერ ჩავერევითო. მსგავსი ისტორიები საკმაოდ მრავლად გვქონდა,

ვინაიდან პოლიციელებს მიაჩნდათ, რომ ოჯახური კონფლიქტები მათ კომპეტენციას სცილდებოდა. რაღა გასაკვირია, რომ ქალებს უჭირდათ თავის დაცვა და პრობლემაზე ღიად საუბარი? არ ჰქონდათ იმის იმედი, რომ საზოგადოება და სამართალდამცავები გვერდში დაუდგებოდნენ. კარგა ხნის განმავლობაში სიტუაციას ვერც ოჯახში ძალადობის წინააღმდეგ კანონის მიღებამ უშველა, ვინაიდან დაიწყო სირთულეები მის დანერგვასთან დაკავშირებით. სამართალდამცავნი ვერ აცნობიერებდნენ რა მოეთხოვებოდათ. **ქალთა საკონსულტაციო ცენტრმა** მათი ცნობიერების ასამაღლებლად **პოლიციის აკადემიაში** ლექციები ჩაატარა. არ ველოდით, მაგრამ პირველი წინააღმდეგობა სწორედ იქ შეგვხვდა. ლექციის დროს შევეკითხეთ, რას მოიმოქმედებდნენ თუკი, დავეუშვათ, მამაკაცის მიერ ქალის ცემის ფაქტს ქუჩაში შეესწრებოდნენ? ჩავერევითო - გვიპასუხეს. თუ იგივე ფაქტი რომელიმე ოჯახში მოხდებოდა-თქო? - შევუბრუნეთ კითხვა. ამ კითხვის დასმას მოჰყვა საკმაოდ დიდი პრეტენზიები - ჩვენს კადეტებს რაღაც ტვინს ურევთო და, საბოლოოდ, ლექცია შეგვაჩერებინეს.

იურისტი მანანა ფურცხვანიძეც აღნიშნავს, რომ პოლიციელებს ცოლზე ძალადობა ხშირად ჩვეულებრივ რამედ მიაჩნდათ:

- ქალებს პოლიციაშიც ვავყოლივარ, ვინაიდან არაადეკვატური რეაქციის ემბოლოდათ. ასეთ საქმეზე მისულ ქალს ისეთი თვალით უყურებდნენ, თითქოს უცხო ფრინველი შეფრენილიყო: რად მიგყავს იმ ზომამდე, რომ გირტყამსო?! პრობლემაში წვდომა ღიად არავის აინტერესებდა. ყველანაირად ცდილობდნენ, რომ ქალს განცხადება უკან გამოეტანა. ნელ-ნელა კანონმაც ცვლილებები განიცადა და ძალოვნების ფსიქოლოგიაჰყვა. ოჯახში ძალადობის კრიმინალიზაციის შემდეგ დაზარალებულისგან განცხადება სულ არ არის საჭირო. მთავარია, შეტყობინება რაღაც სახით შევიდეს - თუნდაც მეზობლისგან. წინათ ქალს ცხელ გულზე შეტანილი განცხადება შეეძლო უკან გამოეტანა და ეს ხელს უშლიდა პოლიციას დანაშაულის აღკვეთაში. ახლა ასე აღარ არის; შეტყობინების შემთხვევაში, თუკი ძალადობის ფაქტი დადასტურდა, საქმე აღიძრება და დამნაშავე დაისჯება.

უფლებადამცველი ელისო ამირეჯიბის სიტყვითაც, თავიდან პოლიციელები საერთოდ არ ეხმარებოდნენ:

- პოლიცია ფიქრობდა ზუსტად ისე, როგორც მთლიანად საზოგადოება: რაც ოჯახში ხდება, მხოლოდ ოჯახის საქმეა, ქმარზე ჩივილი არ შეიძლება, ქალმა ყველაფერი უნდა აიტანოს, ნაკავი სახლიდან არ უნდა გაიტანოსო, და მისთანა-

ნი. არც კანონი ავალდებულებდა რამეს და ასეთ თემებზე არც სწავლება უტარდებოდათ. მაშინდელი კანონმდებლობით, თუ ქმარი ცოლს შეაგინებდა, ან გაართყამდა, ეს არ მიიჩნეოდა საქმის აღძვრის საკმარის საფუძვლად. გამოძიება იწყებოდა მხოლოდ მაშინ, თუ სისხლის სამართლის დანაშაული მოხდებოდა. მასხოვს, ერთხელ მოძალადემ როგორღაც მოაგნო ჩვენს თავშესაფარს და სცადა შემოჭრილიყო. ცხადია, მაშინვე პოლიციაში დავერეკეთ. გვიპასუხეს - არა გვეცალიაო და არ მოვიდნენ. მაშინვე გავიქეციეთ განყოფილებაში, შევედით უფროსთან და ავეუნერეთ სიტუაცია. უნდა გენახათ დამოკიდებულება: რა თავშესაფარი? წესიერ ქალს რა უნდა მაგ თავშესაფარში? ალბათ, თავად გააგიჟა კაცი და მიიყვანა მაგ ზომამდეო. თავშესაფარებს მსუბუქი ყოფაქცევის ქალების თავშეყრის ადგილად აღიქვამდნენ. მოსვლა და დახმარების განევა კი საკუთარი ღირსებისთვის დამამცირებლად მიაჩნდათ. რომ აღარ მოვეშვი, მოიმიზეზეს, თანამშრომლები არ გვეყავსო. მაშინ დავანახე განყოფილების ეზოში მოსეირნე ფერ-ხორციანი მუშაკები - აბა ესენი ვინ არიან-მეთქი და უმანქანობა მოიმიზეზა - ფეხით ხომ ვერ წამოვლენო. გავიქეცი, ტაქსი დავიჭირე და მივაღდექი: აგერ, მანქანა მოგიყვანეთ და გამაყოლეთ ხალხი-მეთქი. კეთილი ინებეს, გამოგვყვინენ, მოძალადე დააპატიმრეს და განყოფილებაში მიაბრძანეს. მათი ასეთი საქციელი არც გაგვეკვირვებია. ჩვენი ახლობლებიც კი იგივე აზრზე იყვნენ და პოლიციისგან რა იყო საწყენი, ან გასაკვირი? პირიქით, წასახალისებლად, მეორე დღეს ოფიციალური მადლობის წერილიც კი გავუგზავნეთ ოპერატიული მუშაობისთვის და მოძალადის დაკავებისთვის. წარმოიდგინეთ, გაჭრა: ძალიან ესამოვნათ. პოლიციას ყველა აგინებდა და ლანძღავდა; ამ დროს კი მადლობის მთქმელი გამოჩნდა. ამის შემდეგ კვირაში სამჯერ გვირეკავდნენ: რამე დახმარება ხომ არ გჭირდებათო? სწორედ მაშინ გავაცნობიერეთ, რომ პოლიცია იყო პირველი, ვინც ჩვენს მუშაობაში დასაყრდენად გვჭირდებოდა. პოლიციელთა გენდერული მგრძობიანობის ამალლებას უაღრესად დიდი მნიშვნელობა აქვს.

ცნობისთვის: ოჯახში ძალადობის წინააღმდეგ ბრძოლისთვის გარკვეული იურიდიული საფუძველი უკვე მიმდინარე საუკუნის დასაწყისში არსებობდა. მხედველობაში მაქვს საქართველოს პრეზიდენტის ბრძანებულება „ქალთა მიმართ ძალადობასთან ბრძოლის სამოქმედო გეგმის (2000-2002 წ.წ.) დამტკიცების შესახებ“ (#64 25.02.00), სადაც პირდაპირი ტექსტით იყო მითითებული ოჯახში ძალადობის წინააღმდეგ ბრძოლის აუცილებლობა. წლების განმავლობაში მის აღსრულებას, სტიგმურ მენტალიტეტთან ერთად, შეუსრულებლობის ტრადიციაც აფერხებდა.

„ძალადობისგან დაცვის ეროვნულმა ქსელმა“ 2005 წელს დაიწყო მიზანმიმართული ტრენინგების სერია პოლიციელთა გენდერული ცნობიერების ასამაღლებლად. ესტონეთის აღმოსავლეთ პარტნიორობის ცენტრის პროგრამების დირექტორის, ტინა ილსენის დახმარებით, ორგანიზებული იქნა კონფერენცია მაღალი თანამდებობის პოლიციელებისთვის. ოჯახში ძალადობის საკითხებზე მუშაობაში პოლიციის როლის შესახებ მოხსენებით გამოვიდნენ ექსპერტები ავსტრიიდან. ხოლო როდესაც **„ძალადობისგან დაცვის ეროვნული ქსელის“** მუშაკები საზღვარგარეთ კონფერენციებზე მიდიოდნენ, სხვადასხვა უწყებების მაღალი რანგის მოხელეებიც მიჰყავდათ. ასე ხდებოდა გენდერულ საკითხებზე სწორი წარმოდგენების ჩამოყალიბების ხელშეწყობა სახელმწიფო სექტორში. **ელისო ამირეჯიბი** სიამაყით

აღნიშნავს, რომ **2005 წლის ბოლოსთვის** პოლიციელები უკვე თავად ითხოვდნენ ოჯახში ძალადობის წინააღმდეგ კანონის შემუშავებას: როგორ დავეხმაროთ მსხვერპლს, თუკი კანონმდებლობა ამის საშუალებას არ გვაძლევსო?! ეს იყო უმნიშვნელოვანესი მიღწევა. **2006 წელს მიღებული იქნა კანონი „ოჯახში ძალადობის აღმოფხვრის, ძალადობის მსხვერპლთა დაცვისა და დახმარების შესახებ“**. მოწინავე ქვეყნების მაგალითზე შემოღებული იქნა **შემაკავებელი და დამცველი ორდერები**, რომლებიც მოძალადეს ძალადობრივ ქმედებებს უკრძალავდნენ.

2007 წლის ნოემბერში სახალხო დამცველის ოფისში ჩატარდა არასამთავრობო სექტორის წარმომადგენელთა შეხვედრა სამართალდამცავებთან. ამ დროისთვის ოჯახში ძალადობის წინააღმდეგ კანონი უკვე მიღებული იყო. ისაუბრეს კანონის იმპლემენტაციის და პოლიციელთა მიერ თავისი მოვალეობების შესრულების ქმედით მექანიზმებზე. წინდან ჩატარებული გამოკითხვის თანახმად, უბნის ინსპექტორთა 80% იმედგაცრუებული დარჩა ახლადმიღებული კანონით, რომელიც, მათი აზრით, მსხვერპლის დაშინების და დანაშაულის რეციდივის პრევენციისთვის ნაკლებად ეფექტიანი აღმოჩნდა. ამ მოსაზრებას საპატრულო პოლიციის მუშაკთა 65% დაეთანხმა. ინსპექტორთა 80%-მა დააყენა ორდერის ინსტიტუტის დახვეწის საკითხი. არ არსებობდა მექანიზმი, რომელიც მოძალადეს ორდერის პირობების შესრულებას აიძულებდა; ანუ ჯერ კიდევ არ იყო დანესებული მკაცრი პასუხისმგებლობა დამრღვევისთვის. იმავე შეხვედრაზე პოლიციამ მთელი სიმწვავეით დააყენა მსხვერპლის არათანმიმდევრული პოზიციის საკითხი. მათი სიტყვით, ხშირად სწორედ ეს აფერხებდა კანონის აღსრულებას. არასამთავრობო სექტორის მუშაკებმა კი მოძალადესთან მუშაობის და მისი ფსიქოლოგიური რეაბილიტაციის საკითხზე ისაუბრეს.

აი, რა თქვა შემაჯამებელ გამოსვლაში **საპატრულო პოლიციის ხელმძღვანელის მოადგილემ ლევან მაჭავარიანმა**:

- მოდით, შევთანხმდეთ: ან ვიცავთ მსხვერპლს, ან არ ვიცავთ. თუკი მსხვერპლმა მოგვმართა, კეთილი ინებოს, გააცნობიეროს ამ ნაბიჯის სერიოზულობა და მუშაობაში ხელს ნუ შეგვიშლის. ცალკე საკითხია კანონის აღსრულების მექანიზმთა ხარვეზიანობა, რის შედეგადაც, შემაკავებელი ორდერის დარღვევის შემთხვევაში, დამნაშავის წინააღმდეგ სისხლის სამართლის საქმეს ვერ აღვძრავთ. ამას მსხვერპლის დაცვის შესაძლებლობები ნულამდე დაჰყავს. რაც შეეხება მოძალადესთან მუშაობას და მის ფსიქოლოგიურ რეაბილიტაციას, ავსტრიაში, მაგალითად, მათ თან არავენ ჰყვება. ჩვენი პრიორიტეტი მსხვერპლის დაცვა უნდა იყოს. მოძალადემ კი თავს თვითონ მიხედოს.

მაჭავარიანს ბოლოს მოსაზრებაში ვერ დავეთანხმებით. სინამდვილეში მოძალადესთან მუშაობა ოჯახში ძალადობის პრევენციის ერთ-ერთი უმნიშვნელოვანესი პირობაა. ამ სამუშაო მიმართულებას ძალიან საინტერესო ისტორია აქვს. აი რას ამბობს ამ საკითხზე **ა/ო „ჰეპა“-ის ხელმძღვანელი მანანა სოლოლაშვილი**:

- აშშ-ში საცხოვრებლად წასულ პოლონელ ემიგრანტებში ძალზე აქტუალური იყო ალკოჰოლზე დამოკიდებულების პრობლემა. თანაც, რომ დაღვედნენ ცოლებს ურტყამდნენ; მგობლები პოლიციას უძახებდნენ და ციხე პოლონელი ემიგრანტებით გაივსო. ხელისუფლება დათქვრდა - რა მოვეხერხოთ ამ ხალხსო? სწო-

რედ მაშინ დაიწერა საინტერვენციო პროგრამა მოძალადეებისთვის, რომელიც დუღესის ციხეში იქნა აპრობირებული და „დუღესის მოძალადის“ სახელწოდებითაა ცნობილი. 2010-2011 წლებში „ძალადობისგან დაცვის ეროვნულმა ქსელმა“ იუნისეფის დაფინანსებით საპილოტე პროექტი განახორციელა. ძალადობრივი ქცევის კორექციის პროგრამაში ორი მიმართულება შემუშავდა. ერთი ითვალისწინებდა მუშაობას მშობლებთან, რომლებიც აღზრდის ძალადობრივ მეთოდებს იყენებდნენ, ხოლო მეორე - ოჯახში ძალადობისთვის მსჯავრდებულ პრობაციონერებთან. მოძალადეებთან მუშაობა ძალზე რთულია. ამის გამოცდილება ადრეც გვქონდა. „ძალადობისგან დაცვის ეროვნული ქსელი“ 2003 წლიდან ახორციელებდა საოჯახო თერაპიის პროგრამებს. ძალადობის მსხვერპლ ქალთან მუშაობისას ყოველთვის ქმართანაც ვითხოვდით შეხვედრას. მოძალადეთაგან მხოლოდ 3% მოვიდა და მათგანაც მხოლოდ ერთმა გააცნობიერა პრობლემა: გამოსასწორებელი ცოლი მეგონა და, სინამდვილეში, თურმე მე ვყოფილვარო. ზოგადად, მოძალადე „აღზრდას“, ანუ თერაპიას, მსხვერპლზე უფრო ძნელად ემორჩილება. ისიც მხოლოდ იმ შემთხვევაში, თუ თავად გაუჩნდება „ბრაზის მართვის“ და სიტუაციის გამოსწორების გულწრფელი სურვილი.

როგორც ვხედავთ, მოძალადეებთან მუშაობა ცალკე სფეროა, რომელიც სპეციალური სტრატეგია-ტაქტიკის შემუშავებას საჭიროებს. ნაშრომის ავტორის აზრით, პოლიციელების „მენტალურ აღზრდას“ და გენდერულ საკითხებში დატრენინგებას ისიც ართულებს, რომ მათი ნაწილი ძალადობრივი ქცევისკენა თავადაა მიდრეკილი; თუმცა მრავალწლიანმა მუშაობამ გარკვეული შედეგი გამოიღო. რალაც ეტაპზე თავად პოლიციელებმა გააცნობიერეს, რომ ოჯახში ძალადობის პრობლემაზე ზემოქმედების მექანიზმი სჭირდებოდათ; ამიტომ ჯერ მოითხოვეს კანონის შემუშავება, მერე კი მისი დახვეწა. დღესდღეობით, სამართალდამცავთა მუშაობაში არსებული ხარვეზების მიუხედავად, მასალას საკანონმდებლო სიახლეების შესამუშავებლად, რიგ შემთხვევებში, სწორედ პოლიცია იძლევა (როგორც ეს, მაგალითად, ორდერების შემთხვევაში მოხდა). შემდეგ კი მუშაობაში არასამთავრობო სექტორის ექსპერტები და იურისტები ერთვებიან. ეს ტანდემი რეალობაზე მორგებული კანონების შესამუშავებლად ძალზე მნიშვნელოვანია.

საკუკნის დასაწყისში პოლიციასთან მუშაობისას აქცენტი გენდერული მგრძობიანობის გაძლიერებაზე კეთდებოდა. ამჟამად ტრენინგები, ძირითადად, საკანონმდებლო სიახლეების გაცნობაზე ტარდება. ეს სრულებითაც არ ნიშნავს რომ გენდერული მგრძობიანობის ამაღლებაზე მუშაობამ აქტუალობა დაკარგა. მედიაშუბლიკაციები პოლიციის არაკორექტული მოქმედების შესახებ გვიჩვენებს, რომ სამართალდამცავები კიდევ დიდხანს იქნებიან „აღსაზრდელი“. ამაზე ისიც მიუთითებს, რომ წიგნზე მუშაობის პროცესში ვერაფრით მოვახერხე შსს-ს მუშაკთა დაყოფილება თანამშრომლობაზე. მიუხედავად პრესცენტრში არაერთგზის დარეკვისა, უწყებას ინტერესი არ გამოუვლენია. არადა, მათი შეფასებები წიგნს ძალზე წაადგებოდა ინფორმაციულობის და ობიექტურობის თვალსაზრისით.

დროებითი გამოსავალი - თავშესაფრები

ოჯახში ძალადობის პრობლემის სერიოზულობა და მსხვერპლთათვის თავშესაფრების ორგანიზების აუცილებლობა არასამთავრობო სექტორმა სამთავრობოზე ადრე გააცნობიერა. ყოველდღიურმა მუშაობამ აშკარა გახადა, რომ მხოლოდ თავშესაფარი იყო საფრთხის არიდების, ხანდახან, კი, სიცოცხლისა და ჯანმრთელობის შენარჩუნების ერთადერთი საშუალება. საქართველოში პირველი თავშესაფარი 2003 წელს გახსნა „ძალადობისგან დაცვის ეროვნულმა ქსელმა“, ქალთა პროგრამის (ფონდი „ღია საზოგადოება - საქართველო“) მხარდაჭერით.

აი, რას ამბობს ამის შესახებ ელისო ამირეჯიბი:

- ეს იყო პირველი, რაც ჩვენ გავაკეთეთ. ჩვენი ხელმძღვანელის, **ნატო შავლაყაძის** მამა **რობერტ შავლაყაძე** ოლიმპიური ჩემპიონი იყო და მისი პატივისცემით სპორტსმენებმა სპორტული კომპლექსის საერთო საცხოვრებლის შენობაში თავშესაფრისთვის ფართი მოგვეცეს. კრიზისული ცენტრისთვის 6-7 კვ.მ. ფართობის ოთახი გამოვყავით, სადაც ერთი კომპიუტერი გვედგა და სამი ქალი ვმუშაობდით. საკუთრივ თავშესაფრისთვის რამდენიმე ოთახი გვექონდა. მცირე თანხით დიდ საქმეს შევეჭიდეთ და ერთდროულად მხოლოდ ათი მსხვერპლის მიღება შეგვეძლო. შენობა ძველი იყო, ამიტომ რემონტი ჩავატარეთ და სამუშაო სივრცე მეტ-ნაკლებად კეთილმოვანყეთ. ყველა ოთახს თავისი მონესრიგებული აბაზანა და ტუალეტი ჰქონდა; ანუ, იმ პერიოდისთვის საკმაოდ ნორმალური პირობები იყო. ორმა ახალგაზრდა გოგონამ ჯერ კიდევ რემონტის დამთავრებამდე მოგვემართა. ერთ-ერთი საკუთარი მამისგან სექსუალური ძალადობის მსხვერპლი აღმოჩნდა. გოგონას ადრე სუიციდის მცდელობაც ჰქონდა და აუცილებლად ესაჭიროებოდა ოჯახში შექმნილი სიტუაციისგან იზოლირება. გაითვალისწინეთ, რომ მაშინ არ გვექონდა ძალადობის მსხვერპლთან მუშაობის გამოცდილება, არ ვიცოდით, სად და როგორ მიგვემართა. პოლიცია ამ თემას არც ეკარებოდა, იგივე დამოკიდებულება იყო მთლიანად საზოგადოებაში. მაგრამ გვექონდა ოქრო, რომ გავმკლავებოდით ამ სიტუაციას და მიზნისთვის მიგვეღწია. რაც უფრო მეტი ქალი მოგვემართავდა, რაც უფრო მეტს ვაკვირდებოდით სიტუაციას, ვხვდებოდით, რომ გაჩერება არ შეიძლებოდა, რომ დაუშვებელი იყო ქალს ასეთ სიტუაციაში ეცხოვრა. თითოეულ შემთხვევას მოჰქონდა დამატებითი პასუხისმგებლობა. წარმოიდგინეთ, როდესაც უსმენ ქალს და ხვდები, რომ თუ არ დაეხმარები, შესაძლოა, თავიც კი მოიკლას. მატულობდა მრისხანება მოძალადეების მიმართ. უმძიმესი ბრძოლები გავიარეთ. კანონი არ არსებობდა, სოციალური სამსახურები არ არსებობდა. ვიყავით ათზე ცოტა მეტი ადამიანი პლუს **მარინა თაბუკაშვილი**, რომელიც ყოველთვის გვერდში გვედგა. მახსოვს, ერთხელ შევდები გვენვივინ და ჩვენი კრიზისული ცენტრის ნახვაზე გაოგნდნენ: აქედან როგორ მართავთ საქართველოში ძალადობის თემებსო? წარმოიდგინეთ, დაცვაც კი არ გვყავდა. სწორად გამიგეთ, მაგრამ ამ გადასახედიდან რომ ვაფასებ სიტუაციას, ვხვდები, რომ

საოცრად გამბედავები და, კარგი გაგებით, გიჟებიც კი ვიყავით...

ახლა სიტუაცია კარდინალურად შეიცვალა. უკვე ძალადობის მსხვერპლებზე სახელმწიფო ზრუნვის სისტემა არსებობს კრიზისული ცენტრების და თავშესაფრების სახით. ძალადობის მსხვერპლთა მომსახურების **კრიზისული ცენტრი** წარმოადგენს **ადამიანთ ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდის** სტრუქტურულ ერთეულს. მომსახურება უფასოა და მისი მიღება შესაძლებელია ყოველდღე, შაბათ-კვირის და უქმე დღეების გარდა, 09 საათიდან 18 საათამდე. სერვისი ითვალისწინებს: ფსიქო-სოციალურ რეაბილიტაციას/დახმარებას, სამედიცინო მომსახურების ორგანიზებას, იურიდიულ კონსულტაციას-ადვოკატირებას, თარჯიმნის მომსახურებას. საჭიროების შემთხვევაში დაზარალებულს გადაიყვანენ **თბილისის ძალადობის მსხვერპლთა მომსახურების კრიზისული ცენტრის** დროებით სადღეღამისო საცხოვრისში. კრიზისული ცენტრები აგრეთვე ფუნქციონირებს **თბილისში, ქუთაისში, გორში, ოზურგეთში** და **მარნეულში**.

სახელმწიფო თავშესაფრები საქართველოში **2009 წლიდან** არსებობს. ამჟამად გახსნილია **სიღნაღში, ქუთაისში** და **გორში**. სერვისი ითვალისწინებს: სადღეღამისო საცხოვრისს, ფსიქო-სოციალურ რეაბილიტაციას, სამედიცინო მომსახურებას, სამართლებრივ დახმარებას, საჭიროების შემთხვევაში - თარჯიმნის მომსახურებას. მუშაობს ჯგუფი იურისტის, ფსიქოლოგის, სოციალური მუშაკისა და მედმუშაკის შემადგენლობით. ბავშვებზე ძალადობის სამიშროების შემთხვევაში შესაძლებელია სოციალური მომსახურების სააგენტოსთან დაკავშირება. თავშესაფარში ყოფნის პერიოდში ბენეფიციარები განთავისუფლებულნი არიან საყოფაცხოვრებო საზრუნავისგან; მხოლოდ საკუთარი პრობლემების მოგვარებით და პიროვნული ზრდით არიან დაკავებულნი. აქ პროფესიული გადამზადების პროგრამებიც იგულისხმება. ამ საკითხზე არასამთავრობო ორგანიზაციებთან თანამშრომლობის მემორანდუმი გაფორმებული. პარალელურად ბენეფიციარს დასაქმებაშიც ეხმარებიან. თუკი სამი თვის შემდეგ მისი მდგომარეობა ისევ სპეციალისტთა ყურადღებას მოითხოვს, თავშესაფარში ყოფნის ვადა, შესაძლოა, კიდევ სამი თვით გაგრძელდეს. ხოლო როდესაც თავშესაფარს ტოვებს, ერთი წლის განმავლობაში მისი მდგომარეობის მონიტორინგი ხორციელდება. საჭიროების შემთხვევაში ისევ თავშესაფარში აბრუნებენ.

სახელმწიფო თავშესაფარში განთავსებისთვის ოჯახური ძალადობის მსხვერპლის სტატუსია საჭირო. პრაქტიკულად ყველა ბენეფიციარი ლანძღვა-გინებას, ცემას და ფსიქოლოგიურ ზეწოლას უჩივის. ზოგი ქმრისგან სექსუალურ ძალადობასაც. ცალკე პრობლემაა ეჭვიანობის ნიადაგზე ზენოლა: სამსახურში არ წახვალ, თორემ... და ა.შ. **ფონდმა აამუშავა 24-საათიანი „ცხელი ხაზი“ - 116 006 (ზარი უფასო და ანონიმურია)**. თვეში რამდენიმე ასეული ქალბატონი რეკავს. კონსულტაციისთვის პირადად მისვლაც შეიძლება. სამწუხაროდ, „ცხელ ხაზზე“ დარეკვას ვიზიტი ყოველთვის არ მოჰყვება, მაგრამ არც ვიზიტი ნიშნავს საკუთარი უფლებების დასაცავად მზაობას. ეს კონკრეტული ქალის ხასიათზე დამოკიდებული. სამწუხაროდ, ქალები თავშესაფარში მხოლოდ მაშინ მოდიან, როდესაც ოჯახური კრიზისი კულმინაციას აღწევს, ანუ ცემა-ტყევა და ზენოლა სისტემატურ ხასიათს ღებულობს. საჭიროების შემთხვევაში გათვალისწინებულია სასამართლოში წარ-

სადგენად საბუთების გამზადება და წარმომადგენლობის განწევა. მივა თუ არა პროცესი ბოლომდე, ბენეფიციარის სურვილზე და მოკიდებული. სამწუხაროდ, ხშირად უჭირთ საქმის ბოლომდე მოყვანა. იტყვის: კმარა, ვშორდები! მოუმზადებენ საბუთებს და... გადაიფიქრებს! მიზეზი უამრავია: მაგალითად, წასასვლელი არსად აქვს, ან ეკონომიურად ქმარზე და მოკიდებული. ხშირად, საკუთარი შემოსავალიც აქვს, არც ბინა უჭირს, მაგრამ გადაწყვეტილების მიღებას მაინც ვერ ახერხებს. ასეთ შემთხვევაში მიზეზი ქალის სუსტ ხასიათში უნდა ვეძიოთ.

ავტორის აზრით, ქალების მხრიდან ორჯოფობის და ძალადობის საპრევენციოდ, მუშაობა ოთხი მიმართულებით უნდა განხორციელდეს: 1) ქალების ეკონომიკური გაძლიერება; 2) პიროვნული ზრდის პროგრამების ფართო დანერგვა; 3) მოძალადეებთან მუშაობა; 4) სამოქალაქო განათლების კურსში საოჯახო ეთიკის საკითხების შეტანა. ამასთან, ეს მუშაობა სახელმწიფო პოლიტიკის ნაწილი უნდა გახდეს, ვინაიდან ოჯახის ინსტიტუტი სტრატეგიული სფეროა.

დაძრული ცინული

ვერიონტეგრაციის კურსი გადამწყვეტი ფაქტორი გახდა გენდერულად კორექტული პოლიტიკის შემუშავებისთვის. არასამთავრობო სექტორი ხელისუფლებას მოდუნების საშუალებას არ აძლევდა. საერთაშორისო ორგანიზაციებიც რეკომენდაციებს გვანდვდიდნენ.

მოდით, თვალი გადავალთ ხელისუფლების საკვანძო ნაბიჯებს გენდერული პოლიტიკის დემოკრატიზაცია-ჰუმანიზაციის მიმართულებით:

1994 - განხორციელდა CEDAW კონვენციის ხელმოწერა და რატიფიცირება ქალთა მიმართ ყველა ფორმის დისკრიმინაციის აღმოსაფხვრელად.

1995 - მიღებული იქნა პეკინის დეკლარაცია და სამოქმედო პლატფორმა;

1998-2000 - განხორციელდა ეროვნული სამოქმედო გეგმით „ქალთა მდგომარეობის გაუმჯობესებისათვის“ გათვალისწინებული ღონისძიებები.

1999 - საქართველოს ეროვნული უსაფრთხოების საბჭოში შეიქმნა სახელმწიფო კომისია; იგი შედგებოდა 27 მაღალი რანგის წევრისგან, რომელთა შორის იყვნენ მინისტრები, მინისტრის მოადგილეები, ადგილობრივი და საერთაშორისო არასამთავრობო ორგანიზაციებისა და მედიის წარმომადგენლები. აგრეთვე შემუშავდა ქალთა წინსვლის სახელმწიფო პოლიტიკა.

1999 - მიღებული იქნა 511-ე დადგენილება, რომელიც ითვალისწინებს ღონისძიებებს ქალთა უფლებების დაცვის გაძლიერების შესახებ საქართველოში.

2000-2002 - განხორციელდა ეროვნული სამოქმედო გეგმით „ქალთა მიმართ ძალადობის წინააღმდეგ“ გათვალისწინებული ღონისძიებები.

2000-2004 - განხორციელდა ეროვნული სამოქმედო გეგმით „ქალთა მდგომარეობის გაუმჯობესებისათვის“ გათვალისწინებული ღონისძიებები.

2004 - შეიქმნა გენდერული თანასწორობის საკონსულტაციო საბჭო.

2005 - შეიქმნა გენდერული თანასწორობის სამთავრობო კომისია.

2006 - დამტკიცდა გენდერული თანასწორობის სახელმწიფო კონცეფცია.

2006 - დამტკიცდა საქართველოს კანონი „ოჯახში ძალადობის აღმოფხვრის, ძალადობის მსხვერპლთა დაცვისა და დახმარების შესახებ“.

2008 - განხორციელდა ეროვნული სამოქმედო გეგმით „ოჯახში ძალადობის აღმოფხვრის, დაცვისა და ოჯახში ძალადობის მსხვერპლთა დახმარების შესახებ“ გათვალისწინებული ღონისძიებები.

2007 – საქართველოს მთავრობის დადგენილებით, გენდერული თანასწორობის სამთავრობო კომისია გაუქმდა და შეიქმნა გენდერული თანასწორობის პოლიტიკის შემუშავებელი უწყებათაშორისი კომისია. კომისიის დანიშნულება გახლდათ გენდერულ პრობლემატიკასთან დაკავშირებული საკითხების განხილვა, არსებული მდგომარეობის შესწავლა, სახელმწიფო პოლიტიკის შემუშავება და მთავრობის მიერ განხორციელებული სამოქმედო გეგმის მონიტორინგი.

2007-2009 - განხორციელდა ეროვნული სამოქმედო გეგმით „საქართველოში გენდერული თანასწორობის პოლიტიკის განხორციელების ღონისძიებათა შესახებ“ გათვალისწინებული ღონისძიებები.

2009-2010 - განხორციელდა ეროვნული სამოქმედო გეგმით „ოჯახში ძალადობის წინააღმდეგ ბრძოლისა და ოჯახში ძალადობის მსხვერპლთა დასაცავად გასატარებელ ღონისძიებათა შესახებ“ გათვალისწინებული ღონისძიებები.

2010 - დამტკიცდა საქართველოს კანონი გენდერული თანასწორობის შესახებ;

2011-2012 - განხორციელდა ეროვნული სამოქმედო გეგმით - „ოჯახში ძალადობის წინააღმდეგ ბრძოლისა და ოჯახში ძალადობის მსხვერპლთა დასაცავად გასატარებელ ღონისძიებათა შესახებ“ გათვალისწინებული ღონისძიებები.

2012 - განხორციელდა ოჯახში ძალადობის კრიმინალიზაცია. სისხლის სამართლის კოდექსის 126-ე მუხლის პირველი ნაწილის თანახმად, ოჯახის ერთი წევრის მიერ მეორეს მიმართ ძალადობა, სისტემური შეურაცხყოფა, შანტაჟი, დამცირება ისჯება საზოგადოებისთვის სასარგებლო შრომით, ვადით ოთხმოციდან ასორმოცდაათ საათამდე. იგივე ქმედება ჩადენილი: ორსული ქალის, არასრულწლოვანის ან უმწეო მდგომარეობაში მყოფი პირი მიმართ, არასრულწლოვანის თანდასწრებით მისივე ოჯახის წევრის მიმართ, ორი ან მეტი პირის მიმართ, პირთა ჯგუფის მიერ, არაერთგმის, ამავე მუხლის მეორე ნაწილით ისჯება საზოგადოებისთვის სასარგებლო შრომით, ვადით ასიდან ორას საათამდე, ან თავისუფლების აღკვეთით ვადით ერთ წლამდე.

2012-2015 - განხორციელდა ეროვნული სამოქმედო გეგმით „გაეროს უშიშროების საბჭოს რეზოლუციის 1325-ის შესაბამისად“ (2011 წლის დეკემბერი) გათვალისწინებული ღონისძიებები.

2013 - შეიქმნა თანამდებობა - პრემიერ მინისტრის თანაშემწე ადამიანის უფლებებისა და გენდერული თანასწორობის საკითხებში; სახალხო დამცველის აპარატში გენდერული თანასწორობის დეპარტამენტი ჩამოყალიბდა.

2013-2015 - განხორციელდა ეროვნული სამოქმედო გეგმით „ძალადობის წინააღმდეგ ბრძოლისა და ოჯახში ძალადობის მსხვერპლთა დასაცავად გასატარებელ ღონისძიებათა შესახებ“ გათვალისწინებული ღონისძიებები.

2014 - დამტკიცდა საქართველოს კანონი დისკრიმინაციის ყველა ფორმის აღმოფხვრის შესახებ;

2014-2016 - განხორციელდა ეროვნული სამოქმედო გეგმით „გენდერული თა-

ნასწორების შესახებ“ გათვალისწინებული ღონისძიებები.

2014 - ხელი მოეწერა ქალთა მიმართ და ოჯახში ძალადობის პრევენციისა და აღკვეთის შესახებ ევროპის საბჭოს კონვენციას (ე.წ. სტამბულის კონვენცია).

2014 - განხორციელდა საკანონმდებლო ცვლილებების პირველი ტალღა, კანონმდებლობის ჰარმონიზება სტამბულის კონვენციის შესაბამისად.

2015 - საქართველოს თავდაცვის სამინისტრომ დაამტკიცა გენდერული თანასწორობის სტრატეგია, დაინიშნა კოორდინატორი გენდერულ საკითხებში.

2015 - საქართველოს პრეზიდენტმა 2015 წელი ქალთა წლად გამოაცხადა;

2016 - დამტკიცდა ქალთა მიმართ ძალადობის და ოჯახში ძალადობის წინააღმდეგ ბრძოლისა და მსხვერპლთა (დაზარალებულთა) დასაცავად გასატარებელ ღონისძიებათა 2016-2017 წლების სამოქმედო გეგმა.

2016 - დამტკიცდა ქალებზე, მშვიდობასა და უსაფრთხოებაზე გაეროს უშიშროების საბჭოს რეზოლუციების განხორციელების 2016-2017 წლების საქართველოს ეროვნული სამოქმედო გეგმა.

2017 - მოხდა ევროპის საბჭოს „ქალთა მიმართ ძალადობისა და ოჯახში ძალადობის პრევენციისა და აღკვეთის შესახებ“ კონვენციის რატიფიცირება;

2017 - შეიქმნა გენდერული თანასწორობის, ქალთა მიმართ და ოჯახში ძალადობის საკითხებზე მომუშავე უწყებათაშორისი კომისია.

2018 - დამტკიცდა ქალებზე, მშვიდობასა და უსაფრთხოებაზე გაეროს უშიშროების საბჭოს რეზოლუციების განხორციელების 2018-2020 წლების ეროვნული სამოქმედო გეგმა.

2018 - დამტკიცდა ქალთა მიმართ ძალადობის და ოჯახში ძალადობის წინააღმდეგ ბრძოლისა და მსხვერპლთა (დაზარალებულთა) დასაცავად გასატარებელ ღონისძიებათა 2018-2020 წლების სამოქმედო გეგმა.

2019 - საქართველომ გაეროში წარადგინა პეკინის მოქმედებათა პლატფორმის 25 წლის განხორციელების ანგარიში.

მიუხედავად, სმირ შემთხვევაში, ფორმალისტური ხასიათისა (მაგალითად გენდერული სფეროსაგან შორს მყოფი კახა ბენდუქიძის გენდერული თანასწორობის პოლიტიკის შემუშავებელი უწყებათაშორისი კომისიის ხელმძღვანელად დანიშვნაც გამოდგება), პროცესი, საერთო ჯამში, შეუქცევადი იყო და, დროთა განმავლობაში, კონსტრუქციული შედეგები გამოიღო.

გვიშველა თუ არა კანონმა?

კანონმა სასურველი შედეგი რომ მოგვითქვას, აუცილებელია მისი აღსრულების მექანიზმების შექმნა. ოჯახში ძალადობის საწინააღმდეგო კანონმდებლობის შემუშავების პერიოდში ამ საკითხზე ვესაუბრე **მარი მესხს, ახალგაზრდა იურისტთა ასოციაციის პრეზიდენტის კოორდინატორს:**

- კანონის შემუშავების აუცილებლობა განაპირობა როგორც საერთაშორისო ვალდებულებებმა, ისე შინაგანმა აუცილებლობამ. საერთაშორისო ვალდებულებები

ბებში იგულისხმება თუნდაც კონვენციები, რომლებსაც მივეერთდით: „ქალთა დისკრიმინაციის ყველა ფორმის ლიკვიდაციის კონვენცია“, „სამოქალაქო და პოლიტიკურ უფლებათა პაქტი“ და ა.შ. ამ კუთხით საერთაშორისო ვალდებულებები რომც არ გვექნოდა, ეს კანონი მაინც დაგვჭირდებოდა. მსხვერპლს სჭირდება დაცვა სამართლებრივი, სოციალური, ფსიქოლოგიური და, რიგ შემთხვევებში, სამედიცინო თვალსაზრისით. ყველა ეს პარამეტრი კანონში გათვალისწინებულია. კანონს დაცვის მექანიზმებიც სჭირდება - მაგალითად, ფინანსური უზრუნველყოფა. **საია** ამჟამად მუშაობს სამოქმედო გეგმაზე, რომლის მიზანი კანონის წარმატებით დანერგვის ხელშეწყობაა. გეგმა მრავალპლანიანია: ოჯახში ძალადობის საწინააღმდეგო კანონისთვის სამართლებრივი სივრცის შექმნა, ანუ საკანონმდებლო ბაზის სრულყოფა; საზოგადოების ინფორმირება ყველა ხელმისაწვდომი საშუალებით (იგულისხმება მასმედია, სემინარები, ბროშურები, ბუკლეტები და ა.შ.); ოჯახში ძალადობის საპრევენციო ღონისძიებათა შემუშავება, მსხვერპლთა დაცვა-რეაბილიტაციის ღონისძიებათა შემუშავება, ფინანსური უზრუნველყოფის სტრატეგიის შემუშავება და სხვა.



ამ საუბრის შემდეგ დიდი გზა გამოვიარეთ. „სათარის“ აღმასრულებელი დირექტორის, ბაია პატარაიას აზრით, ამჟამად შემაკავებელი და დამცავი ორდერები ძალიან კარგად მუშაობს. მათი გამოყენების შემთხვევაში დანაშაულის რეციდივი დაბალია. მძიმე შედეგი, ძირითადად, მაშინ დგება, როდესაც, მიუხედავად ქალის არაერთგზის მიმართვისა, ორდერი არ არის გამოწერილი.

შს-ს საიტზე გამოქვეყნებული ინფორმაციის თანახმად, 2018 წელს დაფიქსირდა შემაკავებელი ორდერების დარღვევის 6%-იანი მაჩვენებელი; 2019 წელს, ოჯახში ძალადობის ფაქტებზე გამოცემული შემაკავებელი ორდერი მხოლოდ 4%-მა დაარღვია. 2018-2019 წლებში, შემაკავებელი ორდერის მოქმედების ვადაში არც ერთი მკვლელობა არ მომხდარა.

მიუხედავად მიღწეული შედეგებისა, დღესაც აქტუალურია კითხვები: გვიშველის თუ არა ოჯახში ძალადობის საწინააღმდეგო კანონმდებლობა? შეუწყობს თუ არა ხელს ფაქტების უფრო ეფექტიანად გამოვლენას და პრევენციას?

ადვოკატ ეკა იობაძის აზრით, კანონმა რომ კარგად იმუშაოს, აუცილებელია მისი გზადაგზა დახვეწა:

- თავიდან პოლიციელებს ორდერების გამოწერა უჭირდათ, ვინაიდან ადგილზე რომ მიდიოდნენ, მოძალადე ხშირად უკვე დამშვიდებული ხვდებოდათ; სამაგიეროდ, გადატანილი სტრესის გამო, მსხვერპლი იყო ისტერიკაში. ფიზიკური ძალადობის კვალი თვალთ ჩანს; მაგრამ, ფსიქოლოგიური ძალადობის შემთხვევაში, როგორ დაეღვინათ, რომ ძალადობა ნამდვილად მოხდა? ხშირად მომხდარის კვალიფიკაციის პრობლემაც იდგა; ანუ, კანონის რეალურად ასამუშავებლად, უამრავი ნიუანსი იყო დასაზუსტებელი. აღსრულების მექანიზმიც მოისუსტებდა. გარკვეული პერიოდი დასჭირდა იმის გაცნობიერებას, რომ გაფრთხილების მექანიზმი არ მუშაობდა და პირდაპირ შემაკავებელი ორდერი უნდა გამოწერილიყო. გაფრთხილება, ძალადობის პრევენციის ნაცვლად, ფაქ-

ტობრივად, მის წახალისებას ახდენდა. რამდენიმე წლის წინათ, ქუთაისში ერთი და იმავე მოძალადის მიმართ შვიდი გაფრთხილება იქნა გამოწერილი - ეს ფაქტი თავისთავად მრავლისმეტყველია. ძალადობის რისკის შეფასების ინსტრუმენტის შემოღების შემდეგ ორდერის გამოწერის პროცესი მონესრივდა. ამ ეტაპზე, ვფიქრობ, კანონი გაცილებით ეფექტიანად მუშაობს, თუმცა, დასაბალანსებელია. კერძოდ, აუცილებელია მისი ბოროტად გამოყენების საპრევენციო მექანიზმის შემუშავება. ეს რეალურად ხდება როგორც ქალების, ისე მამაკაცების მხრიდან, რაც სწორედ ორდერების გამოწერის გაადვილებამ განაპირობა. ფსიქოლოგიური ძალადობის შემთხვევაში კი ორდერები იოლად გამოიწერება. მოძალადეები კი მოხერხებული მანიპულატორები არიან, კარგად აუღეს ალლო და აქეთ აწერიანებენ შემაკავებელ ორდერს ცოლების წინააღმდეგ. ანუ, ეს დაუბალანსებლობა ისევ ქალებს უბრუნდებათ. ცხადია, ბოროტად გამოყენება არც ქალების შემთხვევაშია გამორიცხული. იყო ასეთი ფაქტი: ყოფილ მეუღლეებს შორის ქონებრივი დავის ფონზე ქალმა სკანდალის პროვოცირება მოახდინა; მერე პოლიცია გამოიძახა და ყოფილი მეუღლისთვის შემაკავებელი ორდერი გამოაწერინა. უნდოდა ამ დოკუმენტით მოსამართლეზე გარკვეული ზემოქმედება მოეხდინა - აქაოდა, მოძალადეო. ორდერის გამოწერას ერთგვარი სირთხილით უნდა მოვეკიდოთ, რაშიც, ბუებრივია, არ ვგულისხმობ მისი გამოწერის გართულებას. სასამართლოს მიერ მისი დამტკიცებისას საფუძვლიანად უნდა მოხდეს გარემოებების გადამოწმება, რათა რომელიმე მხარის მიერ უფლების ბოროტად გამოყენება გამოირიცხოს.

კავშირ „საფარის“ ჰქონდა კურიოზული შემთხვევა: მოძალადემ ცოლს პოლიციაში მიასწრო და ორდერი აქეთ გამოაწერინა - ფსიქოლოგიური ძალადობის მსხვერპლი ვარ, სიღვრე და ცოლი მწყევლიანო. ორგანიზაციის ძალისხმევით ორდერი გაუქმებული იქნა.

„ქალთა საინფორმაციო ცენტრის“ ხელმძღვანელი ელენე რუსეკვი აღნიშნავს, რომ მნიშვნელოვანი წარმატებები იქნა მიღწეული გენდერული თანასწორობის ინსტიტუციური მექანიზმების შექმნის სფეროში:



- 2016 წლის შემდეგ ყველა მუნიციპალიტეტი ვალდებულია შექმნას გენდერული თანასწორობის საბჭო, რაშიც „ქალთა საინფორმაციო ცენტრმა“ დიდი წვლილი შეიტანა. ეს საბჭოები ძალზე სერიოზული დასაყრდენია რეგიონებში გენდერული პოლიტიკის შემუშავება-განხორციელებისთვის. იქამდე კანონი მუნიციპალიტეტს ამას არ ავალდებულებდა; ამიტომ მსგავსი სტრუქტურები არამდგრადი იყო - იქმნებოდა და იშლებოდა. გარდა ამისა, ყველა მუნიციპალიტეტებს უკვე აქვს გენდერული თანასწორობის სამოქმედო გეგმები და კიდევ ახორციელებენ.

სამოქმედო გეგმებში უდევთ ქალთა მიმართ ძალადობის საკითხებზე ცნობიერების ამაღლება და საჭიროებების კვლევა. ადრე წარმოუდგენელი იყო მუნიციპალიტეტის ვალდებულება გენდერული ძალადობის საწინააღმდეგო კამპანიის ორგანიზების თაობაზე. ახლა ეს უკვე რეალობაა. შარშან, მაგალითად, თითქმის ყველა მუნიციპალიტეტმა ეს აქტივობა განახორციელა. რამდენიმე მუნიციპალიტეტმა გამოჰყო კრანტები ქალთა ეკონომიკურ გაძლიერებაზე. პანდემიის პერიოდში, როდესაც

ქალთა მიმართ ძალადობა უფრო გაძლიერდა, **ბოლნისის** და **მარნეულის** რაიონებში მუნიციპალიტეტების დახმარებით საინფორმაციო უზრუნველყოფა გავაკეთეთ მობილურებზე **SOS აპლიკაციის** დასაყენებლად, რომლის დახმარებით მსხვერპლს შეუძლია თითის ერთი დაჭერით გამოიძახოს პატრულის თანამშრომლები.

2020 წელს გამოქვეყნდა **გაეროს ორგანიზაციების ერთობლივი პროგრამის „გენდერული თანასწორობისთვის“** თარგვლებში მომზადებული კვლევის ანგარიში. გამოკვლევით იქნა გენდერული წარმოდგენები და ქცევები 2019 წელს და გაკეთდა შედარებითი ანალიზი 2013 წლის ანალოგიურ მონაცემებთან. აღმოჩნდა, რომ ძალადობის მიმართ დამოკიდებულება უფრო კორექტული გახდა. 2013 წლის კვლევაში რესპონდენტების 80%-ზე მეტმა გამოიხატა ისეთი ვითარება, როდესაც ქალი, შესაძლოა, ცემას კიდევ იმსახურებდეს და ეს დამოკიდებულება 2019 წლისთვის შენარჩუნებული იქნა. სამაგიეროდ, ქალების 10,1%-მა და მამაკაცების 17,8%-მა განაცხადა, რომ ოჯახის შესანარჩუნებლად ქალმა ძალადობა უნდა აიტანოს. ამასთან, გამოკითხულ მამაკაცთა 52,5% და ქალთა 35% დღესაც დარწმუნებულია, რომ ოჯახში ძალადობა პირადი საკითხია და სხვები არ უნდა ჩაერიონ. რა დასკვნა შეიძლება გაკეთდეს აქედან? აშკარაა, რომ სამართლებრივი „რევილუცია“ დიდად ვერაფერს გვიშველის, თუ ადამიანთა თავებში მენტალური „რევილუცია“ არ მოხდა.

ამ წიგნზე მუშაობის პროცესში, **2020 წლის 13 ივლისს, გაეროს ქალთა ორგანიზაციის** ძალისხმევით, მესამე მოსმენით, მიღებული იქნა **კანონპროექტი მოძალადეზე ელექტრონული ზედამხედველობის შესახებ**. ძალადობის შემთხვევაში, მოძალადეს სხეულზე ელექტრონული სამაჯური დაუმაგრდება. ელექტრონული ზედამხედველობა განხორციელდება იმ შემთხვევაში, თუ პოლიციელი ჩათვლის, რომ ძალადობის განმეორების რისკი არსებობს. ზედამხედველობაზე ნებართვას სასამართლო გასცემს. მოძალადის ადგილზე არყოფნისას, პოლიციელს აქვს უფლება, რომ სხეულზე ელექტრონული საშუალების დასამაგრებლად იგი განყოფილებაში დაიბაროს. გამოუცხადებლობის შემთხვევაში გამოცხადდება ძებნა ქვეყნის მასშტაბით. ოჯახის წევრთა ჩამონათვალს კი დაემატა წარსულში არარეგისტრირებულ ქორწინებაში მყოფი, მხარდაჭერის მიმღები, მეურვეობასა და მზრუნველობაში მყოფი პირები. **ცვლილებები ძალაში 2020 წლის 1 სექტემბერს შევიდა**. ეს მნიშვნელოვანი სიახლე, უდავოდ, შეასუსტებს რისკებს. კანონმდებლებს მის დაწერვაზე ჯერ კიდევ 2006 წელს რომ ეზრუნათ, ვინ იყის, რამდენი ქალის სიცოცხლე გადაარჩებოდა.

ახლა უკვე შეგვიძლია არგუმენტირებული პასუხი გავცეთ შოთა მალაშხიას შეკითხვას - ამცირებს თუ არა კანონი „ქალთა მიმართ ძალადობის ან/და ოჯახში ძალადობის აღკვეთის, ძალადობის მსხვერპლთა დაცვისა და დახმარების შესახებ“ ოჯახში ძალადობას. სწორად შემუშავების და, ასევე, სწორად დანერგვის შემთხვევაში, ცხადია, შეამცირებს, ვინაიდან, ყოველი კონკრეტული დანაშაულის აღკვეთაზე ორიენტირებული. მაგრამ ოჯახში ძალადობას, როგორც სოციალურ მოვლენას, ყველაზე საუკეთესო კანონიც კი ვერ გააქრობს. რატომ? იმიტომ რომ სამართლებრივი მეთოდები დანაშაულის მხოლოდ შედეგზე მუშაობს - ეს მოკლევადიანი სტრატეგიაა. რეალურად, შეიძლება ვილაპარაკოთ ოჯახში ძალადობის

მხოლოდ მაქსიმალურ მინიმიზაციაზე, რაც მის გამომწვევ მიზეზებზე კარგად გათვლილი და მიზანმიმართული ზემოქმედებითაა შესაძლებელი. ყველა მანკიერი მოვლენის ძირეული მიზეზი ადამიანთა მენტალობაშია. შესაბამისად, გრძელვადიანი პრევენციული ეფექტისთვის, სწორედ საზოგადოებრივ ცნობიერებაზე მუშაობა, ანუ გრძელვადიანი სტრატეგია დაგვჭირდება; სამოქალაქო აღზრდის სისტემა მაქვს მხედველობაში. ვფიქრობ, მოკლევადიანი და გრძელვადიანი სტრატეგიის შეთავსებით ძალადობრივი სინდრომის მინიმუმამდე დაყვანა, პერსპექტივაში, სავსებით შესაძლებელია.

თავი მესამე

ტრაფიკინები,

ანუ

თქვენაქვართვე ამნობა

„ობობას ქსელში“

ტრანსნაციონალური ორგანიზებული დანაშაულის წინააღმდეგ გაეროს კონვენციის თანახმად, „ტრეფიკინგი“ ნიშნავს ადამიანთა გადაყვანას, შეფარებას ან მიღებას, თაღლითობით, მოტყუებით, ძალის გამოყენებით, მოტაცებით, ან პირის უმწიფობის ბოროტად გამოყენებით. ამ ქმედებათა მიზანი ადამიანთა ექსპლუატაციაა. ექსპლუატაციაში იგულისხმება როგორც იძულებითი შრომა, ისე სხეულით ვაჭრობის იძულება. ტრეფიკინგის მიზანი, შესაძლოა, ორგანოების არალეგალური ტრანსპლანტაცია იყოს. მთელი მსოფლიოს მასშტაბით ტრეფიკინგის მსხვერპლი 27 მილიონამდე ადამიანია. ადრე მიიჩნევდნენ, რომ ტრეფიკინგი იყო მოგების სიდიდის მიხედვით მსოფლიოში მესამე კრიმინალური ბიზნესი (იარაღით და ნარკოტიკებით ვაჭრობის შემდეგ). შემდეგ გაჩნდა იმის მტკიცების საფუძველი, რომ ამ მაჩვენებლით ორივეს უსწრებს; ლაპარაკია მილიარდობით დოლარზე.

გენდერული ნიშნით ძალადობაზე საუბრისას ტრეფიკინგის თემას გვერდს ვერ ავუქცევთ. ახალგაზრდა ქალებს, ძირითადად, პროსტიტუციაში „ასაქმებენ“. ამდენად, მონობის თანამედროვე ვერსია - ტრეფიკინგი ქალთა დისკრიმინაციის უსასტიკეს ფორმად უნდა მივიჩნიოთ. შემთხვევითი არ არის, რომ საქართველოს პოლიტიკურ წრეებში გენდერული თემატიკა სწორედ ამ პრობლემაზე საუბრით დაიწყო. 90-იანი წლების სოციალური და ეკონომიკური კრიზისის პირობებში არაკონტროლირებადმა შრომითმა მიგრაციამ არალეგალ მიგრანტთა ექსპლუატაციისთვის ნოყიერი ნიადაგი შექმნა; ხოლო ანტიტრეფიკინგული კანონმდებლობის და შრომითი მიგრაციის კანონების უქონლობამ ტრეფიკიორებს, ფაქტობრივად, მწვანე შუქი აუთო. მათ მოტყუებით გადაჰყავდათ ქალები საზღვარგარეთ; მერე კი დაშინებითა და შანტაჟით სხეულით ვაჭრობას აიძულებდნენ.

უფლებადამცველ თამარ დადიანის სიტყვით, 90-იან წლებში საქართველო სატრეფიკინგო ქსელის გამტარი რგოლი იყო:

- თბილისი-ბათუმი-თურქეთი-ემირატები - ასეთი იყო მარშრუტი, რომლითაც ადგილობრივი, აგრეთვე აზერბაიჯანიდან და სომხეთიდან ჩამოყვანილი ქალები მუსლიმანურ ქვეყნებში გაჰყავდათ. თურქეთში სისტემის მთავარი რგოლს სათავეში ედგა ასაკოვანი ქალი, ვინმე მანუკიანი, რომელსაც პოლიციაში თავისი ხალხი ჰყავდა. თუმცა, საბოლოოდ, მაინც დააკავეს და როგორც შევითქვით, ციხეში გარდაიცვალა. არალეგალურად გადაყვანილთა შორის ბევრი დევნილი იყო. ისეთი სიტუაციაც მახსოვს, როდესაც ტრეფიკიორებს გამოქცეული ქართველი ქალები ქუჩაში დადგნენ და ფეხზე „სამი ლარი“ დაინერეს. გაჭირვებამ ხალხი ისეთ დღეში ჩააგდო, რომ 1990-1995 წლებში ვაგზლის მოედანზე ბიოლოგიური მშობლები თავისი ხელით აბარებდნენ არასრულწლოვან გოგონებს ტრეფიკორებს. ამაზე 90-იან წლებში ბეჭდურ მედიაში უამრავი მასალა გავუშვით. მახსენდება შემთხვევა,

რომლის თაობაზე უშიშროებასაც შევატყობინეთ: ერთ-ერთი სოფლიდან გოგონა დაიკარგა. კარგა ხანს არ იყო დენი, სად იყო; მერე კი ვიდაც მამაკაცის ხელით ფურცლის ნაგლეჯზე ბებიას წერილი გამოუგზავნა: საშინელ დღეში ვარ, გამომკეტეს, შენ ბოსელში ცხოველები რომ გყავს, იმაზე უარესად მექცევიან. შემოდიან ვიდაც ბებერი კაცები, მუშატიურებენ, მცემენ, ხანდახან კი საჭმელს მაჭმევენო. ეს ბავშვი დაიკარგა, მის გზა-კვალსაც ვერ მიაგნეს. როგორც წესი, ასეთი იყო ტრეფიკინგის მსხვერპლის ცხოვრების ფინალი. ანტიტრეფიკინგული კანონმდებლობის მიღება გაჭიანურდა იმიტომ, რომ შევარდნაძის რეჟიმს არ აწყობდა მისი არსებობა. ყველა ჩრდილოვან ბიზნესს, იქნებოდა ეს ტრეფიკინგი, თუ ნარკოტიკებით ვაჭრობა, უშიშროების ხალხი ლობიერებდა.

1997 წლის აპრილში ვესაუბრე საქართველოს შინაგან საქმეთა სამინისტროს ნარკომანიის წინააღმდეგ ბრძოლის სამმართველოს (ყოფილი ნარკომანიის და პროსტიტუციის განყოფილება) უფროსს გოჩა სისაურს და ამავე რეგოლის განყოფილების გამგეს რემო სულაქველიძეს. გასვლითი პროსტიტუცია მათ შეაფასეს როგორც ქვეყნის წინაშე მდგომი ერთ-ერთი სერიოზული გამოწვევა. თვალსაჩინოებისთვის კი გამაცნეს მასალები, რომელთა ნაკითხვისას თმები ყალყზე დამიდგა. ნიჭიერი კინორეჟისორი ამ მასალებზე დაყრდნობით საშინელებათა ფილმს გადაიღებდა. ჩემს თვალწინ აღიმართა ოთხი მონსტრი, ოთხი მდებრობითი სქესის სისხლისმსმელი „ობობა“; სამს თურქეთში ჰქონდა გაბმული ქსელი, ხოლო ერთს - ემირატებში. ამ ქსელში უამრავი ქალი გაიხლართა. მათ მრავალჯერ დაყდილი სქემით აბამდნენ: დასაქმების დაპირება, საზღვარგარეთ ჩაყვანა, დაშინება, არაადამიანური ექსპლოატაცია და ბოლოს პირში ჩალაგამოვლებული გამოჰანღურება, ან სულაც უპასპორტოდ და უსახსროდ მიგდება. ეს იყო კონვეიერივით აწყობილი და კარგად ორგანიზებული სისტემა. „მამაშები“ წარმატებით „უძღვებოდნენ“ ბიზნესს არა მარტო საქართველოში, არამედ ემირატების და აგრეთვე თურქეთის სასტუმროებში. ძალოვან სტრუქტურებშიც თავისი ხალხი ჰყავდათ.

ყველაფერი იწყებოდა „მამაშას“ მიერ კარგად ორგანიზებული აგენტურის მიერ სოციალურად შეჭირვებული ახალგაზრდა ქალის გამოვლენით. აგენტების როლში გამოდიოდნენ ქალის მეგობრები, ნათესავები, დაქალები; ანუ ადამიანები, რომლებსაც მონიშნული მსხვერპლი ენდობოდა. დაყოლიების მეთოდი შეირჩეოდა კონკრეტული სიტუაციის და პოტენციური მსხვერპლის ხასიათის მიხედვით. ხანდახან ქალს სხეულით ვაჭრობით ფულის შოვნის წინადადებას პირდაპირი ტექსტით აძლევდნენ. უფრო ხშირად კი, უბრალოდ, ატყუებდნენ, ანუ კარგ სამსახურში მოწყობას პირდებოდნენ. „მამაშა“ თავიდან „კეთილი ფერის“ როლში ევლინებოდა, თავის ხარჯზე უფორმებდა დოკუმენტებს (როცა გექნება, ფულს მამინ დამიბრუნებო), თან პასპორტს ხელში არ აძლევდა, რომ ქალი მასზე ყოფილიყო დამოკიდებული; ადგილზე ჩასვლისას კი ფაქტის წინაშე აყენებდა. მსხვერპლი „მამაშას“ და მისი ამფსონების წინაშე უძლური იყო, ვინაიდან „წელში გატეხვის“ ტექნიკა კარგად ჰქონდათ დამუშავებული. ამასთან ადგილზე ყოველთვის ჰყავდათ ხელშემწყობი პირები: პოლიციის თანამშრომლები, სასტუმროს მენეჯერები და ა.შ. ურჩობის შემთხვევაში ქალს აპატიმრებდნენ და მეძავობისთვის ასამართლებდნენ.

მსხვერპლზე ზემოქმედების ერთ-ერთი ყველაზე ეფექტიანი ფორმა იყო შან-

ტაჟი. ქალის ოჯახის წევრებს, როგორც წესი, ეგონათ, რომ სამუშაოდ იყო წასული. „მამაშა“ ამას ჩინებულად იყენებდა: ნუ მეურჩები, თორემ აქ ყოფნის „შელამაზებულ“ ვერსიას შენს ოჯახს შევატყობინებო. კიდევ უფრო სასტიკი მეთოდი იყო პასპორტით მანიპულირება. „მამაშა“ ქალს ემუქრებოდა, რომ გაყიდდა მის პასპორტს და, ავტომატურად, მყიდველის საკუთრება გახდებოდა; ანუ, მეძავისა და „მამაშას“ ურთიერთობა იყო „მონათმფლობელი-მონას“ ტიპური დამოკიდებულება, თანხმობები ცემით, შეურაცხყოფით და ა.შ. ამ კატეგორიის მეძავთა ანაზღაურება იმ წლებში მერყეობდა ათი დოლარიდან ასორმოცდაათამდე, საშუალოდ, კი, ოცდაათს დოლარს უდრიდა. კლიენტთა დღიური რაოდენობა დამოკიდებული იყო ქალის მონაცემებზე, კონკრეტულ სიტუაციაზე და „მამაშას“ სიხარბებზე - ანგარიშსწორება მასთან ხდებოდა. ქალს ფულს ხელში არც აძლევდნენ და გამოშვებული თანხიდან მხოლოდ მათხოვრული პროცენტი რჩებოდა. საბოლოოდ, თვიური ხელფასი რაღაც 200-300 დოლარამდე მერყეობდა, მაგრამ ამასაც არ აძლევდნენ.

როდესაც „მამაშა“ მისგან სასურველ თანხას ამოქაჩავდა, ქალს „ჩანცობილ“ რეიდში მოაყოლებდა და ციხეში უშვებდა, ან თავლაფდასხმულს საქართველოში აბრუნებდა. ხშირი იყო ქალების უგზო-უკვლოდ დაკარგვის ფაქტები. ანუ ახლობლები ეძებდნენ, მაგრამ მის კვალსაც ვეღარ პოულობდნენ. პუბლიკაციის მომზადების მომენტში **რეზო სულაქველიძისთვის** ოთხი ასეთი ფაქტი იყო ცნობილი. ხშირად პასპორტში შავ ჯვარს უსვამდნენ. ამის შემდეგ თურქეთში ცხვირსაც ვეღარ შეყოფდა.

აი რამდენიმე ტიპური ისტორია:

ი. უ. – 21 წლის, ქმართან განქორწინებული. როდესაც უკიდურესად გაუჭირდა, კლასელმა გოგონამ შესთავაზა - ჩემს ნაცნობ ქალებთან მიგიყვან და საზღვარგარეთ სამუშაოდ მოგაწყობენო. კერძოდ, რესტორანში ოფიციატობა შესთავაზეს. ამ ქალებმა ძირითად დამქირავებელთან, ვინმე ა-სთან დააკავშირეს, რომელმაც პასპორტი ერთ დღეში გაუკეთა და მეორე დღესვე ორ სხვა გოგონასთან ერთად **თურქეთის** გზას გაუყენა. იქ სამივე ერთ სასტუმროში მოათავსა. ამის შემდეგ ა-მ „კეთილი ფერისი“ ნიღაბი ერთბაშად მოისროლა და ი.უ-ს უბრძანა მამაკაცს ნომერში წაჰყვირო. რა თქნა უნდა, „ტვინის გამორეცხვაც“ არ დააკლო. გოგონა შეშინდა და კლიენტს ტირილ-ტირილით გაჰყვა, მაგრამ როდესაც მამაკაცთან მართო აღმოჩნდა, გაჭიუტდა და არ დანებდა. „სასჯელმაც“ არ დააყოვნა - მეორე დღესვე პოლიციის რეიდში მოაყოლეს, რის შემდეგაც ქვეყანაში შესვლის აკრძალვით საქართველოში იქნა გადმოყვანილი. თბილისში ტრეფიკორის ქმარი მოადგა და ლანძღვა-გინებით აიკლო - ფული ტყუილად დაგახარჯეთო. ბოლოს კი ყალბი პასპორტით თურქეთში დაბრუნება შესთავაზა. თანხმობის შემთხვევაში გოგონა ა-ს ყრმობიერი მონის როლში აღმოჩნდებოდა, მაგრამ, საბედნიეროდ, თავი ხელში აიყვანა და პოლიციას მიმართა. ი.უ-ს სიტყვით იმ ორ ქალმა, რომლებმაც ა-ს დააკავშირეს, მისი „აღმოჩენისთვის“ ტრეფიკორებისგან 300 დოლარი გასამრჯელო მიიღეს.

ი. დ. – 27 წლის. ა-მ მასაც ჩაავლო კლანჭები და სასტუმროში იძულებით „ამუშავა“, ბოლოს არც გასამრჯელო მისცა და პირში ჩალაგამოვლებული დატოვა.

ვ. ვ. – 29 წლის. ვინმე **ს. ს.-მ** მოატყუა, თურქეთში სასტუმროს დამლაგებლად მოგაწყობო. ტრეფიკორმა მომავალ მსხვერპლთან ამ შემთხვევაშიც „კეთილი

ფერიის“ ნიღაბი მოირგო; თავდაპირველად დამშეულ ქალს ფინანსურად დაეხმარა და ტანსაცმელიც კი უყიდა. ასე დაბრმავებული ჩაიყვანეს ადგილზე. იქ კი აუხსნეს, რა შედიოდა მის მოვალეობებში. ქალის თავზარი დაეცა და უარი განაცხადა. მაშინ ს.ს.-მ თავისებურად „ჭკუა დაარიგა“: სასტიკად სცემა და აგინა. ბოლოს ვ. ვ. მის ნებას დაემორჩილა, მაგრამ ასეთ ცხოვრების წესს ფიზიკურად ვერ გაუძლო და ერთი თვის შემდეგ დასნეულდა. ს.ს. გააცოთა ამ ფაქტმა - ეგონა ქალი თავს ძალით იავადმყოფებდა და სასტიკად სცემა. როცა დარწმუნდა, რომ ვ.ვ.-ს მართლა არ შეეძლო „მუშაობა“, „მონყალება“ გაიღო - გზისთვის 70 დოლარი მისცა და გამოაპანღურა.

30 წლის მ.ი.-ს უფროსი და თურქეთში იყო წასული და უგზო-უკვლოდ დაიკარგა. ს.ს. მ.ი.-ს თურქეთში სამსახურში მონყობას და დღის მოძებნაში დახმარებას შეპირდა. ქალმა იფიქრა - ბედს ვეწიე, ვიმუშავებ და თან დასაც მოვძებნიო. ს.ს.-მ გზის ფული ასესხა, დოკუმენტებიც თავის ხარჯზე გაუკეთა - მერე დამიბრუნებო. დოკუმენტი, ცხადია, ხელში არ მისცა. ადგილზე კი მოვლენები ჩვეული სცენარით განვითარდა: მ.ი. გამოუვალ სიტუაციაში აღმოჩნდა. ერთადერთი „პლუსი“ ის იყო, რომ დღის ამბავი შეიტყო: ისიც ს.ს.-ს მსხვერპლი აღმოჩნდა. თურმე იმავე სასტუმროში ჰყავდა გამოკეტილი და ბოლოს ნივთივით ვიღაც თურქ მამაკაცს მიჰყიდა. საბოლოოდ მ.ი.-მ დას მაინც ვერ მიაგნო.

კიდევ უფრო საშინელი სიტუაცია იყო **ემირატებში**. საქართველოს სიშორით დაიმედებული „მამამები“ იქ განსაკუთრებული სისასტიკით და ცინიზმით მოქმედებდნენ. მსხვერპლის ხელში მოგდების სქემა კი ანალოგიური იყო: „კეთილი ფერიის ნიღბით“ ქალისათვის საზღვარგარეთ სამუშაოს შეთავაზება, ემირატებში მოტყუებით გადაყვანა და „აღმზრდელობითი ღონისძიებების“ შემდეგ „სამოვარზე“ გაშვება. ქმარშვილიანი ქალი **ე.ლ.** სწორედ ასე გააცურეს. **ს.-მ** ყველა ღონე იხმარა მისი მორალური განადგურებისთვის, ცემა და შიმშილით წამება არ დააკლო. ბოლოს **ე.ლ.** ბედს შეურიგდა. როდესაც აღმოჩნდა რომ ფეხმძიმედ იყო, „მამამა“ გაცოთდა, მორიგი „ეგზეკუცია“ მოუწყო და „საქმიანობის“ გაგრძელება აიძულა. ქალი იძულებული გახდა შვიდი თვის განმავლობაში მომსახურებოდა კლიენტებს. როცა ნაადრევი მშობიარობა დაეწყო, **ლ.ს.-მ** ექიმიც კი არ გამოიძახა, თავზე დაადგა და ცემის მუქარით აიძულა, რომ ჩუმად ემშობიარა. მერე ჭიპლარი თავისი ხელით გადაჭრა და ჩვილი ტუალეტში ჩაავდო. მშობიარობიდან ორი-სამი დღის შემდეგ **ე.ლ.** ისევ „სამუშაოდ“ გაუშვეს, მაგრამ ფიზიკურად ვერ გაუძლო და დასნეულდა. **ლ.ს.** მიხვდა, რომ ქალი ვეღარ „გაქაჩავდა“, ამიტომ უპატრონოდ მიაგდო და თბილისში დაბრუნდა. არაადამიანური დამციროების ფასად **ე.ლ.-მ** მაინც მოახერხა თბილისში დაბრუნება. აეროპორტში კი **ლ.ს.-ს** საყვარელი დახვდა თავისი დამქაშებით და ანგარიშსწორების მუქარით გაჩუმება უბრძანა.

საშინელი წამება გამოიარა **ლ.ს.-ს** ხელში **36 წლის ლ.ბ.-მ**. მას თავიდანვე უთხრეს, რა საქმეზე ევატიუებოდნენ; თანაც „ანუგეშეს“ - ერთი მუდმივი კლიენტი გეყოლებათ; მერე კი ქუჩაში გაამწესეს. ურჩობის შემთხვევაში „ჭკუაზე მოსაყვანად“ ქალებს სასტიკად სცემდნენ და ოთახში მშვირებს კეტავდნენ. „სამუშაო დღის“ შემდეგ ვალდებულნი იყვნენ ფული „მამაპისთვის“ ჩაებარებიანათ. **ლ.ს.** აშიშვლებდა და ისე ჩხრეკდა. თუკი ვინმეს ფულის გადამალვაზე გამოიჭერდა, სასტიკად უსწორდებოდა. **ლ.ბ.-მ** ამდენ ტანჯვა-შეურაცხყოფას ვერ გაუძლო და ფანჯრიდან

გადმოხტა, მაგრამ „გადარჩა“.

მასალების ნაკითხვის შემდეგ, ცხადია, დაინტერესდი რა ზომები იქნა მიღებული. სისაურმა და სულაქველიძემ მიპასუხეს, რომ მატერიალური და ფიზიკური რესურსების არასაკმარისობის გამო, სამართალდამცავი ორგანოები მოკლებულნი იყვნენ მოვლენებზე რაიმე ქმედითი ზეგავლენის საშუალებას. გამოძიება გულისხმობს საჭირო ფაქტების მოკვლევას, მეთვალყურეობის წარმოებას, საჭიროების შემთხვევაში, ზედამხედველობის განხორციელებას; ამისათვის კი აუცილებელია შესაბამისი სტრუქტურული ერთეულის და მუშაკთა კონტინგენტის არსებობა. ნარკომანიის და პროსტიტუციის განყოფილებისთვის სახელის შეცვლამ კი ავტომატურად განაპირობა ასეთი რგოლის გაუქმება. ანუ პროსტიტუციის კუთხით მუშაობა ამ განყოფილების კომპეტენციიდან ამოვარდა.

დოკუმენტებში მონოდეტული ფაქტები მხოლოდ საქართველოს შინაგან საქმეთა სამინისტროს ნარკომანიის წინააღმდეგ ბრძოლის სამმართველოს მუშაკთა პირადი ინიციატივით იქნა მოკვლეული და შსს-ს ხელმძღვანელობაც საქმის კურსში ჩააყენეს. რეაგირების შეუძლებლობის გამო ყველა მასალა დროებით დაკონსერვებული იყო. შეკითხვაზე სადამდე გავრძელებოდა ეს „დროებით“, სულაქველიძემ და სისაურმა მიპასუხეს, რომ ეს თავადაც აინტერესებდათ.

დანაშაულებრივი გულგრილობა?..

2001 წლის 21 თებერვალს „მიგრანტთა და უცხოელ მოქალაქეთა უფლებებისა და უსაფრთხოების დაცვის ცენტრმა“ ტრეფიკინგით დასაზარალებულ მოქალაქეთა ჯგუფთან ჟურნალისტების შეხვედრა მოაწყო. ორგანიზაციამ შეხვედრაზე მოიწვია შსს-ს, პროკურატურის და უშიშროების სამინისტროს წარმომადგენლები, მაგრამ მათ მობრძანებისგან რატომღაც თავი შეიკავეს. საქმე ეხებოდა შპს „შავი ცხენის“ თაღლითურ მოღვაწეობას. შპს-ს დირექტორმა, ვინმე მარინა სინჯიაშვილმა 2000 წლის 16 ოქტომბერს ბულგარეთში გაამგზავრა მოქალაქენი, რომელთაც, ხელშეკრულების თანახმად, ადგილზე შრომით მონყობას შეპირდა. ლაპარაკი იყო ქათმების შეფუთვაზე და სხვა ელემენტარულ სამუშაოებზე თვეში 500 დოლარის ანაზღაურებით. ფირმა კისრულობდა ხალხის სასტუმროში დაბინავებას სამჯერადი კვებით. ხელშეკრულების თანახმად კლიენტებს ფირმისთვის უნდა გადაეხადათ 500 დოლარი. აქედან 60% ხელმოწერისას, ხოლო დანარჩენი - გამგზავრების წინ.

ალბათ, მკითხველი უკვე მიხვდა, რომ ხელშეკრულების არც ერთი მუხლი (გარდა სასტუმროში დაბინავებისა) არ შესრულებულა. ადგილზე ჩასვლისთანავე მარინა სინჯიაშვილმა და მისმა დამქაშმა რამაზ ფირცხალავამ კლანჭები გამოაჩინეს. შანტაჟი, დამცირება, შეურაცხყოფა - არაფერი დააკლეს თავგზაბანეულ ადამიანებს. ფირცხალავა ქურდი ძმაკაცებით ამინებდა - ვინც ჭკუით არ იქნება, საქართველომდე „ტრუსიკიანს“ ვარბენინებო. ბოლოს, ზოგს ერთი-ორი კაპიკი მიუგდეს და უკან წამოიყვანეს. ნაწილი კი საკუთარი ხარჯებით წამოვიდა. საქართველოში დაბრუნების შემდეგ კი გაირკვა, რომ დაზარალებულთათვის თანხის დაბრუნებას არავინ აპირებდა. სინჯიაშვილი აქეთ იმუქრებოდა: ფეხებსაც ვერ

მომჭამთ, პროკურატურა 9 ათას დოლარად „მოვჩანგლეო“. სინჯიაშვილი არცთუ უსაფუძვლოდ იყო დიდ გულზე.

აი რა მითხრა შპს „შავი ცხენის“ მიერ **დაზარალებულმა ელენე ქევხიშვილმა:**

- შეტანილ განცხადებაზე რატომღაც არასრულწლოვანთა და სტუდენტ ახალგაზრდობას შორის დამნაშავეობასთან ბრძოლის დეპარტამენტის უფროსმა რ. ფაილოძემ მიპასუხა. მან გვამცნო, რომ მოქალაქე სინჯიაშვილის მოქმედებაში „არ შეინიშნება სისხლის სამართლის დანაშაულის ნიშნები, ხოლო თანხის საკითხი წარმოადგენს სამოქალაქო დავას“ და გვირჩევს მივმართოთ სასამართლოს.

ანალოგიური პასუხი მოუვიდა **დაზარალებულ მაია გოგოლაძეს**. სხვები პასუხის ღირსადაც არ ჩათვალეს. სასამართლოსაც დაზარალებულთა დაცვით თავი არ აუტკივებია. როდესაც **სამართლებრივი რეფორმების ინსტიტუტის დირექტორს, პროფესორ გიორგი ღლონტს** სიტუაციის სამართლებრივი შეფასება ვთხოვე, მან ერთმნიშვნელოვნად განაცხადა, რომ შპს „შავი ცხენის“ მოღვაწეობა ატარებდა თაღლითობის ყველა ნიშანს. შპს გაფორმებული იყო როგორც ტურისტული ფირმა, ამდენად, შრომითი მონაცემების დაპირება უკვე დანაშაული იყო. ზოგადად, თაღლითობა ყოველთვის ძნელი გამოსაძიებელია, მაგრამ, ამ შემთხვევაში არსებობდა ხელმოწერილი დოკუმენტი - ხელშეკრულება ბულგარეთში გადაყვანის და დასაქმების შესახებ. ამდენად, კანონით სრულიად გამართლებული იქნებოდა ფირმის მესვეურთა წინააღმდეგ სისხლის სამართლის საქმის აღძვრა. სამართლებრივი ბაზის არარსებობა ამ შემთხვევაში მხოლოდ თავის დაძვრენის საბაბი იყო, ვინაიდან აბსოლუტურად საფუძვლიანად შეიძლებოდა თაღლითობის მუხლის გამოყენება. **საია-ს იურისტმა ნინო ბაქაქურმაძე** ანალოგიურად შეაფასა სიტუაცია: შრომითი მიგრაციის კანონის არარსებობის პირობებში დასაქმების შეთავაზება უკვე იყო უკანონო ქმედება. ასეთი კანონის არსებობის შემთხვევაშიც ტურისტულ ფირმას არ ჰქონდა დასაქმების შეთავაზების უფლება. ანუ მოქმედი კანონმდებლობა იძლეოდა სისხლის სამართლის საქმის აღძვრის საშუალებას.

სამართალდამცავთა რეაქცია შპს „შავი ცხენის“ დანაშაულზე ნათლად წარმოაჩენს, რამდენად გაუჭირდებოდათ დამნაშავეთა ბრალეულობის დამტკიცება ტრეფიკინგის მსხვერპლ ქალებს, რომელთა შესახებ წინა თავში ვიამბეთ.

საინტერესო დეტალი: 1994 წელს საქართველო შეუერთდა გაეროს კონვენციას ქალთა დისკრიმინაციის ყველა ფორმის აღმოფხვრის შესახებ, ხოლო 1999 წელს - ტრანსნაციონალური დანაშაულის წინააღმდეგ ბრძოლის კონვენციას. აღნიშნული დოკუმენტები პირდაპირი ტექსტით გვახალღებულებდნენ შრომითი მიგრაციისა და ანტიტრეფიკინგული კანონმდებლობის მიღებას, მაგრამ საერთაშორისო ორგანიზაციების ჩარევამდე პროცესი უსაშველოდ გაიწელა. ჩნდება კითხვა - რატომ?

ამ კითხვით მივმართეთ საქართველოს საგანგებო და სრულუფლებიან ელჩს ეგვიპტის არაბთა რესპუბლიკაში ბ-ნ ალექსანდრე ნალბანდოვს, რომელიც 2000 წლის დასაწყისიდან ეროვნული უშიშროების საბჭოს აპარატში ადამიანის უფლებათა განყოფილების უფროსის მოადგილედ მუშაობდა, ხოლო როდესაც განყოფილება ადამიანის უფ-



ლებათა დაცვის დეპარტამენტად გადაკეთდა, **დირექტორის მოადგილე** გახდა:

- საქართველო ამ დროისთვის უკვე მიერთებული იყო გაეროს კონვენციებს ქალთა დისკრიმინაციის ყველა ფორმის აღმოფხვრის და ტრანსნაციონალური დანაშაულის წინააღმდეგ ბრძოლის შესახებ. კონსტიტუციის თანახმად, საერთაშორისო ხელშეკრულებას შიდა კანონმდებლობასთან შედარებით უპირატესი იურიდიული ძალა აქვს და პირდაპირ გამოყენებას ითვალისწინებს. შესაბამისად, იმპლემენტაციას შიდასახელმწიფოებრივი სამართლებრივი აქტების მიღება არც სჭირდება. ტრეფიკინგის წინააღმდეგ ბრძოლის სფეროში **2000 წლიდან** ჩავერთე, ამიტომ მიჭირს იმაზე პასუხის გაცემა, რამ შეუშალა ხელი ანტიტრეფიკინგული კანონმდებლობის მიღებას 90-იან წლებში. შემიძლია გითხრათ, რა სიტუაცია იყო **2000 წლისთვის** და შემდეგ რა ნაბიჯები იქნა გადადგმული. ჩემს საქმიანობაში ადამიანის უფლებათა ფართო სპექტრით ვიყავი დაკავებული, მათ შორის ტრეფიკინგის საკითხებითაც და არა მხოლოდ ადამიანის უფლებათა ჭრილში. იმ წლებში **ქ-ნ რუსუდან ბერიძის** ხელმძღვანელობით **უშიშროების საბჭოში ტრეფიკინგის წინააღმდეგ ბრძოლის კომისია** ფუნქციონირებდა. არსებობდა მოქმედების ეროვნული გეგმებიც. ამ მხრივ ინტენსიური თანამშრომლობა გვაკავშირებდა საქართველოში ეუთოს (**OSCE - ევროპაში უშიშროებისა და თანამშრომლობის ორგანიზაცია**) მისიასთან, რომლისთვისაც ტრეფიკინგის პრობლემა საქმიანობის ერთ-ერთ პრიორიტეტული მიმართულება იყო. ჩვენი საზოგადოებისთვის ცნობილია, რომ **აშშ-ს სახელმწიფო დეპარტამენტი** ყოველწლიურად ამზადებს ანგარიშს მსოფლიოს სხვადასხვა სახელმწიფოში ტრეფიკინგის წინააღმდეგ ბრძოლის კუთხით არსებული ვითარების შესახებ. **2000 წლისთვის** ამ ანგარიშებში საქართველოს მისამართით უარყოფითი შეფასებები იყო დაფიქსირებული. ანტიტრეფიკინგული ღონისძიებებისა და კანონმდებლობის კუთხით ვითარების მხრივ ამ ანგარიშში ქვეყნები სამ ჯგუფად („კალათად“) ლაგდება. აქედან ყველაზე ცუდი მესამე „კალათაა“: იქ მოხვედრა ნიშნავს, რომ ქვეყანაში ტრეფიკინგი არსებობს, მაგრამ სახელმწიფო ვერ, ან არ იბრძვის მის წინააღმდეგ. აუცილებელი იყო ამ სიტუაციის გამოსწორება, ვინაიდან ტრეფიკინგი არა მარტო ქვეყნის საერთაშორისო იმიჯს აზარალებდა, არამედ ყოველგვარი სამართლებრივი თუ პრაქტიკული დაცვის გარეშე ტოვებდა ტრეფიკინგის მსხვერპლს. ამასთან, გადაუჭრელ პრობლემა იყო ტრეფიკინგის ჩამდენი პირის პასუხისგებაში მიცემა, რაც ხელს უწყობდა დაუსჯელობის სინდრომის ჩამოყალიბებას. რა თქმა უნდა, სახელმწიფოს წარუმატებლობა და/ან უუნარობა ტრეფიკინგთან ბრძოლის საკითხებში, ნეგატიურად აისახებოდა იმ საერთაშორისო დახმარებაზე სხვადასხვა სფეროში, რომელიც ქვეყანას ესოდენ სჭირდებოდა და რომელიც, შესაძლოა, ამის გამო აღარც მიეღო.

ნიგნის წერის პროცესში შევხვდი მარი მესხს (უწყებათაშორისი კომისიის „ევროკავშირი - გენდერული თანასწორობის მხარდასაჭერად“ პროექტის ხელმძღვანელის მოადგილე), რომელმაც გვითხრა, რომ სახელმწიფო დონეზე სერიოზული ბარიერები, ცხადია, არსებობდა; თუმცა მხოლოდ საქართველო არ ჰქონდა მხედველობაში. პრობლემამ ამ მასშტაბებს იმიტომ მიაღწია, რომ ტრეფიკინგს ჰყავს მფარველები, რომლებიც რეაგირების მექანიზმებს გასაქანს არ აძლევენ.

...და ისევ არასამთავრობო სექტორი

წოვინარ ნაზაროვა („ადამიანის ჰარმონიული განვითარების ხელშეწყობის საზოგადოების“ საბჭოს თავმჯდომარე) სამართლიანად აღნიშნავს, ადამიანთა ვაჭრობა „ყვავის“ იქ, სადაც „ყვავის“ კრიზისი და უმუშევრობა, ხოლო სახელმწიფო ვერ იცავს თავის მოქალაქეებს. გეოპოლიტიკური მდებარეობიდან გამომდინარე, საქართველო ადამიანთა ვაჭრობის მარშრუტში სატრანზიტო დერეფანი, აგრეთვე საწყისი და დანიშნულების პუნქტია, რაც ძალზე ართულებდა და ართულებს ამ მოვლენის წინააღმდეგ ბრძოლას.

ძალიან საგულისხმოა, რომ ტრეფიკინგის შემთხვევაშიც განგაშის ბარი პირველად არასამთავრობო სექტორმა შემოჰკრა. **1998 წელს ამუშავდა ფონდის „ღია საზოგადოება - საქართველო“ ქალთა პროგრამა**. მისი ინიციატივით, საქართველოში პირველი ანტიტრეფიკული პროგრამის განხორციელებას მოჰყვა ხუთი ქართული არასამთავრობო ორგანიზაციის ლიდერების გადამზადება ქალთა უფლებების ექსპერტებად (**წოვინარ ნაზაროვა, ნატო შავლაყაძე, ია ვერულაშვილი, მარინა მესხი და ხათუნა სანიკიძე**). 1999 წელს, ამავე პროგრამის მხარდაჭერით, საქართველოში უკვე ტარდება საინფორმაციო შეხვედრები და კონსულტაციები, იბეჭდება და ვრცელდება ბროშურები ადამიანებით ვაჭრობის საფრთხესთან დაკავშირებით.

2003 წლის ივნისში აშშ სახელმწიფო დეპარტამენტმა გამოაქვეყნა ანგარიში, რომელშიც, **„ადამიანთა ვაჭრობისა და ძალადობისგან დაცვის 2000 წლის აქტის (TVPA)“** საფუძველზე, საქართველო მესამე დონის ქვეყანათა ჯგუფში „შეყვანის“ საშიშროების წინაშე აღმოჩნდა. მესამე ჯგუფს მიკუთვნებული ქვეყნები სრულად ვერ აკმაყოფილებენ **TVPA-ში** მითითებულ მსხვერპლთა დაცვის მინიმალურ სტანდარტებს, და, ამავე დროს, არც მუშაობენ იმისთვის, რომ ამ სტანდარტებს მიუახლოვდნენ. მესამე ჯგუფში მოხვედრის თავიდან ასაცილებლად საქართველოს ხელისუფლებამ აღიარა ქვეყანაში ადამიანებით ვაჭრობის პრობლემის არსებობა და სისხლის სამართლის კოდექსში შეიტანა შესაბამისი დამატება, რაც ძალაში **2003 წლის 10 ივლისიდან** შევიდა.

სამთავრობო და არასამთავრობო სექტორების, აგრეთვე საერთაშორისო ორგანიზაციების ინტენსიურმა მუშაობამ, რომელიც ეუთოს მისიის მხარდაჭერით **2003-2006 წლებში** განხორციელდა, ტრეფიკინგთან დაკავშირებული საერთაშორისო საკანონმდებლო დოკუმენტების რატიფიცირების, და შესაბამისი ეროვნული რეფერალური მექანიზმის მიღების საქმე დააჩქარა. შემუშავდა „ადამიანებით ვაჭრობის წინააღმდეგ ბრძოლის 2005-2006 წლების სამოქმედო გეგმა“, რომელიც, თავისი **#623 განკარგულებით, საქართველოს პრეზიდენტმა 2004 წლის 29 დეკემბერს** დაამტკიცა. **2006 წლის 28 აპრილს პრეზიდენტმა ხელი მოაწერა „საქართველოს კანონს ადამიანებით ვაჭრობის (ტრეფიკინგის) წინააღმდეგ ბრძოლის შესახებ“.**

ტრეფიკინგის პირველი ოფიციალურად აღიარებული ფაქტი საქართველოში

ზემოაღნიშნული კანონის მიღებამდე - **2004 წელს** გამოვლინდა. **ცენტრალური აზიის** ქვეყნიდან გადმოყვანილი 14 დაზარალებული ქალი რთულ მდგომარეობაში აღმოჩნდა. მაშინ სპეციალიზირებული თავშესაფარი არ არსებობდა, ხოლო ორგანიზაციას, რომელმაც ისინი შეიფარა, არ გააჩნდა შესაფერისი პირობები და რესურსები. მაშინ ფონდის „**ღია საზოგადოება - საქართველო**“ ქალთა პროგრამამ, **ფინანსური ოფისის თანამშრომელთა** დახმარებით, ერთ ღამეში მიიღო გადაწყვეტილება და შესაბამისი სახსრები დაზარალებულთათვის ჰუმანიტარული დახმარების გასაწევად იმ პერიოდისთვის, რაც ამ ქალებს გამოძიების დასრულებამდე საქართველოში უნდა გაეტარებინათ.



ნათო შველაყაძე, „ძალადობისგან დაცვის ეროვნული ქსელის“ თავმჯდომარე, იხსენებს:

- ჩვენი ორგანიზაცია, კოლეგებთან ერთად, **1998 წლიდან** იბრძოდა ანტიტრეფიკინგული კანონის მისაღებად. შესაბამის უწყებებს მაგიდაზე კონკრეტული ფაქტებიც დავულაგეთ, მაგრამ ხელისუფლების წარმომადგენელნი მაინც გაიძახოდნენ - ყურით მოთრეული თემააო. საერთაშორისო ორგანიზაციების მხარდაჭერა რომ არა, ანტიტრეფიკინგული კანონმდებლობის მიღებას კიდევ კარგა ხანს ვააჭიანურებდნენ. მე და ჩვენი ორგანიზაციის **თურისტიკია გოგობერიძე** ვიყავით ჯგუფში, რომელიც კანონპროექტზე მუშაობდა. შემძლია არაერთი ფაქტის გახსენება, როდესაც ქალები ხიფათს ბენჯზე ვადარჩენენ. **2004 წელს ცენტრალური აზიიდან გადმოყვანილი 14 გოგონა** რომ განთავისუფლეს, ცხრა მათგანი მოათავსეს ჩვენს თავშესაფარში, დანარჩენები კი სხვაგან გადაიხადნენ. სახელმწიფო ფონდის გახსნამდე თავშესაფარში ტრეფიკინგის მსხვერპლთა განთავსების ოცამდე შემთხვევა გვქონდა. სახელმწიფო თავშესაფარში მოსახვედრად დაზარალებულს ტრეფიკინგის მსხვერპლის საგანგებო სტატუსი უნდა ჰქონოდა. ამიტომ, სტატუსს სანამ მიანიჭებდნენ, ეს ხალხი ჩვენთან ცხოვრობდა. ერთ-ერთი ქეისი განსაკუთრებით შემადრწუნებელი იყო. 25 წლამდე ქალბატონმა ისეთი ჯოჯოხეთი გამოიარა, რომ კინოფილმი გამოვიდოდა. ბენჯზე ვადარჩენილი. ტრეფიკორები შანტაჟით და დაშინებით არა მარტო სექსბიზნესში ამუშავებდნენ, არამედ ნარკოტრაფიკშიც ჩართეს - აიძულეს უკანა ტანით ნარკოტიკი გადაეზიდა. ეს ქალი ბოლოს დაიჭირეს, მაგრამ ციხეში ერთბაშად ვერ გაუშვებდნენ, ვინაიდან ჩვილი ბავშვი ჰყავდა. ბავშვი სამი წლის რომ გახდა, ციხეში მაშინ გადაიყვანეს და, ანტიტრეფიკინგული კანონის მიღებამდე, რამდენიმე თვის მანძილზე სასჯელის მოხდა მოუწია. კანონის მიღების შემდეგ ყველაფერი ვიღონეთ, რომ მისი საქმე გადასინჯულიყო და მსხვერპლის სტატუსი მიანიჭეს. ამის შემდეგ შესაძლებლობა მოგვეცა ციხიდან გამოგვეყვანა. კომპენსაციაც მიიღო - ათასი ლარის ოდენობით. ცხადია, ეს მიზერული თანხაა, მაგრამ ჩვენს ქვეყანაში მეტი არ არის გათვალისწინებული. წარმოიდგინეთ, რა ჯოჯოხეთი გამოიარა: ტრეფიკინგი, დაკავება, მერე, სანამ ბავშვი სამი წლის შესრულდა, ჩვენს თავშესაფარში ყოფნა, მერე ციხე, მერე ისევ თავშესაფარში დაბრუნება... ახლა, საბედნიეროდ, ყველაფერი რიგზე აქვს, ბიზნესიც ააწყო და კარგ კაცსაც გაჰყვა ცოლად. ქმარს ძალიან უყვარს და თავს ევლებს.

როგორც ვხედავთ, ტრეფიკინგის მსხვერპლთა დახმარება ძალზე პრომატე-

ვადი და რთული პროცესია, რასაც მაშინ საკანონმდებლო ბაზის არარსებობის გარდა, კიდევ სხვა უამრავი ფაქტორი აბრკოლებდა. მაგალითად, ქვეყნის გეო-პოლიტიკური მდებარეობა. საქართველო, ადამიანებით ვაჭრობის თვალსაზრისით, ერთდროულად წარმოშობის, ტრანზიტისა და დანიშნულების ქვეყანაა, რაც ადამიანებით ვაჭრობასთან ბრძოლას მნიშვნელოვნად ართულებს.

აი, რას ამბობს ამის შესახებ **ნოინარ ნაზაროვა**:



- ამ თვალსაზრისით განსაკუთრებით მონყვლადია აჭარა: ტურისტული ზონა, საზღვარი თურქეთთან და საზღვაოსნო პორტი. უკანასკნელი 10-12 წლის განმავლობაში საქართველო დანიშნულების ქვეყანა გახდა ქალთა უკანონოდ გადმოსაყვანად, ძირითადად - ცენტრალური ამიის ქვეყნებიდან. ჩვენს ფილმში **„მონობა აბრეშუმის გზით“** ნაჩვენებია, მოტყუებით როგორ გადმოჰყავდათ ქალები **აჭარაში** და სექსბიზნესში მუშაობას აიძულებდნენ. ამ მდგომარეობამ

საზოგადოების ყურადღება განსაკუთრებით **2013 წლის ზაფხულის ბოლოს** მიიპყრო, როცა ამ თემაზე გაჩნდა პუბლიკაციები და სატელევიზიო რეპორტაჟები გონიოდან; ხოლო როცა ბეშუმის ტყეში ადამიანით მოვაჭრე ქალის დაკვებით მოკლული ახალგაზრდა ქალის გვამი აღმოაჩინეს, პოლიციაც ამოქმედდა. **აჭარის პოლიციის მთავარი სამმართველოს მაშინდელი უფროსის, ვალერიან თელიას** განცხადებით, გამოძიებამ დაადგინა, რომ დამნაშავემ 2012-2013 წლებში ხუთი ახალგაზრდა ქალი, უზბეკეთის მოქალაქეები, მათ შორის - ბეშუმის ტყეში მოკლული, მოტყუებით გადმოიყვანა საქართველოში, და ღამის კლუბებში ძალით ამუშავებდა. ჩვენთვის სხვა შემთხვევებიცაა ცნობილი. ხუთი წლის წინ **უზბეკეთიდან** ჩამოიყვანილი ქალები ცოტა ხანს გონიოში გააჩერეს, მერე კი გადაიყვანეს **თურქეთში**, სადაც სასტუმროში მეძავობას აიძულებდნენ და ისევ გონიოში აბრუნებდნენ. ფულს არ უხდიდნენ - ჯერ უზბეკეთიდან ჩამოყვანის და „დასაქმების“ ვალი უნდა გაისტუმროთო. გოგონები ხმას ვერ იღებდნენ იმის შიშით, რომ ტრეფიკიორი მშობლებს გააგებინებდა მათი საქმიანობის შესახებ. ეს ამბავი გვიამბო ტრეფიკინგის მსხვერპლმა, რომელიც **საქართველო-აზერბაიჯანის საზღვარზე** დააკავეს. ტრეფიკორებმა თურმე იმ ახალგაზრდა ქალებთან ერთად ჩამოიყვანეს. პასპორტი გადახეული ჰქონდა, ხელზე კი განგრენა ჰქონდა დანყებული. გოგონა **წითელი ხიდის სასაზღვრო პუნქტის მუშაკთა და სამიგრაციო პოლიციის** ხელშეწყობით ჩვენს ორგანიზაციაში გადმოგზავნეს. სასწრაფოდ მივიყვანეთ საავადმყოფოში და სიცოცხლის გადასარჩენად ხელის ამპუტაცია ჩაუტარდა. შემდეგ მოვეწყვეთ ინტერვიუ **„ადამიანით ვაჭრობის მსხვერპლთა, დაზარალებულთა დაცვისა და დახმარების სახელმწიფო ფონდში“**, სადაც მან კანონით გათვალისწინებული ყველა სამედიცინო და ფსიქოლოგიური დახმარება მიიღო. გოგონამ ჩვენი დახმარებით დოკუმენტები გაათორმა და შინ დაბრუნდა. ამ სამუშაოს ჩვენი ორგანიზაცია მოხალისეობრივად ასრულებს. სახელმწიფო სტრუქტურები თავად ახორციელებენ ანტიტრეფიკინგულ სამუშაოს, ამიტომ ამ პრობლემაზე მომუშავე არასამთავრობო ორგანიზაციებს სახელმწიფოსაგან ფინანსური მხარდაჭერა არ აქვთ. ამ დროს, ძალიან მნიშვნელოვანია, რომ დაზარალებულს სახელმწიფო სტრუქტურებამდე მისვლა გაუადვილო. საქართველოს მოქალაქენი სამუშაოდ **თურქეთში, რუსეთში,**

საბერძნეთში, იტალიაში და სხვა ქვეყნებში მიემგზავრებიან. მუშაობის უფლების არქონის შემთხვევაში, მარტივად შეიძლება ადამიანებით მოვაჭრეთა ხელში აღმოჩნდნენ, რადგან, როგორც უკანონო მიგრანტები, პოლიციასთან ურთიერთობას თავად გაურბიან. **ადამიანთა უკანონო ტრანზიტი სარფის სასაზღვრო-გამშვებ პუნქტზე საზღვრის დარღვევის შემთხვევათა დაახლოებით 30%-ს შეადგენს.** ხშირად ეს არიან თურქეთიდან საპასპორტო რეჟიმის დარღვევის გამო დეპორტირებული ქალები, რომლებიც უკან დაბრუნებას მთის ბილიკებით ცდილობენ.

საიას პროექტის კოორდინატორი ნინო ჩიხლაძე აღნიშნავს:



- **2009 წლამდე როგორც საია-ში, ისე ტრეფიკინგის მსხვერპლთა და დაზარალებულთა დაცვისა და დახმარების ფონდში** მომართვიანობა მაღალი იყო. საზღვარგარეთ დასაქმებასთან დაკავშირებით მოქალაქეებს საია-ში უნებდნენ კონსულტაციას, უმონებდნენ კონტრაქტებს და ა.შ. ანუ, ფაქტობრივად, ხდებოდა ტრეფიკინგის პრევენცია. უკანასკნელი ცხრა-ათი წელის განმავლობაში ორივე უწყებაში მომართვიანობა დაბალია. მსხვერპლთა რიცხვიც თავშესა-

ფარში ცოტაა. ტრეფიკინგის მიმართულებით დაფინანსების არარსებობის გამო, ვერც ერთი არასამთავრობო ორგანიზაცია სიტუაციას ვეღარ იკვლევს. ამიტომ, ძნელი სათქმელია, მომართვიანობა მსხვერპლთა რიცხვის კლების გამო დაეცა, თუ, უბრალოდ, არ მოდიან. არ მჯერა, რომ ტრეფიკინგის მსხვერპლები არ გვყავს. უბრალოდ, საინფორმაციო კამპანიები აღარ ტარდება, ბროშურები აღარ ქვეყნდება და აღარც სარეკლამო რგოლები ტრიალებს. კანონის მიღების შემდეგ ხალხი აქტიურად მოდიოდა, რაც თბილისში და რეგიონებში ჩატარებული ფართომასშტაბიანი საინფორმაციო სამუშაოს შედეგი იყო.

კანონის მიღების თანმდევი საინფორმაციო აქცია საკმარისი არ არის. საინფორმაციო მუშაობა პერმანენტულად უნდა მიდიოდეს. სახელმწიფო, საერთაშორისო ორგანიზაციების მხრიდან შეჯანჭლარების გარეშე, არასამთავრობო სექტორის რეკომენდაციებს არ ითვალისწინებს. ამ დროს, არასამთავრობო სექტორის სამთავრობოზე უფრო ახლო ფოკუსით ხედავს სოციალურ პრობლემატიკას, და, ამდენად, რეალობას მორგებული რეკომენდაციების შემოთავაზება შეუძლია. განვითარებულ ქვეყნებში არასამთავრობო სექტორის პროექტებს ხშირად მთავრობა აფინანსებს, ვინაიდან მასში მოკავშირეს და დამხმარეს ხედავს.

ჯობს გვიან, ვიდრე არასდროს

2000 წლის შემდგომ ქვეყნის მაშინდელმა ხელისუფლებამ დააფიქსირა მკაფიო პოლიტიკური ნება კონკრეტული ანტიტრეფიკინგული ღონისძიებების განსახორციელებლად. **2002-2005 წლებში** განხორციელდა ეროვნული სამოქმედო გეგმით „ტრეფიკინგთან ბრძოლის შესახებ“ გათვალისწინებული ღონისძიებები. დასამალი არ არის, რომ ნამდვილად დაგვიანდა. ეს რომ 90-ან წლებშივე გაე-

კეთებინათ, შესაძლოა, ის ტრავმები, რომლის შესახებაც ამ თავის დასაწყისში ვაუწყებთ, არც კი მომხდარიყო. ანტიტრეფიკინგული კანონმდებლობის მიღების თანმდევი პერიპეტიები ნათელი მაგალითია იმისა, რაოდენ დიდი მნიშვნელობა აქვს ოპერატიულობას კანონების მიღების სფეროში. მაგრამ, ცხადია, ჯობს გვიან, ვიდრე არასდროს.

მოდით, თვალი გადავაგვლოთ ამ პერიოდში გადადგმულ საკანონმდებლო ნაბიჯებს:

2003 - სისხლის სამართლის კოდექსში შევიდა ცვლილებები, რომელთა თანახმად, ადამიანებით და კერძოდ არასრულწლოვნებით ვაჭრობა სისხლის სამართლით დასჯადი გახდა.

2005-2006. - განხორციელდა ეროვნული სამოქმედო გეგმით „ადამიანით ვაჭრობის (ტრეფიკინგის) წინააღმდეგ ბრძოლის შესახებ“ გათვალისწინებული ღონისძიებები.

2006 - მიღებული იქნა საქართველოს კანონი ადამიანით ვაჭრობის (ტრეფიკინგის) წინააღმდეგ ბრძოლის შესახებ.

2006 - შეიქმნა ტრეფიკინგის მსხვერპლთა და საუწყებოთაშორისო საბჭო. სხვადასხვა სამთავრობო სტრუქტურებსაც ღონისძიებების გატარება დაევალა.

2006 - გაიხსნა სახელმწიფო თავმესაფარი ტრეფიკინგის მსხვერპლთათვის.

2007-2008 - განხორციელდა ეროვნული სამოქმედო გეგმით „ადამიანით ვაჭრობის (ტრეფიკინგის) წინააღმდეგ ბრძოლის შესახებ“ გათვალისწინებული ღონისძიებები.

2009 წელს - ტრეფიკინგის მსხვერპლთათვის გაიხსნა სახელმწიფო ფონდი.

2014 წლის 11 აპრილს - საქართველოს მთავრობამ მიიღო დადგენილება „ადამიანით ვაჭრობის (ტრეფიკინგის) მსხვერპლთა იდენტიფიცირების ერთიანი სტანდარტებისა და წესის დამტკიცების შესახებ“.

დღესდღეობით, საქართველოს სისხლის სამართლის კოდექსში არსებობს **მუხლი 143¹-ე** - „ადამიანით ვაჭრობა (ტრეფიკინგი)“, აგრეთვე **მუხლი 143²-ე** - „არასრულწლოვნით ვაჭრობა (ტრეფიკინგი)“. აღნიშნული მუხლები ადამიანთა ვაჭრობისთვის ითვალისწინებს სასჯელს შვიდიდან - ოც წლამდე. თუ არასრულწლოვანთა მიმართ ჩადენილმა დანაშაულმა გამოიწვია მსხვერპლის დაღუპვა, ან დადგა სხვა სახის მძიმე შედეგი, შეიძლება უვადო პატიმრობაც კი იყოს შეფარდებული.

2009 წელს ტრეფიკინგის მსხვერპლთა და დაზარალებულთა დაცვისა და დახმარების ფონდის ხელმძღვანელად დანიშნეს **მარი მესხი**, რომელიც **2003 წელს** მიღებულ ანტიტრეფიკინგულ ნორმებზე მომუშავე ჯგუფის წევრი გახლდათ:

- კანონში განვირეილი წესის თანახმად ჩვენთან აგზავნიდნენ ყველას, ვისაც შსს-ს მიერ მსხვერპლის სტატუსი ჰქონდა მინიჭებული. გათვალისწინებული იქნა ის უდიდესი სტრესი, რომლის ქვეშაც ტრეფიკინგგამოვლილი ადამიანები იმყოფებოდნენ. მათ ძალიან ეშინოდათ ტრეფიკიორების მხრიდან შანტაჟის, ჯანმრთელობის დაზიანების და სიცოცხლის მოსპობის. ამიტომ მსხვერპლის სტატუსის მინიჭება არ იყო აუცილებლობით მიბმული სამართალდამცავებთან თანამშრომლობაზე. ფონდის შექმნის შემდეგ, ერთი წლის განმავლობაში, ორი თავმესაფარი გაიხსნა და აშშ-ს მიერ გამოქვეყნებულ ანგარიშებში ჩვენი ქვეყანა „პირველ კალათში“ გა-

დავიდა. ტრეფიკინგის მსხვერპლები იყვნენ როგორც ქალები, ისე მამაკაცებიც. იყო წლები, როცა თავშესაფარში მამაკაცი მეტი გვყავდა და პირიქით. გააჩნია შრომითი ექსპლოატაციის რომელ ფორმასთან გვქონდა საქმე. მშენებლობაზე, მაგალითად, ძირითადად, მამაკაცები შრომობენ. სექს-ბიზნესში კი ზრდასრული ქალები არიან მსხვერპლის როლში; ზოგადად, მსხვერპლთა შორის მამაკაცთა რიცხვი ქალთა რიცხვს ბევრად არ ჩამოუვარდება.

ტრეფიკინგის მსხვერპლთა და დაზარალებულთა დაცვისა და დახმარების ფონდი ტრეფიკინგის მსხვერპლს სთავაზობს თავშესაფარში განთავსებას 3 თვემდე ვადით, აგრეთვე ფსიქო-სოციალურ რეაბილიტაციას, სამედიცინო მომსახურების ორგანიზება/მიღებას, სამართლებრივ დახმარებას, ერთჯერად ფულად კომპენსაციას, ხოლო, საჭიროების შემთხვევაში, თარჯიმნის მომსახურებას.

მოქმედებს ცხელი ხაზი 116 006 (ზარი უფასო და ანონიმურია).

თავი მეოთხე

სეპტი

ღკ

საქართველოს საზოგადოება

გამოღმით მე ვარ, გაღმა - შენ
შუაზე მოღის მღინარე,
ხიღი არ გვიღე ნყალზღეღა,
ფიღრი გვკლავს მოუღმინარე.
მინღა გაკოცო, მაკოცო,
შენს სახეს ვხეღავ მღიმარეს,
მაგრამ ვერსაღით გამოვღეღ
ამ საღიალო მღინარეს.
მეც უნავო ვარ, შენაცა,
ცურვა არ ვიციღ, ვღირიღა;
მეშველიც არუღინ გვიჩნღეღბა
არც ციღან, აღარც ძირიღა,
შენ მე მიმეღლი, მე - შენა
გაცინეღული პირიღა.
ვეღარც ხმას განვღენ, ვიღხრა რამ,
მღინარე ბრაზოღბს, ღრიალეღბს,
ჩემს ძახიღსა ნოღეს მის ზვირთი,
როგორ შავაღა ტრიალეღბს!..
რა უნუგეღო ყოფნაა,
ნეღთა სეღლა მხოლოღ მზერაში;
რომ მოვკვღეღ, ბევრღთ ჰჭობიღა,
მაინც გარვივარ ვერრაში!..
არა, ის მინღა, გხეღავღეღ,
ნუგეღსა ვპოვეღ ცქერაში.

ვაჟა-ფშავეღა

ის, რაზედაც არ ლაპარაკობდნენ

ალბათ, არც არსებობს საქართველოში ადამიანი, ვისაც არ სმენია ვაჟა-ფშაველას პოეტური სულის ეს ულამაზესი ქმნილება და მის საფუძველზე შექმნილი ასევე ულამაზესი სიმღერა. მაგრამ შინაარსს თუ ჩავეუღრმავდებით, მოულოდნელ აღმოჩენას გავაკეთებთ: მშვენიერი ლირიკული საბურველის მიღმა სექსუალური აკრძალვებით შებოჭილი ურთიერთლტოლვა იმალება. ზვირთებაშლილი მდინარე, რომლის გადალახვა ასე ძნელია, ინტიმურ სფეროში გამეფებული შემბოჭავი წარმოდგენების პროექციად შეიძლება „გაიშიფროს“. ცნობიერად, თუ ქვეცნობიერად დიდმა პოეტმა გამოხატა ტრადიციის მიერ რომანტიზებული „შორით წვა და შორით დავა“, რომელიც საუკუნეთა მანძილზე ამბლლებული ურთიერთობის იდეალად ითვლებოდა; მაგრამ თუ ტრადიციით რომანტიზებულ საბურველს მოვაშორებთ, შეგვრჩება ფობიებით გაჟღენთილი კლიშეები, რაც ქალსა და მამაკაცს შორის სრულფასოვან ერთიერთობას შეუძლებელს ხდიდა.

ეს წერილი **გაზეთ „ასავალ-დასავალში“**, თუ არ ვცდები, **1997 წელს** გამოქვეყნდა. ავტორმა ანონიმად ყოფნა არჩია. მისი გამომგზავნი ქალის პრობლემები იმდენად ტიპურია, რომ ტექსტი შევინახე და სექსუალური ტაბუების თემას მიძღვნილ პუბლიკაციებში არაერთხელ გამოვიყენე:

„სტუდენტი გოგონების დედა ვარ, მაგრამ მეც ხომ მაქვს უფლება ვიყო ბედნიერი? 45 წლის ასაკში რატომ უნდა დავიშარხო? გაჩენის დღიდან ვალდებულნი ვართ ჯერ მშობლების, მერე ქმრის, შვილების და მგონი მთელი რესპუბლიკის წინაშე. როდემდე უნდა გავგრძელდეს ასე? ტრადიციულ ოჯახში გავიზარდე. სკოლა ისე დავამთავრე, რომ ბუნდოვანი წარმოდგენა მქონდა სქესობრივ ურთიერთობებზე. ეს თემა ოჯახშიც და სკოლაშიც ტაბუდადებული იყო. ძალიან მინდოდა და მაინტერესებდა მამაკაცთან სქესობრივი ურთიერთობა, მაგრამ როგორ გავბედავდი?! სანამ ჩემს მეუღლეს გავყვებოდი, რამდენიმე თაყვანისმცემელი მყავდა, მაგრამ ისეთი უკარება ვიყავი, რომ კოცნასაც ვერ მიბედავდნენ. მეუღლეს სიყვარულით მივთხოვედი 25 წლის ასაკში. ჩამოყალიბებული, დინჯი, მორიდებული მამაკაცი იყო. ბედნიერი მეუღლე და დედა გავხდი. ჩემი ცოდნა სექსში ქმართან ურთიერთობით ამოიწურებოდა. ერთხელ, როდესაც სახლში მარტო ვიყავი, მეზობლის ქალმა პორნოკასეტები ამოიტანა (ჩვიდმეტი წლის ბიჭი ჰყავს და მისგან ჩემად წამოიღო). მეც დავინტერესდი. ჩემთვის აღმოჩენა იყო რაც ვიხილე. მომეჩვენა, თითქოს ნამდვილ ქალად არც მივჩვენია თავი. იმ შემთხვევის შემდეგ ჩემად მომქონდა გაქირავების პუნქტიდან პორნოკასეტები, ჩავიკეტებოდი და მარტო ვუყურებდი. ნანახის ფონზე ჩემი და მეუღლის ურთიერთობა გაუფერულდა. მის მიმართ ზიზღი გამიჩნდა. ჩემს წარმოსახვაში პორნოფილმებიდან ამოტივტივებული გმირს ვეძებდი. ჩემი მეუღლე 52 წლის აზიატი კაცია, კარგი მამა და ერთგული მეუღლე, მაგრამ ჩემი ქალური ბედნიერებისთვის ეს აღარ კმარა. ახლაღა მივხვდი

ხორციელი სიყვარულით ტკობის ფილოსოფიას, რაც ჩემთვის ცოლ-ქმრული ვალის აღსრულება იყო მხოლოდ. ხანდახან ვფიქრობ - საყვარელს ვავიჩენ-მეთქი, მაგრამ შინაგანი პროტესტის გრძნობა მეუფლება. ქმრის მიმართ უაზრო ავრესია გამიჩნდა. მაღიზიანებს მისი პრიმიტიულობა და საბაბს ვეძებ რომ ვეჩხუბო. ამ კინკლაობაში ოჯახი მენგრევა, მაგრამ ვერც გაყრა წარმომიდგენია. რას იტყვის ხალხი?! ქალიშვილები გასათხოვრები მყავს. აღარც მე ვარ ახალგაზრდა რომ ყველაფერი ახლიდან დავიწყო...”

წერილის ავტორის თანაცხოვრება ქმართან, ფაქტობრივად, „გვერდი-გვერდ მართლობაა“. აღნიშნული სინდრომი საფუძველშივე „ტოქსიკურია“, ვინაიდან კმაცოფილების და ბედნიერების განცდის ნაცვლად გაღიზიანება მოაქვს, ყველა აქედან გამომდინარე ფსიქოსომატური შედეგით. წერილიდან ჩანს, რომ ასეთი ტიპის ურთიერთობა წყვილისთვის ჩვეულ თანაცხოვრებად იქცა. ქალბატონს ერიდება თავის სურვილებზე გულახდილი საუბარი მეუღლესთან, რომელიც, დიდი ალბათობით, ვერ გაუგებს, „გათახსირებულობას“ დასწამებს და, ეს ამბავი რით დამთავრდება, ძნელი წარმოსადგენი არ არის.

„ძალადობისგან დაცვის ეროვნული ქსელის“ გურიის რეგიონის კომიტეტი 2003-2004 წლებში განქორწინების მიზეზთა სტატისტიკით დაინტერესდა და ამ შეკითხვით ერთ მოსამართლე ქალბატონს მიმართა. ათიდან ცხრა შემთხვევაში განქორწინების ოფიციალურ მიზეზად ხასიათის შეუთავსებლობა იყო დასახელებული. კომიტეტის თხოვნით ასეთი პროცესების დროს მოსამართლეს ცალკე სასაუბროდ გაჰყავდა მოსარჩლე და რეალური მიზეზით ინტერესდებოდა. **კომიტეტის წევრი მანანა ჯინჭარაძე** იხსენებს, რომ ათიდან შვიდ შემთხვევაში აღმოჩნდა, რომ რეალური მიზეზი სექსუალური გაუცხოება იყო - მეუღლეები საერთო სახლში მგზობლებივით ცხოვრობდნენ, მაგრამ ქალები გაურბოდნენ ამაზე ღია საუბარს. ქმართან განქორწინების გამო საზოგადოების მხრიდან ისედაც დიდი ზეწოლა მიდიოდა და, რეალური მიზეზის დასახელების შემთხვევაში, სამინელ დღეში ჩააგდებდნენ. ესეც ნათელი მაგალითია იმისა, თუ რაოდენ ტაბუირებული და სტიგმატიზირებული იყო თაობათა მანძილზე სექსის თემა.

90-იანი წლების ბოლოს „ასავალ-დასავალში“ ვიხილე კიდევ ერთი სტატია სახელწოდებით: „რა მოსდით ქართველ ქალებს?“. ავტორი გაოგნებული იყო თურქეთში ნანახით: ქართველ ქალებს საკუთარი ინიციატივით დათრეული მამაკაცები გვერდზე გაჰყავდათ; ხოლო როდესაც საქმეს მოითავებდნენ, ისეთი გამარჯვებული სახეებით გამოდიოდნენ, თითქოს მტერზე ეგვიმათ. მართლაც, რა მოსდიოდათ ქართველ ქალებს და, აგრეთვე, ქართველ მამაკაცებსაც?

ოდესღაც, ისტორიის გარიჟრაჟზე...

ზბიგნევ ლევ სტაროვიჩმა (პოლონელი ფსიქიატრი, ფსიქოთერაპევტი, სექსოლოგი) სექსის მიმართ დამოკიდებულების მიხედვით მსოფლიოს ხალხთა სოციო-ალურ-კულტურული მრავალფეროვნება რამდენიმე ტიპად დააჯგუფა:

აპოლონური - სექსის ცხოვრების ბუნებრივ ნაწილად აღქმა, ხოლო ურთიერთობაში ორივე მხარის სექსუალური დაკმაყოფილებისკენ და სრული ჰარმონიისკენ სწრაფვა. ასეთი ტიპის ურთიერთობები უფრო წარმართულ ეპოქას ახასიათებდა.

ლიბერალური - შემოდის გარკვეული აკრძალვები, თუმცა მთლიანობაში სექსის მიმართ შემწყნარებლური დამოკიდებულებაა შენარჩუნებული;

სექსი სიღარიბის კულტურებში - ტიპური პატრიარქალური მოდელი თავისი აკრძალვებით. მამაკაცი დომინანტია და სიამოვნება მხოლოდ მისთვისაა აუცილებელი. ქალისთვის ეს არაარსებითად მიიჩნევა, ვინაიდან, მის შემთხვევაში, რეპროდუქციული ფუნქციაა აქცენტირებული. ასეთი ტიპის ურთიერთობები მოსახლეობის ღარიბი და ნაკლებად განათლებული ფენებისთვის იყო დამახასიათებელი.

ორგიატული კულტურები - იგულისხმება სექსუალური ურთიერთობის ტიპი საზოგადოების ელიტურ და ბოჰემურ წრეებში, აგრეთვე, ზოგიერთ რელიგიურ სექტაში. ამ ტიპში სექსუალური დაკმაყოფილება თვითმიზნადაა გადაქცეული.

მისტიკური - აქტის დროს სექსთა შორის ენერგიების მიმოცვლასთან და პარტნიორების ენერგეტიკულ ურთიერთგაძლიერებასთან დაკავშირებული რელიგიური კულტები იგულისხმება (მაგალითად - ტანტრიზმი).

რეპრესიული - პატრიარქალური მოდელის აპოთეოზი ხისტი აკრძალვებით, რომელთა დარღვევა უმკაცრესად ისჯება. მკვეთრადაა გამოხატული ოიდიპოსის კომპლექსი. მამაკაცის ცხოვრებაში მთავარი პერსონა დედაა, რომელიც მას ქალების მიმართ უნდობლობას უნერგავს. ამ ტიპისთვის დამახასიათებელია მკაცრი ეტიკეტი სექსთა ურთიერთობაში და ფრიგიდულობა-ანორგაზმიის სიხშირე ქალებში. ადამიანთა ცხოვრებას განაგებს მარადიული - „რას იტყვის ხალხი“?

პურიტანული - ესეც პატრიარქალური მოდელის ფორმაა, რომელიც ქრისტიანული რელიგიის იმავე სახელწოდების მიმდინარეობისთვისაა დამახასიათებელი. სექსის სფერო მწვავე ფობიებითაა გარემოცული. კერძოდ, მიაჩნიათ, რომ სქესობრივი კონტაქტი ბილწი ცოდვაა; მისი სიხშირე ფიტავს ადამიანს, ხოლო ორგაზმი საფრთხეს უქმნის სიცოცხლეს. ამიტომ აქ აკრძალვის დამრღვევს სჯის არა იმდენად საზოგადოება, არამედ უფრო საკუთარი შიშები. ექიმებს აღწერილი აქვთ სრულიად ჯანსაღი ადამიანების სიკვდილის შემთხვევები აქტის დროს, რაც სწორედ ამ ფობიებითაა განპირობებული.

ნეგროტული - აქაც გამოხატულია მამაკაცური შიშები ქალის და სქესობრივი აქტის მიმართ. ლათინურ ამერიკაში მცხოვრები ზოგიერთი ტომებისთვის იყო დამახასიათებელი.

ლევ სტაროვიჩის მიერ გამოყოფილი ტიპები ძირითადი ნიშნებით ამკარად გადაიკვეთება და ხანდახან ფარავს კიდევ ერთმანეთს. ეს გვაძლევს იმის საფუძველს, რომ სექსის მიმართ დამოკიდებულებაში გამოვკვეთოთ ორი ძირითადი მიდგომა - „ნებადამრთველი“ და „ამკრძალავი“. აპოლონური და მისტიკური კულტურები ნებადამრთველია; დანარჩენი კი წარმოადგენს ამკრძალავი კულტურის ნაირსახეობებს, რომელთა ადგილობრივ თვისებურებებს კონკრეტული რეგიონის ისტორიული სპეციფიკა განსაზღვრავს. ნებადამრთველი კულტურა ისტორიულად წინ უსწრებდა ამკრძალავს; ეს უკანასკნელი, დროთა განმავლობაში, პრაქტიკულად, მთელი პლანეტის მასშტაბით ჩაენაცვლა. ნებადამრთველი კულტურის რელიქტური ნაშთები ზოგიერთ რეგიონში უახლეს ისტორიულ პერიოდამდე შემორჩა. კონკრე-

ტულ სოციუმში შესაძლებელია რამდენიმე კულტურის დეტალი იყოს წარმოდგენილი. მაგალითად, აღორძინების პერიოდის ინგლისში აშკარაა ორგინალური (მაღალ საზოგადოებაში), პურიტანული (ბურჟუაზიულ წრეებში) და სილარიზის კულტურისთვის (დაბალი სოციალური ფენები) დამახასიათებელი ნიშნები.

რელიგიურ-ფილოსოფიური პოზიციიდან აკრძალვა-ნებადართულობა იმაზე დამოკიდებული, როგორ არის გადანყვებილი კონკრეტულ სოციუმში სხეულისა და სულის ურთიერთმიმართების საკითხი. თუ მატერიალური/სხეულთან დაკავშირებული ატრიბუტიკა ცოდვასთან და ჭეჭყთანაა გაიგივებული, მაშინ ყალიბდება ამკრძალავი კულტურა შესაბამისი ტაბუებით და რეპრესიული მორალით, რომელიც სექსს ცოდვის კონტექსტში განიხილავს და მისაღებად მხოლოდ ქორწინების ფორმატში მიაჩნია. იმავე მიზეზით, ეჭვის თვალთ უყურებს სექსუალურ სიამოვნებას. გამრავლების აუცილებლობა - აი რატომ ურიგდება სექსს. სამაგიეროდ ზღუდავს „ზედმეტობებს“ - პრელუდიას, სექსუალურ ტექნიკას, პოზათა მრავალფეროვნებას და ა.შ. ამკრძალავი იდეოლოგიის თანახმად, ეს ყველაფერი სიბინძურება. ადამიანს ვეგეტატიური გამრავლების უნარი რომ ჰქონდეს, რადიკალი ორთოდოქსები სექსს, ალბათ, საერთოდაც აგვიკრძალავდნენ. სექსუალური ჰარმონია და სრულფასოვანი ოჯახური თანაცხოვრება მხოლოდ ღია და განდობილი ურთიერთობების პირობებშია შესაძლებელი. ამკრძალავი კულტურა ამას ან ართულებს, ან სულ გამორიცხავს, ვინაიდან სხეულებრივ მოთხოვნილებებს საფრთხესთან და ბინიერებასთან აკავშირებს. სექსისტური სტიგმით გაჯერებული ცრურწმენათა წნეხი მეტ-ნაკლებად ყველას პრობლემებს უქმნის.

„ზნეობა ეწოდება თეორიას იმის შესახებ, რომ ყოველ ადამიანურ საქციელს შეიძლება ეწოდოს ან წესიერი, ან უწესო და რომ საქციელთა ოთხმოცდაცხრამეტი პროცენტი უწესოა!“.

ეს ამერიკელი ესეისტის, ურნალისტის და სატირიკოსის ჰ. მენვენის ცნობილი ციტატაა, რომელშიც, ფაქტობრივად, ამკრძალავი კულტურის ამოსავალი პრინციპია გამოხატული. სწორედ ეს ხდებოდა საქართველოში უახლესი პერიოდის ჩათვლით. რომანტიკული საბურველით შეფუთული გადაჭარბებული ურთიერთკრძალვა იდეალად იყო აღიარებული, რაც ხისტი აკრძალვებით განპირობებულ ნევროტულ პრობლემებს ვერ აბალანსებდა. ვაჟა-ფშაველს ლექსი ამის აშკარა, თუმცა კი, მხატვრული თვალსაზრისით, სრულყოფილი ნიმუშია. ეთნოგრაფიული მონაცემები, ლიტერატურული ნიმუშები, აგრეთვე, დღემდე შემორჩენილი სტიგმური ადათ-წესები იძლევა იმის მტკიცების სრულ საფუძველს, რომ ქართული კულტურა, ისტორიულად, მიეკუთვნება რეპრესიულ ტიპს ნევროტულის აშკარა ნიშნებით. ამაზე მიუთითებს სქესთა ურთიერთობაში ისტორიულად ჩამოყალიბებული ხისტი აკრძალვები, დედის აქცენტირებული როლი, მეტ-ნაკლები ფემინოფობია, ფრიგიდულობა-ანორგაზმიის სიხშირე და ა.შ. საბჭოთა პერიოდში ორგინალური და სილარიზის კულტურისთვის დამახასიათებელი ნიშნებიც გამოიკვეთა. პირველი, მეტ-ნაკლებად, დამახასიათებელი იყო უმაღლესი პარტიული ნომენკლატურისთვის, ბოჰემური წრეებისთვის და არალეგალური გზით გამდიდრებული სოციალური ჯგუფებისთვის, მეორე - მოსახლეობის ფართო ფენებისთვის.

საგულისხმო დეტალი: პატრიარქალური აკრძალვები სექსის თემატიკის ტაბუ-

ირების პარალელურად ამკვიდრებს ორმაგ სტანდარტებს; უნებურად მახსენდება მესხიერებაში მწარედ ჩარჩენილი ფრაზა: „ქმრის მხრიდან ლალატი ოჯახიდან გამოფურთხებაა, ხოლო ცოლის მხრიდან - ოჯახში შემოფურთხება“.

საუკუნეთა მანძილზე საქართველოში სქესთა ყოფითი ურთიერთობის ფორ-მატსაც მკაცრი ამკრძალავი ნორმები განსაზღვრავდა. გავიხსენოთ **შუშანიკის** აღ-შფოთება: „ოდეს ყოფილ არს აქამომდე თუცა დედათა და მამათა ერთად ეჭამა პური?“, რომელმაც კარგად ჩანს სქესთა ურთიერთკრძალვა-განრიდების ტრა-დიცია. საინტერესოა, რომ წირვა-ლოცვის დროსაც ქალები და მამაკაცები გან-ცალკევებულად იდგნენ. სახალხო თავყრილობებიც მკაცრი ეტიკეტით რეგულირ-დებოდა. ამკრძალავმა კულტურამ ქართულ ხალხურ ცეკვებსაც დაასვა თავისი დალი. **ცეკვა „ქართული“**, ესთეტიკური სრულყოფილების მიუხედავად შებოჭილი ეროტიკის ნიმუშია. სხეულები უძრავი უნდა იყოს; მამაკაცის ჩოხის კალთაც კი არ უნდა შეეხო ქალის ტანსაცმელს. ქალი თვალდახრილი ცეკვავს, ვინაიდან და-უშვებელია მამაკაცისთვის თვალის გასწორება. ამ ცეკვაში არის ფრიად საინტე-რესო დეტალი - ქალი თითქოს გაურბის მამაკაცს, რომელიც მონივნით, მაგ-რამ შეუპოვრად მისდევს და, ბოლოს, ყველაფერი ჰეფი-ენდით სრულდება. თუკი **ცეკვა „ქართულს“** ამ კუთხიდანაც შეეხედავთ, დავინახავთ, რომ მისი შინაგანი ფსი-ქოლოგიურ-ემოციური ქარგა, ფაქტობრივად, ამკრძალავი ეტიკეტით შებოჭილი ურთიერთლტოლვაა: მამაკაცს თან სურს ქალის დაპყრობა, თან ერიდება, ქალს სურს დამორჩილდეს, თან გაურბის. უნებლიედ გაგვახსენდება თავის დროზე ძალ-ზე პოპულარული ფრთოსანი ფრაზა **იტალიური ფილმიდან: „არ ააყდინო ასუნტა“**: „ნამდვილი მამაკაცი ცდილობს, ნამდვილი ქალი კი ეწინააღმდეგება!“.

ორთოდოქსულ-პატრიარქალური ტრადიციით რომანტიზირებული ურთიერთ-კრძალვა საუკუნეთა წარმართავდა სქესთა ურთიერთობას, რაც, საბოლოო ჯამში, უამრავი კომპლექსის საფუძველი გახდა. გავიხსენოთ **გიორგი ერისთვის „გაყ-რა“**. **გაბრიელის** მიერ **ყარდაშვერდისთვის** სიყვარულის გამოცხადების სცენა, ალბათ, ერთ-ერთი ყველაზე კომიკურია ამ ნაწარმოებში. ამ კომიზმს პერსონაჟე-ბის არაადეკვატური საქციელი განაპირობებს („იი, მეხი კი დაგეცა!“). ძალზე ნიშან-დობლივია **გაბრიელის** დასკვნა: „ქართული სიყვარული სულ გინება გახლავთ!“ აბა, სხვანაირად როგორ დაძლევენ ღობეზე გამობმული თვალებით („კარგი, არავინ დაგვინახოს“) დაფეთებული ქართველი ქალები დანაშაულის კომპლექსს! აქ უნებლიედ შიშისგან საწოლის ქვეშ შემძვრალი **ქეთო ყარაულაშვილი** და მისი კეკლუცი დაქალი გაგვახსენდება **ფილმიდან „სიყვარული ყველას უნდა“**. სიმპტო-მატურია, რომ სექსუალური თავისუფლება ყოფამიც და ხელოვნებაში (ლიტერა-ტურა, ფილმები), ძირითადად, მსუბუქ ყოფაცეკვასთან იყო გაიგივებული.

საინტერესო დეტალი: საქართველოში დიდი ხნის განმავლობაში შემორჩა ნე-ბადამრთველი კულტურის მინავლებული რელიქტი - ფშავური წაწლობა და ხეგ-სურული სწორფრობა. ორივესთვის (განსაკუთრებით, კი, წაწლობისთვის) დამა-ხასიათებელია ქალისა და მამაკაცის მეტ-ნაკლებად თავისუფალი ურთიერთობა - მათ შორის ინტიმშიც. საინტერესოა, რომ არც წაწლობა და არც სწორფრობა ქორწინებას ხელს არ უშლიდა. ხევისურეთში ძალიან მოსწონდათ ქალის სითამამე. ამას ხაზგასმით აღნიშნავს მკვლევარი ნათელა ბალიაური წიგნში „სწორფრობა ხევისურეთში“: „ის ქალი უფრო უყვართ სოფლელებს, ვინც ყველგან თავისუფლად

იტყვება. არა მარტო თავის გვარის ხალხთან, არამედ ყველა სოფელელთან“. ალბათ, დაგვეთანხმებით, რომ ბარში ასეთი ქცევა აბსოლუტურად საპირისპირო რეაქციას გამოიწვევდა. მთის ხალხის მეტი სექსუალური თავისუფლება ცეკვებშიც აისახა. ქალის მთელი სხეული ლაღადაა ჩართული ცეკვის ილეთებში და ამყარდა თავანული ეცეკვება მამაკაცს. როგორც ჩანს, მთიანეთის გეოგრაფიულმა იზოლაციამ სოციალურ-ისტორიული „კონსერვანტის“ როლი შეასრულა.

როგორც ვხედავთ, ქართული კულტურა ზღუდავდა ქორწინებაში, ან ნათესაურ კავშირში არმყოფი ქალ-ვაჟის სივრცით სიახლოვესაც კი. ეს ძალზე ართულებდა სქესთა სრულფასოვან ურთიერთობას ეროტიკის და ინტიმის სფეროში. „საქართველოში ჯერ სიყვარულის მაგალითი არ ყოფილა, რამანიც არ დაინერება. ა რამინ ბებ ლიუბვი ეტო უჟანსო!“ - ბრძანებს „გაყრის“ ერთ-ერთი პერსონაჟი **ივანე დიდებულიძე**. ჩვენი „ნასტავლი“ რუსეთში სნობის პირობაზეც კი გვარიანად აჭარბებს, სიყვარულის მაგალითი როგორ არ ყოფილა - **მეფე ლაშა-გიორგის** ისტორიის გახსენებაც საკმარისია. საბედისწერო ქალის ვერსიაც გვყავდა **თამარ ცხიერი**ს სახით. მაგრამ ფაქტია, რომ ამკრძალავი კულტურის რეპრესიული მექანიზმები ქართველ ქალებს, დიდებულიძეს თუ დავესხეებით, „უგრძნობლებად“ და „სიყვარულის უმეცრებად“ გარდაქმნიდა, რაც გზას უხსნიდა „ლანძღვა-გინებას“, თვალთმაქცობას და სხვა ნევროტულ გამოვლინებებს. გავისხენოთ საბჭოთა პერიოდი, როდესაც დამძეული ქართველი მამაკაცები ცის გახსნასავით ელოდნენ რუსი ლამაზმანების ჩამოსვლას, ხოლო არანაკლებ დამძეული ქართველი ქალები, კი, ბოლმით გულზე სკდებოდნენ. სწორედ ამ ეპოქის გამოძახილია „ასავალდასავალი“ რედაქციაში მოსული წერილი, რომელშიც რეპრესიული და ნევროტული ელემენტებიც ჭარბადაა წარმოდგენილი:

1) „სკოლა ისე დავამთავრე, რომ ბუნდოვანი წარმოდგენა მქონდა სქესობრივ ურთიერთობებზე. ეს თემა ოჯახშიც და სკოლაშიც ტაბუდადებული იყო..“ - ამკარაა ამ ურთიერთობების როგორც „სასირცხვილო თემის“ აღქმა და მასზე ღიად საუბრის ტაბუირება, რაც სქესის და სექსუალური ურთიერთობების საკითხებში სრულ არაინფორმირებულობას განაპირობებს.

2) „ძალიან მინდოდა და მაინტერესებდა მამაკაცთან სქესობრივი ურთიერთობა, მაგრამ როგორ გავხედავდი?! სანამ ჩემს მეუღლეს ვაყვებოდი, რამდენიმე თაყვანისმცემელი მყავდა, მაგრამ ისეთი უკარება ვიყავი, რომ კოცნასაც ვერ მიხედავდნენ..“ - ესეც მკაცრი ეტიკეტი, რომელიც ითვალისწინებს სქესთა მეტ-ნაკლებ ურთიერთობისა, როგორც ინტიმური, ისე არაინტიმური თვალსაზრისით. შედეგი - ნევროტული დაძაბულობა და კომპლექსები. ეს გრძელდებოდა საუკუნეთა მანძილზე და ზღუდავდა სქესთა არა მარტო არარეგლამენტირებულ ინტიმურ დაახლოებას, არამედ, აგრეთვე, მეგობრობა-ამხანაგობას.

3) „ამ კინკლაობაში ოჯახი მენგრევა, მაგრამ ვერც გაყრა წარმომიდგენია. რას იტყვის ხალხი?!“ - სახეზეა რეპრესიული მორალი, ანუ აკრძალვათა დარღვევის მკაცრი ვაკუცხვა, რასაც ისტორიულად, შესაძლოა, სრული მოკვებით, ან ფიზიკური ანგარიშსწორების სახეც მიეღო. ამის მაგალითის ვხედავთ **საკულტო ფილმში „ნატვრის ხე“**. ცხადია, მას შემდეგ რეპრესიები შედარებლად შერბილდა, მაგრამ წერილის ავტორი არცთუ უსათუძლოდ შიშობს, რომ პრობლემაზე ღიად საუბრის

შემთხვევაში, საზოგადოებრივი აზრისგან „ვირზე შემოსმა“ არ ასცდება.

4) მეუღლესთან სექსუალურ თემაზე საუბრის ტაბუირება - ქალბატონი ერიდება გულახდილ საუბარს მეუღლესთან, რომელიც, მისი სიტყვით „აზიატი კაცია“. მას საე-სებით საფუძვლიანად მიაჩნია, რომ ქმარი „ბინძური“ სურვილებისთვის გააკიცხავს.

ახლა უკვე შეგვიძლია გავცეთ პასუხი ამ თავის დასაწყისში დასმულ კითხვას - რა მოსდიოდათ ქართულ ქალებს, როდესაც საკუთარი ინიციატივით დათრეული თურქი მამაკაცები გვერდზე გაჰყავდათ და მერე კი ისეთი გამარჯვებული სახეებით გამოდიოდნენ, თითქოს მტერზე გამარჯვება ეზიმათ. ვფიქრობ, ოდითგან მოქმედი წნეხის შედეგად დაგროვილი აგრესია, მუდამ გვერდზე მომზირალ ქმრებზე განაწყენება და პერმანენტული დაუკმაყოფილებლობა ამის ერთადერთი თუ არა, ერთ-ერთი ახსნა მანაც გახლავთ.

გუშინ...

საუკუნეთა ექვს უახლეს პერიოდშიც რომ მიჰყავს „აღლუმი“, განსაკუთრებით სექსუალური აღზრდის სისტემის არქონაში იგრძნობა. გავიხსენოთ სცენა ყველა-სათვის საყვარელი **ქართული ნახატი ფილმიდან „ჩხიკვათა ქორწილი“:**

სიყვარულისაგან ჭკუადაკარგული ზაქარა გატაცებით უმღერის მუხამბაზს მშვენიერ ქეთევანს.

- დედა, რა უნდა ზაქარას? - ჩააცვივდება დედა კურდღელს მატრაკვეცა ნაშიერი.

- კომბოსტო, შვილო! - თავს იძვრენს მშობელი.

დედა-კურდღელი ტრადიციული მითის უნიჭო ვერსიას ეფარება. არადა, უბრა-ლოდ, შეეძლო ეთქვა: ზაქარას უყვარს ქეთევანი და უნდა მასთან ერთად იცხოვ-როს. აი, როგორც მე და მამიკომ. მერე შენსავეთ საყვარელი პატარა შვილი ეყო-ლებათ. ამით გააკეთებდა ძალზე მნიშვნელოვან საქმეს: ბაჭიას ცნობიერებაში ქვეყნად მოვლინებას სიყვარულს დაუკავშირებდა. მაგრამ ამკრძალავი კულტუ-რის წნეხმა დედების წარმოდგენაში ქვეყნად მოვლინების მექანიზმი ბინიერებას დაუკავშირა. სწორედ ამიტომ, შვილების ბუნებრივ შეკითხვაზე: „საიდან გავჩნდი?“, აქეთ-იქით თვალეხს აცეცებდნენ და ზღაპრებს ყვებოდნენ. აბა როგორ გავუმხელ-დნენ უცოდველ ბავშვს ამ „სიბინძურეს“? პატრიარქალური სტიგმა და მასთან დაკავ-შირებული დანაშაულის კომპლექსი შეუძლებელს ხდის ადეკვატურ სქესობრივ აღზრდას. ამ დროს გენდერული თვითიდენტიფიკაციის სწორი ჩამოყალიბება ამა-ზეა დამოკიდებული.

ოციოდე წლის წინათ **საქართველოს სექსოლოგთა ასოციაციამ** სქესობრივი აღ-ზრდის ახალი მოდელი შესთავაზა საზოგადოებას. ამან უმწვავესი რეაქცია გამოიწვია - ბავშვების გარყვანის უფლებას არ მოგცემთ, ჩვენი მამა-პაპა სექსუალური განათ-ლების გარეშე ჩინებულად ახერხებდა ათი და მეტი შვილის გაჩენასო. **2000 წლის მარტში საპატრიარქომ** ჩაატარა შეხვედრა თემაზე: **„გარემო პირობების ზეგავლენა მოზარდის ფსიქო-მენტალურ მდგომარეობაზე“**. შეკრებაზე სქესობრივი აღზრდის

საკითხმაც გაიჟღერა. საზოგადოების უდიდესი ნაწილი მიემხრო თვალსაზრისს - სექსუალური აღზრდა არ არის საჭირო; თავის დროზე ახალგაზრდები თავადაც ისწავლიან ყველაფერსო. ასეთი თვითდაჯერებულობა არც ისე უსაფუძვლოა. ბავშვები აუცილებლად შეეცდებიან მათთვის საინტერესო ინფორმაციის მოძიებას და მიაგნებენ კიდევ. მაგრამ სად და როგორ? იმ წლებში „სასწავლო რესურსები“ ფრიად მშებლადელი გახლდათ: უფრო „გათვითცნობიერებულ“ თანატოლებთან კონსულტაცია, მშობლებისგან თვალმიფარებულად პორნოპუბლიკაციების კითხვა-თვალიერება, უხამსი გრაფიტი და სხვა „კომპეტენტური“ წყაროები. გავისხენოთ, მოგვიანებით, ბაჭია ეშმაკურად ხითხითებს და დედას აღარაფერს ეკითხება. მან უკვე დამოუკიდებლად დააზუსტა რა უნდოდა ზაქარას; მაგრამ, ვაი ამ დაზუსტებას! ზემოაღნიშნული შეხვედრის მონაწილეებს აშკარად არ ესმოდათ, რომ ათასი ჯერის პედოფილი პოტენციურ მსხვერპლს სწორედ უშნო გაცნობიერებით ცნობის-მოყვარეობაგაღვიძებულ ბავშვებსა და მოზარდებში პოულობს. ახითხითებული ბაჭია მგლისთვის იოლი საკბილოა. საზოგადოების დიდი ნაწილი დღესაც ვერ აცნობიერებს სექსობრივი აღზრდის მნიშვნელობას.



იმავ 2000 წლის მარტში ჩავინერე ინტერვიუ **სექსოლოგთა ასოციაციის თავმჯდომარე, მედიცინის მეცნიერებათა დოქტორ, პროფესორ ანდრო კანდელაკთან:**

- მშობლები გაურბიან სიმართლის თქმას იმიტომ, რომ მოვლინების მექანიზმზე „დამაზუსტებელი შეკითხვების“ ეშინიათ. ეს უსაფუძვლო შიშია. ბავშვები ამ ასაკში იშვიათად ინტერესდებიან მოვლინების მექანიზმით. მაგრამ თუკი ასეთი შეკითხვა მაინც გაჩნდა, მშობელმა „ბუნებრიობის პრინციპით“ უნდა იხელმძღვანელოს. თბილად და ალერსიანად

გადაიტანოს ბავშვის ყურადღება ბუნების მოვლენებზე: როგორ მრავლდებიან აკვარიუმში თევზები, როგორ იზრდება ქოთანში ყვავილი, როგორ ამოდის დედის მუცლიდან კნუტი და ა.შ. თან აუცილებლად ხაზი უნდა გაესვას მშობლების ურთიერთსიყვარულს. იმის გაცნობიერება, რომ ის მშობლების სიყვარულის ნაყოფია, ბავშვის უსაფრთხოების საბაზისო განცდას ემსახურება. ამ მხრივ საინტერესოა **ქრისტინა ვერდუს, უან კონის, ჟაკლინ კანტანისა და უილბერ ტორუმანის ბროშურა: „მოზარდთა სექსობრივი აღზრდა, ფიზიოლოგია და სექსოლოგია“.** ქართულენოვანი თარგმანი 1991 წელს გამოიცა.

- **ანუ ბავშვს ერთი წამითაც არ უნდა გაუჩნდეს განცდა, რომ მისი ქვეყნად მოვლინების მექანიზმი ბინიერია, ვინაიდან ეს შეიძლება ფსიქოლოგიური ტრავმისა და შემდგომი გართულების მიზეზი გახდეს?...**

- ცხადია! **ფროიდი** თავის დროზე დაბადების ტრავმაზე საუბრობდა. კომფორტული გარემოდან, ანუ დედის თბილი მუცლიდან, ბავშვი უეცრად აღმოჩნდება უცხო გარემოში, სადაც ცივა, რალაც უცხო შთაბეჭდილებებია... დედისა და შვილის შემდგომი ურთიერთობა ემსახურება ამ ტრავმის დაძლევისა და უსაფრთხოების განცდის ჩამოყალიბებას. წარმოიდგინეთ, რა გამოვა, თუ დაბადების ტრავმას დაბადების საიდუმლოს ტრავმაც დაემატება! ამ შიშებმა შესაძლოა მშობლების მიმართ უნდობლობა განაპირობოს. რა უსაფრთხოების განცდაზეა აქ ლაპარაკი?! დაბადების ტრავმის უარყოფით შედეგებზე საუბარი შორს წავიყვანს.

- ამ ტრავმის დასაძლევად აშკარად მხოლოდ მშობლების ძალისხმევა არ იქნება საკმარისი..

- ბუნებრივია! პროცესში უნდა ჩაერთვნენ სკოლამდელი აღზრდის სისტემის მუშაკები. აგრეთვე პედაგოგები, ფსიქოლოგები. ჩვენი პროექტი ითვალისწინებს მათთვის სპეციალური სასწავლო ტრენინგების ორგანიზებას. აუცილებელია ბავშვებთან მომუშავე კადრების საგანგებო შერჩევა. დაუშვებელია აქ მუშაობდნენ არასწორი აღზრდით ტრავმირებული და დაკომპლექსებული ადამიანები. მხედველობაში მაქვს თუნდაც „შინაბერას კომპლექსი“, ან „უკანონო შვილის კომპლექსი“. ასეთი ხალხი თავად საჭიროებს დახმარებას. მათი პირადი პრობლემები, შესაძლოა, ბავშვზე გადატყდეს და მძიმე ტრავმის საფუძველი გახდეს. შემდგომი ეტაპი სქესობრივი მომნიშვნის პერიოდს მოიცავს - 10-14 წლის პერიოდს (აქსელერაციის გათვალისწინებით). ამ პერიოდში მობარდებში მიმდინარეობს კარდინალური ფიზიოლოგიური ცვლილებები. გოგონებში აქტუალურია მენსტრუაციის, ხოლო ბიჭებში - პოლუციის პრობლემა, რაც ხშირად შიშების წყაროდ იქცევა, რიგ შემთხვევებში, კი, ნევროზული განცდები ყალიბდება. აქვე ხაზგასასმელია ეთნიკურ-კულტურული მომენტი. სქესის ფენომენი და სექსუალური ცხოვრება ხშირად უარყოფით კონტექსტშია მოქცეული. დააკვირდით, როგორ მოიხსენიებენ ხალხში მენსტრუაციას - ცუდად, ან ავად ყოფნა. მიაჩნიათ, რომ ამ დროს არ შეიძლება სქესობრივი ურთიერთობა, რაც მცდარი შეხედულებაა.

- რიგ რეგიონებში ქალური წესის დროს ქალი უწმინდურად ითვლებოდა. ფშავში მას სახლში არ უშვებდნენ და სპეციალურ შენობაში იჭდა, სანამ არ „ჩაირეცხებოდა“..

- მერე რაზე მიუთითებს ეს? ჩვენს კულტურაში, სქესთან დაკავშირებული უარყოფითი განწყობის საფუძველზე, ჩამოყალიბდა უარყოფითი დამოკიდებულება სქესის ყოველგვარი ფიზიოლოგიური გამოვლინების მიმართ. ამის შედეგია საკუთარი სხეულის არაცნობიერი მიუღებლობა. ალბათ შევიმჩნევით მობარდთა ნეგატივიზმი საკუთარ სხეულში და ფიზიოლოგიაში ასაკობრივი ცვლილებების მიმართ. გოგონები ხშირად მძიმედ განიცდიან პირველ მენსტრუაციას, ერიდებათ წამობრდილი მკერდის. ბიჭებს უხერხულობაში ავდებს და, რიგ შემთხვევებში, აშინებს პოლუციები, ერექცია. სწორედ ესაა საკუთარი სხეულის მიუღებლობის გამოვლინებანი. ამ პერიოდში ძალიან დიდი მნიშვნელობა აქვს სხეულში მომხდარი ცვლილებების რაობის და მნიშვნელობის ახსნას. ანუ, უნდა მოხდეს საკუთარ სხეულთან „შერიგება“, ვინაიდან მისი მიუღებლობა მომავალში გამოიწვევს სხვისი სხეულის მიუღებლობას და, აქედან გამომდინარე, პრობლემებს სექსუალურ ცხოვრებაში. **ფრივიდულობის, ანორგაზმიის, სქესობრივი აქტის წინაშე შიშის, ან ზიზღის** სიღმისეული ფესვები, უმეტეს შემთხვევაში, სწორედ ამ ასაკში დაშვებული სექსუალური აღზრდის ხარვეზებში უნდა ვეძიოთ. ჩვენი პროექტი აგრეთვე ითვალისწინებს ამ ეტაპის შესატყვისი მეთოდების შემუშავება-დახვეწას. მშობლებს გაუჭირდება ამ ურთულესი პერიოდის პრობლემებთან მართო გამკლავება. როგორც წესი, ისინი თავადაც მოუმზადებელნი არიან ამ საკითხებში.

- კიდევ ერთი მტკივნეული მომენტი: ახალგაზრდა ჩამოყალიბდა ანატომიურად და ფიზიოლოგიურად, მაგრამ სულიერ-ემოციურად ჯერ კიდევ უმწიფარ, ან თუ ვნებავთ, „მაჭრის“ მდგომარეობაშია. სწორედ ამ დროს ხდება ყველაზე აქტუალურ-

რი ინფორმაცია სექსუალური ცხოვრების შესახებ, მაგრამ კონსერვატიული მენტალიტეტი უფროხის ამ თემაზე საუბარს...

- აკრძალვა მხოლოდ ნეგატიურ შედეგებს გამოიღებს. კითხვები მომნიშვნელოვანადაა და პასუხი უნდა გავცეს. სხვა ალტერნატივა არ არსებობს. მოზარდი (ეს ეტაპი 14-18 წლების პერიოდს მოიცავს), მაინც შეეცდება „აკრძალულ ოთახში“ „ჭეჭრუტანიდან“ შეიჭყიტოს. ხანდახან პირდაპირი მნიშვნელობითაც.

- შესაძლოა, აქედანაც საზრდოობს ვუაერიზმის (უჩუმრად თვალთვალის) ფენომენი...

- მახსენდება მომენტი ჩემი ბიჭობიდან. საბჭოთა პერიოდში, გეხსომებათ, ყოველგვარი ეროტიკა ტაბუდადებული იყო. თანაკლასელი ბიჭები ინგლისურის გაკვეთილის წინ ერთმანეთს თავ-პირს ვალენავდით პირველ მერხზე დასაჯლომად. იცით რატომ? მასწავლებელი ახალგაზრდა, ლამაზი ქალი იყო და თუ დაიხრებოდი, მაგიდის ქვეშ მისი ლამაზი ფეხები ჩანდა..

- მსგავსი სიტუაცია გამახსენდა ფელინის „ამარკორდიდან“...

- დიახ, ფელინიმ შესანიშნავად გადმოსცა მომნიშვნეობის ასაკში მყოფი მოზარდის თვალთ დანახული სამყარო. ჩემი თანატოლებისთვის ტანმოვარჯიშეების სურათებიც კი პორნოგრაფიის ტოლფასად განიცდებოდა. არა მგონია თანამედროვე მოსწავლეებს ასეთი რეაქციები ახასიათებდეს; ყოველ შემთხვევაში, ძალზე აქტუალურად. სამაგიეროდ, გაჩნდა მეორე უკიდურესობის საშიშროება: სექსუალური რევოლუცია საქართველოში უკვე დაიწყო - ეს ფაქტია. თუ არ გვინდა რომ ანარქიაში გადაიზარდოს, მაშინ აუცილებელიცაა პროცესის კონტროლი სქესობრივი აღზრდის კორექტული მოდელის დანერგვით.

- ციციკორეს (ფელინიდან „ნატერის ხე“) ტყუილად კი არ ეშინოდა მატარებლის: „ჰაერი არ მოინამლეება, უნამუსობა არ ჩამოვარდება?!“! მატარებელი, ამ შემთხვევაში, გამოხატავს ჩაკეტილი სოციუმის ვახსნას, გარე სამყაროსთან კავშირის დამყარებას და უცხო კულტურის შემოსვლას. ციციკორეში ასახულია სტიგმატიზებული ტრადიციის შიში სიახლის მიმართ...

- ასეა თუ ისე, მატარებელი საქართველოში უკვე ჩამოღდა და პროცესებს ვეღარ შევატრიალებთ. არც არის საჭირო. მატარებელმა შეიძლება ბევრი სიკეთეც ჩამოიტანოს, ხომ ასეა? ხოლო თუ გვინდა რომ „გამონაბოლქვმა“ არ შეგვანუხოს, ზომები უნდა მივიღოთ. აუცილებელია აღზრდის სწორი ორიენტაციების შემუშავება. სწორედ ამას უნდა ემსახურებოდეს სქესობრივი აღზრდის კორექტული მოდელი. ჩვენს კლინიკაში არსებული მასალების მიხედვით, საქართველოს მოსახლეობის 33% სექსუალურ საკითხებზე ნაკლებადაა ინფორმირებული. ეს ციფრი მიღებულია მომართვიანობის მაჩვენებლის საფუძველზე, ამდენად სიტუაციის რეალურ სიმძიმეს არ ასახავს. სქესობრივი აღზრდა არის არა უბრალოდ სექსუალური ტექნიკის სწავლება, როგორც ეს ბევრს ჰგონია, არამედ საკუთარი სქესობრივი მიკუთვნებულობის გაცნობიერება და სანიანალმდეგო სქესთან ადეკვატური დამოკიდებულების ჩამოყალიბება. ჩვენს პროექტში გათვალისწინებულია აუცილებელი ინფორმაციის მიწოდება ასაკობრივი თავისებურებების გათვალისწინებით. ანუ, სქესობრივი აღზრდა უნდა მიჰყვებოდეს ადამიანის ჩამოყალიბების ეტაპებს. კითხვას პასუხი უნდა გავცეს მაშინ, როდესაც ეს კითხვა ბუნებრივად მომნიშვნელოვანია. მოვლენებს წინ არ უნდა გავუსწროთ. მაგალითად, სამი-ხუთი წლის ბავშვს არა-

ფერში ესაჭიროება ინფორმაცია სქესობრივი აქტის შესახებ. მას აინტერესებს საიდან გაჩნდა. ეს უმნიშვნელოვანესი მომენტია; ამ დროს მიღებული ტრავმა უარყოფით გავლენას იქონიებს მთელ მის მომავალ ცხოვრებაზე.

- ალბათ ისიცაა გასათვალისწინებელი, რომ დანერგვის პროცესში, შესაძლოა, თავი იჩინოს გაუთვალისწინებელმა მომენტებმა და თქვენს მოდელში კორექტივების შეტანაც გახდეს საჭირო..

- პროგრამა განვითარებადი. ყველაფერი დაიწყება სოციოლოგიური გამოკითხვით, რათა ბავშვებში, მოზარდებში, მშობლებში და პედაგოგებში ინფორმირებულობის დონე დადგინდეს. დასატრენინგებელ სპეციალისტთა ჯგუფების სწორად დაკომპლექტებისთვის ჩატარდება ტესტირება. ყოვლად დაუშვებელია მიმღებლობის სხვადასხვა დონის ხალხის ერთ ჯგუფში მოხვედრა - ეს გაართულებს პროცესს. გზადაგზა გათვალისწინებული იქნება ინფორმირებულობის დონის ამალღება, ანუ პროგრამა პერმანენტულად იმუშავებს, თავდაპირველად დაინერგება ექსპერიმენტის სახით და ბოლოს მოიცავს მთელ ქვეყანას. სქესობრივი განათლება, ცხადია, არ არის პანაცეა, მაგრამ, უდავოდ, ნორმალური ცხოვრების ხელშემწყობი პირობაა. ამ სფეროში რომ არ მემუშავა, არც მეცოდინებოდა პრობლემის მთელი სიძიმი. წარმოიდგინეთ, ჩემს პრაქტიკაში იყო ხუთასი ვირგოგამიური წყვილი (როდესაც სრულფასოვანი აქტი არ ტარდება, ე.წ. ქალწულებრივი ქორწინება - ავტ.) და არა რაიმე ფიზიოლოგიური დარღვევის, არამედ სწორედ სექსუალურ საკითხებში გაუნათლებლობის წყალობით. ბევრი სექსოლოგთან ვიზიტსაც ვრიდებ, რაც აგრეთვე სექსუალურ საკითხებში გაუნათლებლობის შედეგია.



ექიმი-სექსოლოგი პაატა სოფრომაძეც აღნიშნავს - სექსუალური გაუნათლებლობა თაობათა მანძილზე ზღუდავდა სქესთა ჰარმონიულ ურთიერთობას; ოჯახური ბედნიერების არარსებობა კი ფასადური კეთილდღეობით ინიღბებოდა:

- ქართული გარემოსთვის ყოველთვის დამახასიათებელი იყო ფალოცენტრიზმი. ვინ მიაჩნდათ ჩვენში ნამდვილ მამაკაცად? ვისაც ნებისმიერ დროს, ნებისმიერ გარემოში და ნებისმიერ ქალთან ჰქონდა ერექცია. ანუ, ვინც პიონერივით სულ მზად იყო. ამიტომ, როდესაც ასე მოაზროვნე მამაკაცი,

არაადეკვატურ დროს, არაადეკვატურ გარემოში და არაადეკვატურ პარტნიორთან ცდილობდა აქტის ჩატარებას და არაფერი გამოსდიოდა, ამაზე კატასტროფული რეაქცია ჰქონდა. ქალის სექსუალური დაკმაყოფილების საკითხი არ იდგა. როდესაც ჩვენთან მოსულ მამაკაცს ვეკითხებოდით, იღებდა თუ არა მისი მეუღლე სიამოვნებას, საპასუხოდ მოდიოდა სერიოზული აგრესია: რას მიქცია სიამოვნებას იღებს თუ არა, ის ხომ ცოლი და ჩემი შვილების დედაა! ამისთანა რამეებზე არც უნდა ფიქრობდესო..

- პატრიარქალური პოზიციის თანახმად, სექსი ქალისთვის უნდა ყოფილიყო მხოლოდ გამრავლების მექანიზმი. ემანსიპაციამ ორგანზმის უფლებაც მოიტანა...

- ძალიან მომეწონა ეს ტერმინი - „ორგანზმის უფლება“. საქმის არსს სრულად გამოხატავს. ქართველ ქალს საკმაოდ დიდი ხნის განმავლობაში საერთოდ არ

ჰქონდა ორგანომის უფლება, იმიტომ რომ ეს გარყვნილებად ითვლებოდა. ეჭვიც არ მეპარება, რომ იყო ქალთა კატეგორია, რომელიც ორგანომის დროს ტუჩებს იკვეთდა, რომ არაფერი დატყობოდა და ქმარი მის ზნეობაში არ დაეჭვებულიყო. ცხადია, თავისუფალი ხელობის ქალბატონებზე არ მაქვს საუბარი. მათ შემთხვევაში ეს პირიქითაც იყო.

- მახსენდება, ერთმა ასეთმა მამრმა სუფრაზე კარგი ანეკდოტით მოყვა, როგორ სცემა ქალს, რომელთანაც საფუძვლიანად ისიამოვნა. როდესაც გვითხე, მაინც ვერ მივხვდი რას ერჩოდით-მეთქი, ისე შემთავალიერა, თითქოს ყბებს წინასწარ მიზომავდა და მიპასუხა - ქალი რომ სხეულებრივ სიამოვნებაზე ფიქრობს, ღიახაც, საცემიაო. დისკუსია, ცხადია, აღარ გავაგრძელე - ღიაგნობი ისედაც ნათელი იყო. სამწუხაროდ, წლების მანძილზე, ქართველი ქალის ძალზე გავრცელებული და თვალშიჩვეული ტიპაჟი იყო წონაგაქცეული, თავნაკრული ღიასახლისი, სულ რაღაცას რომ იტკივებს, ნერვებს უჩივის და კაპასობს. ერთ-ერთი მიზეზი, ალბათ, სწორედ სექსუალური დაუკმაყოფილებლობა იყო...

- ერთ-ერთი - აუცილებლად! სექსუალობა ფაქიზი სფეროა. ქალის - განსაკუთრებით. მასში განსაკუთრებით ძლიერია ფსიქო-ემოციური კომპონენტი. რა არის ანორგაზმია? როდესაც არის ლტოლვა და აღგზნება, იწყება გარკვეული ფიზიოლოგიური პროცესები, მაგრამ რაღაცის გამო კულმინაციამდე ვერ მიდის...

- ეს „რაღაც“, ალბათ, სექსუალური კულტურის უქონლობა და თაობათა მანძილზე გამეფებული პატრიარქალურ-სტიგმური ცრურწმენებია.

- ცხადია! ხოლო აღგზნების გაუხარჯავი ენერგია, ადრე თუ გვიან, სომატურ პრობლემებს წარმოშობს: თავი მტკივა, გული მტკივა, კუჭი მტკივა, ღამე არ მძინავს, ხასიათი გამოუჭვდა... თავის ტკივილის მომიზგებება ხშირად ქმრისთვის უარის თქმის მიზეზი იყო. თავად განსაჯეთ: რატომ უნდა დაიქანცოს ადამიანი თავი სირბილით, როდესაც იცის, რომ ფინიშამდე მაინც ვერ გავა და ტყუილად დაიღლებ? რად უნდა ქალს აქტი, თუკი ორგანომს მაინც ვერ იგრძნობს? ამ დროს, შესაძლოა, სულ პატარა მიზეზი იყო და სპეციალისტისთვის რომ მიემართათ - ადვილად მოუვლიდნენ. გასაუბრებისას პრობლემის რეალური მიზეზები იკვეთება. მქონდა ადრე ასეთი შემთხვევა: მამაკაცს სწრაფი ეაკულაციის პრობლემა ჰქონდა და ქალი დაკმაყოფილებას ვერ ასწრებდა. ერთხელაც დედამისს შესჩივლა. დედამ დაუცაცხანა: სუ, შენს ქმარზე ასეთი არაფერი თქვა. ნახე როგორი შემომტანი და მეოჯახეა, რა სიტყვა-პასუხი აქვს, სუფრაზეც რა კარგი მსმელი და თამადაა, ძმაკაცებიც როგორ აფასებენ. შენ კი რაზე ფიქრობ, ბოზი ხომ არ ხარო?! უკვე შეიძლება ვივარაუდოთ, რას წარმოადგენდა თავად სიდედრის სექსუალური ცხოვრება. მახსენდება, ერთ ქალბატონს შევეკითხე: გიყვართ თქვენი ქმარი-მეთქი? რა თქმა უნდა! - მიპასუხა რიხიანად. ნელ-ნელა შევედით ინტიმური ცხოვრების დეტალებში. ვეკითხები: რამდენად ითვალისწინებს ქმარი თქვენს სურვილებს, რამდენად მნიშვნელოვანი ხართ მისთვის როგორც ადამიანი? მაქსიმუმ ნახევარსაათიანი ჩაღმავებული საუბრის შემდეგ იწყება ტექსტები: „ჩემი ქმარი ჩავდივი კუბოში, მიყურებს როგორც ხორცის ნაჭერს, რაში აინტერესებს მე კმაყოფილი ვარ თუ არა? რომ ვუთხრა რამე - მეტყვის: რა გინდა ქალი, რამე გაკლია? „შუბა“ და იაპონური სერვიზი ხომ გიყიდე? მანქანა ხომ გვყავს? ზღვაზე ხომ გაგიმ-

ვი?..“ სულ გამოცდილებიდან აღებული ფრაზებია.

თხუთმეტობედ წლის წინათ, ძალადობისგან დაცვის ეროვნული ქსელის გურიის კომიტეტის წევრი მანანა ჯინჭარაძე ოზურგეთში ღონისძიებაზე იმყოფებოდა. რთი ექიმი წამოდგა და თქვა: არ მინდა, რომ ჩემს შვილს ლიბიდოდაქვეითებულმა მასწავლებლებმა ასწავლონო. ეს მაშინ წარმოუდგენლად თამამი განცხადება იყო. ამაზე სოფლებში კი არა, ჯერ ქალაქშიც არ საუბრობდნენ. მანანა ჯინჭარაძეს გვერდზე მჯდომი გაუთხოვარი რუსულის მასწავლებელი ისე განაწყენდა, რომ ტირილი დაიწყო. მაშინ ქალბატონმა მანანამ აუხსნა, რომ ლაპარაკი იყო მენტალურად ლიბიდოდაქვეითებულ ადამიანზე, რომელიც ცხოვრებისგან ვერანაირ დაკმაყოფილებას ვერ იღებს.

იმ პერიოდში, როდესაც ანდრო კანდელაკთან და პაატა სოფრომაცხთან ინტერვიუები ჩავიწერე, სქესობრივი განათლების პოპულარიზაციის მიმართულებით გარკვეული საზოგადოებრივი ინიციატივები იქნა განხორციელებული. მაგალითად, გამომცემლობა „დიოგენე“ გამოსცა წიგნები: „მხიარული საუბრები ჰიგიენის, სექსისა და ცხოვრების ჯანსაღი წესის შესახებ“ („მოზარდთა განვითარების ცენტრი“, 1998 წელი) და „ცვლილებები სხეულში, ცვლილებები ცხოვრებაში“ (2002 წელი). რეაქცია კატასტროფული იყო; განსაკუთრებით - მეორე წიგნზე. „წიგნის დამცველი“ გამომცემლობის მისამართზე მივარდნენ; რომ არავინ დახვდათ, კარიდან ფირინი ჩამოგლიჯეს და დანვეს. პოლიტიკოსი გურამ შარაძე იმდენად აღაშფოთა ამ წიგნის გამოცემამ, რომ არც კი წაუკითხავს, სამაგიეროდ, საჯაროდ დანვა გაზეთი, რომელშიც მისი ნაწყვეტები იყო გამოქვეყნებული. ორივე წიგნს გავეცანი და მთელი პასუხისმგებლობით ვამბობ: სარედაქციო კოლეგიამ ბევრი იმუშავა ტექსტზე და ყველანაირად გაითვალისწინა აუდიტორიის მიმდებლობის დონე. მიუხედავად ამისა, ვრცელდებოდა ფანტასტიკური ჭორები, თითქოს წიგნი „ცვლილებები სხეულში, ცვლილებები ცხოვრებაში“ ინცესტისკენ და ჰომოსექსუალიზმისკენ უბიძგებდა მკითხველს. ერთი შეხედვით, პარადოქსულია, მაგრამ ყველაზე მეტად ის ხალხი ილანძღებოდა, აღნიშნული წიგნები თვალითაც რომ არ ჰქონდა დანახული.

ამავე პერიოდში გაზეთ „მერიდიან-44“-ში მეც გამოვაქვეყნე პუბლიცისტური ციკლი „სექსუალური აღზრდის პრობლემები“. ციკლში ვაკეთდა სექსუალური თემატიკის ტაბუირების რელიგიურ-ფილოსოფიური და სოციალურ-ფსიქოლოგიური ანალიზი. ეს იყო მკაცრად აკადემიური პუბლიცისტური ნაშრომი. რედაქციამ, ყოველი შემთხვევისთვის, სათაურიდან ამოიღო სიტყვა „სექსუალური“, თუმცა საზოგადოების ორთოდოქსულად განწყობილი ნაწილის რისხვისგან მაინც ვერ დამიფარა. მრევლის წევრებმა უაღრესად აგრესიული გამოხმაურებები გამოაქვეყნეს გაზეთებში: „მრევლი“ („ნუცა ვინ გაცთუნებს თქვენ ცუდითა სიტყვითა“, #10-2000წ, თვა პაიჭაძე, - „რად უნდა მგელს ცხვრის ტყავი?“, #11-2000, მანანა ყიფანი), „ახალი თაობა“ („არავის მიცემთ უფლებას ჩვენი შვილები საკუთარ კერპებს შეწირონ“, 25.04.2000, ნინო ბზვანელი), „საქართველოს რესპუბლიკა“ („განიწყუნეს და ბილნ იქმნეს ისინი უშჯულოებითა“, 04.07.2000, ნინო ბზვანელი). აღნიშნულ პუბლიკაციებს საფუძვლიანად გავვეცანი და პასუხიც გამოვაქვეყნე. სხვათა შორის, ავტორებს არც კი უცდიათ დამშვიდებული გონებით წაეკითხათ და ობიექტურად

გაეაზრებინათ ჩემი სტატიები. მათი მხრიდან, ფაქტობრივად, მხოლოდ უსაფუძვლო ბრალდებების აგრესიული კორიანტელი წამოვიდა. ერთ-ერთმა, ყველა სიკეთესთან ერთად, ორაზროვნად ჩემს მორალური სახესაც კი გაჰკრა კბილი.

საინტერესო დეტალი: 2020 წელს გამოქვეყნდა გაეროს ერთობლივი პროგრამის „გენდერული თანასწორობისთვის“ ფარგლებში მომზადებული კვლევის ანგარიში, რომელშიც საგულისხმო ციფრებს იხილავთ. გამოკითხულ მამაკაცთა 56,3% და ქალების 31,1% დარწმუნებულია - ქალი, რომელიც კონდომს ატარებს, „შესაბამელად“ ადვილად ხელმისაწვდომია. მოსახლეობის არცთუ მცირე ნაწილში ქალის ინფორმირებულობა და თავმენახულობა დღესაც „მსუბუქ“ ყოფაქცევასთანაა გააგივივებული; განსაკუთრებით - მამაკაცებში.

ოცი წლის შემდეგ

საქართველოს სექსუალოგთა ასოციაციის მიერ შემოთავაზებული სქესობრივი აღზრდის სისტემას უამრავი წინააღმდეგობა შეხვდა და, საბოლოოდ, ვერ დაინერგა. მიუხედავად ამისა, განვლილ ოცწლიან პერიოდს უკვალოდ არ ჩაუვლია.

აი რა გვითხრა ოცი წლის შემდეგ **ანდრო კანდელაკმა**:

- ინტერნეტი უფრო მისაწვდომი გახდა და ადამიანები სასურველ ინფორმაციას სხვადასხვა წყაროებიდან იღებენ. როგორც ექიმი-კლინიცისტი ვიტყვი, რომ ამან გარკვეული ცვლილებები მოიტანა - დადებითიც და უარყოფითიც. პლუსი პირველ რიგში ის არის, რომ სექსუალურ საკითხებში ინფორმირებულობა გაიზარდა. მაგრამ ეს არ მომხდარა სისტემურად, ანუ სახელმწიფოებრივად გააზრებული განათლების ფორმატში. ძირითადად განხორციელდა არასამთავრობო ორგანიზაციების ინიციატივები; ხშირად საეჭვო და ისეთი ფორმით მოწოდებული, რომ ძალიან გააღიაზიანა საზოგადოების კონსერვატიული ნაწილი. გარდა ამისა, ინტერნეტში ხელმისაწვდომი ქაოტიური და, ხანდახან, ურთიერთგამომრიცხავი ინფორმაცია სექსუალური განათლების საიმედო წყარო ნამდვილად არ არის. შედეგად ინფორმირებულობა წყვეტილია, გამოტოვებულია სხვადასხვა ასაკობრივი ეტაპები; ანუ ადამიანები ვერ იღებენ აუცილებელ ინფორმაციას მაშინ, როდესაც ეს სჭირდებათ და იმ სახით, რა სახითაც სჭირდებათ. ეს ძალზე სახიფათოა; განსაკუთრებით იმიტომ, რომ სექსუალური ცხოვრების ასაკმა დაიწყო. ამასწინათ ჩემმა ნაცნობებმა მთხოვეს, იქნებ სკოლაში უფროსკლასელ ბიჭებს შინაურულად ლექცია ჩაუტარო. ბავშვები უკვე გრძნობენ ამის აუცილებლობას და ადეკვატური ინფორმაციის არარსებობა აბნევენ. მშობლებიც ნევროზულ მდგომარეობაში არიან - განსაკუთრებით, დედები. არ იციან, შვილებს რა უპასუხონ. ცხადია, უარი არ მითქვამს. ახლახან მომმართა ახალგაზრდა მამაკაცმა, რომელიც ღამის კლუბში დაუცველი სექსის შედეგად ათამუნგით დაავადდა. ვერც კი მიხვდა, რა სჭირდა - შემთხვევით დაუდგინეს. წარმოდგენა არ ჰქონდა ამ დაავადებაზე, მისი გადაცემის გზებზე, საპრევენციო საშუალებებზე და ა.შ. ცხადია, ჩვენგან ყველა აუცილებელი ინფორმაცია მიიღო. ახლა ამბობს: „ეს ყველაფერი სკოლაში რომ ესწავლებინათ, ხომ გავფრთხილდებოდიო!“. დასკვნები თავად გააკეთეთ. კიდევ

ერთ მნიშვნელოვანი დეტალს უნდა შევხვხო: ჩვენი ყოფისთვის ახალ ფენომენს - პორნოსაიტებზე დამოკიდებულებას. ამ დროს ადამიანი მოწყვეტილია რეალურ სექსს, მისი სექსუალური ცხოვრება ძირითადად შემოიფარგლება მასტურბაციით. შედეგად უყალიბდება არასწორი წარმოდგენები და მოლოდინები. მქონდა ასეთი შემთხვევა, როდესაც ახალგაზრდა მამაკაცი იმდენად მიეჭაჭვა მასტურბაციას, რომ მასზე დამოკიდებულება განუვითარდა, ორგანიზმი გამოფიტვამდე მიიყვანა და სამკურნალო გახდა. ისიც ხდება, რომ მამაკაცს მეუღლე ჰყავს, მაგრამ მასტურბაციაზე გადასული. ამასთან ასეთი შემთხვევები საკმაოდ გახშირდა, მაგრამ სტატისტიკა არ არსებობს. დასავლეთში ეს პრობლემა უფრო შესწავლილია. მინდა პოზიტიური მომენტებიც აღვნიშნო. მოიმატა წყვილების ერთობლივმა მომართვიანობამ. ადრე ეს თითქმის წარმოუდგენელი იყო. მამაკაცისთვის რომ გეთქვა - პარტნიორი ქალი მოიყვანო, გასახუბდა - რას ამბობ, რა ქალი მოვიყვანოო. კიდევ ბრანდებოდა. არც ქალები იკლავდნენ თავს მოსვლაზე. ახლა ერთად მოდიან და ქალები უკვე კიდევ აქტიურობენ. წინ წამოიწია ქალის ეროტიკულ-სექსუალური დაკმაყოფილების მომენტმა. განსაკუთრებით ახალგაზრდა თაობაში (40 წლამდე ასაკობრივ კატეგორიას ვგულისხმობ). ეს ღიდად წინ წადგმული ნაბიჯია.

- ანუ ფალოცენტრიზმიდან (ერექციის ხარისხზე აქცენტისგან), რომელიც ადრე წამყვანი იყო საქართველოში, ექსტაზოცენტრიზმისკენ (რეალური სექსუალური დაკმაყოფილებისკენ) გადავინაცვლეთ...

- ნამდვილად ასეა! ადრე, თუ ძირითადი ჩივილი ერექციის პრობლემები და სწრაფი ეაკულაცია იყო, ახლა წინ სექსუალური ლტოლვის დაქვეითებამ წამოიწია. მე ამას ავხსნიდი ფსიქოლოგიური გარემოს დაბინძურებით და პორნო საიტებზე მიჭაჭვეულობით. კიდევ ცალკე თემაა სექსუალური ლტოლვის ჩანაცვლება აზარტულ თამაშებზე და ნარკოტიკებზე დამოკიდებულებით - სულ აღარ უნდათ ქალი! ყველა ემოციას ნარკოტიკიდან, თამაშიდან, ან პორნო საიტიდან იღებენ. მენტალური ჯანმრთელობა ძალიან ცუდ დღეშია. ჩვენი პაციენტების 60-70%-ის პრობლემები ნარკომოხმარების ფონზეა, მაგრამ მოწევას და აბების მიღებას ნარკომანიას უკვე აღარც უწოდებენ. ამ დროს ზოგს მესხიერებას უქვეითებს, ზოგს სქესობრივ უნარებს. მენტალური გარემოს კრიზისი პირდაპირ აისახება სექსუალურ ურთიერთობებზე. კიდევ ერთ საინტერესო დეტალს გეტყვი: მქონდა რამდენიმე შემთხვევა, როდესაც მოგვმართეს სექსუალური ჩივილით. მამაკაცებს არ ჰქონდათ ერექცია, ანუ ვერ ხორციელდებოდა კოიტუსი (სქესობრივი შეღწევა ქალის სხეულში - ავტ.). წყვილმა ამის კომპენსირება მოახდინა ალტერნატიული მეთოდებით და წლების მანძილზე სავსებით აკმაყოფილებდათ ასეთი ურთიერთობა; მე მხოლოდ იმიტომ მომმართეს, რომ შვილი უნდოდათ. მოგეხსენებათ, დაფხვბმძიმებისთვის სწორედ სექსუალური შეღწევაა საჭირო.

- ეს უკვე ფალოცენტრიზმის დაძლევის არცთუ ჯანსაღი ფორმაა, ანუ - მეორე უკიდურესობა. ერექციის არქონა ჯანმრთელობის სხვა პრობლემებზეც მიუთითებს და, წესით, ამით უფრო ადრე უნდა დაინტერესებულებოდნენ...

- ცხადია! მამაკაცს აღენიშნებოდა ჭარბი წონა, წნევები და ა.შ. მოდით ახლა დავაჭამოთ პლუსები და მინუსები. პლუსად შეიძლება ჩაითვალოს ის, რომ ინფორმირებულობა გაიზარდა, წყვილების დონეზე პრობლემები წარმოჩნდა, ქალებს ორგაზმის სიმულირება აღარ უნდათ და რეალური ორგაზმისკენ ისწრაფვიან. სექ-

სუალური ურთიერთობა ცრურწმენებისგან უფრო თავისუფალი გახდა. სამაგიეროდ, მოხდა პრობლემების „გადანაცვლება“: ადრე ლტოლვის დაქვეითება და ანორგაზმია თუ ქალური პრობლემები იყო, ახლა მამაკაცი გახდა. უფრო მეტიც - მამაკაცებმა ორგაზმის იმიტაცია დაიწყეს. ხდება არაპენეტრაციული (შელწვევის გარეშე) სექსის უფრო მშვიდად მიღება როგორც ქალების, ისე მამაკაცების მხრიდან. საინტერესოა, რომ ასაკოვან ადამიანებშიც გაჩნდა სექსუალური ცხოვრების მოთხოვნილება. ჩემთან მოვიდა 92 წლის კაცი, რომელსაც ცხოვრების ფინანსური მხარე აბსოლუტურად მოგვარებული აქვს, მაგრამ ცოლი რამდენიმე წლის წინ გარდაეცვალა. 60-67 წლის ასაკოვან მამაკაცებზე აღარაფერს ვამბობ. ანუ აქვთ სექსუალური სურვილები, თანაც როგორც წესი, საესებით ჯანსაღი და ასაკობრივ ნორმასთან მისადაგებული. ძალზე საინტერესოა, რომ მოდიან ჰომოსექსუალები თავის ჰომოპარტნიორებთან ურთიერთობაში პრობლემების გადასაწყვეტად. წინათ კი ოჯახის წევრებს ყურით მოჰყავდათ - ორიენტაცია შეუცვალეთო.

ოცი წლის შემდეგ **პატა სოფრომძესაც** შევხვდი. ისიც აღნიშნავს, რომ ინფორმირებულობის და ურთიერთობების ხარისხის თვალსაზრისით სიტუაცია აშკარად უკეთესობისკენ შეიცვალა:

- პრობლემები ყველა ასაკში მოსალოდნელია; როგორც სომატური, ისე ფსიქოგენური. საქმე ისაა, როგორია ამ პრობლემების მიმართ დამოკიდებულება და რეაგირება. ამ კუთხით დადებითი ძვრები ნამდვილად შეინიშნება. ახლა მამაკაცებისთვის უკვე მნიშვნელოვანია, რომ სიამოვნება ქალმაც მიიღოს და ეს სერიოზული წინსვლაა. ინფორმირებულობის ზრდამ სექსოლოგებთან ქალთა მართვინობაც გაზარდა. წინათ ქალი საკუთარ თავსაც ვერ უტყდებოდა, რომ ანორგაზმია მისთვის პრობლემა იყო, ახლა მოდის და ცდილობს მის გადწყვეტას. ქორწინებამდელი სქესობრივი კავშირებიც მეტია. ქალწულობის ინსტიტუტი ნელ-ნელა კარგავს თავის პოზიციებს. ოცი წლის წინანდელს კი არც შევადარებ. როდესაც ახალგაზრდა ქალები მოდიან, უკვე ისმის ტექსტები: აი, ასეთი გამოცდილება მქონდა, ასეთი სექსუალური პოზა მოვსინჯე და ა.შ. ანუ გაიზარდა სექსუალური მიმდებლობის დიაპაზონი, გამრავალფეროვნდა ტექნიკები. უკვე აღარ არის ისე, რომ ქალს ეშინოდეს - ეს რომ გვაკეთო, ჩემზე ცუდად ხომ არ იფიქრებსო. წყვილი უფრო ღიად ელაპარაკება ერთმანეთს თავის სურვილებზე, ფანტაზიებზე. ადრე ორალური სექსი სასირცხვილად ითვლებოდა (განსაკუთრებით მამაკაცის მხრიდან - კუნილინგუსი მაქვს მხედველობაში), ახლა კი ეს პრაქტიკა უამრავ ოჯახშია მიღებული. უნდა გითხრათ, რომ სქესობრივი ცხოვრების დაწყების ასაკი ძირს ჩამოვიდა. შესაბამისად, ახალგაზრდების მომართვინობამაც იმატა. 14-15 წლის არასრულწლოვანებიც კი გვყოლია. წინათ 17-18 წლის ასაკიდან მოდიოდნენ. ბიჭები მყავს მხედველობაში. გოგონებზე ინფორმაცია ნაკლებად გვაქვს, მაგრამ, სავარაუდოდ, სექსუალური ცხოვრების ასაკმა მათ შემთხვევაშიც დაიწია. საბედნიეროდ, ბევრი რამე შეიცვალა. მოსაზრება, რომლის თანახმად მამაკაცის სექსუალურობას აპლოდისმენტებით უნდა შევხვდეთ (ანუ რაც მეტი ქალი ჰყავს, მით უფრო მაგარი ვინმეა), ხოლო ქალი კი მორცხვი და მკაცრად მონოგამი უნდა იყოს, უკვე აღარაა ჭეშმარიტებად მიჩნეული.

სექსის მიმართ დამოკიდებულების სფეროში წინააღმდეგობრივად, მაგრამ მაინც მიმდინარეობს სტიგმის დაძლევის შეუქცევადი პროცესი. აი, რა გვითხრა

გამომცემლობა „დიოგენეს“ დამფუძნებელმა, ფსიქოლოგმა თამარ ლებანიძემ:



- გადავწყვიტეთ, „მხიარული საუბრები ჰიგიენის, სექსისა და ცხოვრების ჯანსაღი წესის შესახებ“ კიდევ ერთხელ გამოვცეთ. ცხადია, ტექსტს ხელახლა დავამუშავებთ; სქესობრივი განათლების სფეროში ლიტერატურის, ან რაიმე დამხმარე სასწავლო მასალების გამოცემისას აუცილებლად უნდა იყოს გათვალისწინებული ცნობიერებაში მომხდარი ცვლილებები და საზოგადოების მიმღებლობა. ამიტომ ჯერ საფუძვლიანი კვლევაა ჩასატარებელი. წიგნი „ცვლილებები სხეულში, ცვლილებები ცხოვრებაში“ ადაპტირებული თარგმანი იყო.

წლების განმავლობაში მივედი დასკვნამდე, რომ უმჯობესია სქესობრივი განათლების თემას მიძღვნილი პუბლიკაციის ტექსტი ადგილობრივ მასალაზე დაყრდნობით იყოს შემუშავებული. ეს პრინციპულად მნიშვნელოვანია. გარდა ამისა, სქესობრივი განათლების სისტემა აუცილებლად განვითარებადი უნდა იყოს, ვინაიდან მენტალობა და მიმღებლობის დონე დროთა განმავლობაში იცვლება. მაგალითად, დამოკიდებულება ინვიტრო განაყოფიერების, ან კონტრაცეფციის მიმართ; შესაბამისად ჩნდება ახალი კითხვები, რომელსაც აუცილებლად უნდა გვეცეს კომპეტენტური პასუხი.

2019 წლის ზამთარში ვიხილეთ ა/ო „**განათლებისა და შრომის ასოციაციის**“ საგანმანათლებლო ხასიათის ვიდეოები სექსუალური განათლების საკითხებზე. ვიდეოები მომზადებული იქნა **UNESCO-ს** სექსუალური განათლების საერთაშორისო ტექნიკურ სახელმძღვანელოზე დაყრდნობით და გათვალისწინებულია 8 წლის ასაკიდან ბავშვებისთვის. ლექციურ მასალებს კი **გენდერის მკვლევარი ხატია ახალია** გვაცნობს. საზოგადოების აზრი ორად გაიყო: ნაწილი მიესალმა ამ ინიციატივას, ხოლო ორთოდოქსულ-კონსერვატიულად მოაზროვნე ნაწილმა ინიციატივის ავტორებს და პირადად **ხატია ახალიას** ლანძღვა-გინება დააყარა. ფიზიკური ანგარიშსწორებისკენ მონოდებმაც კი გაიჟღერა. ანუ „ტრადიციების დამცველნი“, როგორც ყოველთვის, თავის ამპლუაში იყვნენ.

წიგნის ავტორის აზრით, სქესობრივი განათლების საზოგადოებრივი ინიციატივები თავისთავად ძალზე კონსტრუქციული მოვლენაა, მაგრამ, როგორც სამართლიანად აღნიშნა ანდრო კანდელაკმა, აქ რეალურ შედეგს მხოლოდ სახელმწიფოებრივი პოლიტიკა და სისტემური მიდგომა მოგვითხანს. აუცილებელია საზოგადოებაში მიმღებლობის დონის გათვალისწინება და საქართველოს რეალობას მორგებული განვითარებადი მოდელის შემუშავება; სწორედ განვითარებადი, ვინაიდან, როგორც სავსებით სწორად აღნიშნა თამარ ლებანიძემ, მიმღებლობა დროთა განმავლობაში იცვლება, რაც სქესობრივი განათლების მოდელში აუცილებლად უნდა აისახოს. სქესობრივი განათლების საზოგადოებრივ ინიციატივებში ხშირად აქცენტირებულია ანატომიურ-ფიზიოლოგიური საკითხები, რაც, ავტორის აზრით, საკითხის პრიმიტივიზაციაა; ცრურწმენებითა და ქვეცნობიერი ფობიებით შეპყრობილ ადამიანებთან დელიკატური მიდგომაა საჭირო; მათი სქესობრივი განათლება სასქესო ბავშვების ფორმალურ საუბრით ნამდვილად არ უნდა დავიწყოთ. ამ ფაქტზე საქმეში არც ჩამორჩენა გვარგებს და არც მეტისმეტად წინ ვაჭრა. სქესის და სქესობრივი ურთიერთობების საკითხებს აქვთ როგორც ანატომიური, ისე ფიზიოლოგიური და

ფსიქოლოგიური პარამეტრები. ყველა პარამეტრის დაბალანსებული და ასაკთან მისადაგებული მიწოდება უფრო მიზანშეწონილია. სქესობრივი განათლების დანერგვას წინ უნდა უსწრებდეს ფართომასშტაბიანი ახსნა-განმარტებითი კამპანია მასმედიაში. ეს ძალზე მნიშვნელოვანია. ხანდახან გონივრულად მოთქმულ პროექტს, სწორედ არაგონივრული განხორციელება წაახდენს. სქესობრივი განათლების საკითხში განსაკუთრებული სიფრთხილეა საჭირო.

ნებისმიერ შემთხვევაში, ერთმნიშვნელოვნად ცხადია - გენდერული ლანდშაფტის სექსუალური განზომილება იცვლება. უამრავი ძვრა მოხდა - როგორც სასიკეთო, ისე საკამათო. ყველაზე სასიკეთო კი ისა არის, რომ „ვაშლი“ აკრძალული ხილი აღარაა; პრობლემაზე ღიად საუბარი უკვე შესაძლებელია. ქალბატონი, რომლის წერილით ეს თავი დავიწყეთ, დღეს უკვე აშკარად მოახერხებდა მეუღლესთან გულახდილად საუბარს, რასაც ეს უკანასკნელი, დიდი ალბათობით, ბინძურ სურვილებად აღარ მიიღებდა. ანუ ქალსა და მამაკაცს შორის აზვირთებულმა კომპლექსების ნაკადმა დაშრეტვა დაიწყო.



ძალადობისგან დაცვის ეროვნული ქსელის მუშაკი მანანა ჯინჭარაძე კმაყოფილებით აღნიშნავს:

- ოზურგეთში ჩატარებული ღონისძიებაზე მყოფ თაობას ახლა რომ ვუყურებ, მაშინდელთან შედარებით ცაში ასულია. მაგალითად, ატირებულმა რუსულის მასწავლებელმა კარდინალურად შეცვალა თავისი პირადი ცხოვრება. არ გათხოვილა, მაგრამ ჰყავს მეგობარი, რომელიც მისი არა მხოლოდ ხორციელი, არამედ სულიერი თანაზიარია. შედეგი? ქალი მხრებში გაიშალა, თვალებში სხივი ჩაუდგა, სხეული ცეკვავს და სულიც ცეკვავს - როგორც პირდაპირი, ისე გადატანითი მნიშვნელობით; პროფესიაშიც უფრო ენერგიული და შემოქმედებითი გახდა.

სიამოვნებით დავასრულებდი თავს ნათელ ტონალობაში, რომ არა **გაეროს ერთობლივი პროგრამის „გენდერული თანასწორობისთვის“** ფარგლებში ჩატარებული, უკვე ნახსენები კვლევის შედეგები. აგრეთვე, უამრავი სხვა ხელმისაწვდომი ინფორმაცია (სოციალურ ქსელებში ჩანაწერებზე რომ არაფერი ვთქვათ. ამ მასალებს გზადაგზა გაგაცნობთ). სექსის სფერო და მისი თანმდევი ცხოვრებისეული კოლიზიები ისევ გენდერული სტიგმათაა გაჯერებული და არა-ჯანსაღი ცნობისმოყვარეობის სამიზნეა. შედეგად, ქალების შემთხვევაში, გადაწყვეტილების უფლება ისევ დახაფსებული და სტიგმად ქცეული ნორმებითაა შემზღუდული. პირველ რიგში, მხედველობაში მაქვს ქალის უფლება საკუთარ სხეულზე. ამ საკითხზე უფრო ფართოდ ქალწულობის ინსტიტუტის და სექსუალურ ძალადობას მიძღვნილ თავებში ვისაუბრებთ.

აშკარაა, რომ უკვე თვალსაჩინო გარდატეხის მიუხედავად, საზოგადოების დიდი ნაწილი დღესაც სტიგმური წარმოდგენების ტყვეობაშია. მენტალური რევოლუციის წარმატებებზე მხოლოდ სექსოლოგებთან მისული კონტინგენტით ვერ ვიმსჯელებთ. ეს საზოგადოების შედარებით თავისუფლად მოაზროვნე ნაწილია, მაგრამ არის მეორე ნაწილიც, რომელსაც სექსოლოგთან დღესაც ყურითაც ვერ მიიყვან; ხოლო, თუნდაც, უკორექტულესი სქესობრივი განათლების პროგრამის და-

ნერგვა, მის თვალში, ბავშვების და ახალგაზრდების გახრწნას უტოლდება. ცალკე საკითხია, რომ სისტემური პოლიტიკის შემუშავებას. არც სახელმწიფო ცდილობს

„არ შეიძლება იყო დამონებული სექსუალურში და თავისუფალი სოციალურში.“

- მითხრა ერთხელ ფსიქოლოგმა ლიკა ნადარაიამ. სწორადაა შენიშნული! როგორც სექსუალური, ისე სოციალური აქტივობა ენერჯის საერთო წყაროდან - ლიბიდოდან საზრდობს. შემთხვევითი არ არის, რომ ტოტალიტარული რეჟიმები სექსუალურ სფეროს უმკაცრესად აკონტროლებდნენ და აკონტროლებენ. საზოგადოებრივი კეთილღობისთვის და ადამიანის ფსიქიკური სიჭანსალისთვის აუცილებელია ამ ენერჯის ყველა გამოვლინების ჰარმონიზაცია. სქესობრივი აღზრდის სისტემა სწორედ ამ მიზანს, ანუ თავისუფალი საზოგადოების თავისუფალი მოქალაქის ჩამოყალიბებას ემსახურება.

თავი მეხუთე

ეკლესიოლოგიის ინსტიტუტი

ქალწულობის ინსტიტუტი საქართველოში

ათასწლეულთა მანძილზე ქორწინებამდე საქალწულე აპკის სიმრთელე მომავალი ცოლის აუცილებელ ატრიბუტად ითვლებოდა. გამონაკლისი, ცხადია, არც საქართველოც გახლდათ. ქალწულობის ინსტიტუტი იმდენად ღრმად იყო ფესვგამჭდარი ხალხის ცნობიერებაში, რომ მასში ეჭვის შეტანა საზოგადოების ნაწილში დღესაც აღშფოთებას იწვევს. საბჭოთა პერიოდში კი ეს საკითხი ისევე აქტუალური იყო, როგორც საუკუნეების წინათ. გასული საუკუნის 80-ან წლებში დასავლეთ საქართველოში მომხდარმა შემთხვევამ ლაკუმუსის ქალაღღვიით გამოაბრღღვიალა რამდენად ღრმად იყო ჩამჭდარი აღნიშნული სტიგმა საზოგადოებრივ ცნობიერებაში. იმერეთის ერთ-ერთ სოფელში პირველი ღამეს ქმარმა 17 წლის პატარძალი სასტიკად სცემა - ქალიშვილი არა ხარო და... მილიციამი წაათრია! მილიციის მუშაკები გოგონას სახეზე „ეგზეკუციის“ ნიშნებით არ დაინტერესდნენ, სამაგიეროდ, საჭიროდ მიიჩნიეს ქმრის „ღირსების“ დაცვა: თუ არ გამოტყდები ვისთან დაკარგე ქალიშვილობა, პასუხისგებაში მიცემთო. ცხადია, კანონში მსგავსი ჩანაწერი არასოდეს არსებულა, უბრალოდ, პატარძალს ფსიქოლოგიურად ატერორებდნენ. როგორც გაირკვა, გოგონა ორიოდ წლის წინ ჯგუფურად გააუპატიურეს. თურმე სოფლის გზაზე მიდიოდა. ამ დროს უცნობმა მამაკაცებმა მანქანა გააჩერეს და ტყეში წაათრიეს, შემდეგ კი იქვე მიაგდეს. ყველაფერი ისე სწრაფად მოხდა, რომ ბავშვს სახლში დიდად არც დაუგვიანია. მშობლებს მომხდარი უბედურება დაუმალა და ყველაფერი გულში ჩაიმარხა, ვინაიდან შიშობდა (ვფიქრობ, სავსებით საფუძვლიანად), რომ აქეთ გამტყუნებდნენ და კარგადაც მოსცხებდნენ. ქმრის ოჯახმა გოგონა მშობლებთან დააბრუნა. როდესაც დავინტერესდი, ახლა როგორაა-მეთქი, ავღებულად მიპასუხეს: გღია ტახტზე, ჩუმად იყრემლება და არავინ ეკითხება შია, თუ სწყურიაო. საზოგადოებას მოძალადეთა მიმართ აღშფოთება არ გამოუხატავს - მთელი რისხვა გოგონას დაატეხა: თუ თავის იმედი არ ჰქონდა, რას თხოვდებოდა, ოჯახი ხარჯში ტყუილად რატომ ჩააგდოო?! ხალხის აზრით, ამ ამბავში ყველაზე მნიშვნელოვანი სასიძოს „ღირსება“ და ჯიბე ყოფილა! ქალის ღირსება მხედველობიდან ამკარად გამორჩათ, ხოლო მისი უფლება პირად ბედნიერებაზე საერთოდ იგნორირებულ იქნა.

პარალელი: ავტორის მიერ ჩატარებულ გამოკვლევაში, გასული საუკუნის 80-იანი წლების ბოლის, გამოკითხულ მამაკაცთა 85,09%-მა და ქალთა 70,50%-მა ქალწულობა პატარძლის აუცილებელ ატრიბუტად მიიჩნია,

საქალწულო აპკის მთლიანობის „კანონგარეშე“ დარღვევა ქალს დღესაც არა მარტო სოციალურად, არამედ ფსიქოლოგიურადაც აზარალებდა. ეს უკანასკნელი კი ყოველთვის ყველაზე მეტად დამანგრეველი იყო, ვინაიდან ქალის თვითშეფასება კატასტროფულად ეცემოდა. მახსენდება ერთი ასეთი შემთხვევა. საქმე ეხება ძალზე ღირსეულ, განათლებულ და კარგად აღზრდილ ქალიშვილს; მას

ვაჟი თავდავინწყებით შეუყვარდა და ფიზიკურ სიახლოვეზე უარი ვერ უთხრა. მომხდარის შემდეგ გოგონას მთელი სიცოცხლე დაუსახიჩრდა; თავს გათხოვება საერთოდ აუკრძალა - ჩემს პრობლემებს სხვას ვერ მოვახვევო. ძალზე ხშირი იყო სანინალმდევო შემთხვევებიც: როდესაც საკუთარ თავზე ხელჩაქნეული ქალი თავით გადაეშვებოდა ხანმოკლე სექსუალური თავგადასავლების მორევში. შედარებით ასაკოვანი თაობა უამრავ ასეთ მაგალითს გაიხსენებს. საკვირველი არაა, რომ გოგონები, თუკი „ფეხი გადაუცდებოდათ“, სასწრაფოდ იჭერდნენ თადარიგს და ქალწულობას ქირურგიულად აღიდგენდნენ.

საინტერესო დეტალი: „გაკერილი ქალიშვილი“ მომავალი სადღემთილოების კოშმარი იყო. 1998 წელს ურნალში „სარკე“ გამოქვეყნდა ანონიმური ინტერვიუ: „ნუ გეშინიათ, გოგონებო, გაგკერავთ და გათხოვდებით!“. იატაკქვეშა დასტაქარის გამოსვლას ვაჟების დედათა აღშფოთებული გამოხმაურებები მოჰყვა.

90-იანი წლების ბოლოს გულახდილად ვესაუბრე ერთ მამაკაცს, რომელიც წარმომავლობით და ცხოვრების წესით ე.წ. „ელიტის“ წარმომადგენელი იყო. წლების მანძილზე მოგზაურობდა და ცხოვრობდა ევროპაში. ჰქონდა საშუალება დაკვირვებოდა სხვადასხვა კულტურებს, გაეფართოებინა თვალსაზიერი და გაეკეთებინა დასკვნები. ერთი შეხედვით, თითქოს გაითავისა მიღებული გამოცდილება. ინტიმურ ცხოვრებაში ფრიად თავისუფალი და სხვათა შემწყნარებელი იყო. მაგრამ დადგა დღე, როცა ოჯახის შექმნაზე დაფიქრდა და... ჩვენმა „ფართოდ მოაზროვნე“ ინტელექტუალი დაქორწინდა... თავისზე ბევრად უმცროს, ნაკლებად განათლებულ (თუმცა დიპლომიან!) და ძალიან ლამაზ გოგონაზე. ერთ-ერთი საზომი, კი სწორედ საპატარძლოს ქალწულობა იყო. მეუღლემ იუცხოვა ქმრის არაორდინარული ცხოვრების წესი და ოჯახი დაიშალა. გგონიათ ეს გამოცდილება მამაკაცისთვის გაკვეთილად იქცა? თქვენც არ მომიკვდეთ! როგორც საუბრის დროს გაირკვა, ქალწულობა მისთვის ისევე აუცილებელ ატრიბუტად დარჩა: „ქალი პირველ მამაკაცს განსაკუთრებული გრძნობით ეკიდება და თუ უკანასკნელიცაა, უფრო მეტად უყვარს და აფასებს. მამაკაცი რომელიც სანინალმდევოს ამტკიცებს, უბრალოდ ეშმაკობს და „გულაობას“ იადვილებოვს“. მოკლედ, ჩვენმა გმირმა ჯერ თავისი მოიოხა და, როდესაც ცოლის მოყვანის დრო დაუდგა, თავისი ჭეშმარიტი ბუნება გამოავლინა - მოიქცა იმის საპირისპიროდ, რასაც მთელი ცხოვრების მანძილზე ქადაგებდა.

პარალელი: გასული საუკუნის ბოლოს წლებში ფილარმონიის დიდ საკონცერტო დარბაზში კონცერტის ერთ-ერთი წამყვანი მეორეს შეეკითხა: „საცოლეს მინის ჩააცმევ, თუ მაქსისო?“. პასუხი ფრიად მრავლისმეტყველი მიიღო: „ჩემს საცოლეს მაქსი ეცვას და დანარჩენს კი ყველას მინი“. ვფიქრობ, კომენტარები ზედმეტია.

ისტორიულ საწყისებთან

არც ერთი სოციალური ინსტიტუტი ცარიელ ადგილზე არ წარმოიქმნება. ამისათვის ჯერ სოციალური შეკვეთა უნდა არსებობდეს. სქესობრივი ურთიერთობების ევოლუციის ისტორიული ანალიზი გვიჩვენებს, რომ კაცობრიობის ისტორიის გა-

რიჟრაჟზე ქალისთვის ფიზიკური „უმანკოების“ მოთხოვნის არანაირი საფუძველი არ არსებობდა. **ანთროპოლოგ ლუის მორგანის** აზრით, პირველყოფილი ჯოგის საფეხურზე ადამიანები ცხოვრობდნენ უნესრიგო, არარეგულირებადი სქესობრივი ურთიერთობის ატმოსფეროში. მეცნიერებაში ამ ფენომენს „პრომისკუიტეტს“ უწოდებენ. **მორგანის** აზრით, პრომისკუიტეტი სქესობრივ ურთიერთობათა უძველესი ფორმაა, რომელიც წინ უსწრებდა ქორწინებისა და ოჯახის წარმოშობას. მოგვიანებით, სექსუალურ ურთიერთობებში მოხდა ნათესაური აკრძალვების ეტაპობრივი შემოტანა; თანდათანობით ჩამოყალიბდა ე.წ. **„წყვილური ოჯახი“**, სადაც სხვა პარტნიორებს შორის მამაკაცს ჰყავდა „ძირითადი“ ცოლი და ქალსაც სხვა პარტნიორებს შორის - „ძირითადი“ ქმარი. ამდენად, ამ ეტაპზე ქალწულობის ინსტიტუტზე საუბარიც კი ზედმეტი იყო. აღნიშნული მდგომარეობა შეესაბამება მატრიარქალურ პერიოდს.

საინტერესო დეტალი: ახლა ძალიან მოდაშია მატრიარქატის, როგორც კაცობრიობის განვითარების საფეხურის უარყოფა. აღნიშნული თეორიის მოწინააღმდეგეთა აზრით, მატრიარქატის თეორია ფრანგ ანთროპოლოგ ჟ. ფ. ლაფიტოს (1681 - 1746), შვეიცარელ ეთნოგრაფ ი. ა. ბაჰოფენის (1815 - 1887), ამერიკელ ეთნოგრაფ ლუის მორგანის (1818 - 1881) და ფ. ენგელსის მიერ გამოიმყვარა ზღაპარია. ისინი ამკარად უგულვებელყოფენ იმ ფაქტს, რომ უამრავი პრიმიტიული ეთნოსის ყოფაში ჭარბად იქნა აღმოჩენილი და აღწერილი მატრიარქალური „რუდიმენტები“. ვიფიქრობ, მატრიარქატის არსებობის უარყოფის მიღმა ქალთა დომინანტური სოციალური სტატუსის შინაგანი მიუღებლობა დგას; ანუ, მატრიარქატის, როგორც კაცობრიობის განვითარების საფეხურის უარყოფის მიზეზი არა მეცნიერული, არამედ ფსიქოლოგიური და იდეოლოგიურია.

მდგომარეობა ეტაპობრივად შეიცვალა, როდესაც სოციალურ-პოლიტიკური ცხოვრების ყველა სფეროში ნელ-ნელა მამაკაცი გაბატონდა. ამის მიზეზებზე საუბარი შორს წავიყვანს. ჩამოყალიბდა პატრიარქალური თემი, რომლის წიაღში ჩაისახა კერძო საკუთრება და დღის წესრიგში დადგა მისი მემკვიდრეობით გადაცემის საკითხი. ყოფის პატრიარქალური მოდელიდან გამომდინარე, ეს მამის ხაზით უნდა განხორციელებულიყო. ნათესაური კავშირებით შემღვდელი თავისუფალი სექსუალური ურთიერთობები მამობის დადგენას ფრიად სააღბათოს ხდიდა. სწორედ ამან გააჩინა ქალთა მონოგამიურობის აუცილებლობა. მამაკაცებს სურდათ ქონება საკუთარი ბიოლოგიური მემკვიდრისთვის გადაეცათ; ანუ სოციალურ-მენტალური ცვლილებები ეკონომიკურმა რეალობამ განსაზღვრა.

ცხადია, ქალთა მონოგამიურობა ერთბაშად არ დამკვიდრებულა. **ფრიდრიხ ენგელსმა** თავის ნაშრომში **„ოჯახის, კერძო საკუთრებისა და სახელმწიფოს წარმოშობა“** კარგად გააანალიზა ეს პროცესი. თავდაპირველად, ეტაპობრივად შეიზღუდა მხოლოდ ქორწინების შემდგომი სექსუალური კონტაქტები. მერე პროცესი გაღრმავდა; კერძომესაკუთრული ურთიერთობის განვითარებამ განაპირობა კერძომესაკუთრული მენტალიტეტის ჩამოყალიბება და ამ ფონზე ძველ გენდერულ სტერეოტიპებს ნელ-ნელა ახალი ჩაენაცვლა. ქალის სტატუსმა მიიღო მამაკაცის საკუთრების - კანონიერი მემკვიდრეების გაჩენის „ინკუბატორის“ სახე, რომლის ვარგისიანობის გარანტი საქალწულე აპკი იყო. სამაგიეროდ, მამაკაცებმა, ისარგებლეს რა გაბატონებული სოციალური სტატუსით, პოლიგამიის უფლება შეინარჩუნეს, რასაც, აგრეთვე, დიდად ხელი შეუწყო „მომგებიანმა“ ანატომიურ-ფიზიო-

ლოგიურმა კონსტიტუციამ; ბოლოს და ბოლოს, ეს მემკვიდრის კანონიერებაზე არ აისახებოდა! პარალელურად ამუშავდა სოციალურ-მენტალური მექანიზმები და მოხდა სოციალურ-გენდერული სიახლეების იდეოლოგიური „ჩაცემენტება“; ანუ ქალის შემთხვევაში ქორწინების წინა სექსუალური კონტაქტები უმძიმეს ცოდვად იქნა აღიარებული. ქალწულობა დაკავშირებული იქნა ისეთ ზნეობრივ კატეგორიებთან, როგორცაა სულიერი სინწინდე, სათნოება, კდემამოსილება, კეთილგონიერება. გათხოვებამდე სექსუალური გამოცდილების არქონა, ხოლო შემდგომ - მკაცრი მონოგამია ქალის პატრიოსნების სინონიმი გახდა. შედეგად, მივიღეთ წარმოდგენები, რომელთა თანახმად, ქალის მხრიდან ღალატი ბოზობაა (ფანჯარაში შემოფურთხება), ხოლო მამაკაცის მხრიდან - მისატყვევებელი შეცდომა, ან ბუნებრივი პრივილეგია (ფანჯრიდან გადაფურთხება). მოკლედ, თუ **მარქსის** ტერმინოლოგიით ვისარგებლებთ, ეკონომიკამ განსაზღვრა ცნობიერება (სოციალურ-მენტალური რეალობა) და ამაში ბიოლოგიაც წაეხმარა. მონოგამიური ოჯახის პატრიარქალური ფორმის ჩამოყალიბებას **ენგელსმა** ქალთა სქესის მსოფლიო-ისტორიული დამარცხება უწოდა.

საინტერესო დეტალი: ძალიან მრავლისმეტყველია, რომ, პარალელურად, მოხდა ქალწულობის საკრალიზაცია. ყველა დიდ რელიგიაში ღვთაების მინიერი ემანაცია უწმიდესი ჭურჭლის - უბინო ქალწულის სხეულის მეშვეობით ხდება: ბუდა მაიამ შვა, კრიშნა - დევაკიმ, ხოლო ქრისტე - მარიამმა, რომელმაც, წმიდა წერილის თანახმად, ქალწულება მშობიარობის შემდეგაც შეინარჩუნა.

ქალწულობის ინსტიტუტში თვალსაჩინოდაა ასახული პატრიარქატის არსი: მამაკაცი - მესაკუთრე, რომელიც დაქვემდებარებულისგან მოითხოვს „საკუთრების ვარგისიანობის“ გარანტს, ანუ საქალწულო აპკის სიმრთელეს. თუკი „მესაკუთრეს“ „ლუქი“ ახსნილი დახვდებოდა, სამოქალაქო და ზნეობრივი კანონის თანახმად, შეეძლო დაესაჯა მისი „უფლებების შემლახავი“ ქალი. სასჯელის ფორმა ეპოქის, კონკრეტული სოციუმის ადათ-წესების და დამსჯელის“ ხასიათზე იყო დამოკიდებული. ამ ფონზე საესებით გასაგებია დასავლეთ საქართველოში მომხდარი ისტორიის მოქმედ პირთა აბსურდული საქციელი და სისასტიკე. მამაკაცში ალაპარაკდა ისტორიული მესაკუთრე, რომელსაც „ლუქახსნილი ნივთი“ შეატყუეს. ამიტომ მეუღლეს არა მარტო სცემა და გამოავლო, არამედ ქვეყანაც შეუყარა. მილიციის მუშაკთა უაზრო ქმედებაც ზუსტად შეესატყვისება უძველესი პატრიარქალური თემის ოფიციალურ სამართალს. არც იმ მამაკაცთა საქციელია გასაკვირი, დღესაც კერძო ექსპეტიზებს რომ უკვეთენ ცოლის „ქალიშვილობის“ გასარკვევად. აშკარაა, რომ საზოგადოებრივი ცნობიერება წინ დიდად არ წასულა. პროგრესზე მხოლოდ მაშინ შეიძლება საუბარი, როდესაც მეუღლეები ერთმანეთის წარსულში ჩარჩენილი სექსუალური ცხოვრებით აღარც დაინტერესდებიან.

პარალელი: ხევსურულ სწორფრობას და ფშავეურ წაწლობას თამამად შეიძლება ვუწოდოთ „გერლფრენდ-ბოიფრენდობის“ არქაული ანალოგი. ურთიერთობაში დაშვებული იყო ეროტიკულ-სექსუალური მომენტები. მაგრამ სრული სქესობრივი კონტაქტის, ანუ კოიტუსის (სხეულში შეღწევა) გარეშე. მეორე მხრივ, წაწლობა ახალგაზრდებს მომავალი სოციალური როლებისთვის ამზადებდა, ანუ ერთგვარი სქესობრივი აღზრდის სისტემა იყო. ქალი უკერავდა და უქსოვდა ვაჟს, ვაჟი ქალური ხელსაქმის იარაღებს უთლიდა და ა.შ.

ახალი ეპოქა და ძველი სტერეოტიპები

ორგანიზაციამ „ქალების ინიციატივა თანასწორობისთვის“ გასული საუკუნის ბოლოს საზოგადოებაში მსოფლმხედველობითი ორიენტაციების დადგენის მიზნით გამოკითხვა ჩაატარა. მკვლევარებს აინტერესებდათ დამოკიდებულება ოჯახურ ფასეულობებთან, სქესთაშორისი ურთიერთობების კრიტერიუმები და სხვა. გამოვლინდა, ერთი შეხედვით, პარადოქსული კანონზომიერება: ყველაზე ლიბერალური გამოდგა „მშობელთა“ კატეგორია (35-40 წ.წ). იგულისხმება დამოკიდებულება სექსუალური ტაბუების, ქალწულობის ინსტიტუტის მიმართ და.შ. „მამებმა“ შემწყნარებლურად შეაფასეს ქორწინებამდე ქალწულობის დაკარგვა. ხოლო „ბაბუებმა“ და „შვილიშვილებმა“, ფაქტობრივად, ერთნაირი კონსერვატიზმი გამოავლინეს. რა არის ამ, ერთი შეხედვით, პარადოქსული მოვლენის მიზეზი? სოციალური კრიზისის ფონზე მოხდა ფასეულობათა აღრევა. ამან განაპირობა ანარქია როგორც საზოგადოებრივ, ისე პირად ურთიერთობებში, რაც უამრავი ცხოვრებისული დრამის წყარო გახდა. ყოველივე ამან ახალგაზრდა თაობაში ფსიქოლოგიური დისბალანსი, ანუ შინაგანი შფოთვიანობა გამოიწვია. ცხადია, გაჩნდა მისწრაფება ბალანსის აღდგენისკენ, რისთვისაც აუცილებელი იყო მყარი ფასეულობითი საყრდენი. ახალ ზნეობრივ ფასეულობებზე დაფუძნებულ ურთიერთობებში ჩართვა საჭიროებს დიდ პიროვნულ სიმყარეს, რაც საყოველთაო ფსიქოლოგიური არამდგრადობის სიტუაციაში არც ისე ხშირი ღირსებაა. შესაძლოა, ამან განაპირობა ლიბერალიზმის დეფიციტი გამოკითხულთა ახალგაზრდულ ნაწილში: „შვილებმა“ საყრდენი ძველი ფასეულობების ხაზგასმულ აღიარებაში ჰპოვეს და ამით მიაღწიეს მეტ-ნაკლებ შინაგან წონასწორობას.

ეს კომენტარი 2002 წელს ჩავინერე და ვფიქრობ, მკითხველისთვის საინტერესო იქნება. **ლალი კ. (22 წლის):**

- წინდან ვუთხარი, რომ ქალიშვილი არ ვიყავი. თითქოს გაგებით მოეკიდა, მაგრამ ძალიან მალე შევნიშნე, რომ ნანობდა თავის „სისუსტეს“. არა, არაფერი წამოუძახებია, მაგრამ სულ გაღიზიანებული იყო, ყველა წვრილმანზე მიბრაზდებოდა და ადვილად ვხვდებოდი რატომ. ახლა ერთად არ ვართ და შვილს მარტო ვზრდი. ჩემმა დაქალმა „ვაიკერა“ და დღესაც ერთად არიან, მაგრამ მაინც არ ვნანობ, წინასწარ რომ ვუთხარი. ჩემთვის უფრო ადვილია სიმართლე ვთქვა, ვიდრე ტყუილი გულზე ლაქად მქონდეს. ბოლოს და ბოლოს, ალბათ გამოჩნდება ადამიანი, რომელიც გამიგებს. ყველა ერთნაირი ხომ არ არის?!

24 წლის დათოსაც დაახლოებით იმავე პერიოდში ვესაუბრე:

- ქართველი კაცი ამიღია და ამას ბევრი ლაპარაკი არ უნდა. საბოლოოდ, ყველას ურჩევნია, რომ ცოლად ქალიშვილი მოიყვანოს. სხვაა, როდესაც მეუღლისთვის პირველი და უკანასკნელი ხარ; მაშინ **განუყოფლად შენია, შენ გეკუთვნის.** ისიც მესმის, რომ გოგონებს ეს ბევრ პრობლემას უჩენს - ბუნება თავისას მოითხოვს.

დავდიოდი სხვადასხვა გოგონებთან, მაგრამ ყოველთვის ვცდილობდი მათთვის არაფერი დამეზიანებინა. სისუსტის მომენტი ყველას აქვს; მეც ორ მათგანთან თვით-კონტროლი დავკარგე და... თვითონვე ძალიან შევწუხდი, მაგრამ რაღას ვაგა-წყობდი. ისინიც დაფრთხნენ, მაგრამ, საბოლოოდ, ყველაფერი მოგვარდა - ორივემ გაიკვრა. ერთს საამისოდ ფულიც კი მივეცი. მეორე იმდენად ძლიერი ოჯახიდანაა, რომ ჩემი დახმარება არაფერში სჭირდებოდა. აქეთ დაეხმარება ყველას.

- **დანარჩენ გოგონებს რა ბედი ეწიათ?**

- ყველა გათხოვდა.

- **ცოლი ალბათ სიყვარულით მოიყვანე და, ცხადია, ქალწული იყო...**

- ცხადია. არც მიცდია ქორწილამდე სანოლში ჩამეწვინა.

- **დავუშვათ, გაიგი, რომ შენს ცოლსაც ჰქონდა შენთან შეხვედრამდე მსგავსი რომანი. რა გუნებაზე დადგები?**

რესპონდენტი შეცბა და მწვავე რეაქციისგან მხოლოდ ჩვენმა კეთილმეგობრულ-მა ურთიერთობამ მიხსნა. საბოლოოდ, კითხვაზე პასუხისგან თავი შეიკავა. ალბათ გახსოვთ: „ჩემს საცოლეს მაქსი უნდა ეცვას, დანარჩენს კი ყველას მინი!“ - დაახლოებით იგივე დამოკიდებულებაა. ორმაგი სტანდარტი ქალწულობის ინსტიტუტის აუცილებელი ატრიბუტია.

მას შემდეგ თითქმის ოცი წელი გავიდა. ქალწულობის ინსტიტუტი დიდი ხანია „დაჩირქებულ აპენდიქსად“ იქცა, თუმცა მისი „ამოკვეთა“ ჯერ კიდევ არ დასრულებულა. ვფიქრობთ, უმტკივნეულოდ ეს არც მოხდება. ქალების არცთუ მცირე ნაწილი დღემდე იზიარებს ქალწულობის აუცილებლობის მოთხოვნას. ამის მიზეზი არა მარტო ისტორიულ-მენტალური ინერციაა; ბევრად უფრო ადვილია არსებული და უკვე მოსინჯული სტერეოტიპების პასიური მიყოლა, ხოლო, დარღვევის შემთხვევაში, ქალწულობის ქირურგიული აღდგენა, ვიდრე განთავისუფლება საუკუნეთა მარყუჟისგან. ახალ გზაზე სიარული დიდ სიძლიერეს მოითხოვს. თანაც საზოგადოება ამ გზაზე შემდგარებს აპლოდისმენტებით არ ეგებება. სწორედ ამიტომ გოგონები, ხშირად, შერჩეულ ეშმაკს ამჯობინებენ შეუჩვეველ ანგელოზს. ანუ, როგორც **ერის ფრომი** იტყოდა - „თავისუფლებას გაურბიან“.

მიუხედავად ამისა, ჩვენს თვალწინ მიმდინარე სექსუალურმა რევოლუციამ სიტუაციაში გარკვეული კორექტივები მაინც შეიტანა. **სექსოლოგმა ანდრო კანდელაკმა** აღნიშნა, სექსუალური ცხოვრების ასაკმა ბიჭებში დაიწია - 14-15 წლისანი უკვე „დავაჟუკაცებულნი“ არიან. ოციოდე წლის წინ ასე არ ყოფილა. გოგონების შემთხვევაში ინფორმაცია ნაკლებია, მაგრამ, სავარაუდოდ, ბარიერმა იქაც დაიწია. **სექსოლოგ პაატა სოფრომაძესაც** მიაჩნია, რომ ქალწულობის ინსტიტუტი ნელ-ნელა კარგავს თავის პოზიციებს.

როგორც უკვე აღინიშნა, სექსოლოგებთან მიღებაზე მისული კატეგორია მთელი საქართველოს სახე, როგორც ჩანს, არ არის. გამოკითხვები გვიჩვენებს, რომ სტიგმური საზოგადოებრივი სტერეოტოპები ისევ აქტუალურია. **„კავკასიის კვლევითი რესურსების ცენტრი - საქართველო“ („CRRC – საქართველო“)** 2020 წლის იანვარში გამოკითხვის შედეგები გამოაქვეყნა. გამოკითხულთა 66%-მა ქალის შემთხვევაში ქორწინებამდე სრული თავშეკავება მოიწონა. ასეთი საკითხების მიმართ სურათი 2013 წლიდან, ფაქტობრივად, არ შეცვლილა, რაც პატრიარქალური სტიგმის

მდგრადობაზე მიუთითებს. სწორედ ამიტომაც ქალწულობის აღდგენის ქირურგიული ოპერაციას დღესაც რომ არ დაუკარგავს აქტუალობა.

ლევან სამხარაულის სახელობის სასამართლო ექსპერტიზის ეროვნულ ბიუროში დღემდე ტარდება ქალწულობის დამდგენი ექსპერტიზები. ეს, ჩვეულებრივ, ოფიციალური გამოძიების პროცედურასთან დაკავშირებული და დანაშაულის ფაქტის დადგენას ემსახურება; მაგრამ კერძო შეკვეთებსაც იღებენ. როგორც საფუძვლიანად მიუთითებს **უფლებადამცველი ბაია პატარაია**, ეს, ამჟამად, რაღაც საეჭვო მიზეზებითაა განპირობებული; ანუ მამაკაცებს აინტერესებთ არიან თუ არა მათი საცოლეები „უბინოები“.

2012 წელს ქალთა მოძრაობამ სასამართლო ექსპერტიზის ეროვნულ ბიუროსთან მოაწყო აქცია სლოგანით: „ვხურავთ ქალწულობის ინსტიტუტს!“. საპროტესტოდ შეკრებილი ქალბატონების სულისკვეთებას მთლიანად ვიზიარებ, მაგრამ, ვშიშობ, ამ ისტორიულ რუდიმენტს მხოლოდ ქუჩის აქციებით ვერ მოვიშორებთ. ორგანიზაციის „კავკასიის კვლევითი რესურსების ცენტრი - საქართველო“ გამოკვლევის თანახმად, გამოკითხულთა 25%-მა განაცხადა, რომ მამაკაცისთვის ქორწინებამდე სექსუალური ურთიერთობა „ყოველთვის გამართლებულია“; ქალის შემთხვევაში იგივე მხოლოდ 7%-მა მიჩნია დასაშვებად. როგორც ციფრებიდან ჩანს, „დაჩირქებული აპენდიქსის“ ამოკვეთა არც ისე ადვილია. ამ სენს მხოლოდ ფართომასშტაბიანი საგანმანათლებლო საქმიანობით მოვერევით.

თავი მეექვსე

ვინ არის სინამდვილური
კატოვიკურილი?

ძალადობა ძალადობის შემდეგ

- ეს ამბავი 80-იანი წლების დასასრულს შემემთხვა. ჩვენს სადარბაზოში საცხოვრებლად გადმოვიდა 26-27 წლის ბიჭი. შევამჩნიე რომ მითვალთვალებდა, მაგრამ მნიშვნელობა არ მივანიჭე. ერთხელაც ლიფტით დამემგზავრა. არ მესიამოვნა - აშკარად ნასვამი იყო, მაგრამ რაც ჩაიღინა, იმას ვერც კი წარმოვიდგენდი. როგორც კი ლიფტის კარი ჩაიკეტა, ღლაბუცი დამიწყა. როდესაც გაუუძალიანდი, შეეცადა ტანსაცმელი შემოეხია. სხვადასხვა ღილაკებზე აჭერდა ხელს, ლიფტი რომ არ გაჩერებულყო, თან ჭიუტად ცდილობდა ჩემს დამორჩილებას. მემუქრებოდა: ხმა არ ამოიღო, თორემ ცხვირ-პირს ამოვინაყავო. კვილით მთელი კორპუსი შევძარი. თავი საშინელ სიზმარში მეგონა. ბედად, კარი სწორედ იმ სართულზე გაიღო, სადაც ხმაურზე გამოსული ხალხი იყო თავშეყრილი. ერთმა გოგონამ ლიფტის კარი დაიჭირა. იმედმოცემულს ძალა მომემატა, გამოვუსხლტი და გარეთ გამოვვარდი. ცხადია, ვუჩივლე. იმედი მეონდა, რომ მეზობლები გვერდში დამიდგებოდნენ (ბოლოს და ბოლოს, მათ თვალწინ ვავიზარდე), მაგრამ მწარედ მოვტყუედი. გამაოგნეს თავისი სისულელეებით: როგორ არ რცხვენია, მეზობელს რომ უჩივისო, რა ეტყობა ამ ბიჭს სამავისო - სალამს ვერ დაასწრებო, სირცხვილით როგორ ამხელს, გაუპატიურება რომ დაუპირესო, აბა რა ეგონა, მოკლე კაბებით რომ დადისო და ა.შ. ერთმა ისიც კი ბრძანა - რა უნდოდა, მაგ ბიჭს ლიფტში რატომ შეყვაო? გაითვალისწინეთ, რომ მეექვსე სართულზე ვცხოვრობ, ის ვაუბატონი, კი - მეორეზე, ამდენად, ძნელი მისახვედრი არ ყოფილა - ვინ ვის შეყვა. უბრალოდ, იმ ვაუბატონის ემინოდათ, თანაც სასამართლოში მისვლაც ესიკვდილებოდათ. იქით მოძალადის ძმაც დამემუქრა - დამაცა, დედას გიტირებო, მაგრამ მავასაც ვუჩივლე და მოჭდა. მილიციამ აშკარად მოძალადის მხარე დაიჭირა. პირდაპირი ტექსტით არ იცავდნენ, მაგრამ კარგა ხანს აჯანჯლეს საქმე; ალბათ, ეგონათ მომბეზრდებოდა და ხელს ჩავიქნევდი. გამომძიებელმა ფსიქოლოგიური შემოქმედებაც კი სცადა, უხეშად მელაპარაკებოდა - ნუ მაჩქარებ და მუშაობას ნუ მასწავლიო. ეტყობა ეგონა, რომ ვერ გაუძლებდი და საქმეს ჩაფარცხავდა, მაგრამ კოვში ნაცარში ჩაუვარდა; სარაიონო განყოფილებას საქმის გაჯანჯლეებისა და უხეში მოპყრობისთვის სამინისტროში ვუჩივლე. ამის შემდეგ საქმე დაიძრა და განცხადების შეტანიდან რვა თვის თავზე, ზოგ-ზოგების გულის გასახეთქად, სასამართლო მიიწვ შედგა. იმ ვაუბატონმა „ავღანელოთა კავშირიდან“ (ავღანეთში იყო თურმე ნაომარი) შუამდგომლობა მოიტანა და კიდევ ნერვული სისტემის ცუდ მდგომარეობაზე ჯანმრთელობის ცნობაც მოაკვარაჩინა. ბოლოს პირობითი სასჯელი აკმარეს. ცხადია, შემძლო გასაჩივრება, მაგრამ ჩემი მიზანი არ ყოფილა მისი მანქნადამანქნე ციხეში გასტუმრება. მთავარი ის იყო, რომ ჭკუა ვასწავლე. ამის შემდეგ რომ მხვდებოდა, თვალს მარიდებდა. მეზობლებთან კი, მათი საქციელიდან გამომდინარე, დისტანცია დავიჭირე.

გაგიმხელთ „საშინელ საიდუმლოს“ - ამ ისტორიაში დაზარალებული თქვენნი

მონა-მორჩილია. დასკვნების გამოსატანად ეს ამაზრზენი ფაქტიც ფრიად სასარგებლო გამოდგა. ყველაზე საინტერესო საზოგადოების რეაქცია იყო: ნაძირალა მამაკაცს გვერდში დაუდგნენ და მისგან დაზარალებული ქალი კი გაამტყუნეს! მაშინ მათი საქციელი ლაჩრობად და სიბრყველდ შევაფასე. მხოლოდ წლების შემდეგ მივხვდი, რომ ეს არ ყოფილა, უბრალოდ, ლაჩრობა, ან, თუნდაც, სიბრყვე. ეს იყო ბევრად უფრო სერიოზული და სახიფათო მოვლენა, რომლის ფესვები ათასწლეულებში იკარგებოდა. წლების შემდეგ მის აღმნიშვნელ ტერმინებსაც მივაკვლიე: პატრიარქალური სტიგმა, ანუ ქალების წინააღმდეგ მიმართული დისკრიმინაციული წარმოდგენები; აგრეთვე მასკულინისტური სექსიზმი, რომლის თანახმად ქალი ყოველთვის დამნაშავეა, ხოლო მამაკაცს სრული „ინდულგენცია“ (ცოდვათა მიტევება) ენიჭება. ამისი მაგალითები გარშემო უამრავია.

ოცდაათიოდე წლის წინათ (ანუ სსრკ-ს დაისის წლებში), **ცენტრალურმა ტელევიზიამ** ქუჩაში ექსპრეს-გამოკითხვა ჩაატარა. კორესპონდენტი მოქალაქეებს აჩერებდა და ეკითხებოდა, ვინ არის გაუპატიურების შემთხვევაში დამნაშავე - მოძალადე, თუ მსხვერპლი? უმრავლესობამ პასუხისმგებლობა მსხვერპლს დააკისრა - ალბათ ჩაცმულობით და ქცევით მოძალადე თავად გამოიწვიაო. მსგავსი სტიგმური ტენდენცია სხვა გამოკვლევებშიც არაერთხელ დადასტურდა. **1996 წელს** სექსუალური ძალადობის თემაზე პუბლიკაციას ვამზადებდი და სასამართლო-სამედიცინო ექსპერტს ვავესაუბრე. მკითხველთან ბოდიშის მოხდით, მისი სიტყვების ზუსტ ციტირებას მოვახდინე: „თავმოყვარე ქალი არც გაამხელს რომ გააუპატიურეს. იმისთანა ქალს რა ვუთხარი, აქ რომ მოვა და სავარძელზე ფეხებს აჩაჩხავს!“. ეს იყო პატრიარქალური სტიგმისა და მასკულინისტური სექსიზმის ტიპური გამოვლინება, თანაც სამართალდამცავ ორგანოში.

აქვე მინდა დავაზუსტო - ფემინისტური სექსიზმი მასკულინისტურზე არანაკლებ ამაზრზენია. ავტორის აზრით, სექსიზმი ყველა გამოვლინებაში მიუღებელია.

როდესაც გაუპატიურებაზე საუბრობენ, უკითხავდაც ცხადია - მსხვერპლი ქალია, ხოლო მოძალადე კი მამაკაცი. ეს ქალის დისკრიმინაციული სოციალური სტატუსის და მოწყვლადი ანატომიური აღნაგობის „დამსახურებაა“. სწორედ ამიტომ სექსუალური ძალადობა ქალთა დისკრიმინაციის ერთ-ერთ ყველაზე ამაზრზენ გამოვლინებად უნდა მივიჩნიოთ. ტრადიციულად დამკვიდრებული ტერმინებიც კი დისკრიმინაციული შინაარსის მატარებელია. „გაუპატიურება“, „ნამუსის ახდა“, „გაბახება“ ნიშნავს ღირსების წართმევას და პატივის აყრას. ანუ, მასკულინისტურ-მესაკუთრული სექსიზმის თანახმად, ღირსებანართმეული მოძალადე კი არა, მსხვერპლია. პატრიარქალური ხედვით, „ნამუსახილი“ და „პატივაყრილი“ ქალი „დამიანებელი საკუთრება“ იყო, ამიტომ, აღარც მეუღლედ და აღარც შვილების დედად აღარ გამოდგებოდა. რა ბედი ეწეოდა, წყვეტდა მისი მესაკუთრე მამაკაცი (მამა, ან ქმარი). ქალიც იზიარებდა ამ პოზიციას და, ხშირად, საკუთარი თავისთვის უმკაცრესი განაჩენი გამოჰქონდა. ქართულ ლიტერატურაში გვაქვს ამ მანკიერი პრაქტიკის ამსახველი მაგალითები. გავიხსენოთ, თუნდაც, **მიხეილ ჯავახიშვილის დრამა „შერცხვენილი“**, სადაც საქმრო მიატოვებს გაუპატიურებულ საცოლეს, ხოლო სასონარკვეთილი ქალი თავს იკლავს. **ეგნატე ნინოშვილის დარიკოც** სიცოცხლეს თვითმკვლელობით ასრულებს, ვინაიდან ქმრის ღირსებას უფრთხილდება: „თავი მოგჭრა შენმა ცოლმა, ერთ ღამეს სხვის ხელში იყო-თქვა.

მართალია, ნებით არა, მარა სულერთია, ქვეყანა მაინც ეტყვის, გასცინებს, „ასეთ- ისეთის ქმარი ხარო... მარა არ შეგარცხვენ, მე აწი კაცი ვეღარ მნახავს-თქვა... სი- მონს არ ეკადრება შერცხვენა, კაი ვაჟუკაცია...“.

მენტალური სტიგმის ინერცია დღესაც გრძელდება. კანონი მოძალადეს სჯის, ხოლო საზოგადოება - მსხვერპლს და ეს მხოლოდ ერთი შეხედვითაა პარადოქ- სული. როგორც შორებელი, ისე ახლობელი, ფაქტობრივად, მოძალადის „საქმეს“ აგრძელებს და ნოყიერ ნიადაგს ქმნის ახალი ძალადობისთვის. საზოგადოებრივი აგრესიის ერთ-ერთი ყველაზე დამანგრეველი გამოვლინება მითქმა-მოთქმა და ჭორებია. ანუ, საზოგადოება ძალადობს მსხვერპლზე მოძალადის სასარგებლოდ და... ზნეობის სახელით! ქალი კეთროვანის პოზიციაში აღმოჩნდება. აუტოსტიგმა, ანუ საკუთარი თავის დადანაშაულება, კიდევ უფრო აღრმავებს საზოგადოების და მოძალადის მიერ მიყენებულ ტრავმას. რა გასაკვირია, რომ ხშირად გაჩუმებას და მომხდარის გულში დამარხვას ამჯობინებს? საკუთარი ღირსებისთვის მებრძო- ლი, ამაყად თავანუელი ქალი, კი, უკეთეს შემთხვევაში, გაოცებას აღძრავს, ხოლო უარესში - უსასტიკესი წნეხის ქვეშ აღმოჩნდება.

„აფხაზეთის ქალთა საბჭოს“ თავმჯდომარე ქალბატონი როზა კუხალაშვილი აღნიშნავს, რომ სოხუმის აღებისას ქალებს სიკვდილზე მეტად გაუპატიურების ეშინოდათ. ვისაც ეს გადახდა, წლების მანძილზე გულში ატარებდა ტკივილს, ხო- ლო, გამჟღავნების შემთხვევაში, დამატებით ტრავმას იღებდა. ვისაც ეს გადახდა, ძალიან უჭირს პატიებასა და შერიგებაზე ლაპარაკი.

უკვე ნახსენებ წიგნში „ქალები; სიტუაციის პროფილირება საქართველოში“ მო- ვიძიე სულისშემძვრელი ისტორია, სტიგმური „სიკეთების“ ამაზრზენი „თაიგული“: საზოგადოების გულგრილობა, თანამემამულეთა მხრიდან გამყიდველობა, საკუ- თარი ოჯახისგან, კი, უღმობელი წნეხი მაქვს მხედველობაში:

„არეულობის პერიოდი იყო. ერთი ძალიან ჭკვიანი გოგონა მოდიოდა აფხაზე- თიდან, მავრამ ვერ შეძლო გადმოფრენა თვითმფრინავით - ეს მაშინ ძალიან ძნე- ლი იყო. ცხრა ბიჭი დაპირდა, რომ გამოათურებდნენ. გოგონა მათ ენდო და გაჰყვა. სოხუმში რომ ჩავიდნენ, ძალიან სასტიკად მოექცნენ ამ გოგონას და გააუპატიურეს. გოგონამ ვერ აიტანა შეურაცხყოფები და იქვე ვენები გადაიჭრა. ამ ცხრა ბიჭიდან ერთ-ერთს ძალიან შეეცოდა და გადაარჩინა. საავადმყოფოში წოლისას იქვე იმყო- ფებოდნენ გოგონას ნათესავის მეზობლები. მათ შეატყობინეს ოჯახს და გოგონა სვანეთში გადმოიყვანეს. აქ კი, თანავრძობის მაგიერ, მშობლებისა და ძმებისგან ღიღი წინააღმდეგობა შეხვდა. ბოლოს და ბოლოს, გოგონას თავი მოაკვლევინეს.“

ყოველი სამხედრო კონფლიქტი გაუპატიურებების ახალ ტალღას წარმოშობს. ასოციაცია „გენდერ-მედია-კავკასიის“ ხელმძღვანელის, გალინა პეტრიაშვილისა და როზა კუხალაშვილის აზრით, მონინალმდეგეზე ზემოქმედების ეს ფორმა გან- საკუთრებული სიმკაცრით უნდა ისჯებოდეს.

გაგაუპატიურეს? ესე იგი დაიმსახურეს!

2001 წლის ნოემბერში სასტუმრო შერატონ მეტეხი-პალასის თანამშრომელი **ო.მ.** შეღამებულზე სამარშრუტო ტაქსით სახლში ბრუნდებოდა. დანით შეიარაღებულმა პირებმა ქალბატონი იძულებით ჩამოიყვანეს. ამ ამბის შემსწრე ყველა მგზავრი მძღოლითურთ „დაბრმავდა“, „დაყრუვდა“ და „დამუნჯდა“. დანით დაჭრის მუქარით **ო.მ.** ერთ-ერთი მოძალადის ბინაში აიყვანეს და უსასტიკესი ფორმით გააუპატიურეს. ყველა „სიკეთესთან“ ერთად, მოძალადეებმა მსხვერპლი ათაშანგით, მუნით და ტილებით „დაასაჩუქრეს“. როგორც ჩანს, არ ელოდნენ რომ ქალი იჩივლებდა და მხოლოდ ამიტომ დატოვეს ცოცხალი, მაგრამ „არ გაუმართლათ“. გამწარებულმა ქალბატონმა სამართალდამცავ ორგანოებს მიმართა და მისი გათელვის შემდეგი „წრე“ დაიწყო. აი რა მითხრა **ო.მ.-მ** :

- პროკურატურა ჩემს განცხადებაზე კარგა ხანს არც განძრეულა. გამომძიებლები რატომღაც ღრმად იყვნენ დარწმუნებულნი, რომ იმ ნაძირლებს ადრევე ვიცნობდი. არ მესმის, რის საფუძველზე დაასკვნეს, ან რატომ ამართლებს ეს ჩემზე ძალადობას? ისედაც სტრესგამოვლილს აქეთ მიტევდნენ, ყოველ სიტყვას ათასგვარად მიტრიალებდნენ, მიყვიროდნენ - ტყუილად რას გვანვალე, საქმეს ბოლომდე მაინც ვერ მიიყვან, ყოველთვის ასე ხდებაო (!). ორი მთავარი „გმირი“ **ვალერი ხ. და კახა ლ.**, აგრეთვე თანამონაწილე **დავით ა.** (სამივე ადრე ნასამართლევი), მხოლოდ ორიოდვე კვირის შემდეგ დააპატიმრეს. ისიც მაშინ, როდესაც საქმეში **სახალხო დამცველი ნანა დევდარიანი** ჩაერია. ოთხი მოძალადე კი დღესაც გარეთ დასეირნობს. ცალკე კომმარო ვალერი ხ-სთან დაპირისპირებისას გამოვიარე; გამომძიებლის თვალწინ დამემუქრა: სადაც განახავ, დედას გიტრებო, რისთვისაც არავინ მისცა შენიშვნა. მისმა ადვოკატმა კი მეძავი გამომიყვანა. იმის მტკიცებაც კი სცადა რომ ვითომ შეშლილი ვიყავი და რალაცები მეღანდებოდა. ბოლოს დამექაღნა - ჩვენებებს მაინც შეგაცვლევინებო. ამის მონმე გამომძიებლებს წარბიცი კი არ შეუტოკდათ. მაშინ კი მივხვდი, რატომ ეგონათ რომ საქმეს ბოლომდე ვერ მივიყვანდი. ძალადობის ყველა მსხვერპლს თუ ასე აწამებენ, არც მიკვირს რომ ველარ უძლებენ და ჩერდებიან. როგორ უნდა გვექონდეს სამართალდამცავების იმედი, როდესაც მოძალადენი ხშირად თავად არიან?!

უბლიკაცის მომზადებისას სამართალდამცავებსაც გავესაუბრე. **ისან-სამგორის რაიონული პროკურატურის გამომძიებელმა ვახტანგ უმანკოშვილმა** განაცხადა, ყველანაირად გვერდში დავუდექით დაზარალებულს, ხოლო ეჭვმიტანილები მაშინ ავიყვანეთ, როდესაც ამის ობიექტური საშუალება მოგვეცაო. **ბატონ უმანკოშვილს** აშკარად დაავინცდა, რომ საქმე მხოლოდ მაშინ დაიძრა, როდესაც საქმეში **სახალხო დამცველი, ნანა დევდარიანი** ჩაერია. დევდარიანის სიტყვით, ამ საქმეში მისი ჩარევის მთავარი მოტივი ის იყო, რომ პროკურატურა მსხვერპლის დადანაშაულებას ცდილობდა.

დაზარალებულ **ო.მ.-სთვის** ყველაზე მტკივნეული საზოგადოების არაადეკვატუ-

რი პოზიცია აღმოჩნდა:

- სამსახურშიც ზოგი ფიქრობს, რომ იმ ნაძირლებს ადრეც ვიცნობდი და ჩემი მხრიდან თანხმობას არ გამოირიცხავს: აბა რატომ არ იყვირაო?! ერთი მაგათთვის მიებჭინათ მუცელზე დანა და დავინახავდი, რა „გმირებიც“ ბრძანდებიან. სხვები არ მადანაშაულებენ, მაგრამ მაგათი სიტყვით, გამოდის რომ ჩივილი არც ღირდა - რა ვქნათ, ქალაქი ჯიბგირებით გავისლო. თურმე გაუპატიურება წვიმასავით ბუნებრივი მოვლენა ყოფილა! დაქალებს პანიკური შიში გაუჩნდათ; ჩემს გვერდით სიარულსაც კი ერიდებიან. ერთ მეგობარს დედამისმა ჩემს ოჯახში მოსვლა აუკრძალა - რამე არ შეეყაროსო. ჩემგან დარეკვაც კი აღარ სიამოვნებს. მეც აღარ ვრეკავ - მაგათი სახვეწი არაფერი მაქვს. მადლობის მეტი არაფერი მეთქმის უცხოელთა მიმართ, რომელთა ოჯახში დამხმარედ ვმუშაობ. გაორმაგებული პატივისცემით მექცევიან და გვერდში მიდგანან. როდესაც გაიგეს, რომ უბედურება შემემთხვა და სამკურნალო ვიყავი, დიასახლისმა გაიჭირვა და ადგილი შემინარჩუნა. ნეტა ასე ჰუმანურად თანამემამულენი იქცეოდნენ! დედაჩემის ერთმა ახლობელი კიდევ გაცლა: ნახე შენ, ამის შემდეგ შვილთან როგორ მიუშვესო.

საინტერესო დეტალი: სასამართლოზე მოძალადეები ამაყად იფხორებოდნენ, ხოლო მათი დედები დარბაზიდან საჭაერო კოცნას უგზავნიდნენ. ერთი-ერთი მოძალადის ნათესავმა „იოხუნჯა“: რას ჰგავს, ნეტა ეგ როგორ იხმარესო?! ო.მ ჰყავდათ მხედველობაში, რომელიც მათ კრიმინალ ვაუბატონებზე ყველა პარამეტრით ასი თავით მაღლა იდგა. თავხედობამ ვერ უშველათ - მოძალადენი აღმოჩნდნენ იქ, სადაც მათი ადგილი იყო - ციხეში.



წიგნზე მუშაობის პროცესში ამ ფაქტის შესახებ **ნანა დედარიანს** ისევ ვესაუბრე:

- ეს ამბავი კიდევ, იცით, რა მხრივ იყო ძალზე რეზონანსული? პირველად მოგვეცა საშუალება საჯაროდ გვეთქვა - მსხვერპლის დადანაშაულება ისეთივე დანაშაულია, რაც მის მიმართ უკვე ჩაიდინეს. მოძალადემ თუ ფიზიკურად გააუპატიურა, საზოგადოება სულიერად და ზნეობრივად აუპატიურებს. ისედაც ტრავმირებულ მსხვერპლს თავში რომ ჩაუჩაჩქუნებ, ამაზე უარესი რა უნდა ჩაიდინო?! ამას კადრულობენ მდაბიო აზროვნების ადამიანები, მიუხედავად მათი, შესაძლოა, ძალზე „განათლებული“ ჰაბიტუსისა. რა სისულელეა მსხვერპლის დადანაშაულება, რომ, ვითომ, თავად გამოიწვია მოძალადე? ამასწინათ რეგიონში 80 წლის ქალი რომ გააუპატიურა ახალგაზრდა ბიჭმა, იმ ქალსაც მოკლე კაბა ეცვა და გამოიმწვევად იქცეოდა?! ეს, უბრალოდ, მენტალიტეტის პრობლემაა. მოძალადე მისწრაფვის, რომ სხვისი გასრესით თავი დაიმკვიდროს. ასეთი დამოკიდებულება უნდა შეიცვალოს. საზოგადოება ნელ-ნელა აქეთ მიდის და ეს გარდაუვალია.

2001 წელს კიდევ ერთი ამბარზენი ფაქტი გაჟღერდა: **ბორჯომში** მცხოვრებმა ადრე ნასამართლევა **გიორგი ყ-მ** სიღვდრი გააუპატიურა. „ქალთა გაზეთის“ **კორესპონდენტი მათა გონაშვილი** პუბლიკაციის მოსამზადებლად ბორჯომში ჩავიდა. დაზარალებული და მისი ოჯახი ჟურნალისტს საკმაოდ უკმეხად დახვდნენ და საუბარი არ ისურვეს. როგორც ჩანს, სურდათ რაც შეიძლება მალე გადაეტრიალებინათ

ცხოვრების ეს ფურცელი და ყველაფერი დავენიწყებინათ. ისიც ხაზგასასმელია, რომ ცოლი დედამისზე ძალადობის გამო ქმართან არ განქორწინებულა. არანაკლებ დამაფიქრებელი იყო პროკურატურის თანამშრომლების ცინიკური დამოკიდებულება მომხდარი ფაქტის და ჟურნალისტის მიმართ. „ქალი იმისთვისაა, რომ რამე უქნა!“ - „გაიხუმრა“ გამომძიებელმა, რომელიც ყველანაირად ცდილობდა დასმულ კითხვებზე პასუხისთვის თავის არიდებას. ჟურნალისტმა მისი უკბილო ხუმრობა ჯეროვნად „დაათვასა“ და მასალის სათაურში გამოიტანა.

საგულისხმო დეტალი: ბორჯომელებმა მაია გონაშვილს ურჩიეს, რომ ამ საქმეზე ხელი აეღო: „მთელი რედაქცია რომ ჩამოხვიდეთ, მაინც ვერაფერს გახდებით... შესაძლოა, მალე ისიც კი აღმოჩნდეს, რომ ეს ქალი არავის გაუუპატიურებიაო!“

აი, როგორ შეათვასა „ადამიანის უფლებათა დაცვის აქტივისტთა კავშირის“ ლიდერმა თამარ დადიანმა საუკუნის დასაწყისში შექმნილი სიტუაცია:

- იცით ყველაზე საშინელი რა არის? გაუპატიურება ხშირად დანაშაულად არც კი მიაჩნიათ. მახსენდება ერთი ფაქტი: დევნილმა ქალბატონმა თბილისის ერთ დანესებულებაში დაიწყო მუშაობა. ერთხელაც, სამსახურში სუფრა გაიშალა. შუა ქეიფში ქალი ტუალეტში გავიდა. უკან უჩუმრად თანამშრომელი მამაკაცი აედევნა და კაბინაში შეუვარდა. ქალმა კივილი ატეხა. შეიყარა მთელი დანესებულება, ქუჩაშიც ხალხი შეგროვდა. თანამშრომელთა რეაქცია გამოგნებელი გამოდგა: ყველა მამაკაცს მიემხრო. განსაკუთრებით ქალებმა იაქტიურეს: რა გაყვირებს, შე უსირცხვილო, კოლექტივს არცხვენო. ესღა უნდოდა ისედაც ტრავმირებულ ადამიანს?! გამწარებულმა ქალმა სასამართლოში იჩივლა, მაგრამ სამსახურმა შეგებებული სარჩელი შეიტანა - უდისციპლინობასა და ცუდად მუშაობაში დასდეს ბრალი. მოქრთამულმა მოსამართლემაც „იმარჯვა“ - მსხვერპლის სარჩელი იგნორირებული იქნა და მხოლოდ შეგებებული სარჩელი განიხილეს. სამწუხაროდ, სიმართლის დამტკიცება შეუძლებელი გახდა. სამსახურიდან გაგდება, დაცინვამ, უბედური ქალი ჭკუიდან შეშალა. დადის ახლა ქუჩაში და საკუთარ თავს ელაპარაკება.

მას შემდეგ სიტუაცია დიდად არ შეცვლილა. მასკულინისტური სექსიზმი უდანაშაულობის პრეზუმციას, ქალის შემთხვევაში, მეტ-ნაკლებად აუქმებს. გაგაუპატიურეს? ე.ი. დაიმსახურე! წესიერ ქალს არავინ გააუპატიურებს! - ასეთია საზოგადოების არცთუ მცირე ნაწილის აზრი. კვლევაში „კაცები, ქალები და გენდერული ურთიერთობები საქართველოში: საზოგადოების აღქმა და დამოკიდებულება“, მამაკაცთა 34,3%-მა და ქალთა 17,1%-მა აუცილებლად მიიჩნია სექსუალური ძალადობის მსხვერპლის რეპუტაციის დადგენა (თბილისი 2020; კვლევა ჩაატარა დაავადებათა კონტროლისა და საზოგადოებრივი ჯანმრთელობის ეროვნულმა ცენტრმა, შვედეთის მთავრობისა და გაეროს ერთობლივი პროგრამის, „გენდერული თანასწორობისთვის“ მხარდაჭერით). ვაი-ტრადიციონალისტთა აზრით, „ცუდი“ რეპუტაცია „შემამსუბუქებელი“ გარემოებაა.

„კანონიერი“ გაუპატიურება

„მახსოვს, შვიდი წლის ვიყავი, როდესაც მოიტაცეს ერთი ქალი. ბიჭს გოგო ძალიან უყვარდა, გოგოს კი - არა. მაშინ გათვითცნობიერებული არ მქონდა ყოველივე ეს და ყურადღება არ მიმიქცევია; ვამბობდი - მერე რა, უყვარდა და მოიტაცა! ახლა კი ყოველივეს მივხვდი. ვიცი, რომ იმ ქალს შეელახა მისი უფლებები. დაურღვიეს უფლება, რომელიც პიროვნების ხელშეუხებლობას ეხება. დღესდღეობით, ასეთი რამ რომ მოხდეს, თუ ქვეყანა, რომელშიც ჩვენ ვცხოვრობთ, იცავს ყველა იმ უფლებას, რაც ნებისმიერ პიროვნებას შეეხება, ქალია ეს თუ კაცი, მივმართავდი სასამართლოს და ყველა შემთხვევაში ვიბრძოლებდი, რომ არცერთ პიროვნებას არ შელახვოდა მისი უფლებები.

ჯ.მ. 15 წლის

ჯერ კიდევ არსებობს ტრადიციით „გაკეთილშობილებული“ „კანონიერი“ გაუპატიურება, რომელიც წლების განმავლობაში რომანტიკული საბურველით იყო შენიღბული. მხედველობაში მაქვს ქალის მოტაცება დაქორწინების მიზნით. აი, რა ფაქტი მოგვანოდა **2002 წელს რუსუდან ფხაკაძემ** საკუთარი პრაქტიკიდან:

- ეს ამბავი აღმოსავლეთ საქართველოში მოხდა. მოძალადე და მსხვერპლი თანაკლასელები იყვნენ. ყმაწვილის ოჯახი ერთ-ერთ ყველაზე გავლენიანად ითვლებოდა, მიუხედავად ამისა, გოგონას მისგან თავი შორს ეჭირა. განებივრებული „ყოჩი“ ვერ შეეპუა უარს და თანაკლასელებს მოელაპარაკა - მოტაცებაში დამეხმარეთო. მანქანაში ჩაჯდომისას გოგონამ ვერც კი იაზრა, რომ ამხანაგები მახეს უგებდნენ. როდესაც საერთო ნაცნობის ოჯახში მიიყვანეს, დიასახლისმა კიდეც „დაანამუსა“: რას ჯიუტობ, ბედი კარზე მოგდგომია, ასეთი ოჯახის შვილს ცოლად უნდისხარო! ვაჟი ყველას თვალწინ შევიდა ოთახში, სადაც გოგონა იყო გამომწყვდეული და ძალით დაიმორჩილა. ყველასათვის მოულოდნელად მსხვერპლი კერკეტი კაკალი გამოდგა და მოძალადეს უჩივლა. ვაჟის ოჯახმა უამრავი ფული ჩაყარა, მაგრამ ვერაფერს გახდა. ორიოდ წლის შემდეგ, როდესაც ყველაფერი ჩანყნარდა, მოძალადემ ახალი საჩივარი შეიტანა. ამჯერად ქრთამმა გაჭრა. გოგონას თითოეულ ნაბიჯს მიკერძოებული შეფასება მიეცა: რატომ ჩაჯდა მანქანაში? რატომ არ შეძრა წივილ-კივილით მთელი რაიონი? რატომ არ გადააბრუნა მთელი ავეჯი? რატომ არ დაკანრა ვაჟი? როდესაც ჩვენი „მართლმსაჯულების“ წარმომადგენლთა „ანალიტიკური ტვინის ნაყოფს“ გავეცანი, აღარ ვიცოდი მეცინა, თუ მეტირა. ყველაზე სავალალო მსხვერპლის სულიერი მდგომარეობა იყო. სოფელმა ეს ორი წელი ჯოჯოხეთად უქცია: რისი პატრონია? ასეთი ოჯახი რძლად კადრულობდა, მაგან კი ტლინკები აჰყარაო. რა მოხდა ბიჭმა ძალა რომ იხმარა? ცოლად უნდოდა, ისე ხომ არ აუბედურებდა, შარში რატომ გახვიაო?! ბოლოს გოგონას მშობლებიც დაუპირისპირდნენ: ეს რა ცვეცხლში ჩაგვყარე, გარეთ აღარ გაგვესვლებაო. მამა შვილს ეზოს იქით არ უშვებდა: ისევ ვიღაცას ჩაუჯდები მანქანაში

და თავში სახლელი გაგვიხდებო. იმ უბედურმა წნეს ვერ გაუძლო და დანაშაულის კომპლექსი გაუჩნდა. საშინელ დეპრესიაშია. მეშინია, თავი არ მოიკლას. ძალადობის მსხვერპლს ხშირად უჩნდება თვითმკვლელობის აზრი, რაშიც ლომის წილი სწორედ საზოგადოების არაადეკვატურ დამოკიდებულებას ეკუთვნის.

საინტერესო დეტალი: მამაკაცების 50,5% და ქალების 29,4% დღესაც მიიჩნევენ, რომ გაუპატიურებად შეიძლება ჩაითვალოს მხოლოდ ის შემთხვევები, როდესაც ქალი მამაკაცს ფიზიკურად ეწინააღმდეგება. შესაბამისად, ძალადობად არ აფასებენ სექსუალური კავშირის დამყარებას დაშინებით და შანტაჟით, როდესაც ფსიქოლოგიურად განადგურებული ქალი მამაკაცს ფიზიკურ წინააღმდეგობას არ უწევს („კაცები, ქალები და გენდერული ურთიერთობები საქართველოში: საზოგადოების აღქმა და დამოკიდებულება“; თბილისი, 2020). როგორც ჩანს, ამ კუთხითაც ფართო მასშტაბის საგანმანათლებლო სამუშაოა ჩასატარებელი.

„ხმა ქართველი ქალისა“ მოტაცების წინააღმდეგ

გთავაზობთ ნაწყვეტს სტატიიდან **„ქართველ ქალებს სცემენ და აუპატიურებენ“**, რომელიც **1917 წელს** გამოქვეყნდა გაზეთში **„ხმა ქართველი ქალისა“**.

„...ჩვენი თავისუფალი სიტყვა ასეთი სიავის გამოაშუარავებს უნდა მოხმარდეს. ჩვენ არ გამოვუდგებით მის გამოაშუარავებს... რა გადახდათ ქართველს ქალებს ამ ასი წლის განმავლობაში; რამდენი ემსხვერპლა სიტლანქეს და ტანჯული ჩავსვენა ცივ სამარეში. ჩვენ აღვნიშნავთ მხოლოდ მას, თუ რა ხდება დღეს ჩვენში და როგორ შეივსეს მამრობითი სქესის ნაძირლებმა თვისუფლება ადამიანის პიროვნებისა. მათ ჰგონიათ, რომ პოლიტიკური თავისუფლება და ადამიანის და მოქალაქის უფლება გამოიხატება იმაში, რომ ჩაიდინოს ის, რაც მათ პირუტყვს ბუნებას მოეპრიანება... მათი უნესი საქციელი ყოველგვარ საზღვარს სცილდება, რომლითაც ყველაზე მეტად ქალები იტანჯებიან... დღეს საკმარისია ვინმე ლოთმა, ერთკომანმა აითვალთვალოს რომელიმე ქალიშვილი, რომ ის მისი მსხვერპლი გახდეს, თუ რომ ეს უკანასკნელი გავლენიანი ჭირისუფლების პატრონი არ არის. ამ ორი თვის განმავლობაში ქუთაისის დაბა-სოფლებში ისე გახშირდა ქალების მოტაცება, როგორც უძალლო ოჯახში მეღიებისგან საქათმოდან ვარიების მოპარვა. სოფელ კულაში გაიტაცეს ერთი მკერავი ქალიშვილი. მას სხვა ჭირისუფალი არ ჰყავდა, გარდა ერთი მოხუცებული მამიდასი და პატარა ძმისა, რომელნიც მისი შრომით არსებობდნენ. და მიუხედავად ვედრებისა აღმასრულებელ კომიტეტთან და მილიციონრებთან, ეს ქალი მოძალადე საქმრომ გაიტაცა შუა დღისას, დღისით, მზისით, შუა ბაზარში და მის გულის შემზარავ კვილი-ჩხავილზე მას არაფერ მიმშველებელი და მოსარჩლე არ გასჩენია... მიყრუებულ სოფლებში რა ხდება, ერთმა ღმერთმა უწყის! ასეთ ბარბაროსულ მოვლენას, ასეთ გათახსირებას ქართველი კაცისას, არათუ ჭეროვანი ყურადღება არ ექცევა, არამედ პირზე ღიმილით უხვდებიან ის პირები, რომლებიც ცარიელი ენით ქალთა სწორუფლიანობას აღიარებენ“...

უცნობმა ავტორმა ახსენა, რომ ქართველ ქალებს მსგავსი უბედურება განვლილი ასი წლის განმავლობაშიც ემართებოდათ. ჩვენის მხრიდან დავეუბნებთ, რომ ეს კიდევ უფრო ადრეც ხდებოდა. ქართული კულტურისთვის ისტორიულად დამახასიათებელი იყო მოტაცება ცოლად მოყვანის მიზნით, ხოლო თანამდევნი სექსუალური ძალადობა საზოგადოებას ადვილად მისატყვევებელ ცოდვად მიაჩნდა. ამას გაუპატიურებას არც კი უწოდებდნენ. არაფერ უნებდა ანგარიშს მსხვერპლის გრძობებს და სურვილებს. ამ შემთხვევაში მთავარი იყო ოჯახის რეპუტაცია, რომელსაც, ტრადიციული წარმოდგენების თანახმად, მხოლოდ ქორწინება ალადგენდა. მამაკაცები, კი, ქალის მოტაცებით, ასე ვთქვათ, „სავაჟაკო“ ქულებს იწერდნენ, ამიტომ ხალხით იყენებდნენ დაქორწინების ამ მეთოდს.

საინტერესო დეტალი: ერთ-ერთი ვერსიით, პატარძლის მოტაცების ინსტიტუტი პატრიარქატის და მატრიარქატის გასაყარზე ჩაისახა. მატრიარქატის დროს გარეცხვადი იყო მატრილოკალური ტიპის დასახლებები, ანუ ქმარი ცოლის გვარში გადადიოდა საცხოვრებლად. როდესაც პატრილოკალური დასახლებების ჩამოყალიბება დაიწყო, ათასწლოვანი ტრადიციის ერთბაშად გაუქმება ვერ მოხერხდა, მოტაცება ერთგვარი გამოსავალი აღმოჩნდა. ეს პერიპეტიები, როგორც ჩანს, საქორწინო რიტუალებშიც აისახა. ომახიანი შეძახილებითა და ბათქა-ბუთქით მოჭენებული მაცრიონი მატრილოკალურ დასახლებაში ქალის მოსატაცებლად შემოჭრილი მამაკაცთა ჯგუფის შორეული ანარეკლია. ქალის ოჯახის შემორიგება ადვილი არ იყო, ამიტომ სიძის მხარე გულმოდგინედ ირჩებოდა. ვფიქრობ, საქორწინო წეს-ჩვეულებებში ეს მომენტიც დაფიქსირდა. ეთნოგრაფ მზია ბექიაის წიგნში „ძველი და ახალი საქორწინო ტრადიციები აჭარაში“ (ბათუმი, 1974) აღწერილია ქალის მხარის სარიტუალო ჭირვეულობა. თუკი რამე „არ მოეწონებოდათ“ (პურ-მარილი, ეტიკეტი ან სხვა), სასიძოს ოჯახს შავ დღეს აყრიდნენ: უხოცავდნენ შინაურ ფრინველს, ტყვიას უშედნენ კერიის ჯაჭვს, წვავდნენ თივის ზვინებს, ჩებდნენ ნარგავებს. უბოდიშოდ ხმასაც ვერაფერ გასცემდა. მეზობლებისთვის შემთხვევით მიყენებულ ზარალს კი სასიძოს ოჯახი ანაზღაურებდა. ვაჟა-ფშაველაც აღწერს სარიტუალო მტრულ დამოკიდებულებას სასიძოს მიმართ. დღესდღეობით, მოტაცების სახით „ტკბილი ოჯახის“ შექმნის საბაბით ჩადენილი სექსუალური ძალადობა შეგვრჩა.

მოდლაღე - საკუთარი თანამეცხედრე

„ჩემი მეგობარი ქალი იმითმ გაშორდა ქმარს, რომ იგი ყოველდღე ძალით ამყარებდა მასთან სექსუალურ კავშირს. ე.ი. აუპატიურებდა. ეს საზოგადოებისთვის უცნობია, ამიტომ გაყრისთვის ქალს ამტყუნებენ“.

ნ.დ. გურია

ვფიქრობ, მიზეზის გაგების შემთხვევაშიც, საზოგადოების უდიდესი ნაწილი ქალს გაამტყუნებდა. პატრიარქალური სტიგმის თანახმად, ცოლის სხეული ქმრის კუთვნილი „ყანა“ და როდესაც მოეხასიათება, მაშინ „მოხნავს“. ქმრის მხრიდან სექსუალური ძალადობა, როგორც წესი, არც სამართალდამცავებს მიაჩნიათ გა-

უპატიურებად. ხშირად, ქალებიც იზიარებენ ამ თვალსაზრისს და ქმრის მხრიდან გაუპატიურებას, უკეთეს შემთხვევაში, უხეშობად და მუტრუკობად აფასებენ.

აი რა გვითხრა **2008 წელს ფსიქოლოგმა მანანა სოლოლაშვილმა:**

- „**ძალადობის წინააღმდეგ ეროვნული ქსელის**“ მიერ დაფიქსირებული ყოველი მეექვსე შემთხვევა მეუღლის მხრიდან გაუპატიურებასაც მოიცავდა. ის შემთხვევები მაქვს მხედველობაში, როდესაც თავად ქალებმა მისცეს მომხდარს სწორი შეფასება. ქმრის მხრიდან გაუპატიურებები ბევრად მეტია ვიდრე ჩვენამდე მოდის; უბრალოდ, ქალები ამას გაუპატიურებად არც აღიქვამენ. ხანდახან გაცნობიერება მხოლოდ ფსიქოთერაპიული სენსის დროს ხდება. ჯუჯუის მუშაობის დროს ქალი ისმენს სხვის ისტორიას და უცებ გონება უნათდება: კი მაგრამ, მეც ხომ მაიძულა, როდესაც სულ არ მინდოდა და ვენინაღმდეგებოდი! ასეთი ფაქტი მახსენდება: ჩვენთან მოვიდა ქალბატონი, ორი შვილის დედა. მეუღლე - ყოფილი ძალოვანი, ძალიან უხეში და სასტიკი ადამიანი, შავ ღღეში აგდებდა. ქალს არ სურდა მასთან სარეცლის გაყოფა, მაგრამ ქმარს ეს სრულებით არ ანუხებდა. განქორწინების სსენებაზე კი მოკვლით ემუქრებოდა. ქალს გაცნობიერებული ჰქონდა, რაც ხდებოდა მის თავს და ყველაფერს თავის სახელს არქმევდა. ჩვენ მხოლოდ მორალური მხარდაჭერისთვის მოგვაკითხა. საბოლოოდ, გაბედა განქორწინებაზე განცხადების შეტანა. ვერც კი წარმოიდგენთ, რა ქარიშხალი დატრიალდა! ქმარმა დაჭრა კიდევ, მაგრამ ცოლი მაინც აღარ გაუჩერდა. სხვა შემთხვევაში ქალმა მხოლოდ ჩვენთან გააცნობიერა, რომ მას ყოველდღიურად აუპატიურებდნენ, თან ყველა გაგებით.

იმავე პერიოდში **ან განსვენებულ ნატალია ზაზაშვილს (კავშირი „საფარი“, დირექტორი)**, ვესაუბრე. იგი გავგებელი იყო: ერთმა ქალბატონმა შემოსვლისთანავე პირდაპირ განუცხადა - გამაუპატიურესო! ანუ დამოუკიდებლად გაიაზრა მომხდარი და ყოველგვარი ფსიქოლოგიური მუშაობის გარეშე მოძალადედ ქმარი დაასახელა. ქალს ისიც ჰქონდა გაცნობიერებული, რომ ასე ცხოვრება აღარ შეიძლებოდა. უბრალოდ, არ იცოდა რა ეღონა. ორგანიზაციაში დააკვალაინეს და პროფესიული გადამზადების კურსებზეც გაუშვეს. შეძენილი ხელობა, მოგვიანებით, დამოუკიდებელი შემოსავლის წყაროც გახდა.

კვლევამ „კაცები, ქალები და გენდერული ურთიერთობები საქართველოში: საზოგადოების აღქმა და დამოკიდებულება“ (თბილისი, 2020) დაადგინა, რომ ყოველი მეოთხე ქალი და ყოველი მესამე კაცი დღესაც ფიქრობს, რომ ქალი ქმარს სექსზე უარს ვერ ეტყვის. ანუ, არ ცნობენ ქალის უფლებას საკუთარ სხეულზე ადვილი წარმოსადგინა, რას ფიქრობდნენ ამ საკითხზე ოცი წლის წინათ და კიდევ უფრო ადრე.

წლების შემდეგ: რა შეიცვალა?

ორიოდე წლის წინ, **ჟურნალისტმა თენგიზ აბლოტიამ** გამოაქვეყნა ბლოგი: **„XXI საუკუნის ამორძალეები“**, სადაც ძალიან საინტერესოდ ისაუბრა **მოტაცების ინსტიტუტის** გაქრობის მიზეზებზე:

„მოტაცების ინსტიტუტის გარდაცვალება საქართველოს საზოგადოებაში ქალის სტატუსის მკვეთრმა ცვლილებამ განაპირობა. 90-იან წლებში, როდესაც მამაკაცებს, ძირითადად, ის აინტერესებდათ, უბანში ვინ ქურდი იყო და ვინ არიფი, ოჯახების გადამრჩენების როლი ქალებმა იტვირთეს. ჯინმა თავი დააღწია ბოთლს: ქალებმა გააცნობიერეს თავისი შესაძლებლობები და გადაწყვიტეს - მამაკაცებზე უარესი რით ვართო? ამ მომენტიდან მოტაცებებმა აზრი დაკარგა. ყოვლისშემძლე საზოგადოებრივი აზრის წინაშე შიში უკვალოდ გაქრა და მისი მორჩილების აუცილებლობაც უკან მიჰყვა.“

თენგიზ აბლოტიამ ძალზე სწორად შენიშნა ყველაზე არსებითი დეტალი: არა-ჯანსაღი ტრადიციისადმი მორჩილებას ქალის მოწყვლადი სოციალური სტატუსი და მისი მასაზროლებელი საზოგადოებრივი მოდელი განაპირობებს. როგორც კი მოდელს წყალი შეუდგა და ქალის ფაქტობრივი სტატუსი შეიცვალა, სტიგმური ტრადიციაც ჩამოიშალა. ავტორს მხოლოდ ერთ რამეში ვერ დავეთანხმებები - მეტიმეტად იჩქარა ჰევი ენდის გამოცხადება. მოტაცება და თანმდევი სექსუალური ძალადობა ისე ხშირად არა, მაგრამ მაინც ხდება; განსაკუთრებით **ქვემო ქართლსა და კახეთში**, სადაც „ჩაკეტილი“ თემები ცხოვრობენ და სამოქალაქო ცნობიერება მოისუსტებს. განსაკუთრებით შემამფოთებელია, როდესაც გამტაცებელთა ხელშემწყობნი ქალები არიან; ანუ როდესაც ქალზე ძალადობას ხელს ისევ ქალი უწყობს. როგორც ჩანს, ამ სოციალურ-ისტორიული რუდიმენტის აღმოსაფხვრელად კიდევ ბევრი ბრძოლა დაგვჭირდება.

სახალხო დამცველის 2018 წლის ანგარიშის თანახმად, 2016 წელს მოტაცების 27 შემთხვევა მოხდა, 2017 წელს - 41. 2016 წელს 16 წელს მიუღწეველ გოგონებთან სექსუალური კონტაქტის 173 ფაქტი დაფიქსირდა, ხოლო 2017 წელს - 183. კანონის თანახმად, ეს გაუპატიურებას უტოლდება. მოტაცების ფენომენის აქტუალურობაზე ისიც მეტყველებს, რომ ეს პრობლემა შევიდა საქართველოს სტატისტიკის ეროვნული სამსახურის პუბლიკაციაში: „ქალი და კაცი საქართველოში“ (თბილისი, 2018).

გასული წლის ზაფხულში გორში ყმაწვილმა 17 წლის გოგონა მოიტაცა და დასავლეთ საქართველოში გააქანა. პოლიციის თანამშრომლებმა, კი, დაუყოვნებელი რეაგირების ნაცვლად, მშობლებს ქალიშვილის გაბედნიერება მიულოცეს. სოციალურ ქსელებში ატეხილი ხმაური რომ არა, ალბათ, არც გაიძრეოდნენ. XXI საუკუნის მეორე ათწლეული გავლიეთ, მაგრამ სამართალდამცავთა დიდი ნაწილის მენტალიტეტი დიდად არ შეცვლილა. გამოძიებას, ხშირად, ზანტად და უყურადღებოდ აწარმოებენ. ავტორის აზრით, მათ სულში ხშირად პოტენციური (ან იქნებ აქტუალური?) მოძალადეა მოკალათებული. მათი საქციელი ძალადობის შემდეგ ძალადობის ნიმუშია და დამატებითი სტრესის წყარი ხდება.

ჟურნალისტ ნინო ღვინიაშვილის პუბლიკაციაში „საქართველოში გაუპატიურების შემთხვევების გამოძიება რთულია“ (2012 წლის 10 აგვისტო <http://reporter.ge/saqartvelosi-gaupatiure/>) მოყვანილია ფაქტი, როდესაც პროკურატურამ გამოძიება ორი წელი აჭიანურა და, მთელი ამ ხნის განმავლობაში, მსხვერპლი უსასტიკესი ფსიქოლოგიური წნეხის ქვეშ ამყოფა (წარა-მარა დაჰყავდათ ძალადობის ადგილის დათვალიერებაზე და პროკურორთან ჩვენების მისაცემად). ორი წლის შემდეგ გოგონა ისე დაიქანცა, რომ საქმის დახურვა მოითხოვა.

საზოგადოების დამოკიდებულებაშიც დიდი არაფერი შეცვლილა: მსხვერპლი დღესაც არაჯანსაღ ცნობისმოყვარეობასა და ზიზღნარევ სიბრაულეს იძვის. არავინ იცის ეს დაობებული სტიგმა კიდევ რამდენ ხანს შეინარჩუნებს პოზიციებს. ამიტომ ქალები დღესაც მალავენ სექსუალური ძალადობის ფაქტს და გაუპატიურებების რეალური სტატისტიკა უცნობია. **საქართველოს უზენაესი სასამართლოს მონაცემებით, 2008-2012 წლებში გაუპატიურების 170 საქმე იქნა განხილული. თბილისის საქალაქო სასამართლომ ამავე პერიოდში 100 საქმე განიხილა. 2017 წელს გაუპატიურების 59 ფაქტი დაფიქსირდა. 2018 წელს - 96; IDFI-ს (ინფორმაციის თავისუფლების განვითარების ინსტიტუტი) მონაცემების თანახმად, 2019 წელს გაუპატიურების მაჩვენებელი 36%-ით გაიზარდა, (+18 შემთხვევა).** დუმის ტრადიციიდან გამომდინარე, ეს ციფრები რეალობას არ ასახავს.

2020 წლის 8 დეკემბერს საქართველოს სახალხო დამცველმა და ევროპის საბჭომ ერთობლივ ონლაინ კონფერენციაზე წარადგინეს კვლევის შედეგები სექსუალური ძალადობის კუთხით მართლმსაჯულების განხორციელებაზე. აღმოჩნდა, რომ **2017 წლის ივნისიდან 2019 წლის მაისამდე** პოლიციაში 361 შეტყობინება შევიდა, აქედან გამოძიება 251 საქმეზე დაიწყო და მხოლოდ 26 განაჩენი იქნა გამოტანილი. დამნაშავედ 20 პირი ცნეს, ხოლო ექვსი ბრალდებული სექსუალური ძალადობის ნაწილში გამართლდა. რატომ ხდება ასე, რატომ ძნელდება გაუპატიურებების ფაქტებზე საქმის აღძვრა, სრულფასოვანი გამოძიება და დამნაშავის საკადრისი დასჯა?

მოქმედ კანონმდებლობაში არსებობს სერიოზული ხარვეზი. გაუპატიურების მუხლით დაზარალებულად ცნობისთვის ადამიანმა უნდა დაამტკიცოს, რომ სხვა ტიპის ძალადობის მსხვერპლიცაა; იგულისხმება, მაგალითად, ფიზიკური დაზიანებები, რაც აშკარა წინააღმდეგობაშია ე.წ. სტამბოლის კონვენციასთან (ქალთა მიმართ და ოჯახში ძალადობის პრევენციისა და აღკვეთის შესახებ ევროპის საბჭოს კონვენცია), რომელსაც საქართველომ 2014 წელს მოაწერა ხელი. ამ სისტემური ხარვეზის გამო ფსიქოლოგიური ძალადობის გამოყენებით ჩადენილი გაუპატიურებები, ფაქტობრივად, დაუსჯელი რჩება.

ისევ აქტუალურია სამართალდამცავთა არაკორექტული დამოკიდებულება მსხვერპლის მიმართ. სისხლის სამართლის პროცესის დროს, მსხვერპლს ხშირად საქმისთვის არაარსებით, ღირსების შემლახავ შეკითხვებს უსვამენ. სასამართლომდე კი გამოძიებას უსაშველოდ ართულებს ქალი სასამართლო ექსპერტების ნაკლებობა, რაც აფრთხობს დაზარალებულს. ამ დროს, ექსპერტიზის დასკვნის არარსებობა გამოძიების შეწყვეტის საფუძველია; ანუ, ასეთ შემთხვევაში, დამნაშავე სასჯელისგან თავს დაიძვრენს.

აი, რა ამბობს ამის თაობაზე კავშირ „საფარის“ აღმასრულებელი დირექტორი ბაია პატარაია:

- ქალების უმრავლესობა პოლიციას არ მიმართავს. ამის ერთ-ერთი მიზეზი სამართალდამცავთა დაბალი სენსიტიურობაა. მათ არ იციან როგორ იმუშაონ ძალადობის მსხვერპლთან და მოძალადესთან; ამიტომ უჭირთ ასეთი ტიპის დამაშაულის გამოძიება და საგამომძიებლო პროცედურები საკმაოდ დისკომფორტულია. დამაშაულის კვალიფიკაციის პრობლემაც არანაკლებ მწვავეა. ხშირად მსხვერპლს არ ჰყავს მონმეები და ძნელდება იმის დადგენა, ძალადობას ჰქონდა ადგილი,

თუ ყველაფერი თანხმობით მოხდა. სექსუალური შევიწროების საწინააღმდეგო კამპანიებმა შედეგი გამოიღო: გაუპატიურების სტატისტიკა მატულობს, მაგრამ არა იმიტომ, რომ მეტ ქალს აუპატიურებენ, არამედ იმიტომ, რომ კანონს მეტი მიმართავს. შესაბამისად, მეტი ფაქტი ხდება გამოვლენილი. თუმცა, რეალური სტატისტიკა, ალბათ, კიდევ უფრო მაღალია და ამ მიმართულებით კიდევ ბევრი სამუშაო ჩასატარებელი.

რაც შეეხება საკუთარი მეუღლის მხრიდან ძალადობას, ორიოდ წლის წინ ორმა ქალბატონმა სცადა განცხადების შეტანა, მაგრამ პოლიციელებმა სასაცილოდ აიგდეს და განცხადებები არ მიიღეს. სამაგიეროდ, როდესაც 2017 წელს რუსთავეში ცოლმა ქმარს სექსუალური ძალადობისთვის უჩივლა, ადგილზე მისულმა პოლიციამ მამაკაცი დააკავა. მოსამართლემ დაკავებულს ორთვიანი წინასწარი პატიმრობა მიუსაჯა. რით დამთავრდა ეს ამბავი, ავტორისთვის, სამწუხაროდ, უცნობია.

სიტუაცია ძალიან ზანტად იცვლება. კიდევ ერთხელ უნდა გავიმეოროთ: პროცესის დასაჩქარებლად, საკანონმდებლო რეფორმების პარალელურად, აუცილებელია საგანმანათლებლო მუშაობა სამართალდამცავ სისტემაში. ქალის ნებართვის გარეშე მისი სხეულის ხელშეუხებლობის თემა პოლიციისთვის ჩატარებულ ტრენინგებზე აქცენტირებულად უნდა იყოს მიწოდებული.

კანონი და ცნობიერება

მართლმსაჯულების სისტემამ უნდა აღიაროს - სექსუალური ძალადობა ქალთა დისკრიმინაციის ფორმაა. ამაზე მიუთითებს ქალთა მონყვლადი სოციალური და ანატომიური კონსტიტუციის გამოყენება; აგრეთვე სტიგმური დამოკიდებულება სექსუალური ძალადობის მსხვერპლის მიმართ. უკვე არსებობს საბაზისო მექანიზმები - 2014 წელს დამტკიცდა **კანონი დისკრიმინაციის ყველა ფორმის აღმოფხვრის შესახებ**. იმავე წელს ხელმოწერილი **სტამბოლის კონვენცია** მოიცავს რეკომენდაციებს გაუპატიურების საწინააღმდეგო კანონმდებლობის გაუმჯობესების კუთხით. უკვე გადაიდგა ნაბიჯები საქართველოს კანონმდებლობის სტამბოლის კონვენციასთან ჰარმონიზებისთვის. **2017 წელს მოხდა ევროპის საბჭოს „ქალთა მიმართ ძალადობისა და ოჯახში ძალადობის პრევენციისა და აღკვეთის შესახებ“ კონვენციის რატიფიცირება**. ყველა ზემოაღნიშნული ნაბიჯი პირდაპირი გზაა სექსუალური ძალადობაზე მუშაობის გასაუმჯობესებლად.

აი რას ამბობს საიას პროექტის კოორდინატორი ნინო ჩიხლაძე:

- **სტამბოლის კონვენციის** შესაბამისად, საქართველოს კანონმდებლობაში გაუპატიურების განმარტება შეიცვალა. ახლა ჩანერილია, რომ გაუპატიურება შეიძლება მოხდეს არა მარტო სასქესო ორგანოთი, ან ადამიანის სხეულის სხვა ნაწილით, არამედ, აგრეთვე, რაიმე საგნით. თუმცა სრული შესაბამისობა **სტამბოლის კონვენციასთან** ჯერაც არ არის. ჩვენს კანონში ლაპარაკია ფიზიკური ძალადობის გამოყენებაზე; კონვენციის მიხედვით, კი, ფიზიკური ძალადობა თუნდაც არ იქნას გამოყენებული, მსხვერპლის უარის შემთხვევაში უკვე ადგილი აქვს გაუპატიურებას.

არის კიდევ ერთი სერიოზული ხარვეზი: სექსუალური ძალადობის პრევენციის კუთხით დიდი არაფერი კეთდება. სამართალდამცავებს ამ კუთხით კვალიფიკაციის სერიოზული ამაღლება სჭირდებათ.

ქალის უფლებების საკითხში განათლების დონე არა მარტო სამართალდამცავებშია დაბალი. მოქალაქეთა უდიდესი ნაწილი ინარჩუნებს ქალის როლის მიმართ კონსერვატიულ განწყობას. ყველაზე ეფექტიანი მექანიზმი გენდერული ნიშნით ჩადენილი დანაშაულის პრევენციისთვის საზოგადოებრივი მენტალიტეტის გაჯანსაღებაა. დღესდღეობით, ამ საკითხზე ზრუნვას, ძირითადად, არასამთავრობო სექტორი ცდილობს, რაც ნამდვილად არ არის საკმარისი. ძალზე საინტერესოა, მაგალითად, **ფემინისტური ორგანიზაცია „ქალთა მზერის“** საქმიანობა. მათ საიტზე შესაძლებელია ინფორმაციის მოძიება შრომის პოლიტიკაზე, კულტურული და რელიგიური უმცირესობების უფლებებზე, სქესობრივ და რეპროდუქციულ საკითხებზე და ა.შ. ძალზე საინტერესოა ციკლი: **„ყველაფერი შენი სხეულის შესახებ“**, რომლის მეთერთმეტე თავი **„სექსუალური თავდასხმა, შევიწროება და გაუპატიურება“** სწორედ ამ საკითხზე ინფორმირებასა და სტიგმის მოსხნას ემსახურება.

ყველაზე საუკეთესო კანონი და ყველაზე დატრენინგებული სამართალდამცავნი ვერაფერს გააწყობენ, თუ საზოგადოებრივი ცნობიერება არ შეიცვალა. ჰუმანისტურ-დემოკრატიული მენტალიტეტის ფორმირება სახელმწიფო პოლიტიკის შემადგენელი ნაწილი უნდა იყოს. ავტორის აზრით, გრძელვადიანი შედეგების მისაღებად ძალზე პერსპექტიულია სასკოლო საგნობრივი კურსი „მე და საზოგადოება“. მხოლოდ ჰუმანისტურ-დემოკრატიული ფასეულობებით გაჯერებული აღზრდა მიიყვანს საზოგადოებას იმ აზრამდე, რომ პატივაცრილი და შერცხვენილი სინამდვილეში მოძალადეა; პასუხიც, როგორც სამართლებრივი, ისე ზნეობრივი თვალსაზრისით, სწორედ მას უნდა მოვთხოვოთ.

თავი მეშვიდე

ნაკრძიანების ტუკიანა

ქალის ცოდვა უფრო მძიმეა?...

გენდერული ნიშნით დისკრიმინაცია ყველაზე მწვავედ მონყვლად ჯგუფებში იგრძნობა. შეგახსენებთ, რომ მონყვლადია ადამიანთა ჯგუფები, რომლებიც მოკლებულნი არიან სხვა ჯგუფებისთვის ადვილად ხელმისაწვდომ სიკეთებს, რაც ხშირად, შეიძლება, დისკრიმინაციასთან იყოს დაკავშირებული. მონყვლადნი არიან, მაგალითად, შეზღუდული შესაძლებლობის პირები, განსხვავებული სექსუალური ორიენტაციის, ან გენდერული იდენტობის ადამიანები და ა.შ.

ამ თავში ნარკომომხმარებელ ქალებზე ვისაუბრებთ. აღნიშნული თემა გაათმაგებელი გენდერული წნეხის მაგალითია. ნარკომომხმარებელი ქალი საზოგადოების თვალში სამარცხვინო არსებაა, რომელსაც არ აქვს, არც მეუღლეობის და არც დედობის უფლება, ამიტომ უყოყმანოდ უნდა მოიკვეთოს. სწორედ ამით აიხსნება მათი პანიკური შიში პრობლემის გამჟღავნების მიმართ (ქმარმა რომ გაიგოს – მომკლავს!!!). რაც უნდა პარადოქსული იყოს, სტიგმა არც მედიცინის მუშაკებისთვისაა უცხო; ამიტომ ნარკომომხმარებელ ქალს სამედიცინო დაწესებულებებსა და ზიანის შემცირების სერვისებში მიმართვაც უჭირს. საზოგადოებრივი წნეხი სპეციფიკური გენდერული პრობლემების ჩამოყალიბებას განაპირობებს; დროთა განმავლობაში, კი, ფსიქოლოგიურად ანადგურებს: იგი ითავისებს, რომ უღირსი არსებაა, ამიტომ შეურაცხყოფაზე პროტესტის უფლება არ აქვს და კარგს არათვერს იმსახურებს. სპეციალისტები ამას თვითსტიგმატიზაციას უწოდებენ.

ნარკოტიკების მომხმარებელ ქალის, მ.წ-ს (39 წლის) სულიერი მდგომარეობა თვითსტიგმატიზაციის ტიპური მაგალითია:

– ნარკოტიკები მამაკაცს, უბრალოდ, ვნებს, ქალს კი ქალობას აკარგვინებს. ქალი ოჯახის მფარველ ანგელოზად და შვილების აღმზრდელად არის გაჩენილი. მას „უწყინარი“ სიგარეტიც კი ანადგურებს. სიგარეტს ხელში რომ აიღებ, რაღა ქალი ხარ! პირველივე მონვევაზე მშობლების, ოჯახის, ქვეყნის პატივისცემას აბიჯებ... ამის შემდეგ სხვა რამესაც იოლად გაბედავ. ნარკოტიკებზე თუ ზიხარ, ხომ სრული არარაობა ხდები. ჰოდა, შესაბამისადაც გექცევინ! ნარკომან ქალს სახლში ვინ შეუშვებს?! შესაძლოა, ვიღაც ასეთივე ნარკომანი, მერე დოზისთვის ფულის სამოგნელად ქუჩაში რომ გაუშვას.

არსებითი დეტალი: საზოგადოება ნარკომომხმარებელ მამაკაცებს ასე სასტიკად არ განიკითხავს და კეთროვანივით არ ექცევა; არც ოჯახი იკვეთს. ანუ ნარკომომხმარებლის პრობლემას გენდერული ნიშნით დისკრიმინაციის ასპექტი ნამდვილად ახასიათებს.

ფონდმა „ღია საზოგადოება – საქართველო“ 2014 წლის თებერვალში ჩაატარა შეხვედრა თემაზე: „ქალი ნარკომომხმარებლები და მათზე ორიენტირებული ზიანის შემცირების სერვისები საქართველოში“. მომხმარებელ ქალთა წინააღმდეგ მიმართული სტიგმა განსაკუთრებული მსჯელობის საგანი გახდა.

აი, რა მითხრა სხდომის შემდეგ **ექიმმა-ფსიქოთერაპევტმა მანანა სოლოლაშვილმა:**

– ნარკოტიკების მომხმარებელ მამაკაცს ოჯახი ჯარიმებსაც უხდის, ციხეში ამა-ნათებიც დააქვს, მოთმინებითაც ელოდება, როდის ინებებს ნარკოტიკის „გადადგებას“. ქალს ამდენს არავინ ელოლიავენა. ამიტომ ცდილობს თავისი პრობლემის დამალვას. თავს მოიკლავს, მაგრამ არ გაამხელს, რომ ნარკოტიკებთან რაიმე შეხება აქვს. მახსენდება ასეთი შემთხვევა: ჩემთან დადიოდა გოგონა, რომლის შეყვარებული ნარკოტიკების მომხმარებელი იყო. მალე მივხვდი, რომ თავადაც იგივე სენი სჭირდა. მერე სადღაც გაქრა. დიდი ხნის შემდეგ მესიჯი მივიღე: „მანანა დეიდა, სივარეტსაც კი შევეშვიო!“. წარმოიდგინეთ, მხოლოდ სანახევროდ გამომიტყდა, ისიც დაუსწრებლად! ჩემი მეუღლე ქირურგია. ოპერაციის დროს, საანესთეზიო ღოზის გასათვლელად აუცილებელია იმის ცოდნა, მოიხმარს თუ არა პაციენტი ნარკოტიკს. ქალების მხრიდან აღიარების ერთ შემთხვევასაც ვერ იხსენებს; აი, კაცები კი უპრობლემოდ ეუბნებიან, რომ ნარკოტიკების კუთხით პრობლემები აქვთ.

მნიშვნელოვანი დეტალი: თუ ნარკომომხმარებელი ქალი ციხეში აღმოჩნდა, გამოსვლის შემდეგ, ხშირად, ყოველგვარი საყრდენის გარეშე რჩება. ასეთ სიტუაციაში ადვილია ისევ ნარკომომხმარების ჭანჭრობა ჩაითრიოს. ასეთ დროს საზოგადოებრივი სტიგმა განსაკუთრებით დამანგრეველია.

ეს ცხოვრებიერი ისტორია ნარკოდამოკიდებულ ქალთა ნამუშევრების გამოფენის მომწყობებმა მოგვიწოდეს. ღონისძიება რამდენიმე წლის წინ **სტუდია „იდუალისტმა“** და **ახალგაზრდა ფსიქოლოგთა ასოციაციამ** მოაწყვეს ფონდის **„ღია საზოგადოება - საქართველო“** და **„ზიანის შემცირების ქსელის“** მხარდაჭერით:

„დედა ოცდათორი წლის ასაკში დაქვრივდა. მაშინ წლინახევრის ვიყავი. შვიდი წლის შემდეგ დედა გათხოვდა და თბილისში გადავიდა საცხოვრებლად. მე კი ბებიამ გამზარდა. მეორე კურსზე პოლიციის თანამშრომელზე გაეთხოვდი. მერე ნარკოტიკებს მიეძალა და სამსახურიდან დაითხოვეს. მალე რამდენიმე წლით ციხეში ამოყო თავი, მე კი თბილისში ნათესავებთან გადავედი საცხოვრებლად. იქ დავუახლოვედი გოგოებს, რომლებიც ასევე ნარკოტიკებთან „მეგობრობდნენ“. როდესაც დაინახეს, რომ ფული არ მიჭირდა, ყველაფერი იღონეს ჩემს ჩასათრევად. ნათესავებმა ეს ამბავი რომ გაიგეს, მცემეს, მოტყუებით სახლში დამბარუნეს და გამომკეტეს. საშინელი „ლომკის“ შემდეგ გავიპარე და ისევ ნარკოტიკებში გადავეშვი. ბოლოს ციხეში აღმოვჩნდი. როცა ჩემს ზურგს უკან ციხის მძიმე კარი მიიხურა, მეგონა რომ ჩემი ცხოვრება დასრულდა. ყველაზე მეტად კი შვილებთან განშორება მტანჯავდა. მოსამართლეს შევეცოდე და ჯარითი შემოიფარგლა...“

აი კიდევ ერთი ტიპური ისტორია:

„ბედნიერი და უზრუნველი ბავშვობა მქონდა. მშობლები განქორწინდნენ, მაგრამ დედა ყოველთვის გვერდში მყავდა. სკოლის დამთავრებისთანავე გაეთხოვდი. დიდი სიყვარულით, ცხადია, და თვრამეტი წლის ასაკში უკვე ბავშვს ველოდი. მძიმე მშობიარობა მქონდა. საკეისროს გაკეთება დამჭირდა, მერე კი აღმოჩნდა, რომ სამშობიაროს ფული ქმარმა გაურკვეველი მიზნებისთვის დახარჯა. იძულებული გავხდი ბავშვით ხელში ფანჯრიდან გავპარულიყავი. ნერვიულობისგან რძეც გამიშრა. სახლში გონდაკარგული ქმარი დამიხვდა. თურმე, უკვე კარგა ხა-

ნია ნარკოტიკებზე „იჭდა“. უკანასკნელი ათი ლარიც წამალში დახარჯა - ბავშვის საკვების საყიდლად გავიდა და დაიკარგა. მერე გავიგე, რომ ჭიათურაში სხვა ქალთან წაბრძანებულა. მხოლოდ ერთი თვის შემდეგ დაბრუნდა. დედაჩემი წინააღმდეგი იყო, მაგრამ ძალიან მიყვარდა და ჩემად ვხვდებოდი. მერე ძმებმა რუსეთში წაიყვანეს. დამპირდნენ, რომ მოგვიანებით მეც წამიყვანდნენ, მაგრამ მას შემდეგ აღარ გამოჩენილა. ასე დავრჩი მარტო ცხრამეტი წლის ასაკში შვილთან ერთად. რაც დრო გადიოდა, გოგონა სულ უფრო ემსგავსებოდა მამამისს. ეს ჭკუაზე მშლიდა. ერთხელ მეგობრებმა წამალი შემომთავაზეს - ცოტა გუნებაზე მოვიყვანსო და... ამის შემდეგ დაიწყო... ყველაფერი გავყიდე... სულ უკხო ხალხსაც კი ფულს ვძალავდი. უკვე ყველა მერიდებოდა. ათიოდე წლის შემდეგ მიხვდი, რომ უნდა გავჩერებულიყავი. კარგ კაცზე გავთხოვდი და მალე კიდევ დაგფეხმძიმიდი. სამშობიაროში ნარკოზი დამჭირდა. როდესაც ნორმალურმა დოზამ არ იმოქმედა, ექიმები მაშინვე ყველაფერს მიხვდნენ. დღესაც მახსოვს მათი ზიზღით საეხე თვალები... მშობიარობის შემდეგ საკაცებზე საქონელივით დამაგდეს და არც ბავშვის დაბადება მომილოცეს. რაც ორგანიზაცია „ქსენონს“ მივმართე, ბევრი რამე შეიკვალა. ახლა ბიჭი რვა წლისაა, ხოლო გოგონა - ჩვიდმეტის. ვცდილობ კარგი დედა ვიყო და თავსაც მიხვებო. ბავშვებს უნდათ რომ ლამაზი დედა ჰყავდეთ...“

საზოგადოების მხრიდან დემონიზაციის გამო ნარკომომხმარებელი ქალების თემი მამაკაცების თემთან შედარებით უფრო ჩაკეტილია და საუბარზეც უფრო იშვიათად თანხმდებიან. ძალიან მინდოდა ავტორ-ქალბატონებს გავცნობოდი, მაგრამ მათ უჩინრებად დარჩენა ამჯობინეს. გასაუბრებისას ხშირად ირკვევა, რომ ნარკოტიკებს პარტნიორმა - ნარკომომხმარებელმა მამაკაცმა აზიარა. მამაკაცი ქალს ხანდახან განგებ „სვამს“ ნარკოტიკზე, რომ მერე ქუჩაში სამეძაოდ გაუშვას და მორიგი დოზისთვის ფული ამ გზით იშოვოს. პარტნიორის მხრიდან ასეთი მანიპულატორულ-მომხმარებლული დამოკიდებულების მიუხედავად, ქალი მაინც ცდილობს მის შენარჩუნებას, ვინაიდან მამაკაცის გარეშე ნარკოტიკს არაფერ მიჰყიდის. არასაიმედოდ თვლიან - მაინც ქალია და თუ ჩავარდება, ყველაფერს დაფექვავსო. ანუ პატრიარქალური სტიგმა თავად ნარკომომხმარებლებსაც შორის აქტუალურია. ნარკომომხმარებელი ქალი ხშირად ინფექციებზე გამოკვლევასაც კი თავს არიდებს, ვინაიდან დადებითი პასუხის შემთხვევაში მამაკაცი მიატოვებს და ნარკოტიკთან მისასვლელი გზა გადაეკეტება.

2008 წელს „ზიანის შემცირების ქსელმა“ ნარკომომხმარებელ ქალთა გამოკითხვა ჩაატარა. თანამშრომლობაზე სოციალურად ნაკლებად დაცული ფენების წარმომადგენელნი დათანხმდნენ (35% სექს-სერვისში საქმიანობდა). გაირკვა, რომ ნარკომომხმარებელი ქალები სამედიცინო კლინიკებს და ზიანის შემცირების სერვისებს ვერ აკითხავდნენ, ვინაიდან თანამშრომელთა მხრიდან ნეგატიური რეაქციის ემინოდათ. არცთუ უსაფუძვლოდ: იყო შემთხვევები, როდესაც სტიგმით შეპყრობილი ექიმები არ უწევდნენ ხარისხიან მომსახურებას, თანაც ინფორმაციას პოლიციას აწვდიდნენ. გამოკითხულთა 30,5%-მა განაცხადა, რომ სამართალდამცავნი ნარკომომხმარებელ მამაკაცებზე უფრო სასტიკად მათ სდევნიდნენ. 19,5% უხემ მოპყრობას უჩიოდა. ხოლო 14%-ს პოლიციელებმა, სექსუალური მომსახურების სანაცვლოდ, ექსპერტიზიდან განთავისუფლება შესთავაზეს. ნარკომომხმარებელი ქალის მიმართ დამოკიდებულება გენდერული ნიშნით დისკრიმინაციის ფართო

სპექტრს წარმოგვიდგენს. საზოგადოება მას, ფაქტობრივად, ადამიანთა უფლებების სფეროდან აძევებს, თან უზნეო ბავშვივით თითს უქნევს: „ცუდი გოგო ხარ, ახლავე წადი და დადექი კუთხეში!“; თვითსტიგმატიზირებული ქალიც დატუქსული ბავშვივით პასუხობს: ჰო, ძააააააალიან ცუდი გოგო ვარ, უკვე მივდივარ! და... მართლაც კუთხეში იტუზება! **ფსიქო-სოციალური ინფორმაციის და კონსულტაციის ცენტრის „ახალი გზა“ ხელმძღვანელის, დალი უშარაძის დაკვირვებით**, ზოგი წარკომომხმარებელი ქალი, პირიქით, თავს კიდევ იწონებს: „აუ, ცხენის ღოზებით ვკაიფობდი!“, „იცი რა ხალხთან ერთად გამიკეთებია?!“. წიგნის ავტორის აზრით, ესეც დოინტეგრირებული „ბავშვის“ პოზაა.

საინტერესო დეტალი: ისეთი შემთხვევებიც არსებობს, როდესაც წარკომომხმარებელი ქმარი თავად ჩართულია ჩანაცვლებითი თერაპიის პროგრამაში, ცოლს კი სათოფეზე არ აკარებს და... ნარკოტიკით ამარაგებს; ანუ საკუთარ თავს შველის, ხოლო ქალს კი უფრო ღრმად ძირავს. მიზეზი გამაოგნებელია - აქაოდა, პროგრამაში რომ ჩაერთოს, გაიგებენ რომ ნარკოტიკზე მის და ოჯახს „თავი მოეჭრებაო“. საკუთარი ნარკოდამოკიდებულება ოჯახისთვის „თავის მოჭრად“ არ მიაჩნია. ესეც დისკრიმინაციის ძალზე თვალსაჩინო დადასტურებაა.

გზა თვითგადარჩენისკენ

როგორც უკვე აღინიშნა, წარკომომხმარებელ ქალს ხშირად თავადაც სჯერა, რომ უღირსი ადამიანია და პროტესტის უფლება არა აქვს. ფსიქოლოგის ძირითადი მიზანი ამ მტანჯველი კომპლექსის „დემონტაჟია“. ამისთვის აუცილებელია წარკომომხმარებელ ქალთა პრობლემების საფუძვლიანი შესწავლა. **ხუთწლიანი პროექტი „იმედი“ 2009-2014 წ.წ-ში აშშ-ს ჯანდაცვის ინსტიტუტებისა** და მათ დაქვემდებარებაში მყოფი **წამალდამოკიდებულების ინსტიტუტის** დაფინანსებით განხორციელდა. პროექტის ერთ-ერთი მთავარი მიზანი იყო წარკომომხმარებელ ქალთა შემოქმედებითი შესაძლებლობების გამოვლენა-განვითარება. საკუთარ თავში შემოქმედებითი უნარების აღმოჩენა მათ თვითშეფასებას მკვეთრად უმაღლებს და ნარკოდამოკიდებულების დაძლევაში ეხმარება. მუშაობა რამდენიმე მიმართულებით წარიმართა: ჩაღრმავებული ინტერვიუები, ზიანის შემცირებისა და სამედიცინო სერვისების ხელმისაწვდომობა, აგრეთვე - ინფექციების კუთხით სარისკო ქცევის შემცირება. ჩაინერა ორმოცდათხუთმეტი ინტერვიუ: თხუთმეტი **თბილისში**, ოცი **გორში**, თხუთმეტიც დასავლეთ საქართველოს ქალაქებში (**ფოთში, ბათუმში, ზუგდიდში**).



ინტერვიუ **ირმა კირთაძესთან (დამოკიდებულების კვლევის ცენტრის „ალტერნატივა - ჯორჯია“ მკვლევარი, პროექტის კოორდინატორი)** ზემოთაღნიშნული კვლევის განხორციელების პერიოდში ჩავინერე:

- პირველ რიგში, გვანტერესებდა, რატომ იმალებიან და არ სარგებლობენ მათზე ორიენტირებული სერვისებით, რა უშლით ხელს მკურნალობის ჩატარებაში და ა.შ. სერვისების

მუშაკთა მხრიდან ანტიპათია მნიშვნელოვანი ბარიერია. როდესაც სერვის-პროვაიდერებს შევთავაზებთ, სამი ზედსართავით დაეხასიათებინათ მომხმარებელი ქალები, მცირე პოზიტივიც კი არ დაფიქსირდა. თვითშეფასების ამალღლებას თვითსტიგმატიზაციის დასაძლევად გადამწყვეტი მნიშვნელობა აქვს. მომხმარებელ ქალებს ვასწავლიდით თავის მოვლა-გალამაზებას: მაკიაჟის დადების წესებს, ფრჩხილების მოვლას; ვუტარებდით მძივებისაგან და სხვა მასალებისაგან სამკაულების კეთების, ტანსაცმლის გაფორმება-გადაკეთების და თექაზე მუშაობის გაკვეთილებს. ვერც კი წარმოიდგენთ, რამხელა სტიმულია ამ ადამიანებისათვის დასრულებული ნამუშევრის ხილვა, რომელიც ასეთი ლამაზი და მშვენიერია! არა აქვს მნიშვნელობა მძივია ეს, სამაჯური, თმის სამაჯრი, თუ სხვა რამე, საკუთარ თავში სილამაზის შექმნის უნარის აღმოჩენა თვითშეფასებას ამალღლებს და, შესაბამისად, თვითდარწმუნებულობასაც ავითარებს. თავდაპირველად პროექტში თექა არ ყოფილა გათვალისწინებული, მაგრამ, როცა ერთი ქალბატონის ხელით შექმნილი სილამაზე დავინახეთ, გადავწყვიტეთ რეკრეაციული აქტივობის პედაგოგად აგვეყვანა.

– პროექტის განხორციელების პროცესში სამართალდამცავებთან შეხება არ მოგინათ?

– როდესაც ამნისტია გამოცხადდა, იუსტიციის სამინისტროდან თავად მოგვმართეს: ამდენი ხალხი გამოვიდა, არ იციან სად წავიდნენ, იქნებ რამე გვირჩიოთო. არსებული სერვისებითაც დაინტერესდნენ. ცხადია, ჩვენი კარი ღიაა ციხიდან გამოსული ყველა ნარკომომხმარებელი ქალბატონისთვის, მაგრამ, სამუხუაროდ, პროექტის რესურსები შეზღუდულია და პროგრამაში ყველა მსურველს ვერ ჩავრთავთ; ამიტომ, ჩვენი ორგანიზაციის კუთვნილი ტექნიკის ბაზაზე, ქალებს კომპიუტერის შესწავლას ვთავაზობთ. მყავს არაჩვეულებრივი მეგობრები, რომლებიც მზად არიან ქალებს უფასო სამედიცინო კონსულტაცია გაუწიონ თერაპიის, კარდიოლოგიის, რეპროდუქტოლოგიის, გინეკოლოგიის და სხვა მიმართულებებით. აგრეთვე, ვგეგმავთ პიკნიკური ტიპის გასეირნებებს; შევაგროვებთ ფოტოებს და მხატვრულ ნამუშევრებს შევქმნით. მოვანწყობთ ფილმების ჩვენება-განხილვას და სხვა. ჩვენი მიზანია შევქმნათ ისეთი ადგილი, სადაც მომხმარებელ ქალებს თავისუფლად მოსვლა შეეძლებათ. გვინდა ნელნელა მოგვეჩვიონ, მდგომარეობიდან გამოვიდნენ და სერვისებს მიმართონ. კვლევის შედეგად დავრწმუნდით, რომ მინიმალური ყურადღებაც კი აშკარა ეფექტის მომცემია.

– თქვენი საქმიანობა, ალბათ, დასაქმების შესაძლებლობასაც ქმნის?

– გააჩნია კონკრეტულ შემთხვევას. ჩვენი მხრიდან ვეხმარებით დასაქმებისათვის აუცილებელი ისეთი უნარების ათვისებაში, როგორცაა: რეგიუმეს დაწერა, ინტერვიუს დროს თავის წარმოჩენა, სამუშაოს შოვნის შემთხვევაში მისი შენარჩუნების ტაქტიკა და ა.შ. არჩევნების პერიოდში ერთი ქალი ეუთო-ში დამლაგებლად დავასაქმეთ. მისმა გულწრფელობამ დამქირავებლებზე დადებითი შთაბეჭდილება მოახდინა: არ დაუშალავს, რომ კანონთან პრობლემები ჰქონდა: შეიღებისთვის კარაქი მოიპარა. დღეში, თუ არ ვცდები, 34 ევრომდე უხდიდნენ.

– თავად ქალები როგორ აფასებენ კვლევის პროცესში შექმნილ გარემოს?

– ყოველ ჯერზე ძალზე პოზიტიური შეფასებები მოგვცეს. განსაკუთრებით დააფასეს კონფიდენციალურობის მომენტი. აღნიშნეს, რომ ჩვენთან შექმნილია თბილი, ჭეშარიტად ქალური გარემო, სადაც შეუძლიათ მოღუნდნენ, იყონ ის, რაც

არიან და ამისთვის არ გაიკიცხებიან. პრაქტიკა გვაჩვენებს, რომ ყველა ქვეყანაში მომხმარებელი ქალი მეტ-ნაკლებად სტიგმატიზირებულია; ოღონდ სხვადასხვა ჭრილში და სხვადასხვა ხარისხით. სწორედ ამიტომ ურჩევნიათ ქალური გარემო. მოგვსენებათ: ქალი ქალთან საუბრობს სხვანაირად, ვიდრე კაცი – კაცთან. მსოფლიო გამოცდილებამაც აჩვენა, რომ ყველაზე ეფექტიანია მიდგომა: „ქალი – ქალთან და ქალი – ქალისთვის“. ჩვენ გვინდოდა სწორედ ამ მოდელის ტესტირება და შეფასება. აღმოჩნდა, რომ ქალთა ორივე ჯგუფში „იმუშავა“. ორგანიზაციის მიერ ჩატარებული კვლევის პროცესში აღმოჩნდა, რომ საზოგადოებაში ასე აუგად მოხსენიებული ნარკომომხმარებელი ქალი ხშირად ძალიან კარგი დედაა, რომელსაც თავის სენი ყოველთვის უდიდეს ბარიერებს უქმნის. ინტერვიუებში სწორედ ამას ამბობდნენ: ექვს საათამდე უნდა მომესწრო და თავი მომეწესრიგებინა, რომ მერე ბავშვის მოვლის, მასთან თამაშის თავი მქონოდა; ბავშვი უგუნებობას რომ გამჩნევს, თავადაც დარდობსო. აბსოლუტურად ყველა ინტერვიუში ბავშვის გაჩენის სურვილი ახალი ცხოვრების დაწყების მცდელობასთან იყო დაკავშირებული. ორგანიზაციის მუშაკთა დასკვნის თანახმად, დედობა ნარკოდამოკიდებულების დაძლევის ყველაზე ძლიერი სტიმულია.

ცნობისთვის: 2012 წელს ორგანიზაციამ „ნაბიჯი მომავლისაკენ“ ნარკომომხმარებელ ქალთა მორიგი გამოკითხვა ჩაატარა. რესპოდენტთა 79%-მა ძალზე მნიშვნელოვნად მიიჩნია ნარკოდამოკიდებულ ქალთა პროფესიული სწავლება, 24%-მა – თავშესაფრების ორგანიზება, 21%-მა – საბავშვო კუთხეების მონაწილეობა (გამოკითხულთა 2/3-ს შვილები ჰყავდა).

მომხმარებელ ქალთა უფლებების დამცველი ორგანიზაცია „აკესო“-ს ხელმძღვანელი ეკა გარდაფხაძე გემოთმოხსენიებული პროექტის ფარგლებში ბენეფიციარ ქალებს თემაზე მუშაობას ასწავლიდა. ნარკოტიკების მოხმარება სულ ახალგაზრდამ დაიწყო - ქმრის გავლენით. მაგრამ როცა დამოკიდებულების დაძლევა მოახერხა, ნარკოტიკებს დაუძინებელი ბრძოლა გამოუცხადა. ეკა გარდაფხაძის აზრით, აუცილებელია კონკრეტულად მომხმარებელ ქალებზე ორიენტირებული სერვისების ორგანიზება, ვინაიდან მათ თავშესაფრებში არ უშვებდნენ. ამ დროს, ქალს ხშირად წასასვლელი არსად აქვს. მომხმარებელ ქალთა ცენტრში თბილი, ოჯახური გარემო უნდა იყოს შექმნილი. იქ ისეთი ადამიანები უნდა მუშაობდნენ, ვისაც ეს გზა თავადაც გავლილი აქვს, ვინაიდან მომხმარებელი ქალი მათთან უფრო მივა. გარდაფხაძის სიტყვით, ჩამნაცვლებელი თერაპიის ცენტრებშიც არაერთმნიშვნელოვანი სიტუაციაა. ქალი იქ რომ შევა, მერე მასზე ორმოცდაათი კაცი ჭორაობს და აგინებს. პარადოქსია, მაგრამ მამაკაცი, რომელიც ნარკოტიკებთან „მეგობრობს“, ხშირად იმავე ჩვევისთვის ქალს უხამსად განიკითხავს. ესეც მასკულინიზირებული სექსიზმის გამოვლინებაა.

პარალელი: პატიმარი ქალებიც გაორმაგებულ საზოგადოებრივ წნეხს განიცდიან. სწორედ ამიტომ მამაკაცებზე ბევრად მეტად უჭირთ მათთვის განკუთვნილი სერვისების მისაღებად მიმართვა. პატიმარ მამაკაცებს ოჯახი შედარებით იშვიათად ენგრევათ. პატიმარ ქალს კი მეუღლე (ხშირად მთელი ოჯახიც) ზურგს აქცევს და ციხიდან გამოსვლის შემდეგ წასასვლელიც კი არსად აქვს. „ყოფილი მსჯავრდადებულის“ დამლა ქალს დამანგრეველ თვითსტიგმას უყალიბებს: „მე სამსახურში ვინლა ამიყვანს?“, „რას წარმოვადგენ ახლა მე?“ და ა.შ. პარალელები აშკარაა. ამის მიზეზი გახლავთ ისევე და ისევე პატრიარქალური სტიგმა, რომლის

თანახმად, „ქალის ცოდვა უფრო მძიმეა“. უფლებადამცველი მანანა ჯინჭარაძე ასეთ ფაქტს იხსენებს: ქალს თავის საქმიანობაში გადაცდომა მოუვიდა და ციხეში აღმოჩნდა. რამდენიმე წლის შემდეგ დაბრუნდა და... ოჯახმა არ მიიღო! არც ქმარმა და არც შვილებმა. ამ წლების მანძილზე შვილებს მეზობლებმა იმდენი აძახეს - საზიზღარი დედა გყავთ, ყველაფერი სიხარბით მოუვიდაო, რომ სულ შეაძულეს. ქალმა „ძალადობისგან დაცვის ეროვნულ ქსელს“ მიმართა. სპეციალისტები ძალიან ცდილობდნენ შვილებისთვის დედისგან მიღებული სიკეთეები გაეხსენებინათ. აეხსნათ, რომ ადამიანს შეიძლება შეცდომა მოუვიდეს. გოგონას მოუხერხეს რაღაც, მაგრამ ბიჭმა მათი არგუმენტები არ მიიკარა. „დარწმუნებული იყავით, რომ იმავე სიტუაციაში მამას მიიღებდნენ. ნაციხარი მამები რომ ბრუნდებიან, ოჯახი ლამის აღფრთოვანებით ხედება“ - ამბობს მანანა ჯინჭარაძე.

თანადამოკიდებული ქალის სინდრომი

ნარკომომხმარებელი ქალების გენდერულ პრობლემებთან დაკავშირებით, თანადამოკიდებულების სინდრომსაც უნდა შევხვით. თანადამოკიდებულებას უწოდებენ მტანჯველ ფსიქოლოგიურ მდგომარეობას, რომელიც ნარკოდამოკიდებულთა ახლობლებს უვითარდებათ. იგულისხმება ავადმყოფური ემოციური მიჯაჭვულობა ნარკოდამოკიდებულზე და მისი პრობლემებით ცხოვრება. ანუ თანადამოკიდებულება ნარკოდამოკიდებულის პრობლემების საკუთარ თავზე ნებაყოფლობით აღებაა. ოჯახის წევრთა ამ სენით დაავადება, როგორც წესი, დედიდან იწყება, ვინაიდან, უფრო ხშირად, პირველი ის იგებს შვილის პრობლემის შესახებ. მერე, თანდათანობით, თანადამოკიდებულებაში ოჯახის დანარჩენ წევრებსაც ჩაითრევს. ნარკოდამოკიდებული ადამიანი ოჯახის ცენტრი ხდება - ყველაფერი მის გარშემო ტრიალებს. ოჯახი ყოველდღე მტანჯველი შიშითაა შეპყრობილი: სად არის? როგორ გრძნობს თავს? ხომ არ დაიჭირეს? რამე ხომ არ შეემთხვა? დედების და პარტნიორი ქალების შემთხვევაში თანადამოკიდებულება უფრო ფატალურ ფორმას იღებს; ანუ ესეც გენდერული კვლევის სფეროა.

ამ თემაზე მუშაობისას დავრწმუნდი, რომ, ფსიქოლოგიური თვალსაზრისით, თანადამოკიდებული ადამიანი ნარკოდამოკიდებულზე ბევრად უფრო მძიმე დღეშია: ნარკოდამოკიდებულებს ხშირად უპრობლემოდ ვიყოლიებდი ინტერვიუზე, თანადამოკიდებულთა შემთხვევაში კი ყრუ კედელს წავაწყდი: ზოგმა მაშინვე უარი განაცხადა, ზოგი ჯერ დამთანხმდა, მერე კი გადაიფიქრა; ერთი ქალბატონი ანონიმურ სატელეფონო ინტერვიუზე თითქოს დავითანხმე, მაგრამ მერე დაიმაღა და ზარზე აღარ მიპასუხა. საბოლოოდ, ნარკომომხმარებლის პრობლემებზე მომუშავე არასამთავრობო ორგანიზაციის თანამშრომელი გამესაუბრა. მას თავად ჰყავს ნარკოდამოკიდებული შვილი და კარგად ესმის საზოგადოების სრულფასოვანი ინფორმირების მნიშვნელობა. საზოგადოებისგან არაადეკვატური რეაქციის თავიდან ასაცილებლად ქალბატონმა ანონიმად ყოფნა არჩია.

ლ.კ. (ფსიქოთერაპევტი):

– მშობლები, ზოგადად, სირაქლემას პოზიციას ამჯობინებენ. ჰგონიათ, თუკი

ვერაინ გაიგებს - ამაყად ივლიან. თანადამოკიდებული მთლიანად იძირება დამოკიდებულის პრობლემებში და ბოლომდე იზიარებს მის განცდებს. თქვენ წარმოიდგინეთ, ხშირად მის გარეშე ფიზიკურადაც კი ვერ ძლებს – რა ტანჯვა-წამებაც არ უნდა შეამთხვიოს, მაინც მის გვერდით ყოფნა უნდა. დანაშაულის განცდაც კი უჩნდება: რაღაც გამომრჩა, ვერ მოვუარე და ამ უბედურებაში ლომის წილი ჩემზე მოდისო. ამის გამო კიდევ უფრო მიჭაჭვული ხდება. თანადამოკიდებულები ისაღმე მიდრეკილება ადამიანის პიროვნულ და სოციალურ მონყვლადობაზე დამოკიდებული. ისტორიულად, ორივე თვალსაზრისით, უფრო მონყვლადი ქალია; ამიტომ უფრო ადვილად და ძლიერად ხდება თანადამოკიდებული. თუ დამოკიდებულთან ინტიმურ თანაცხოვრებაშია, კიდევ უფრო იოლად გადაეშვება თანადამოკიდებულების მორევში. დისჰარმონიულ ოჯახში გაზრდილი ქალის ფსიქიკა კიდევ უფრო სუსტია და თანადამოკიდებულებაც იოლად უვითარდება. არის კიდევ ერთი ფაქტორი: საქართველოში შვილების აღმზრდელი და ძირითადი პასუხისმგებელი დედაა. ეს საოჯახო როლების ტრადიციული განაწილებიდან მოდის: ბავშვმა რაღაც დააშავა? ე.ი. დედამ ვერ გაზარდა! შვილის ნარკოდამოკიდებულების შემთხვევაშიც მას უფრო ადანაშაულებენ. მათ შორის, თანადამოკიდებული მამაც – შენ ვერ მიაქციე ყურადღებაო. დედაც იღებს საკუთარ თავზე პასუხისმგებლობის ძირითად სიმძიმეს, რაც გამანადგურებელ განცდებად უბრუნდება. სწორედ ამიტომაც ასე ჩაკეტილი. ჩემი შვილის ამბავში მე და ჩემი მეუღლე თანაბრად ვართ დამნაშავენი, მაგრამ ჩემნაირად ნამდვილად არ განიცდის. ამ დარგის სპეციალისტი ვარ და ყველა ეს მექანიზმი კარგად მაქვს გააზრებული; მიუხედავად ამისა, დანაშაულის განცდა მაინც ვერ მოვიშორე.

- ნარკოდამოკიდებულება ქრონიკული სენია. თანადამოკიდებულებამაც იგივე ითქმის?

– ღიას, თანადამოკიდებულებაც ქრონიკული სენია. მისი მიმდინარეობა ნარკოდამოკიდებულის მიერ ნარკოტიკის მოხმარების რიტმზე აწყობილი. თუკი რემისიამიღებული ნარკოდამოკიდებული მოხმარებას დაუბრუნდა, ემოციურად მასზე მიჭაჭვული ადამიანის შემთხვევაშიც თანადამოკიდებულების რეციდივი მოხდება. შიში ერთი ნუთითაც არ გმორდება. ამჟამად ჩემი ვაჟი ციხეშია და ნარკოტიკებზე ხელი არ მიუწვდება, მაგრამ დარდი მაინც არ მინელდება. იცით, როდესაც მის საყვარელ კერძს ვამზადებ, ცრემლებს ვერ ვიკავებ... სულ ვფიქრობ, ნარკოტიკები რომ არა, ახლა სახლში დაბრუნდებოდა, დავახვედრებდი და ესიამოვნებოდა.

- თანადამოკიდებულები თავისი პრობლემის გამჟღავნებას დამოკიდებულებზე მეტადაც კი გაურბიან. რა არის ამის მიზეზი?

– ნარკოდამოკიდებული ნარკოტიკზეა გადართული; საზოგადოებისა და ოჯახის წინაშე პასუხისმგებლობის გრძნობა დაქვეითებული აქვს; ამდენად, დანაშაულსაც ნაკლებად აცნობიერებს. თანადამოკიდებულისთვის კი ეს მთელი ოჯახის სირცხვილია. ამიტომ სირცხვილის და დანაშაულის განცდა გამძაფრებულია.

- იქნებ ეს ჩვენი კულტურის კოლექტივისტური საწყისებიდანაც გამომდინარეობს? დასავლეთის ინდივიდუალისტურ კულტურაში თანადამოკიდებულნი ტელეკამერის წინ ღიად საუბრობენ თავის პრობლემებზე...

– სწორედ ამით განსხვავდება ქართული მენტალობა, მაგალითად, ამერიკულისაგან. იქ თანადამოკიდებულს ღიად საუბარი არ უჭირს და თავად აკითხავს

თვითდახმარების ჯგუფს. ქართველებს კი ჯგუფში ჩართვაც უჭირთ. მათ დასათან-
ხმებლად ინდივიდუალური მუშაობა მჭირდება - საშუალოდ ერთი-ორი თვე მაინც.
შიშობენ, რომ ჯგუფში, შესაძლოა, ნაცნობს გადააწყდნენ. ასეთი შემთხვევები კიდევ
მომხდარა და ეს დაბრკოლებად იქცა – ნავიდნენ და აღარ გამოჩენილან. ერთი
ცნობადი სახე ჯგუფში ჩართვაზე საერთოდ ვერ დავითანხმე. თანადამოკიდებულთა
სულ ცოტა 70% „სირაქლემას პოზიციას“ არჩევს.

**ჩვენს კულტურაში მეტ ჩაკეტილობას თანადამოკიდებული მამაკაცები ავლენენ.
ლ.კ. ხაზგასმით აღნიშნავს, რომ მათი ჯგუფში მუშაობაზე დაყოლიება ძალზე ძნელია;
კატეგორიულად არ სურთ იმის დანახვა, რომ რაღაც სჭირთ და გამოჯანმრთელე-
ბაზე უნდა იზრუნონ. ნარკომომხარების სფეროში უამრავი გენდერული ნიუანსია,
რაც სიღრმისეულ კვლევას საჭიროებს. ამის გარეშე ეფექტიანი ნარკოპოლიტიკის
შემუშავება, უბრალოდ, შეუძლებელია.**

თავი პირველი

ტრანსბუნდური კლასიკები

საქართველოში

მე - „მეს“ წინააღმდეგ

„ერთმა ღვთისმსახურმა მითხრა, რომ არ მეონდა სქესის შეცვლის უფლება: ღმერთმა ასეთი გაგაჩინა, როგორც ჩანს, წინაპართა ცოდვების გამო ისჯები. ამიტომ სიცოცხლის ბოლომდე უნდა იტანჯო. ამ აზრს ვერ დავეთანხმები. დავუშვათ, მართლაც წინაპართა ცოდვებმა მიწია. მაგრამ ტრანსსექსუალიზმის ვარდა სხვა თანდაყოლილი ფიზიკური პათოლოგიებიც არსებობს და გამოდის, რომ მათი კორექციაც დაუშვებელია. მაგალითად, დაიბადა ბავშვი ღორის ღინვით, ან ცალი ყურით, გაიზარდა და გადანყვითა თავისი დეფექტის გამოსწორება. ამ დროს რომ მოვიდეს ღვთისმსახური და უთხრას: შვილო ჩემო, წინაპართა ცოდვებისთვის ისჯები და სიკვდილამდე ასე უნდა იტანჯო, რამდენად მართებული იქნება? ტრანსსექსუალში ფსიქოლოგიური სქესი არ ემთხვევა ბიოლოგიურს. ეს არის კაცი ქალის სხეულში, ან პირიქით. თუ ანატომიური ქალი ფსიქოლოგიურად მამაკაცია, მაშინ მისი ჭეშმარიტი სქესი მამრობითია. ჩემს შემთხვევაშიც სწორედ ასეა - მე მამაკაცი ვარ!!! ჩვენს საზოგადოებას უჭირს ტრანსსექსუალთა პრობლემების გაგება, რადგან საკმარისად ინფორმირებული არ არის. თავად რომ ტრანსსექსუალი არ ვიყო, მეც გამიჭირდებოდა - საზოგადოებაში გამეფებული მახინჯი აზრი არ მომცემდა ამის საშუალებას. ტრანსსექსუალები არიან არა გარყვნილი, ან სულიერად დაავადებული ადამიანები, არამედ გატანჯული ხალხი, რომელსაც თანადგომა სჭირდება. ტრანსსექსუალის ქვეცნობიერში უკვე ბავშვობიდან იწყება მტანჯველი ბრძოლა სულსა და სხეულს შორის. ის ნელ-ნელა აცნობიერებს, რომ „უცხო“ სხეულში იმყოფება. თავდაპირველად ეს მსუბუქი განცდაა, რომელიც თანდათან ძლიერდება და პიკს სქესობრივი მომწიფების ასაკში აღწევს. მეორეული სქესობრივი ნიშნების ჩამოყალიბება ტრაგედიად იქცევა. ზოგიერთი ასეთ ტკივილიან ცხოვრებას თვითმკვლელობას ამჯობინებს. მაგრამ არიან ისეთებიც, რომლებიც განავრძობენ ბრძოლას თავის ანატომიურ სქესთან. ბიოლოგიური და ფსიქოლოგიური ბუნების ანტაგონიზმის გამო ტრანსსექსუალში თვითგანადგურების პროგრამა ჩადებული... საზოგადოების მტრული დამოკიდებულება კიდევ უფრო ამძიმებს მის მდგომარეობას.“

ეს ტრანსგენდერი მამაკაცის **ნ.ჩ-ს** მოსაზრებებია, რომელიც **2001 წელს** ჩავიწერე. ადამიანებს, რომელთა ბიოლოგიური სქესი ფსიქოლოგიურს არ ემთხვეოდა, მაშინ **ტრანსსექსუალებს** ეძახდნენ. ანუ ტრანსსექსუალი იყო ქალი მამაკაცის სხეულში, ან პირიქით. ახლა, მკვლევართა დიდ ნაწილს, ტერმინი „ტრანსსექსუალი“ მოძველებულად მიაჩნია და **„ტრანსგენდერულ იდენტობას“** იყენებს. **იდენტობაში** იგულისხმება ადამიანის წარმოდგენა საკუთარ „მე“-ზე, რომლის მიხედვითაც თავს გარკვეულ სოციალურ ჯგუფს მიაკუთვნებს. მაგალითად, სახელმწიფოს, ეროვნებას, ასაკობრივ კატეგორიას, სქესს, და ა. შ. ტრანსგენდერული იდენტობის შემთხვევაში, ბიოლოგიური მამაკაცი, ფსიქოლოგიური თვალსაზრისით, თავს ქალად გრძნობს, ხოლო ბიოლოგიური ქალი - მამაკაცად.

აი რას წერს **ექიმი-პრაქტიკოსი მიაი ჭავჭავანიძე**:

„ზოგიერთი ტრანსგენდერული იდენტობის ინდივიდი პირდაპირ ამბობს, რომ არ იცის როგორ მოხდა მის ტვინში სქესის შეგრძნების ჩამოყალიბება, მაგრამ სქესთან დაკავშირებული პირველი განცდა იყო ვაკვირება, რატომ მიაჩნდათ ის საპირისპირო სქესის წარმომადგენლად, თორემ თვითონ საკუთარ ფსიქიკურ სქესში ეჭვი არასოდეს შეჰპარვია ანატომიური „შეუსაბამობის“ მიუხედავად“.

(„კლინიკური სექსოლოგიის პროპედევტიკა“ თბილისი 2014 გვ. 261).

სწორედ ამ დღეში აღმოჩნდა ნ.ჩ ღრმა ბავშვობაში, როდესაც საკუთარი თავის და სამყაროს გაცნობიერება დაიწყო. დედას მისი განცდები ფსიქიკური გადახრა ეგონა. შვილი კი ჯიუტად ეძებდა კითხვებზე პასუხს და სპეციალურ ლიტერატურას კითხულობდა.

- ასეთი წიგნების კითხვა სულ ვაგაგიუებს! - წუხდა დედა.

- ამის კითხვა კი არაა, უცოდინრობა ვამაგიუებს - პასუხობდა შვილი.

დედას „გოგონა“ ფსიქიატრებთან დაჰყავდა, ისინი კი ძლიერმოქმედ პრეპარატებს უნიშნავდნენ. ერთხანს, წამლებით მოშხამული, ლოგინადაც კი ჩავარდა. ბოლოს, დედის დასამშვიდებლად, „ჭკუაზე მოვიდა“, კაბა ჩაიცვა და ქალობა სცადა. იმასაც კი ამბობდა - უნდა გავთხოვდეო და თავადაც ზარავდა საკუთარი სიტყვები. ექვსი წელი ეკლესიურად იცხოვრა; ჰყავდა მოძღვარი, რომელიც განზრახვას უწონებდა. ამასობაში დედა გარდაეცვალა, მამა უფრო ადრე დაეღუპა და სულ მარტო დარჩა. ქალის სხეულში ცხოვრება აღარ შეეძლო და, თითქოს, არც გამოსავალი ჩანდა. სწორედ ამ დროს ერთ-ერთი გაზეთიდან შეიტყო სქესის შეცვლის შესაძლებლობის შესახებ და **კლინიკა „მედლაინს“** მიაკითხა. სპეციალისტები წელიწადნახევრის განმავლობაში აკვირდებოდნენ. ჩაუტარდა საფუძვლიანი ფსიქიატრიული ექსპერტიზა და **ჯანდაცვის სამინისტროსთან** მაშინ არსებულმა **ბიოეთიკის კომისიამ** დადებითი დასკვნა გამოიტანა.

სქესის კორექციის პირველი ქირურგიული ოპერაცია საქართველოში სსრკ-ს პერიოდში ჩატარდა. საბჭოთა სამოქალაქო კოდექსი ითვალისწინებდა ახალი პასპორტის აღებას ჭეშმარიტი სქესის შესაბამისი ჩანაწერით. დამოუკიდებელი საქართველოს სამოქალაქო კოდექსში შესაბამისი პროცედურა არ იყო გათვალისწინებული. **ნ.ჩ.** საქართველოდან ისე გაემგზავრა, რომ ამ პრობლემის მოგვარება ვერ მოახერხა. მას შემდეგ ამ ყმანვილზე აღარაფერი მსმენია.

საზოგადოებას წარმოდგენა არ აქვს, რა არის ტრანსგენდერული იდენტობა და სტიგმით გაჯერებული მითების ტყვეობაშია. ტრანსგენდერი ადამიანების დემონიზაციის შედეგია: აქტიური დაბუღინგება, სოციალური თვითრეალიზაციისთვის ხელის შეშლა და ფიზიკური აგრესია; ზოგჯერ კი ფიზიკური განადგურებაც. იგივე ხდება ჰომოსექსუალთა შემთხვევაშიც. ყველას კარგად გვახსოვს 2013 წლის 17 მაისის აქციის წინააღმდეგ აზვირთებული სიტუაციის ცუნამი. „ქალთა ინიციატივების მხარდამჭერი ჯგუფის“ აღმასრულებელმა დირექტორმა ევა ალდგომელაშვილმა, იმავე დღეს, ეს საკითხი „ნეტგაზეთში“ დააკომენტარა. ექსპერტმა მიუთითა საზოგადოებრივ რისკებზე, რომელსაც სიტუაციით მოტივირებულ დანაშაული განაპირობებს. იგი მხოლოდ ერთი ადამიანს, ან კონკრეტულ ჯგუფს კი არ უქმნის

საფრთხეს, არამედ, შესაძლოა, სამოქალაქო დაპირისპირებაც კი გამოიწვიოს. სწორედ ამიტომაც ასე მნიშვნელოვანი მოსახლეობის ფართომასშტაბიანი და სიღრმისეული ინფორმირება ამ ფენომენის შესახებ.

გარიყულნი

კოვიდ-19-ის პანდემიის გამო გამოცხადებული კარანტინის პერიოდში ტრანსგენდერმა ქალმა თბილისის მერიასთან ცეცხლი წაიკიდა. სამართალდამცავებმა ოპერატიულად აღკვეთეს თვითმკვლელობის მცდელობა. ქალმა დამწვრობა მიიღო და თბილისის ერთ-ერთ კლინიკაში გადაიყვანეს. მასმედიაში გავრცელდა **სამოქალაქო აქტივისტის, ნატა ფერაძის** კომენტარი, რომლის თანახმად, ამ შემთხვევიდან სამიოდე დღით ადრე, თვითმკვლელობა კიდევ ერთმა ტრანსგენდერმა ქალმა სცადა. კარანტინმა ამ თემს არსებობის წყარო გადაუკეტა და გამოუვალ მდგომარეობაში ჩააგდო. ყველა ტრანსგენდერი ან სახლიდან გამოგდებულია, ან იძულებული გახადეს რომ წამოსულიყო. არატრადიციული გენდერული იდენტობიდან გამომდინარე, ვერც სამსახურს შოულობენ, ამიტომ იძულებულნი არიან თავი სხეულით ვაჭრობით ირჩინონ. კარანტინის პერიოდში ისინი რეალურად დადგნენ შიმშილით სიკვდილის საშიშროების წინაშე. ყველა უბედურებასთან ერთად, ქუჩაში დარჩენაც ემუქრებოდათ. ნატა ფერაძის სიტყვით, ერთი თვის ქირის თანხა სამოქალაქო აქტივისტებმა მოუგროვეს, მაგრამ როდესაც მეორე თვის ქირის გადახდის დრო დადგა, სიტუაცია ისევ დამძიმდა.

საუბედუროდ, აღმოდებული ქალის ვიდემო საზოგადოების ნაწილის მხრიდან დაცინვა, ან ფსევდო ზნეობრივი შეგონებები გამოიწვია:

„ეს უურნალისტი ზუსტად იმ დროს და იმ ადგილას როგორ აღმოჩნდა გადასაღებად????... თან კამერა როცა მიუახლოვდა, მაშინ დაიწყო ლაპარაკი!!!! აღარ ვლაპარაკობ იმაზე, რომ თავის დანვა უნდოდა და ცეცხლმოკიდებული ტანსაცმელი სასწრაფოდ გაიხადა... უნიჭოდ დადგმული სპექტაკლი...“.

„მავის შესრულებასაც ოსტატობა უნდა და ეგეც არ გამოსდით; ისე, მავათ დამცველი კი არაა, მკურნალი უნდათ. თუ ავადმყოფებად არ თვლიან თავს, მაშინ უნდა მიუშვა და ყველა ერთად თუ დაინვაეს თავს, მადლი იქნება...“.

„ეს ცხოველი მისნაირთან ერთად, რამდენიმე თვის წინ, სასამართლოს შენობაში ვნახე. თავს ძლივს ვიკავებდი, ისეთი ამაზრზენები იყვნენ - მოკლე კაბაში ტრუსიკები უჩანდათ. აი, მაშინ დიდი სიამოვნებით წაგუკიდებდი ცეცხლს...“.

ამ საყოველთაო ბაკქანალიაში გონივრული მოსაზრებებიც ჭარბად გაჟღერდა:

„არ შეიძლება ადამიანი იყოს ისეთი, როგორიც სურს, თუ მანიცდამინც უნდა ისეთი იყოს, როგორიც სხვას უნდა? სახელმწიფო იმაში უნდა დაეხმაროს, რომ საზოგადოებას არ შეეძლოს მათზე ძალადობა, რომ შეეძლოთ მუშაობა ნებისმიერ სფეროში და თავის ვატანა, რაც არ შეუძლიათ, რადგან მათ კლავენ; თუ თქვენთვის ეს არაა ცნობილი და არ იცით, რა ხდება საქართველოში?“.

„ძალიან ბოროტი ხალხი ხართ უმეტესობა! პირველად ცხოვრებაში ძალიან შემრცხვა თქვენს მავივრად, ვინც ამ სანყალო ადამიანს ლანძღავთ და ავინებთ! ზუსტად თქვენისთანების გამოა, ევ ნაბიჯი რომ გადადგა! ჩავაფურთხეთ მაგ ვითომ სუფთა სულელებში!“

„რა მნიშვნელობა აქვს ტრანსგენდერობას?! ჯერ ადამიანია და სახელმწიფო ვალდებულია იზრუნოს მოქალაქეზე! სამარცხვინო კომენტარებია უბრალოდ“

ვიდეოს რამდენიმეჯერ დიდი ყურადღებით ვუყურე. არ დავიმალოვით, მეც დამრჩა შთაბეჭდილება, რომ ქალბატონის საქციელი მინიმალური ზიანის მიღებაზე იყო გათვლილი. მაგრამ, ფაქტია, რომ საზოგადოების ყურადღების მიქცევას სიცოცხლისთვის რეალურად საშიში ქმედებით შეეცადა. შესაძლოა, ვერც მოესწრო ტანსაცმლის გახდა და ცვეხლი თმაზეც წაკიდებოდა, აქედან გამომდინარე ფატალური შედეგით! ასეთ სასიკვდილო ეპატაუს მხოლოდ უკიდურესად გამწარებული ადამიანი თუ მიმართავს.

ასეთი გამწარება სავსებით სამართლიანია, ვინაიდან ტრანსგენდერი ადამიანები დღეს ერთ-ერთი ყველაზე დისკრიმინირებული ჯგუფია. ბიოლოგიურ სქესთან შეუფერებელი ჰაბიტუსი საზოგადოების დიდ ნაწილს თვალში ეჩხირება, ამიტომ ჰომოსექსუალებზე განუზომლად უფრო სასტიკად აბუღინებენ. ამის გაუღერებელი მაგალითები წლების მანძილზე უამრავი დაგროვდა. გაუუღერებელი რამდენია, შეიძლება მხოლოდ ვივარაუდოთ. გავისხენოთ ინცინდენტი, რომელიც ორიოდ წლის სოციალურ ქსელებში წინ თართო მსჯელობის საგანი გახდა: ორთაჭალის ავტოსადგურის მიმდებარე ტერიტორიაზე ჯარისკაცთა ჯგუფი სასტიკად გაუსწორდა **ტრანსგენდერ ქალბატონ ამანდას**. დაზარალებულს კარგი დღე არც **„კლინიკა „ნიუ ჰოსპიტალში“** დააყენეს. **ამანდას** სიტყვით, ექიმი იმდენად მტრულად ექცეოდა, რომ იძულებული გახდა სხვა საავადმყოფოსთვის მიემართა. იქ ისტორია ახალი დეტალებით „გამდიდრდა“: ექიმმა **ამანდას მეგობარს** მოსაცდელში გაჩერების საშუალება არ მისცა და გარეთ გასვლა მოსთხოვა, რის გამოც ქალმა დისკრიმინაციის ფაქტის დასაფიქსირებლად პატრული გამოიძახა. ამანდას ცემა მხოლოდ რიგითი ფაქტია ტრანსგენდერი ადამიანების მიმართ ჩადენილ დანაშაულთა გრძელ „კრიალოსანში“. საკმარისია გავისხენოთ, რა დღეში ჩააგდეს **მირანდა ფაღავა**, რომელიც დღეს ემიგრაციაშია, ხოლო ადამიანთა უსულგულობით გამწარებულმა **ბიანკა შიგუროვამ** თავად მოსწრაფა სიცოცხლე. საზოგადოებამ, საუბედუროდ, უკვე დაივიწყა **საბი ბერიანის** ტრაგედია. ტრანსფობ მამაკაცს ხელიც კი არ აუკანკალდა, ისე გამოჭრა ყელი. ჩემის აზრით, მკვლელს ჩადენილ დანაშაულთან არათანაზომიერად მსუბუქი სასჯელი მიუსაჯეს. მომხდარის ჯეროვან გააზრებასა და საზოგადოებრივ განხილვაზე ხომ ლაპარაკიც ზედმეტია!

ტრანსგენდერი ქალების დისკრიმინაცია ხდება როგორც პირდაპირი, ისე არაპირდაპირი მეთოდებით. არაპირდაპირი მეთოდია, მაგალითად, როდესაც ამ თემას სკანდალური სატელევიზიო შოუების „მსუყე ლუკმად“ გადააქცევენ. ორიოდ წლის წინ **ა/ო „თანასწორობის“ ხელმძღვანელ ლევან ბერიანიძესთან** ვრცელი ინტერვიუ ჩავინერე. მან სავსებით სამართლიანად აღნიშნა, რომ ტელევიზორულ ცემაზე ლეგტიმური თემის არაჯანსაღი სექსუალიზაცია. როდესაც სიუჟეტის თემა ტრანსგენდერ პირზე ძალადობაა, ოპერატორი ცდილობს მსხვერპლი კადრში სწორედ სექსუალურ-ეროტიკული რაკურსით წარმოაჩინოს. ეს კიდევ უფრო აღრმავებს სტიგმას

და ტრანსფობიურ განწყობებს. წიგნის ავტორიც ფიქრობს, რომ ლგბტ თემის ზოგიერთი წარმომადგენელი ასეთი შოუების სტუმრობით დიდ შეცდომას უშვებს და საკუთარ თემს აზარალებს.

ტრანსგენდერ ადამიანებზე ძალადობას სტიგმით ნაკვეთი ტრანსფობია განაპირობებს. თემის გარშემო აგორებულ ცრურწმენათა დაძლევა მხოლოდ კორექტული ინფორმაციის გავრცელებითაა შესაძლებელი. მასმედიას ამ საქმეში უმნიშვნელოვანესი როლი ეკისრება.

როცა არცოდნა არცოდვა არ არის

სტატისტიკა თანახმად, ასი ათას ადამიანზე ერთი ტრანსგენდერი მოდის. ამ გაანგარიშების, თანახმად, საქართველოში 50-70 ტრანსგენდერი უნდა იყოს. ანუ, საქართველოში თვითგანადგურების პროგრამით შეპყრობილი, სულ ცოტა, ორმოცდაათი ადამიანი დადის. ამ პროგრამის დამუხრუჭება მხოლოდ ჰუმანისტური დამოკიდებულებითაა შესაძლებელი. ეს ის შემთხვევაა, როცა არცოდნა არცოდვა ნამდვილად არ არის.

„გენდერში“ მოიაზრება ფუნქციები, რომელსაც საზოგადოება თითოეულ სქესს საკუთარი წარმოდგენების მიხედვით აკისრებს. ეს წარმოდგენები უცვლელი არ არის; მათში ასახულია ისტორიული პერიოდის და კონკრეტული სოციუმის სპეციფიკა. გენდერული იდენტობის ჩამოყალიბებაში მონაწილეობს ოთხი კომპონენტი: ანატომიური, ფიზიოლოგიური, ფსიქოლოგიური და სოციალური (გენდერული). ადამიანთა უმრავლესობის შემთხვევაში პირველი სამი კომპონენტი ერთმანეთს ემთხვევა და ადამიანი ორგანულად ითავისებს იმ გენდერულ როლს, რომელსაც სოციუმი აკისრებს. მაგრამ, ხანდახან, ბიოლოგიური მამაკაცი ქალის ფსიქიკით იზადება, რასაც ცხოვრების რალაც ეტაპზე აცნობიერებს; შესაძლოა, პირიქითაც მოხდეს - ბიოლოგიური ქალი მამაკაცის ფსიქიკით დაიბადოს. აი, როგორ ვლინდება ტრანსგენდერული იდენტობა ბავშვობის პერიოდში:

„ბავშვი ჭირვეულობს. დაბადებით მამრობით სქესს მიეკუთვნება, მაგრამ არ უნდა ბიჭობა, გოგონებთან თამაშობს გოგონების სათამაშოებით, ლამაზი კაბები მოსწონს, უნდა რომ გრძელი თმა ჰქონდეს. ირჩევს ქალის ტანსაცმელს და თამაშობს „დედობანას“. ინტერესები ქალური სტერეოტიპის შესაბამისია“ („კლინიკური სექსოლოგიის პროპედევტიკა“, გვ. 259).

ანუ, ადამიანი ვერ ეგუება საზოგადოების მიერ დაკისრებულ სოციალურ როლს. გენდერული თვითაღქმის წინააღმდეგობა სხეულთან და საზოგადოებრივ მოლოდინებთან მუდმივი სტრესის წყარო ხდება. ტრანსფობიური (ტრანსგენდერების მოძულე) ატმოსფერო ხელს უწყობს დეპრესიის ჩამოყალიბებას, რაც, ხშირად, თვითმკვლელობისკენ უბიძგებს. ნებისმიერ შემთხვევაში, როგორც სამართლიანად აღნიშნავს ექიმი მაია ჭავჭავანიძე

„ეჭვს აღარ იწვევს ის ფაქტი, რომ სქესის ფსიქიკური აღქმა ყოველთვის არ ემთხვევა ანატომიურს; რომ გენიტალიების მიხედვით მინიჭებული სქესი - მამრო-

ბითი, მდედრობითი - ყოველთვის არ ნიშნავს ქალს და მამაკაცს“ (იქვე - გვ. 253) .

ტრანსგენდერული იდენტობის კვლევის კვალდაკვალ აღმოჩნდა, რომ ეს ფენომენი არ ამოიწურება ტრანსგენდერი ქალებით და მამაკაცებით; არსებობს შემთხვევები, როდესაც ადამიანი თავს ხან ქალად გრძნობს, ხან მამაკაცად, ან არც ერთ სქესს არ აკუთვნებს და ა.შ. **ტრანსგენდერი აქტივისტი, პროფესორი სტივენ თომას უიტლი (დიდი ბრიტანეთი)** ტრანსგენდერ ადამიანებს სამ ძირითად ჯგუფად ჰყოფს: ტრანსგენდერი ქალები, ტრანსგენდერი მამაკაცები და ტრანსები. როგორც ჩანს, ყველა დანარჩენ ვარიანტს მესამე ჯგუფში აერთიანებს. მეცნიერებისთვის უცნობია რა მიზეზები განაპირობებს ტრანსგენდერულ იდენტობას; არსებობს უამრავი თეორია, მაგრამ სარწმუნო ექსპერიმენტული ბაზა არც ერთს არ აქვს. ტრანსგენდერული იდენტობის ფენომენის სირთულიდან გამომდინარე, ცნებები და ფორმულირებები, ალბათ, კიდევ არაერთხელ შეიცვლება.

ტრანსგენდერული იდენტობა და ჰომოსექსუალობა, ხშირად, ერთმანეთში ეშლებათ. ამ დროს, კარდინალურად განსხვავებული მოვლენებია. ტრანსგენდერობა - გენდერულ იდენტობასთან დაკავშირებული პრობლემაა, ხოლო ჰომოსექსუალიზმი - სექსუალურ ორიენტაციასთან. ჰომოსექსუალი თავს საწინააღმდეგო ბიოლოგიური სქესის ადამიანად არასოდეს მიიჩნევს; ანუ, გენდერულ იდენტობასთან პრობლემები არ აქვს. მის შემთხვევაში ტრადიციული წარმოდგენებისგან განსხვავებულ სექსუალურ ქცევასთან გვაქვს საქმე - თავისივე ბიოლოგიური სქესის ადამიანები იზიდავს. ტრანსგენდერ ადამიანთა გარკვეული რაოდენობა ჰომოსექსუალური ორიენტაციით იბადება (როდესაც ტრანსგენდერ ქალს სექსუალურად ქალები იზიდავს, ხოლო ტრანსგენდერ მამაკაცს კი კაცები).

ისტორია და თანამედროვეობა

ტრანსგენდერული იდენტობის ფენომენი ძველთაგანვე იყო ცნობილი, რაც ფოლკლორსა და მითოლოგიაშიც აისახა. მსოფლიოს ხალხთა ზღაპრებში ხშირად გვხვდება ვაჟკაცი ასული, რომელიც მაგიის წყალობით მამაკაცად იქცევა და ცოლად მზეთუნახავი მოჰყავს. მითოლოგიაშიც გვხვდება პერსონაჟები, რომლებმაც სქესი შეიცვალეს. თუნდაც **წინასწარმეტყველი ტირესია „ოდისეადან“, ძველი ინდური ეპოსის „მაჰაბჰარატას“** პერსონაჟი მეფის ასული **შიქჰანდინი** და სხვა.

კიდევ უფრო საინტერესოა უძველეს ავტორთა ჩანაწერებში დაფიქსირებული რეალური ფაქტები. რომელიც ავტორების **პლინიუსის** (ძველი წელთაღრიცხვის II საუკუნე) და **მარტიალეს** (ძველი წელთაღრიცხვის I-II საუკუნეები) ნაშრომებში მოხსენიებულია ქალები, რომლებმაც მამაკაცის სოციალური როლი მოირგეს და პარტნიორი ქალებიც ჰყავდათ. **ლუკიანე** (ძვ. წ. აღ-ის 125-180 წ.წ.) იხსენიებს ვინმე **მევილას**, რომელიც დაბადებით ქალი იყო, მაგრამ თავი გადაიპარსა და მამაკაცივით ცხოვრობდა. ახლა ძნელია იმის დადგენა, ტრანსგენდერ მამაკაცებზეა ლაპარაკი, თუ ჰომოსექსუალებზე; მაშინ ეს ფენომენები გამიჯნული არ იყო და არც ტერმინები არსებობდა.

საინტერესო დეტალი: რომის იმპერატორი ჰელიოგაბალი (ახ. წ. აღ. 204-222

წ.წ.) დიდ თანხას პირდებოდა ექიმს, რომელიც მაქსიმალურად უმტკივნეულოდ გარდაქმნიდა ქალად.

წარმართული რელიგიის თავისებურებებიდან გამომდინარე, ტრანსგენდერ ადამიანთა მიმართ დამოკიდებულება შემწყნარებლური იყო. უფრო მეტიც: კეთდებოდა სქესის კორექციის პრიმიტიული ოპერაციები - პაციენტს პირველად სქესობრივ ნიშნებს კვეთდნენ. ეგვიპტეში, ძველ საბერძნეთსა და რომში ეს პროცედურა რელიგიური კულტის შემადგენელი ნაწილი იყო: ტრანსგენდერ ქალებს ჯერ ასოს აჭრიდნენ, მერე კი სასქესო ბაგეებისა და კლიტორის იმიტაციისთვის ღრმა იარებს უკეთებდნენ. რელიგიური სტატუსის გამო, ამ ქალებს დიდი მონივნებით ეპყრობოდნენ. ინდოეთში კი დღემდე არსებობს ქალ-ტრანსგენდერთა, **ე.წ. ჰიჯრათა კასტა**, რომელსაც სოციალურ იერარქიაში სავსებით ლეგალური, თუმცა არც ისე პატივდებული ნიშა უჭირავს. ჰიჯრები ქორწილებში და ბავშვის დაბადების აღსანიშნავ დღესასწაულებზე სტუმრებს ცეკვით და სიმღერით ართობენ. ვისაც ეს არ ეხერხება, თავს პროსტიტუციით და მათხოვრობით ირჩენს.

ქრისტიანულ ხანაში პროცესები ჰომოფობია-ტრანსფობიის ნიშნით წარმართა. ტრანსგენდერი ადამიანები ან არავისთან ამხელდნენ თავის იდენტობას, ან მისთვის ბრძოლას ეწირებოდნენ. XVI საუკუნეში საეკლესიო სამსჯავროს წინაშე წარსდგა ფრანგი ტრანსგენდერი მამაკაცი **ანრი ეტიენი**, რომელმაც ახალი ცხოვრების დასაწყებად საცხოვრებელი ადგილი და სახელი გამოიცვალა. თავიდან გაუმართლა - ვაჭრობას მიჰყო ხელი და დაქორწინდა კიდევ; მაგრამ ერთხელაც ვიღაცამ იცნო და ხელისუფლებას შეატყობინა. ანრის შესთავაზეს - ქალის ცხოვრებას დაუბრუნდი და სიცოცხლეს შეგინარჩუნებთო, მაგრამ თავის ჭეშმარიტ იდენტობაზე უარის თქმას კოცონზე ასვლა არჩია. XVII საუკუნეში **ნიდერლანდებში** ცხოვრობდა წარმატებული ბიზნესმენი, ტრანსგენდერი მამაკაცი **დევიდ იანსი**. ამ პერიოდის ნიდერლანდებში ტრანსგენდერული იდენტობის ორმოცდაათზე მეტი შემთხვევაა ცნობილი. XIX საუკუნის მეორე ნახევარში **დიდი ბრიტანეთის** ერთ-ერთ მოხუცებულთა თავშესაფარში აღმოაჩინეს, რომ ახლად მიღებული მამაკაცი **ჩარლი უილსონი** ანატომიურად ქალი იყო. დიდი დავიდარაბისა და აურზაურის შემდეგ მას ქალის ტანსაცმლის ტარება აიძულეს.

1998 წლის 28 ნოემბერს ბოსტონში დაუდგენელმა პირმა დანით დაჩეხა ტრანსგენდერი მომღერალი ქალი **რიტა ჰესტერი**. ერთი წლის შემდეგ, დაღუპულის ხსოვნის პატივსაცემად, ასობით ადამიანი ანთებული სანთლებით ქუჩაში გამოვიდა. მომღვენო წლებშიც აშშ-ს უამრავ ქალაქში ყოველწლიურად აღინიშნებოდა რიტა ჰესტერის ხსოვნის დღე. აქციათ მალე ტრანსფობიის მსხვერპლთა ხსოვნის საერთაშორისო დღის სახე მიიღო და მსოფლიოს უამრავ ქვეყანაში აღინიშნება. ამ დღეს ჩატარებული მსვლელობების, სემინარების და ლექციების მიზანია კაცობრიობისთვის იმ ფაქტის შეხსენება, რომ ტრანსგენდერი ადამიანები ფიზიკური ძალადობის და სიცოცხლის ხელყოფის სამიზნეები სხვა მონყველად ჯგუფებზე ხშირად ხდებიან. მსგავსი ფაქტები განსჯა-გააზრების საგანი ხდება: ქვეყნდება მეცნიერულად კორექტული სტატეგები, იწერება წიგნები, იქმნება ფილმები.

მკითხველებს, ალბათ, ესსომებათ ამერიკული ფილმი **„ბიჭები არ ტირიან“ (რეჟ. კიმბერლი პირსი, 1999 წ.)**, რომელსაც საფუძვლად რეალური ისტორია დაედო. **ტინა ბრენდონი** პატარაობიდანვე თავს ბიჭად გრძნობდა; როდესაც წამოიზარ-

და ჯარში სამსახურიც კი სცადა, მაგრამ ფიზიკურად ვერ „გაქაჩა“, რაც ძალიან მძიმედ განიცადა. ბოლოს გადაწყვიტა ცხოვრება თავიდან დაეწყო, სხვა ქალაქში გაემგზავრა და ბრენდონ ტინი დაირქვა. წარმოიდგინეთ, იმდენად წარმატებით „ბრენდონობდა“, რომ გოგონები ძალიან წყალობდნენ. მალე შეყვარებულაც გაიჩინა. ლინდა ჭკუას კარგავდა ბრენდონზე და თავისი სამეგობრო წრე გააცნო. რაღაც მომენტში მოსახდენი მაინც მოხდა: ლინდას ძმაკაცებმა გაარკვიეს, რომ ბრენდონი ბიოლოგიურად ქალი იყო. ამის შემდეგ მოვლენები „ტრადიციული“ სცენარის მიხედვით განვითარდა: „ლესბოსელს“ ჯერ ცხვირ-პირი ამოუნაყეს; ბოლოს კი „ჭკუის სასწავლებლად“ გააუპატიურეს. ბრენდონმა პოლიციას მიმართა, მაგრამ სამართალდამცავებს მის დასაცავად თავი დიდად არ შეუწუხებიათ. სამაგიეროდ მოძალადეებმა იუკადრისეს - ჩივილი როგორ გაგვიბედაო, სახლში მიუვარდნენ და ჩაცხრილეს. მკვლელები, ცხადია, დაისაჯნენ, მაგრამ ბრენდონს ამით აღარათფერი ემველებოდა. სწორედ ასეთი ტიპის ფილმების, სპექტაკლებისა და წიგნების, აგრეთვე მედია პუბლიკაციების დამსახურებაა, რომ დასავლეთის საზოგადოება დაფიქრდა პრობლემამზე, ხოლო სახელმწიფო ტრანსგენდერი ადამიანების მიმართ ადეკვატური პოლიტიკის შემუშავებას ცდილობს.

საქართველოში ეს ჯერჯერობით ვერ ხერხდება. ყველას გვახსოვს, როგორი მტრული რეაქცია გამოიწვია ლევან აკინის ფილმმა - „და მერე ჩვენ ვიცეკვეთ“. ფილმის ჰომოფობიის თემას ეხება, მაგრამ ეს არსებითი არ არის. ჰომოფობიაც და ტრანსფობიაც განსხვავებულობის წინააღმდეგ მიმართული აგრესიაა, რაც ყოველდღიურად უამრავ ნიუანსში ვლინდება.

მენტალიტეტი, მედიცინა და კანონი

მენტალიტეტის გაჯანსაღების საკითხი საკითხი მჭიდროდაა დაკავშირებული სახელმწიფო პოლიტიკასთან. ჩნდება კითხვა: როგორი უნდა იყოს ადეკვატური სახელმწიფო პოლიტიკა ტრანსგენდერული იდენტობის საკითხში?

თავად თემი და ექსპერტები პირველ ნაბიჯად საბუთებში მენტალური სქესის დაფიქსირებას მიიჩნევენ. ერთი შეხედვით, ამისათვის მხოლოდ პოლიტიკური ნებაა საჭირო, მაგრამ, სინამდვილეში, საქმე არც ისე მარტივადაა. ზოგ ქვეყანაში ჩანანერის შესაცვლელად ტრანსგენდერული იდენტობის დამადასტურებელი სამედიცინო მონმობაც საკმარისია, მაგრამ სხვაგან სახელმწიფო სამსახურები სქესის ქირურგიული კორექციის დამადასტურებელ საბუთსაც ითხოვენ. ტრანსგენდერი ადამიანების დიდი ნაწილი ამ მოთხოვნას უსამართლოდ მიიჩნევს და, ხანდახან, სასამართლოშიც კი აპროტესტებს. აღნიშნული ოპერაცია ძალიან სარისკო და ძვირია; რიგ შემთხვევებში, იწვევს მძიმე, ზოგჯერ კი - სასიკვდილო შედეგებს. ზოგიერთ ტრანსგენდერ ადამიანს პანიკურად ეშინია ამ ტიპის ქირურგიული ჩარევის. 2017 წელს **საერთაშორისო სასამართლომ გადაწყვეტილებით („გარსონი და ნიკო საფრანგეთის წინააღმდეგ“)**, ანატომიური სქესის ქირურგიული შეცვლის მოთხოვნა არაადამიანურ მოპყრობას და წამებას გაუთანაბრდა.

დოკუმენტებში ჩანანერის შესაცვლელად სქესის სრულ ქირურგიულ კორექცი-

ას საქართველოში ითხოვენ. პროცედურის დამარეგულირებელი იურიდიული მექანიზმი არ არსებობს, ხოლო სამოქალაქო აქტების შესახებ კანონში ნათქვამია, რომ ჩანაწერის ჩასწორება ხდება დაბადების შესახებ დოკუმენტში სქესის არასწორად მითითების შემთხვევაში. მაგრამ იმავე აქტებში არც ისაა მითითებული, რომ ბავშვის დაბადებისას სქესის შესახებ ჩანაწერს მაინც და მაინც ანატომიური თვალსაჩინოობა უნდა განსაზღვრავდეს. ამდენად გაუგებარია, რას ეყრდნობა საჯარო დანსებულების მიერ სქესის სრული ქირურგიული კორექციის მოთხოვნა.



აი, რას მითხრა **თამარ მჭედლიშვილმა** (ა/ო „თანასწორობის იურისტი“), რომელთანაც კომენტარი 2018 წელს ჩაგინერგე:

- ორჯერ მივმართეთ იუსტიციის მინისტრს ოფიციალური წერილით და გამოვითხოვეთ ამ მოთხოვნის კანონიერების დამადასტურებელი საბუთი, მაგრამ პასუხი არ გავცეს. ახლა ვაპირებთ სასამართლო წესით გამოვითხოვოთ. ჩვენი ვარაუდით, ასეთი ნორმატიული აქტი საერთოდ არ არსებობს და ეს მხოლოდ შიდაუნწყებრივი მითითებაა. ისიც გაუგებარია, რა სახის ცნობა უნდა წარმოადგინოს მოქალაქემ, რა რეკვიზიტები უნდა ახლდეს, ვის მიერ უნდა იყოს გაცემული და ა.შ. ამჟამად სასამართლოში გვაქვს რამდენიმე დავა, ტრანსგენდერი პირებისთვის სქესის შესახებ ჩანაწერის შეცვლის თაობაზე.

იურიდიული ნონსენსების პარალელურად, ისიც გაურკვეველია, სად და როგორ უნდა გაიკეთოს მოქალაქემ ოპერაცია, ვინაიდან შესაბამისი გაიდლაინები (სახელმძღვანელო პრინციპი/მითითება, რეკომენდაცია, ან ინსტრუქცია) არ არსებობს. ცალკე პრობლემაა ოპერაციის და პორმონალური თერაპიის სიძვირე; სახელმწიფო პროგრამა და სახელმწიფო დაზღვევა ამ პროცედურებს არ აფინანსებს.



მოვუსმინოთ **„ქალთა ინიციატივების მხარდამჭერი ჯგუფის“ (WISG) იურისტს, ქეთი ბახტაძეს**, რომელიც ამ კომენტარის ჩანერისას, ანუ 2018 წელს, ადამიანის უფლებათა ევროპის სასამართლოში ორი ტრანსგენდერი მამაკაცის ინტერესებს იცავდა:

- ჩვენ მივმართეთ **ჯანდაცვის სამინისტროს** შეკითხვით, არსებობს თუ არა სქესის შეცვლის სამედიცინო პროცედურების კლინიკური გაიდლაინი ან პროტოკოლი. გვიპასუხეს, რომ სამინისტროს მიერ დამტკიცებული პროტოკოლები შეგვიძლია ვებ-გვერდზე ვნახოთ, მაგრამ ჩამონათვალში ხსენებული საკითხების მარეგულირებელი პროტოკოლი ან გაიდლაინი არ არის. მოგვიანებით ვთარგმნეთ **საერთაშორისო ორგანიზაციის „მსოფლიო პროფესიული ასოციაცია ტრანსგენდერთა ჯანმრთელობისთვის“** მიერ შემუშავებული **„ზრუნვის სტანდარტები - ტრანსსექსუალი, ტრანსგენდერი და გენდერულად არაკონფორმული პირების ჯანმრთელობისთვის“**. დოკუმენტი სამინისტროს ჯერ კიდევ 2017 წლის დასაწყისში მივანწოდეთ. ვითხოვდით სამუშაო ჯგუფის შექმნას, რომელიც საქართველოს რეალობაზე მორგებულ კლინიკურ გაიდლაინზე ან პროტოკოლზე იმუშავებდა. სამუშაო ჯგუფში ჩართვის სურვილიც გამოვხატეთ. სამწუხაროდ, სამინისტროს ამ დრომდე არ გადაუდგამს კონკრეტული ნაბიჯები ამ მიმართულებით. გენდერის სამართლებრივი აღიარების საკითხებზე

სამუშაო შეხვედრებში **ვეროსაბჭოს** წარმომადგენლები მონაწილეობდნენ. მათ მთავრობას მიუთითეს სქესის შესახებ ჩანაწერის შეცვლის მექანიზმის, აგრეთვე სქესის კვლავმინიჭების სამედიცინო პროცედურების რეგულაციების აუცილებლობაზე. მნიშვნელოვანია შეიქმნას მექანიზმი, რომელიც სამართლებრივ და სამედიცინო საკითხებს ერთმანეთისგან გამოიჯანავს.



ამ მოსაზრებებს **„ახალგაზრდა იურისტთა ასოციაციის“** **თავმჯდომარის მოადგილე ნონა ქერდოვანიძე** იზიარებს:

- ოპერაციის დაძალევა არასწორი პრაქტიკაა და უნდა შეიცვალოს. სამედიცინო დასკვნა საკმარისი საფუძველი უნდა იყოს სქესის შესახებ ჩანაწერის შესაცვლელად. ამასთან, კონკრეტულ ტრანსგენდერ პირს, შესაძლოა, არც კი ჰქონდეს სქესის სრული ქირურგიული კორექციის ჩატარების სურვილი, ფინანსური შესაძლებლობა, ან საჭიროება.

საინტერესოა, რას ამბობენ ამ მოთხოვნაზე თავად თემის წევრები. 32 წლის ტრანსგენდერი მამაკაცის **ლაშას** აზრით, სქესის ქირურგიული კორექციის მოთხოვნა ადამიანს ართმევს გადაწყვეტილების უფლებას. მას, ფაქტობრივად, სტერილიზაციას აძალევენ და შვილოსნობის უნარს აკარგვინებენ. ლაშას მიაჩნია, რომ დოკუმენტებში ჩანაწერის ჩასასწორებლად, სპეციალისტების მიერ გაცემული სამედიცინო დასკვნაც საკმარისი უნდა იყოს. 27 წლის ტრანსგენდერი ქალი **ნატა** კი სექსუალური ორიენტაციით ჰომოსექსუალია, ამდენად სქესის სრული კორექცია არც სურს. მისი აზრით, სრული კორექცია მხოლოდ ჰეტეროსექსუალური ორიენტაციის ტრანსგენდერი ქალების შემთხვევაშია გამართლებული. მაგრამ, ამ შემთხვევაშიც, სქესის შესაცვლელად ქირურგიული ოპერაციის აუცილებლობა არასწორად მიაჩნია. ანუ, ეს თავად ტრანსგენდერი ადამიანის გადასაწყვეტი უნდა იყოს.

ამ საკანონმდებლო დილემის გადაწყვეტას სჭირდება ხელისუფლების პოლიტიკური ნება, რომელსაც მხოლოდ ბანალური ბიუროკრატიული სიზნანტე როდი ამუხრუჭებს. ავტორის აზრით, ძირითადად კანონმდებელთა მენტალური პრობლემები, ანუ ტრანსფობია „მუშაობს“.

ოპერაციის აუცილებლობის გარშემო მწვავე დებატებია გაჩაღებული. სამაგიეროდ, ყველა ექსპერტი თანხმდება, რომ ტრანსგენდერული იდენტობის დამადასტურებელი საბუთის გაცემა სახელმწიფო მონოტორინგის სფეროა და კომისიური წესით უნდა ხდებოდეს. ცხადია, მოქალაქის უფლებებისა და პიროვნული ღირსების სრული დაცვით. რას ამბობენ სამედიცინო დაკვირვების აუცილებლობაზე თავად ტრანსგენდერი პირები? **ლაშას** ზოგიერთ მეგობარს ცნობა უკვე აღებული აქვს. თავად ამისთვის ჯერ ვერ მოიცალა, მაგრამ სამომავლოდ აპირებს. **ნატა** კი ფიქრობს, რომ სპეციალისტთა დაკვირვება პრინციპში საჭიროა, მაგრამ ვადა ინდივიდუალური უნდა იყოს:

- **საბი ბერიანს**, ან **ბიანკა შიგუროვას** რა დაკვირვება სჭირდებოდათ? ყოველგვარი დაკვირვების გარეშეც ცხადი იყო, რომ ქალები იყვნენ, თანაც ჰეტეროსექსუალი ქალები. ასეთ შემთხვევაში ორიოდ კონსულტაციაც საკმარისია. პირადად მე, უკვე ხუთი წლიდან დავინწყე გაცნობიერება, ვინ ვიყავი. თუკი ადამიანს უჭირს საკუთარ თავში გარკვევა, მაშინ, ცხადია, დაკვირვებას გარკვეული დრო დასჭირდება.

ჯანდაცვის სამინისტროსთან ადრე არსებობდა კომისია, რომელშიც სხვადასხვა პროფილის სპეციალისტები იყვნენ გაერთიანებულნი. განცხადების ავტორს აკვირდებოდნენ სექსოპათოლოგები, ენდოკრინოლოგები, ფსიქიატრები და ა.შ. ეს კომისია აღარ არსებობს, მაგრამ სპეციალისტები ყოველ კონკრეტულ განცხადებას შეისწავლიან. დაკვირვების ვადა სხვადასხვა ქვეყანაში სხვადასხვანაირია. საქართველოში ადრე ერთიდან - ორ წლამდე იყო. ახლა ექვსი თვიდან - ერთ წლამდეა. პროფესორ ანდრო კანდელაკის განმარტებით, ადამიანის ფსიქოსომატური შესწავლა იმისთვისაა აუცილებელი, რომ ფსიქიკური დაავადება გამოიჩინოს. ცნობილია შემთხვევები, როდესაც ტრანსგენდერული იდენტობის თვითაღქმა ფსიქიკური პრობლემებით განპირობებული ილუზია გამოდგა. ასეთ დროს ადამიანს ფსიქოთერაპევტის დახმარება სჭირდება. არსებობს სხვა რისკებიც: **იურისტი ქეთი ბახტაძე** აღნიშნავს, რომ გენდერის სამართლებრივი აღიარება უშიშროების საკითხიკაა, ვინაიდან, შესაძლოა, ადამიანმა სქესის შესახებ ჩანაწერის შეცვლა რაღაც ფარული მიზნების მისაღწევად მოინდომოს.

ისტორიული პარალელი: XVIII საუკუნის საფრანგეთში ცხოვრობდა ცნობილი ავანტიურისტი შვეალიე დ'ეონი. იგი ქალად დაიბადა, მაგრამ მშობლებმა ბიჭად გაზარდეს. მიზეზი ბანალური იყო - უშიშრო ნათესავის ქონების ხელში ჩაგდება სურდათ. შვეალიემ ცხოვრების დიდი ნაწილი მამაკაცის ამბულაში იცხოვრა და აქტიურად იყო ჩართული საიდუმლო დიპლომატიკაში. ერთხელაც მეფე ლუდოვიკო XV-ს დაშანტაჟება სცადა, მერე კი თავი ინგლისს შეაფარა. წლების შემდეგ, როდესაც სამშობლო მოენატრა, ისევ ქალი გახდა. დ'ეონის გენდერულ იდენტობაზე ბიოგრაფები დღესაც კამათობენ. ზოგს ბიგენდერად მიაჩნია, ზოგს ანდროგინად და ა.შ. თავად სიცოცხლის ბოლო წლებში ამბობდა - სინამდვილეში ყოველთვის ქალი ვიყავიო.

...და ისევ ფსიქოლოგიური ფაქტორი

რამდენიმე წლის წინ სოციალურ ქსელებში აქტიურად განიხილავდნენ ტრანსგენდერი ქალის, **ლიკას** ტრავედიას. მშობლებმა მოიკვეთეს და ბაბუა ჰატრონობდა. როდესაც ტუბერკულოზით დაიღუპა, ოჯახმა არც კი მიაკითხა - პროზექტურიდან გაასვენეს. საზოგადოების დიდმა ნაწილმა კი წყევლა-კრულვა მიაყოლა.

ფსიქოთერაპევტი გიორგი ნონკოლაური გარდაცვლილს პირადად იცნობდა:

- დავინწყებ იმით, რომ დაუშვებელი იყო ტელევიზიის მიერ მისი დიაგნოზის გასაჯაროება, მაგრამ ახლა ამას აღარაფერი ეშველება. როდესაც ლიკა გავიცანი, 16 წლის იყო და ბათუმში ბებია-ბაბუსთან ცხოვრობდა. მშობლები განქორწინებულნი იყვნენ და, სურვილის მიუხედავად, მათთან კავშირი არ ჰქონდა. ცდილობდა ემუშავა, თავი გაეტანა. როდესაც აივ-ინფექცია აღმოაჩნდა, „შიდსით დაავადებულთა დახმარების ფონდის“ ბათუმის ფილიალში დაიწყო მუშაობა. სხვა დამატებითი სამსახურებიც ჰქონდა და ხელი ყველა სერ-



ვისზე მიუწვდებოდა. ანუ მისი ცხოვრება მატერიალური კუთხით გაუმჯობესდა, მაგრამ მორალური კუთხით არაფერი შეცვლილა; მიუღებელი იყო ყველაზე ახლობელი ადამიანებისთვის - საკუთარი ოჯახისთვის; მხოლოდ ბაბუამ არ ჰკრა ხელი. მძიმე ფსიქოლოგიური მდგომარეობიდან გამომდინარე, არაცნობიერად ყველაფერს აკეთებდა, რომ თავი გაენადგურებინა. იყო პერიოდები როდესაც მედიკამენტებსაც არ იღებდა. მთელი თემი გვერდით ედგა, მაგრამ მისთვის ეს არ იყო საკმარისი. რთულია, როდესაც ეკლიანი გზის გავლა გინევს, თავი იმად რომ იგრძნო, ვინც სინამდვილეში ხარ. **ლიკას** ტრაგედიაში სარკესავით გამოჩნდა რა ანუხებს ტრანსგენდერ ადამიანებს ყველაზე მეტად. თავად განსაჯეთ: მუშაობდა, მატერიალური პრობლემები შეიმსუბუქა, თემი გვერდში ედგა, მაგრამ მაინც იტანჯებოდა. იმიტომ რომ ანუხებდა ოჯახისგან მოკვეთა, და ავადმჯობი და მოკიდებულება საზოგადოების მხრიდან. რთულია ყოველდღიურად და ყოველწუთიერად ასეთი წნეხის ატანა. კიდევ უფრო გაუსაძლისია, როცა მორალურ პრესს ყოფითი პრობლემებიც ემატება.

აი რას ამბობს ამის შესახებ **ნატა**:

- პირველი სიძნელეები ტრანსგენდერ ადამიანს ხვდება მას შემდეგ, რაც ლაპა-რაკს იწყებს თავის იდენტობაზე და ამას ჩაცმით და ქცევით გამოხატავს. ძნელია სულიერი წონასწორობა შეინარჩუნო, როდესაც ოჯახმა ხელი გკრა, უსწავლელი დარჩი და ვერც საქმდები. როგორმე ბინის ქირა რომ იხადო და უბრალოდ იარსებო, იძულებული ხარ სიცოცხლე სასწორზე შეაგდო და სექს-სამუშაოში ჩაერთო. რაც უნდა ძლიერი იყო, ყოველდღიური ფსიქოლოგიური და უამრავი სხვა პრობლემის გავლენით ნერვული სისტემა რყევას იწყებს. ამას ვერ მიხვდები, თუ თავად არ გაქვს გადატანილი.

ა/ო „ჰეპა“-მა 2018 წელს გამოკითხვის შედეგები გამოაქვეყნა. ჩანერილი იქნა ჩალრმავებული ინტერვიუ 14 ტრანსგენდერ ადამიანთან (10 ქალი, 4 მამაკაცი). ყოველმა მათგანმა იდენტობის გამო განიცადა როგორც სიტყვიერი, ისე ფიზიკური ძალადობა. ნაწილი კი ცივი და ცეცხლსასროლი იარაღითაც კი დაჭრეს. უმრავლესობამ აღნიშნა, რომ ანტიდისკრიმინაციული კანონის მიღების შემდეგ პოლიციის დამოკიდებულება კიდევ გაუარესდა.

ეკლიანი გზა განვლო ტრანსგენდერმა ქალმბატონმა **მირანდა ფ-მ**, რომელიც ახლა საზღვარგარეთ იმყოფება. 17 წლის იყო, როდესაც სახლიდან თბილისში სასწავლებლად წამოვიდა. ამ დროიდან დაიწყო მისი ორმაგი ცხოვრება: დღისით უნივერსიტეტში ბიჭის ტანსაცმელი ეცვა, ხოლო საღამოთი იკეთებდა მაკიაჟს და კლუბებში დადიოდა. ორიოდ წლის შემდეგ ორმაგი ცხოვრება გაუსაძლისი გახდა:

- რამდენჯერმე თვითმკვლელობა ვცადე. ბოლოს გადავწყვიტე, რომ დღისითაც ქალის ფორმით უნდა მევლო. შედეგად, უნივერსიტეტის დატოვება მომიხდა და სამსახურიც დავკარგე. საბოლოოდ, სექს-მუშაკობით მომიწია თავის რჩენა. სანამ ფინანსურად არ მოვძლიერდი, ოჯახთან არაფერი ვთქვი. როდესაც გაიგეს, დედაჩემს ძალიან ცუდი რეაქცია ჰქონდა. ძმა ყოველთვის მიცავდა, მაგრამ ამ მომენტში, სამწუხაროდ, საზღვარგარეთ იყო. ნათესავებთან საუბრის თავი აღარ მქონდა; ისედაც ვიცოდი, რომ უმრავლესობა ზურგს მაქცევდა. მერე კი შევრიგდით, მაგრამ მთხოვდნენ - საჭაროდ ტელევიზიით ნუ გამოხვალო. ტრანსსექსუალები

უმძიმეს მდგომარეობაში არიან. უმეტესობას არ შეუძლია საჯარო თავშეყრის ადგილებში გამოჩენა და თითქმის ყოველდღე ძალადობის მსხვერპლი ხდება. ახლახან სოციალურ ქსელებში ვიღაც ტაქსისტი ამაყოფიდა, ოთხი ტრანსსექსუალი იარაღით როგორ შეაშინა და ტაქსიდან როგორ გადაყარა. გეხსოვებათ **ზიზი შეყილაძის** საქმე, რომელსაც ჯერ სცემეს და მერე ყელი გამოჭრეს. მე მიყვარს საქართველო და განვიცდი ყველაფერს, რაც აქ ხდება. მეგობრებსაც ვერ მივატოვებ. საზღვარგარეთ იურიდიული განათლების მიღებას ვაპირებ, მერე კი დავბრუნდები და გავავარძელებ რასაც აქამდე ვაკეთებდი - დავიცავ ადამიანთა უფლებებს.

2018 წლის ივნისში NDI-ის დაკვეთით CRRC-საქართველომ გამოკვლევა ჩაატარა. შედეგები დამაფიქრებელი აღმოჩნდა: მოსახლეობის მხოლოდ 23% მიიჩნევს, რომ ლგბტ თემის უფლებების დაცვა მნიშვნელოვანია. 44%-მა ეს უმნიშვნელოდ მიიჩნია, 26%-მა ნეიტრალური პოზიცია გამოავლინა, ხოლო 6%-მა პასუხის გაცემაზე უარი განაცხადა.

ლგბტ თემის უფლებებს, ძირითადად, არასამთავრობო სექტორი იცავს; აგრეთვე გადანაცვეტილების მიმღებ ორგანოებს საკანონმდებლო ინიციატივებს აწოდებს. მაგრამ მხოლოდ სამედიცინო და იურიდიული მხარის მოგვარებით პრობლემა არ მოიხსნება; ბევრად უფრო არსებითია საზოგადოებრივი მენტალობის ცვლილება. მედიას და არასამთავრობო სექტორს ამ მიმართულებით სერიოზული საგანმანათლებლო სამუშაოს ჩატარება მოუწევს. მოქალაქეთა ნაწილის აზრით, ტრანსგენდერი ადამიანების მოთხოვნების შესრულება ტრადიციულ ფასეულობებს ეწინააღმდეგება. ვუპასუხებთ, რომ რამდენიმე წლის წინ ოჯახში ძალადობის საწინააღმდეგო კანონმდებლობაზე იგივეს ამბობდნენ.

გაჟღერებული ფაქტების მიხედვით თუ ვიმსჯელებთ, საზოგადოება ნეკროფილურ აგრესიას უფრო ხშირად ტრანსგენდერი ქალების მიმართ ავლენს. ჰომოსექსუალთა თემის შემთხვევაში, კი უფრო მამაკაცი ჰომოსექსუალები ზარალდებიან. წიგნის ავტორის აზრით, ამის მიღმა ქვეყნობიერი მიზოგინია დგას, რაც ქალური ჰაბიტუსის გათავისების მიმართ აგრესიაში ვლინდება: ქალის „გამამაკაცება“ ნაკლებ აგრესიას აღძრავს, ვიდრე მამაკაცის „გაქალაქება“. ან, იქნებ, მიზგი ისაა, რომ „ბიჭები (ტრანსგენდერი მამაკაცები და ლესბოსელები) არ ტირიან“, და მათი ტკივილი ნაკლებად ჩანს?.. ცხადია, ეს მხოლოდ ავტორის ვარაუდებია და საკითხი კვლევას საჭიროებს.

თავი მეცხრე

ბენღური

ღკ

საკუთრებრივი უფლებები

არის თუ არა ქალი მესაკუთრე?!

„ქალის ყველაზე საუკეთესო დამცველი მისი სახსე ქისაა!“

ლუსილ ბოლი

მსახიობი და ტელეპროდიუსერი

ნიგნზე მუშაობის პროცესში ერთ საჯარო დანგეხებულებაში მისვლა მომინია. მიღების მოლოდინში თანამშრომელ ქალბატონს ვესაუბრე. როგორც გაირკვა, ზრდასრული ქალ-ვაჟის დედა იყო. მისმა აზრებმა ჩემზე, რბილად რომ ვათქვათ, არასასიამოვნო შთაბეჭდილება დატოვა:

- ორი ბინა გვაქვს. როდესაც ჩემი მეუღლე გარდაიცვალა, ორივე ბიჭს ვადავუფორმე. რა უფლება მქონდა არ მიმეცა? მამამისის ქონება იყო.

- თქვენი ქალიშვილიც იგივე მამის შვილია. რატომ ერთი ბინა მას არ მიეცით?

- გოგონა უკვე გათხოვილია და მეუღლის ოჯახში ცხოვრობს. ამდენად, ბინის პრობლემა არ აქვს.

- დავუშვათ, განქორწინდნენ. თუ ის ბინა სიძის მშობლებს ეკუთვნის, შესაძლებელია თქვენი ქალიშვილი უბინოდ დარჩეს.

- ჩემს ბიჭს და ისე უყვარს, რომ ღია ცის ქვეშ არ დატოვებს.

- ძმის ადამიანობაზე რატომ უნდა იყოს დამოკიდებული? რატომ საკუთარი ჭერი არ უნდა ჰქონდეს? თქვენთვის ცნობილია, რომ კანონი ქალს და მამაკაცს თანაბარ საკუთრებრივ უფლებებს ანიჭებს?

შეკითხვა უპასუხოდ დარჩა...

გაითვალისწინეთ, რომ ქალბატონი არც გაუნათლებელი იყო და არც, როგორც იტყვიან - „გამოუსვლელი“. ასეთი პოზიცია არც წარმომავლობაზე დამოკიდებული და არც ფორმალურ განათლებაზე. მოსახლეობის ტრადიციულ-კონსერვატიულად მოაზროვნე ნაწილი სწორედ ასე ფიქრობს. საქართველოს კანონმდებლობის თანახმად, საკუთრებრივი უფლებები ორივე სქესისთვის იდენტურია, მაგრამ ქალის სოციალური მდგომარეობის ნორმალიზაციაზე მხოლოდ მაშინ შევძლებთ ლაპარაკს, როდესაც თანასწორი საკუთრებრივი უფლებები საზოგადოებრივ მენტალობაშიც მყარად დაფიქსირდება.

საბჭოთა კანონმდებლობისგან განსხვავებით, საქართველოს რესპუბლიკის სამოქალაქო კოდექსში არის ჩანაწერი **საქორწინო ხელშეკრულების შესახებ (1172-ე მუხლი)**. აღნიშნული ხელშეკრულება განსაზღვრავს მეუღლეთა ქონებრივ უფლება-მოვალეობებს როგორც დაქორწინების, ისე განქორწინების შემთხვევაში. ეს კანონი განსაკუთრებით მონყველადი ჯგუფების წარმომადგენელთათვისაა ხელსაყრელი. სოციალურ-ისტორიული თვალსაზრისით, მდებდრობითი სქესი ყოველთვის მეტ-ნაკლები დისკრიმინაციის საფუძველი იყო. ეს მდგომარეობა დღესაც მეტ-ნაკლებად შენარჩუნებულია. განსაკუთრებით - მენტალობაში. აქედან გამომდინარე,

ქალები დღესაც მონყველადი ჯგუფია. მაგალითად ზემოთმოყვანილი ფაქტიკ იკმარებს. პატრიარქალური ინერციიდან გამომდინარე, ოჯახში ძალადობის ფაქტებშიც, დაზარალებული, როგორც წესი, ქალია. საქორწინო ხელშეკრულების ინსტიტუტი, საკუთრივ ოჯახში ძალადობის სანინაალმდეგო კანონმდებლობასთან ერთად, სწორედ ამ დისკრიმინაციის პრევენციას ემსახურება.

საქორწინო ხელშეკრულების გაფორმება შესაძლებელია როგორც ქორწინების რეგისტრაციისას, ისე ქორწინების განმავლობაში. დოკუმენტის გაფორმებისას დგინდება თითოეული მეუღლის კუთვნილი წილი და უფლება დოკუმენტში აღნიშნულ ქონებაზე. საქორწინო ხელშეკრულების სანოტარო წესით დამოწმებისას თითოეული მეუღლის უფლებები და სურვილი თანაბრად უნდა იყოს გათვალისწინებული. რომელიმე მხარისთვის მადისკრიმინირებელი პირობების ჩადება სასტიკად აკრძალულია.

ბიბლია და თანამედროვეობა

საკუთრებრივ ურთიერთობებს ოდითგანვე სამ „ვეშაპზე“ მოკალათებული პატრიარქალური მოდელი არეგულირებდა. „ვეშაპებში“ იგულისხმება: მამაკაცთა დომინანტური საზოგადოებრივი სტატუსი, ქალის შემთხვევაში დამოუკიდებელი სტატუსის უქონლობა და პატრიარქალური კერძო საკუთრება. ანუ, გვარის ძირითადი ქონების მემკვიდრე მამაკაცი იყო, ქალი კი მზითევით უნდა დაკმაყოფილებულიყო. ვაჟის არყოლის შემთხვევაში მამული გადაეცემოდა ბიძას, ან რომელიმე მამრობითი სქესის ნათესავს უფროსობის პრინციპით. მოგვიანებით, მემკვიდრეობის გადაცემის პატრიარქალურ მოდელში გარკვეული კორექტივები შევიდა, რაც ბიბლიაშიც აისახა. აღთქმული მინისკენ მსვლელობისას გარდაიცვალა იოსებთანთა გვარის წარმომადგენელი **ცელაფხადი**, რომელსაც დარჩა ხუთი ქალიშვილი: **მაჰლა**, **ნოა**, **სოგდა**, **მილქა** და **თირცა**. როგორც ჩანს, უდაბნოში მოგზაურობისას მამის გვერდზე ვაჟკაცურად დგომამ გამოაწროთ მათი ხასიათი. ამ საოცარმა ქალებმა რევოლუციური გადატრიალება მოახდინეს. ისინი თამამად წარსდგნენ **მოსეს** წინაშე და მამისეული ქონების მათთვის გადაცემა მოითხოვეს:

„რატომ უნდა ვაქრეს მამაჩვენის სახელი მისი სავარეულოდან იმიტომ, რომ ვაჟები არ ჰყავს? მოგვეცი ჩვენი სამკვიდრო მამაჩვენის ძმებს შორის...“ („რიცხვნი“ 27-4).

„ასე უთხრა უფალმა მოსეს: მართალს ამბობენ ცელაფხადის ასულნი. უნდა მისცე მათ საკუთარი სამკვიდრო მათი მამის ძმებს შორის. მათზე უნდა გადაიტანო მამის სამკვიდრო.“

ისრაელიანებს კი ასე უთხრა: თუ ვინმე მოკვდა და ვაჟი არ დარჩა, მისი სამკვიდრო მის ასულზე გადაიტანეთ“ („რიცხვნი“ 27-7,8).

ეს წესი ახალი აღთქმის ეპოქამაც შეითვისა და ყველა ქრისტიან ერს ახასიათებს. თუმცა ისიც უნდა აღინიშნოს, რომ აღნიშნული წესი ქალის საკუთრებრივ უფლებებს იცავს არა ზოგადად, არამედ მხოლოდ სიტუაციურად - ძირითადი მემკვიდრის, ძის არყოლის შემთხვევაში. ქალის ინდივიდუალური საკუთრება მხოლოდ მზი-

თვეი იყო, რომელშიც ძირითადად ოჯახისთვის საჭირო საგნები, სამკაულები და სხვა მოძრავი ქონება შედიოდა. ზოგიერთ ხალხში მშობის ნუსხის შედგენაში სასიძოს მხარეც იღებდა მონაწილეობას, რაც საქორწინო მოლაპარაკებას სავაჭრო გარიგების ელფერს აძლევდა. ძალიან საინტერესოა, რომ მსგავსი წესი აჭარლებშიც გვხვდება, რაზეც მიუთითებს ეთნოგრაფი **მზია ბექაია** თავის **ნაშრომში „ძველი და ახალი საქორწინო ტრადიციები აჭარაში“ (ბათუმი, 1974)**. როგორც ვხედავთ, საუკუნეთა მანძილზე. საკუთრებასთან დაკავშირებული ადამ-წესები და კანონმდებლობა ემსახურებოდა ქალის მიმაგრებას ჯერ მამის, მერე კი ქმრის ოჯახზე, ანუ მის გადაქცევას სოციალური მანიპულაციების ობიექტად. პრივილეგიურებულ წრეებში მშობის ნუსხაში უძრავი ქონების შეტანაც დაშვებული იყო, თუკი ეს ძირითად უძრავ საკუთრებას არ დააზარალებდა.

პარალელი: მიწა, როგორც მშობევი, ნახსენებია დავით აღმაშენებლის მიერ არიშანთათვის ბოძებულ წყალობის წიგნში. კიდევ ერთი მაგალითი: რუსუდანის ასულს, თამარს მშობივად სხვა უძრავ ქონებასთან ერთად, აწყურიც დაუდგინეს.

ლეკვი ლომისა სწორია?...

2002 წლის დეკემბერში იუსტიციის ყოფილ მინისტრს თედო ნინიძეს ინტერვიუს ჩასაწერად მივაკითხე. საქორწინო ხელშეკრულების თემაზე პუბლიკაციას ვამზადებდი და მისი პოზიცია მაინტერესებდა.

- ყველაფერი, რაც კანონში წერია, კარგი კი არ არის. რა საქორწინო ხელშეკრულებაზე ლაპარაკი? „კრახაბორობა“ და მეტი არაფერი. საფრანგეთში დღესაც არსებობს ნაპოლეონისეული კანონი, რომლის თანახმად რაც ეკუთვნის ცოლს, ის ეკუთვნის ქმარს - საუბრის დასაწყისშივე ბრძანა **ბატონმა ნინიძემ**.

- და რაც ეკუთვნის ქმარს, ის ეკუთვნის ცოლს? - შევაპარე ფრთხილად.
ეეს-მინისტრმა პირქუშად შემომხედა და ინტერვიუზე უარი განმიცხადა.

აქაც თვალსაჩინოა მენტალობაში მამაკაცთა პრივილეგიების მყარი ფიქსაცია, რაც დემოკრატიულ კანონმდებლობასთან წინააღმდეგობაში მოდის. დემოკრატიის ერთ-ერთი ძირითადი საზომია გენდერული ბალანსი. საქორწინო ხელშეკრულება კი სწორედ ამ ბალანსის დამყარებას ემსახურება. ჩნდება კითხვა: რატომ არის ეს „კრახაბორობა“? ანუ, რუსთაველის ცნობილი აფორიზმი არც ამ შემთხვევაში „მუშაობს“.

ავტორის აზრით, შესაძლებელი რომ იყოს, მამაკაცთა უმრავლესობა სიხარულით მისცემდა ხმას ნაპოლეონისეული სამოქალაქო კოდექსის შემოღების ნორმის საქართველოში დანერგვას.

იმავე პუბლიკაციის მომზადებისას ქალთა საკონსულტაციო ცენტრ „სახლს“ მივაკითხე. აი, რა მითხრა ორგანიზაციის ხელმძღვანელმა **რუსუდან ფხაკაძემ**:

- კანონმდებლობით, ყველა შვილი, სქესის მიუხედავად, თანასწორუფლებიანი მემკვიდრეა, მაგრამ მემკვიდრეობის გადაცემა, ფაქტობრივად, ისევ ძველი წარ-

მოდგენების შესაბამისად ხდება. გოგონას ეძლევა მზითვენი და, უკეთეს შემთხვევაში, უნარჩუნდება ბინაში ჩაწერა; ბინისა და ქონების უდიდესი ნაწილის მეკვიდრე კი ვაჟი ხდება. ლაპარაკი გვაქვს ზოგად ტენდენციაზე. ცალკეული შემთხვევები ამინდს ვერ შექმნის. კანონისა და მენტალიტეტის ასეთი აცდენა უამრავ მტანჯველ პრობლემას და იურიდიულ კოლიზიებს წარმოშობს. გოგონას თავისი კუთხე, ფაქტობრივად, არ გააჩნია; გათხოვებამდე ცხოვრობს მშობლებთან, ხოლო გათხოვების შემდეგ კი - ქმართან. განქორწინების შემთხვევაში ბინიდან წილს მხოლოდ იმ შემთხვევაში მიიღებს, თუ ეს საერთო შენაძენია. წინააღმდეგ შემთხვევაში უნდა დაბრუნდეს იქ, სადაც გაიზარდა; ცხადია, თუ მშობლებმა მიიღეს, ან რძალი წინააღმდეგი არ წავიდა. რომც მიიღონ, რამდენად კომფორტული იქნება მათი თანაცხოვრება ყოფითი და ფსიქოლოგიური თვალსაზრისით? ამიტომ ქალს ხშირად მხოლოდ მოსალოდნელი საბინაო პრობლემები აკავებს მამაკაცთან, რომელთანაც ემოციურად აღარაფერი აკავშირებს.

წარმოგიდგინოთ ორ ნიმუშს **საკონსულტაციო ცენტრ „სახლის“** ჩანაწერების უკრძალვიანი:

„25 წლის ქალბატონი მეუღლესთან და მკირეწლოვან შვილებთან ერთად ცხოვრობს მამამთილის ბინაში. მამამთილმა საკუთარი ინიციატივით დაავიარაუბა ბინა. როგორ მოიქცეს?“

პასუხი: კანონით მამამთილს აქვს უფლება თავისი ბინა განკარგოს სურვილისამებრ.“

„35 წლის ქალბატონი დაინტერესდა, ეკუთვნის თუ არა განქორწინების შემთხვევაში წილი მამამთილის საკუთრებაში არსებული ბინიდან.“

პასუხი: არა.“

როგორც ვხედავთ, ქალები სერიოზული პრობლემების წინაშე აღმოჩნდნენ. ეს პრობლემები, სულ ცოტა, შერბილდებოდა, თავის დროზე საქორწინო ხელშეკრულება რომ გაეფორმებინათ ჩანაწერით ბავშვების საცხოვრებელი ფართით უზრუნველყოფის თაობაზე.

2002 წელს ჩავინერე ინტერვიუ მთანმინდა-კრწანისის რაიონის მოსამართლე ზაურ მებონიასთან, რომელმაც საკითხის მიმართ ცალსახა პოზიცია დააფიქსირა:

- საქორწინო ხელშეკრულება თავიდან აგვაცილებს უამრავ გაუგებრობას, ვინაიდან დასაწყისშივე ადგენს და აზუსტებს ყველა საჭირობო საკითხს. წარმოიდგინეთ ასეთი სიტუაცია: ცოლ-ქმარი ეყრება, ჰყავთ შვილები, რომლებსაც მამის ბინიდან წილი ეკუთვნით. მამაკაცს არ სურს ბინის გაყოფა, ამიტომ მიმართავს ეშმაკობას - გადააფორმებს რომელიმე მშობელზე და ქალს აქვთ „ანვება“: რას გადამევიდე, ბინა მამაჩემისაა, არაფერი გამაჩნიაო. ასეთ შემთხვევაში კანონი უძლურია. საქორწინო ხელშეკრულების დადების შემთხვევაში კი ქალი ამას თავიდან აიცილებდა. საბჭოთა კავშირის პერიოდში ყველაფერი წინასწარვე რეგულამენტირებული იყო. კერძო საკუთრება არ არსებობდა. ბინა, როგორც წესი, ეკუთვნოდა სახელმწიფოს, თითოეული მობინადრის წილიც მკაცრად იყო განსაზღვრული. მოქმედებდა ჩაწერის ინსტიტუტი. განქორწინების შემთხვევაში კანონი იმასაც ადგენდა, რა რჩებოდა თითოეულ მეუღლეს და რა მონაწილეობა უნდა

მიეღოთ ბავშვების აღზრდაში. ახლა ასეთი მკაცრი განსაზღვრებები აღარ არსებობს. ცალკე სალაპარაკოა თავად ქალის საკუთრებრივი უფლებები. ქალებმა კრიზისულ სიტუაციაში შესაშური ფხა გამოიჩინეს. დღეს, ხშირად, ოჯახს ისინი არჩენენ. ამ დროს ქმარი ჯიუტად გაიძახის: რა გაგაჩნია, ყველაფერი მე მეკუთვინისო. ანუ, მისი წარმოდგენით, ქალის მონაწილეობა ოჯახის უზრუნველყოფაში არაფერს ნიშნავს. ხშირად ქალი განქორწინებისგან თავს მხოლოდ იმიტომ იკავებს, რომ ქუჩაში დარჩენის ეშინია. ჩემი პრაქტიკიდან კიდევ ასეთი ფაქტი მახსენდება: ქმარმა ცოლს ლალატში დასდო ბრალი (როგორც ჩანს, არცთუ უსაფუძვლოდ) და გადანწყვიტა „დაესაჯა“. ბინა, რომელშიც ცხოვრობდნენ, საერთო საკუთრება იყო, მაგრამ მამაკაცმა დაყვავებით და „მოფერებით“ გაყიდვაზე დაითანხმა. მერე კი ფული ხელში ჩაიგდო და ცოლს ერთი თეთრის კი არ არგუნა. სასამართლო დავა დღესაც მიმდინარეობს. ცხადია, ქმრის ლალატი ცუდი საქციელია, მაგრამ ეს ცოლის საკუთრებრივ უფლებებთან არაფერ კავშირშია. თავის დროზე საქორწინო ხელშეკრულება რომ გაეფორმებინათ, ქმარი ამას ვერ ჩაიდენდა.

ასეთი სიტუაცია იყო საუკუნის დასაწყისში. მას შემდეგ, ფაქტობრივად, არაფერი შეცვლილა. წიგნზე მუშაობის პროცესში ჩავინერე კომენტარი „**ძალადობისგან დაცვის ეროვნული ქსელის**“ **იურისტ მანანა ფურცხვანიძესთან**:

- სწორედ ახლა ვმუშაობ საქორწინო ხელშეკრულების საკითხთან დაკავშირებულ საქმეზე. ქმარმა ცოლი აიძულა რომ ხელშეკრულება დაქორწინებიდან ათი წლის შემდეგ გაეფორმებინა. დოკუმენტში ჩაინერა მადისკრიმინირებელი მუხლი, რომლის თანახმად განქორწინების შემთხვევაში ქმარი ქალს თბილისის შემოგარენში ერთოთახიან ბინას უყიდდა და სხვა არაფერზე პრეტენზია არ უნდა წამოეყენებინა. მამაკაცმა ბიზნესში შესაშური ფხა გამოიჩინა, ამდენად ფული არ უჭირს. მიუხედავად ამისა, ამ პირობის ნორმალურად შესრულებაც არ სურს: გარდაბანიც თბილისის რაიონში შედის და იქ გიყიდო. 1179-ე მუხლი კრძალავს დოკუმენტში ისეთი პირობების ჩადებას, რომელიც არათანასწორ მდგომარეობაში ჩააყენებს რომელიმე მეუღლეს. ამ მუხლზე დაყრდნობით, ახლა ვაპირებთ სარჩელის შეტანას საქორწინო ხელშეკრულების ბათილად გამოცხადების თაობაზე. ამჟამად ქალი, შვილთან ერთად, ცხოვრობს მშობლების ბინაში, სადაც მათ გარდაკიდევ სამი ოჯახია.

მოსამართლე ზაურ მებონიამ შვილებს ნამდვილად კარგი რჩევა მისცა; იმედია, გაითვალისწინეს. რეალობაში თანასწორობას წერილობითი გარანტია სჭირდება.

გარანტი მოულოდნელობების წინააღმდეგ...

ქალთა საკონსულტაციო ცენტრს 36 წლის სანდომიანმა ქალბატონმა მოაკითხა. მის ცხოვრებაში უმძიმესი ტრაგედია დატრიალდა - ქალიშვილობაში ცალი ფეხი დაკარგა. ახლა მეუღლე აყვედრის, რომ ცალფეხა მოიყვანა, ავლებულად ექცევა და თავს არიდებს მასთან სექსუალურ ცხოვრებას. ნიშანდობლივია, რომ, ოდესღაც, ქმარმა დაქორწინების ინიციატივა თავად გამოიჩინა. ქალს სხვა უყვარ-

და, მაგრამ როდესაც ფეხი დაკარგა, შეყვარებულმა მიატოვა. სამავიეროდ იაქტიურა უარყოფილმა თავყანისმცემელმა, საავადმყოფოში მიაკითხა. ცხადია, სასონარკვეთილი გოგონასთვის ეს სიბნელები სხივის ტოლოფასი იყო. მშობლებიც ურჩევდნენ: ხომ გამოჩნდა სინამდვილეში ვის ყვარებიხარ, ეს კაცი შენთვის კარგი პატრონი იქნებაო. ასე მოხდა მათი დაქორწინება. გავიდა ხანი და ქმრის გრძნობები განელდა. ასეც უნდა მომხდარიყო, ვინაიდან მისი „დიდსულოვნების“ მიღმა არა სიყვარული, არამედ უარყოფილი კაცის კომპლექსი იდგა. ხომ დაამტკიცა რამდენად უკეთესი იყო იმ სხვაზე და რამდენად „უსამართლოდ“ უარყოფდნენ?! ამბიციი კი დაიკმაყოფილა, მაგრამ მისმა „სიყვარულმა“ ყოველდღიურობას ვერ გაუძლო. საბოლოოდ, ქალი მართო აღმოჩნდა თავისი პრობლემების წინაშე. ახლობლებს ყველას თავისი ცხოვრება ჰქონდა და მასთან არაფერი მიდიოდა; ამდენად, გულის გადაყოლების შესაძლებლობას მოკლებული, დეპრესიაში ჩავარდა. თვითმკვლელობაზე ფიქრებიც კი მოეძალა. რაც ყველაზე პარადოქსულია, ქმარმა შეუზღუდა სახლიდან გასვლა, იმიტომ რომ... ეჭვიანობდა! ცხადია, ეს მხოლოდ განქორწინებისთვის საპატიო მიზეზის ძიება იყო და სხვა არაფერი. ქალის მდგომარეობა იმიტაც იყო გართულებული, რომ არაფერი გააჩნდა.

ეს ისტორია ცალსახად გვიჩვენებს - საქორწინო ხელშეკრულებას აქვს კიდევ ერთი პლუსი: განსაზღვრავს საოჯახო ხარჯების განწევის წესს არა მარტო ქორწინების განმავლობაში, არამედ - ქორწინების შეწყვეტის შემდეგაც. ამდენად, მოწყვლადი ჯგუფების წარმომადგენელთა უფლებების დასაცავად გამოდგება. კანონის თანახმად, შეზღუდული ქმედუნარიანობის პირი საქორწინო ხელშეკრულებას დებს კანონიერი წარმომადგენლის თანხმობით (**მუხლი 1175**).

„საქართველოს შეზღუდული შესაძლებლობის ქალთა საერთაშორისო ასოციაციის“ პრეზიდენტი მანანა გალუაშვილი მიუთითებს, რომ შეზღუდული შესაძლებლობის პირთა საკუთრებრივი უფლებების დაცვის კუთხით, საქორწინო ხელშეკრულებას აქვს კიდევ ერთი უპირატესობა: მასში ყოველთვის გათვალისწინებულია მომავალი შვილების უზრუნველყოფის მომენტი. ამდენად, თუკი ოჯახში არსებობს ჯანმრთელობის პრობლემების მქონე ბავშვი, განქორწინების შემთხვევაში მას გარკვეული ეკონომიკური გარანტიები ექნება. „ყველას ვურჩევდი ამ ხელშეკრულების დადებას. კანონი რომ არ არსებობდეს, მის შემოსაღებად ვიბრძოლებდი“ - მითხრა **მანანა გალუაშვილმა**.

ხელშეკრულება მხოლოდ რეგისტრირებული ქორწინების შემთხვევაში ფორმდება. მაგრამ წყვილთა ნაწილი საეკლესიო წესითაა დაქორწინებული, ზოგი კი სულაც რეგისტრაციის გარეშე ცხოვრობს. ამ შემთხვევაში ოჯახზე ორიენტირებული კანონები არ მუშაობს და ვერც ხელშეკრულებას დადებენ. ანუ, უამრავი ქალი საკუთარ და შვილების საკუთრებრივ უფლებებს ვერ დაიცავს. ეს ხარვეზი აუცილებლად გამოსასწორებელია.

ფაქტი: მოქალაქე ციალა პერტია 29 წელი არარეგისტრირებულ ქორწინებაში იმყოფებოდა. ცოლ-ქმარს შვილი არ ჰყოლია. მეუღლის გარდაცვალების შემდეგ ქონებას გარდაცვლილის ძმისშვილი ითხოვს. სარჩელი უკვე საკონსტიტუციო სასამართლოშია შეტანილი. ციალა პერტიას ადვოკატი დავით დიდმანიძე ევროსასამართლოს პრაქტიკაზე მიუთითებს. გახმაურებულ საქმეში „კორინი ნიდერლანდების წინააღმდეგ“ აღნიშნულია, რომ „ქორწინება გასცდა ფორმალურ

ურთიერთობებს...“. შესაბამისად, კანონმდებლობა არარეგისტრირებულ ქორწინებაში მყოფი მოქალაქეებზეც უნდა ვრცელდებოდეს. ცხადია, თუ მუდმივი თანაცხოვრების საკმარისი მტკიცებულება არსებობს.

ქალაქში დარჩენილი კანონი

კანონი საქორწინო ხელშეკრულების შესახებ მიღებულია, მაგრამ ცოლქმარს შორის საკუთრებრივი ურთიერთობები დღესაც მოლაპარაკებებით წყდება. სიტყვიერი მოლაპარაკება განქორწინებისას წარმოქმნილი პრობლემის გადაწყვეტის გარანტიას ნამდვილად არ იძლევა. საქორწინო ხელშეკრულების დადების ტრადიციას საქართველოში ვერ დაინერგა, ვინაიდან აქ კანონშემოქმედება, სშირად, საზოგადოებრივ ცხოვრებას მოწყვეტილია. კანონის მიღებას ყოველთვის წინ უნდა უსწრებდეს იდეა - აზროვნებითი პროცესი, რაც მომზიდვების რაღაც სტადიაზე კანონის შექმნით ბოლოვდება. ჩვენთან კი კანონი ავტომატურად შემოაქვთ მაშინ, როდესაც არ არსებობს არც იდეა და არც მის გარშემო ჩამოყალიბებული რაიმე საზოგადოებრივი აზრი. ამ ხარვეზის გამოსასწორებლად არც საკმარისი საინფორმაციო-განმანათლებელი მუშაობა ტარდება. სწორედ ამიტომაც რომ მენტალურად მოუზადებელი საზოგადოებაში კანონი არ მუშაობს. საქორწინო ხელშეკრულება ქონებრივი ურთიერთობების დარეგულირებას ითვალისწინებს, რასაც პრაგმატიზმს შეუჩვეველი საზოგადოება შეცდომით „კრახბორობად“ აღიქვამს და არ იკარებს. ამ საკითხმა ისე დამაინტერესა, რომ კითხვა - „არის თუ არა საჭირო საქორწინო ხელშეკრულების გაფორმება?“ სოციალურ ქსელში დავპოსტე. აი, ზოგიერთი ყველაზე საინტერესო პასუხი:

„აუცილებელია, მითუმეტეს ახლა. თუ უძრავ-მოძრავი ქონება კაცს ქორწინებაში აქვს შეძენილი, შეუძლია განქორწინების შემთხვევაში მეუღლე ბავშვებიანად გამოავდოს ქუჩაში და არც მოიკითხოს სად გაათენებენ ღამეს. თანაც, განქორწინებისას, ეს მრავალ პრობლემას აარიდებს წყვილს, ვინაიდან ქონებრივი უფლებები წინასწარ იქნება განერილი და ქონებაზე დავა აღარ მოუწევთ. რა თქმა უნდა, როცა ოჯახი იქმნება, განქორწინებაზე არავინ ფიქრობს, წინააღმდეგ შემთხვევაში, არც დაქორწინდებოდნენ; მაგრამ ცხოვრება ცხოვრებაა, დაზღვეული არავინაა, რომ ასეთი რამ არ მოხდება, ამიტომ გარანტიები საჭიროა“.

„აუცილებელია - შემდგომი პრობლემების თავიდან აცილების მიზნით, რაც ხშირად სავალალო შედეგებამდეა ჩვენთან მისული. ვგულისხმობ განქორწინების შემდგომ მდგომარეობას და მშობლების უპასუხმვებლო მიდგომას მეტწილად!“.

„როცა ბედნიერი ხარ და პატარა, ამაზე არ ფიქრობ, მაგრამ მიმაჩნია, რომ აუცილებელი და საჭიროა. თუნდაც, განქორწინების შემთხვევაში, ბევრი უსიამოვნების თავიდან ასაცილებლად“.

„ამის საჭიროებას თავად წყვილი განსაზღვრავს. თუ თვლიან საჭიროდ - დადებენ, თუ არა - არა... აუცილებელი და სავალდებულო არაფერია ამ ქვეყანაზე“.

*„საერთოდ, ოჯახი არის ეკონომიკური ქმნილება, ამიტომ საზოგადოებაში მომ-
ხდარი ყველანაირი ეკონომიკური ცვლილება მასზეც აისახება. განვითარებულ
ქვეყნებში, სადაც ორივე მეუღლე ხშირად დიდი ქონების პატრონია, ამას აზრი
აქვს. ანუ, ჩვენთან ეს ჯერჯერობით საჭირო არ არის, ვინაიდან ხშირად გასაყოფი
არც არაფერია“.*

როგორც ვხედავთ, ზოგიერთ მოქალაქეს აშკარად არ ესმის, რომ საქორწინო
ხელშეკრულება მხოლოდ ქონების წინასწარ გაყოფას არ ნიშნავს - ეს, პირველ
რიგში, უფლება-მოვალეობების წინასწარ განსაზღვრაა, რაც ძალზე მნიშვნელო-
ვანია (განსაკუთრებით, ოჯახში ძალადობის მსხვერპლისთვის). ამ ექსპრეს-გამოკი-
თხვაში საქორწინო ხელშეკრულების აუცილებლობა, ძირითადად, ქალებმა აღი-
არეს, ვინაიდან მეტწილად სწორედ ისინი არიან დაზარალებულნი.

ამ ინსტიტუტის მიმართ დამოკიდებულების რეალური სურათის დასადგენად
მასშტაბური გამოკითხვის ჩატარება საჭირო. იმედს ვიტოვებ, რომ ეს პუბლიკაცია
არასამთავრობო სექტორის მოღვაწეებში ასეთი პროექტის განხორციელების სურ-
ვილს გააჩენს. მდგომარეობა მართლაც სერიოზულია. არსებობს საკუთრებრივი
უფლებების დაცვის მექანიზმი, რომელსაც არ, უფრო სწორედ, ვერ ვიყენებთ.

**საქართველოს ნოტარიუსთა საიტზე გამოქვეყნებული ინფორმაციის თანახმად,
საქართველოში საქორწინო ხელშეკრულების გაფორმების სტატისტიკა ყოველ-
წლიურად უმნიშვნელოდ, მაგრამ მაინც იზრდება. 2010 წელს 7 საქორწინო ხელ-
შეკრულება დამონშდა სანოტარო წესით; 2011 წელს - 13; 2012 წელს - 21; 2013
წელს - 23; 2014 წელს - 32; 2015 წლის პირველ სამ თვეში კი მხოლოდ 12
საქორწინო ხელშეკრულება იქნა გაფორმებული. ეს არის ჩვენს ხელთ ამჟამად
არსებული ინფორმაცია. გვაქვს საფუძვლიანი ეჭვი, რომ დღესაც, უკეთეს
შემთხვევაში, ტენდენციის უმნიშვნელო ზრდაა შენარჩუნებული. კანონი, თუნდაც
დასახვეწი, არსებობს, მაგრამ, თაქტობრივად, მხოლოდ ქალაქდღმეა დარჩენილი.
ძირითადი ბარიერი არაინფორმირებულობა და მენტალური სტიგმაა, რაც
აუცილებლად უნდა დაიძლიოს. ამისათვის სამთავრობო-არასამთავრობო სექტო-
რის და მედიის ერთობლივი ძალისხმევაა საჭირო.**

თავი მეათე

ბენღური

ღკ

შრომის კანონმდებლობა

შრომის კანონმდებლობა და ოჯახში ძალადობა

- ქმარი თუ მთხოვს, არ ვიმუშავებ და ოჯახს მიეხედავ! - განმიცხადა ერთხელ ჩემმა თხოთმეტი წლის ქალიშვილმა.

ჩემს „აღტაცებას“ სიტყვებით ვერ ავინერო.

- ჰოდა, დიდ შეცდომას დაუშვებ!

- რატომ?

- წარმოიდგინე ორი სიტუაცია: ერთში საკუთარი შემოსავალი გაქვს, ხოლო მეორეში - ნივთხავის საყიდელი ფულიც კი ქმარს უნდა სთხოვო. როგორ გვინია, ორივე შემთხვევაში ერთნაირად მოგვექცევა?

ჩემი ქალბატონი ჩაფიქრდა, მაგრამ აზრი მაინც არ შეუცვლია.

ამ საუბრიდან რამდენიმე ხნის შემდეგ ბაზრობაზე მოგვინია წასვლა და უნებ-ლიედ ძალიან საინტერესო სცენას შევესწარით. ახალგაზრდა ქალი ბავშვთან ერთად ქმარს ბუზღუნით მისდევდა:

- კარგი ახლა, მომეცი ფული, ჩემთვის რომ გაქვს გამეტებული და თვითონ ვიყიდი რაც მინდა!

სულგანაბული ველოდი ჩემი ქალიშვილის რეაქციას:

- დაინახე დედიკო?! ანუ, რამე რომ მომინდება, ქმარს ასე კუდში უნდა ვდიო და ვეხვეწო? არა, აუცილებლად ვიმუშავებ!

გულში ჩამეღიმა და განვებას მაღლობა შევწირე. პრაქტიკული მაგალითი ყველაზე ძლიერი არგუმენტი; რით დამთავრდა იმ ცოლ-ქმრის დიალოგი, სამწუხაროდ, არ ვიცი, ვინაიდან სულ რამდენიმე წამში თვალს მიეფარნენ.

ქალის ყველაზე საუკეთესო დამცველი, ფინანსური დამოუკიდებლობა, ანუ „სავსე ქისაა“. მაგრამ საკუთრება არა მხოლოდ მემკვიდრეობით გადაცემული ქონებაა - ის საკუთარი შრომითაც იქმნება. პრინციპულად მნიშვნელოვანია, რომ ეს შრომა საიმედოდ იყოს დაცული. ანუ გენდერული პრობლემატიკა განუყოფლადაა დაკავშირებული შრომის კანონმდებლობასთან.

უკვე დიდი ხანია აღარავინ კამათობს, რომ მოქალაქეთა შრომითი უფლებები დემოკრატიის განვითარების ერთ-ერთი მაჩვენებელია. წლების მანძილზე საქართველოს შრომით კანონმდებლობაში წონასწორობა დამსაქმებლის სასარგებლოდ იყო დარღვეული. სრულფასოვანი მედიატორის როლს ვერც სახელმწიფო ასრულებდა, რამეთუ შრომით დავებში მეტ-ნაკლები უფლებრივი პრიორიტეტი დამსაქმებელს ჰქონდა მინიჭებული. ეს საკანონმდებლო ხარვეზი თავს განსაკუთრებული სიმწვავეთ იჩენდა ქალების შემთხვევაში. გენდერული ნიშნით ძალადობა ადვილად განხორციელებადია, როდესაც მსხვერპლს არ აქვს დამოუკიდებელი სოციალური საფუძველი; ასეთ საფუძველს კი, პირველ რიგში, საკუთარი შემოსავალი ქმნის. თუ ქალს საკუთარი შემოსავალი და საკუთრება არ

გააჩნია, მისი სოციალური პოზიცია საფრთხეშია.



აი, რას მითხრა ამის შესახებ 2010 წელს ანა არგანაშვილი (ა/ო „პარტნიორობა აღამიანის უფლებებისთვის“):

- ძალზე მნიშვნელოვანია ქალს ჰქონდეს შრომით ბაზარზე შეუზღუდავი დამკვიდრების საშუალება, ხოლო კანონში ჯეროვნად იყოს წარმოდგენილი შრომითი საქმიანობის გენდერული სპეციფიკა. წლების მანძილზე საქართველოს შრომის კანონმდებლობა ამ კუთხითაც საფუძვლიან კრიტიკას იმსახურებდა. უამრავი საკითხი დღესაც გასაუმჯობესებელია. გენდერულად კორექტული შრომის კოდექსის გარდა, სასიცოცხლოდ აუცილებელია ქალთა დასაქმების პროგრამებიც. საკუთარი შემოსავლის გარეშე თავს ვერაფერს დაიცავს. ცნობილი ფაქტია: როგორც კი ქალი განქორწინებაზე ენას დაძრავს, მამაკაცი შანტაჟს იწყებს: წასასვლელი არსად გაქვს, არც შემოსავალი გაგაჩნია; ბავშვების გამოკვებას ვერ შეძლებ, ამიტომ ვერ წაიყვანო!

ფაქტი: 48 წლის ქეთი თომეიშვილზე ინფორმაცია ა/ო „ქალები საქართველოდან Women of Georgia“-ს Facebook გვერდზე მოვიძიე. ამ ქალბატონმა განქორწინების შემდეგ შრომითი მიგრანტობის მთელი სიმძიმე იწვნია: „ქმარმა დაშორების წინ მომაძახა, ახლა გიყურებ როგორ ვეტირება დედაო. მაშინ გულში ვიფიქრე, სახლიც მექნება და შემოსავალიც, მაგარ შვილსაც ვავზრდი და მანქანაც მიყილეო... საქართველოში რომ დავბრუნდი, მივაკითხე ჩემს ყოფილ ქმარს სახლთან... დავუსიგნალო და ფარები ავუნთე. მიყურებდა ბუსავით. ეს იმხელა სიამოვნება იყო, რომ გადაფარა იმ 14 წლის ტანჯვით შრომა.“ მშვენიერია ილუსტრაციამ იმ ჭეშმარიტებისა, რომ ქალის საუკეთესო დამცველი მისი მყარი ეკონომიური მდგომარეობა, ან, თუ გნებავთ, „სავსე ქისაა“.

გაცილებით უკეთესი იქნებოდა, რომ ეკონომიკური გაძლიერების საშუალება ქალბატონს საკუთარ სამშობლოში ჰქონოდა; ანუ გენდერული ნიშნით ძალადობის პრევენციის საკითხი პირდაპირ კავშირშია დასაქმების შესაძლებლობასთან. არანაკლებ მნიშვნელოვანია შრომის საკანონმდებლო ფორმატი. ხელისუფლების წარმომადგენელნი ამ კავშირს, რიგ შემთხვევებში, არ, ან ვერ აცნობიერებენ.

2014 წლის 25 ნოემბერს, თბილისში ქალებზე ძალადობის და ფემიციდის წინააღმდეგ საპროტესტო აქციაზე ხელისუფლების წარმომადგენლებიც ვიხილეთ. შესაძლებლობით ვისარგებლე და „ერთიანი ნაციონალური მოძრაობის“ წარმომადგენელ გიგი წერეთელთან ექსპრეს-ინტერვიუ ჩავინერგე:

- აქ ქალებზე ძალადობის წინააღმდეგ პროტესტის გამოსახატად მოვედი. გენდერული თანასწორობის დამამკვიდრებელი და ოჯახში ძალადობის წინააღმდეგ მიმართული კანონმდებლობის შემუშავების ერთ-ერთი ინიციატორი და მონაწილე მეც ვახლდით. ფემიციდის ოცდაათი ფაქტი ცივილიზებული საზოგადოებისთვის მეტისმეტად ბევრია. როგორც ხელისუფლება, ისე ხალხი, ამ პრობლემას სწორად უნდა აღიქვავდეს და ადეკვატურად რეაგირებდეს.

- შეგახსენებთ: 2006 წელს თქვენი ხელისუფლების მიერ



მიღებული შრომის კანონმდებლობა ბავშვიან ქალებს დასაქმებაში ხელს უშლიდა. დედების საჭიროებები კი საერთოდ იგნორირებული იყო...

– შრომის კოდექსი ბიზნესისთვის თავისუფალი ვარემოს შექმნაზე იყო ორიენტირებული. სწორედ ამაზეა დამოკიდებული სამუშაო ადგილების შექმნა და როგორც მამაკაცების, ისე ქალების დასაქმება. დასაქმებულთა უფლებები უფრო სტანდარტულ ფორმატში იყო გათვალისწინებული. ცხადია, მეტის გაკეთებაც შეიძლებოდა; ამაზე მომავალში ვიზრუნებთ. ეს საკითხის არასწორად დაყენებაა. რა კავშირშია შრომის კანონმდებლობა ოჯახში ქალებზე ძალადობასთან?

– პირდაპირ კავშირშია! ხშირად ქალი მოძალადისგან მხოლოდ იმიტომ ვერ მიდის, რომ მატერიალურად მასზეა დამოკიდებული. ამ დროს იღებთ შრომის კანონმდებლობას, რომელიც ქალთა დასაქმებას ხელს კი არ უწყობს, არამედ პირიქით – აფერხებს...

– სამუშაოს ძიებასთან დაკავშირებულ პრობლემებზე რომ ვისაუბროთ, ეს სამუშაო ჯერ უნდა არსებობდეს. ღია ბაზარი სამუშაო ადგილების შექმნის საშუალებას იძლევა. აქედან გამომდინარე, მეტი ქალი დასაქმდება. ხოლო მოსასმენად უფრო სასიამოვნო შრომის კოდექსის ნორმები ამას ვერ უზრუნველყოფს. თუ დამსაქმებელს ფეხმძიმე ქალების მიმართ მეტისმეტად ბევრ ვალდებულებას დავაკისრებთ, საერთოდ აღარ აიყვანს სამსახურში. აქ დაბალანსებული მიდგომაა საჭირო.

როგორც ვხედავთ, გენდერული თანასწორობის საკითხში, ზოგადად, კორექტული პოზიციის მიუხედავად, ამ პოლიტიკოსს, ამკარად, არ ესმოდა მარტივი ჭეშმარიტება: გენდერული დისბალანსი შრომით უფლებებში პირდაპირ განაპირობებს სირთულეებს ქალთა დასაქმების კუთხით და მათზე ძალადობასაც აადვილებს. შრომის კანონმდებლობის საკითხს უამრავი სტატია მიუძღვნენ. ყოველდღიურობა კი დისკრიმინაციის ფაქტებით უხვად მამარავებდა.

ერთხელ, ზამთრის სუსხიან ღამეს, აფთიაქში ფრიად „თვალგასახარი“ სანახაობა ვიხილე: საფუძვლიანად შემრგვალებული ფეხმძიმე პროვიზორი მარტოდმარტო მორიგეობდა! ცხადია, ასეთ ოდიოზურ ფაქტს უყურადღებოდ ვერ დავტოვებდი:

– თქვენი უფროსობა რამ გადარია – შუალამისას აქ დასაყენებელი მეტი ველარაგინ იპოვეს? ანდა, თავად როგორ დათანხმდით?!

– აბა, რა ვქნა, სამსახურს ხომ ვერ დავკარგავ?

– ტელეფონი მაინც თუ არსებობს ამ „ოჯახში“?

– არა. მაგრამ მობილური სულ თან დამაქვს.

– ვინმემ რომ შევაშინოთ?

– ტერიტორიას დაცვა ჰყავს და შიგადაშიგ დამხედვენ ხოლმე. ცხადია, მათთან ხელშეკრულების გაფორმებისას, უფროსობა მხოლოდ თავისი ქონების დაცვაზე ფიქრობდა, თორემ ჩვენ რაში ვანალელებდით! მაგრამ დაცვა მთელი ღამე აქ ვერ დადგება და, ძირითადად, მარტო მინევს ყოფნა. მორიგეობაზე უარს მაინც ვერ ვიტყვი, მაშინ ხომ სამსახურს დავკარგავ! მე ვიკითხო, თორემ შემცვლელს ნახევარ საათში მონახავენ. გაჭირვებული და უმუშევარი ხალხის მეტი რა არის!

– იქნებ თქვენი შრომითი უფლებები „ახალგაზრდა იურისტთა ასოციაციაში“, გაგვეკვიათ, სადაც მოქალაქეებს იურიდიულ კონსულტაციას უფასოდ უწევენ?

– რა აზრი აქვს? ჩემი უფლებების დაცვა რომც მოვახერხო, პერსპექტივაში წა-

ვაგებ. უფროსობა რალაცას მომიზღვებს და სამსახურიდან მაინც გამიშვებს; თანაც, საესებით „კანონიერად“. კოლეგებისგან მხარდაჭერას არც უნდა ელოდე. შენი გულისთვის საქმეს არავინ გაიფუჭებს; ყველას თავისი გასაჭირი აქვს და ყურს წაიყრუებენ. ეს ყველაფერი განსაკუთრებით დიდ კორპორაციებში იგრძნობა. პატარა ავთიაქებში ადამიანური ფაქტორი ისევ მუშაობს. შეიძლება, შეგიცოდონ და დაგინდონ. ყოველ შემთხვევაში, ამის შანსი არსებობს.

ქალი „ბოლო ზარამდე“ გმირულად ეწეოდა ჭაპანს (ცხადია, სრული განაკვეთით და ღამის მორიგეობების ჩათვლით!). დეკრეტულ შვებულებას მშობიარობამდე ერთი კვირით ადრე ეღირსა და ქვეყანას ჯანსაღი ბავშვი მოეწვინა. ჯანმრთელობის კუთხით პრობლემები, საბედნიეროდ, არც დედას გასჩენია. ცხადია, ეს არც სახელმწიფოს დემოგრაფიული პოლიტიკის დამსახურება იყო და არც, მითუმეტეს, დამსაქმებლის ამაგი; უბრალოდ, ჩვენი ისტორიის გმირი ფიზიკურად და ფსიქიკურად ამტანი აღმოჩნდა. გასაგები მიზეზების გამო, მისი ვინაობის დაბუსტებისაგან თავს ვიკავებ.

ასეთმა ფაქტებმა ნათლად დამანახა, რაოდენ მჭიდროდ იყო გადაჯაჭვული გენდერი შრომის კანონმდებლობასთან. ამ საკითხზე წერის გადაწყვეტილება უფრო გამიმყარდა, როდესაც დაზარალებული თავადაც აღმოვჩნდი: 2010 წლის მარტის დასაწყისში **მედია-პოლდინგ „ფორტუნა-7“-ის მეპატრონემ, ვადიმ გეჯაძემ** „სარვამართო საჩუქარი“ მომიძღვნა – უცერემონიოდ კარზე მიმითითა. ბატონი ვადიმი გააღიზიანა შურნალ **„Подруга“-ს** თებერვლის ნომრებში გამოქვეყნებულმა პუბლიცისტურმა ციკლმა, რომელშიც გავაანალიზე აბორტის პრობლემა ისეთი სიტუაციისათვის, როცა ფეხმძიმობა საფრთხეს უქმნის დედის ჯანმრთელობას და სიცოცხლეს. შევეხე რა გასაშუქებელი თემის რელიგიურ და ზნეობრივ პარამეტრებს, მკითხველს შევთავაზე ერთად დაფიქრებულიყავით ამ საკითხზე და, გამოხმაურებების მოლოდინში, ციკლი მრავალი წერტილით დავასრულე. **ვადიმ გეჯაძემ** ჩემი ნაშრომი შეაფასა როგორც ანტიქრისტიანული და ზედმეტად ფემინისტური. გამომიცხადა - სახსებით კმაყოფილი ვარ არსებული გენდერული სიტუაციით, საქართველოში ოჯახში ძალადობა არ არსებობს და აღარ დავუშვებ ჩემს შურნალში გენდერულ ცვლილებებზე ორიენტირებული მასალების გამოქვეყნებას; უფრო მეტიც, ბრძანა - შურნალისტიკა არ არის თქვენი საქმე და ძალები სხვა სფეროში მოსინჯეთო. აღნიშნულ ფაქტს წინ უძღოდა ოთხნობიანი წარმატებული მუშაობა, მკითხველებისაგან გამოხმაურებები და შურნალისტურ კონკურსზე გამარჯვება. აგრეთვე, ფონდ „ღია საზოგადოება - საქართველოს“ მიერ დაფინანსებული ვიზიტი შურნალისტთა ტრენინგზე პოლონეთში, რაც წესით, გამომცემლისთვის საამაყო უნდა ყოფილიყო.

ვადიმ გეჯაძისგან შეურაცხყოფილს და უმუშევარს (მეგრამ, არავითარ შემთხვევაში, დამცირებულს!), ორგანიზაციამ „ქალთა ფონდი საქართველოში“ დახმარების ხელი გამომიწოდა. მათი დაფინანსებით დაწერე მცირე ნაშრომი: „შრომის კანონმდებლობის გენდერული არასრულფასოვნება და მისი ნეგატიური შედეგები“ (თბილისი, 2010). ვსარგებლობ შემთხვევით, რათა ფონდი და მისი ხელმძღვანელი ნანა ფანცულაია კიდევ ერთხელ უდიდესი მადლობით მოვიხსენიო.

გუბინინ და გუბინ

ქმარშვილიანი ქალებისა და მომავალი დედებისთვის სახელმწიფო სამსახურში ყოველთვის არსებობდა გარკვეული გარანტიები; სამაგიეროდ, კერძო სექტორში შავ დღეში იყვნენ. **2006 წელს** დამტკიცებულ იქნა ე.წ. „ბენდუქიძის შრომის კოდექსი“, რომელიც მეტისმეტად სწორხაზოვნად გაგებული „თავისუფალი ბაზრის“ კვაზილიბერალურ პრინციპებზე აიგო.

სსრკ-ს მხოლოდ ნაკლებად გონიერი ხალხი თუ მისტირის, მაგრამ, ფაქტია, **საბჭოთა შრომის კოდექსში** ფეხმძიმე ქალებისა და მეძუძური დედების, აგრეთვე, მრავალშვილიანი და მარტოხელა დედების შეღავათები და უფლებები დეტალურად იყო განწერილი. მაგალითად, მარტოხელა დედებისთვის კანონი მთელ რიგ შეღავათებს ითვალისწინებდა: რეორგანიზაციის, ან კადრების შემცირებისას იკრძალებოდა მათი სამსახურიდან გაშვება; ბინით, დასასვენებელი საგზურებით უზრუნველყოფის დროს უპირატესობას ანიჭებდნენ და ა.შ. **36-ე მუხლში** დაზუსტებული იყო შტატების შემცირებისას სამუშაოზე დარჩენის უპირატესი უფლების მქონე მუშაკთა კატეგორიები (კვალიფიკაციის და შრომის ნაყოფიერების თვალსაზრისით თანაბარ პირობებში). ამ კატეგორიაში შედიოდნენ მარტოხელა დედები და ქალები, რომლებსაც ჰყავდათ სამ წლამდე ასაკის ბავშვი (**თავი III, მუხლი 36, პუნქტი 2**).

საბჭოთა კავშირის შრომის კოდექსის ნორმები ჩინებულად დაიცავდა პროვიზორ ქალბატონს დამსაქმებლის თავგასულობისაგან: ორსული ქალების და სამ წლამდე ბავშვების დედების გამოყენება ღამისა და ზეგანაკვეთურ სამუშაოებზე, დასვენების დღეებში, აგრეთვე მათ გაგზავნა მივლინებაში სასტიკად აკრძალული იყო (თავი მე-12; მუხლი 157; პუნქტი მე-2).

მეძუძური დედების შეღავათებს უზრუნველყოფდა **163-ე მუხლი („შესვენება ბავშვის კვებისათვის“)**:

1. ქალებს, რომლებსაც წლინახვერის ასაკამდე ბავშვები ჰყავდათ, გარდა საერთო შესვენებისა, ეძლეოდათ დამატებითი შესვენება ბავშვების კვებისათვის;

2. ეს შესვენება ეძლეოდათ, სულ ცოტა, ყოველ სამ საათში; თითოეული - არანაკლებ ოცდაათი წუთის ხანგრძლივობით. თუ ქალს ჰყავდა ერთ წლამდე ასაკის ორი ან მეტი ბავშვი, შესვენების ხანგრძლივობა უნდა ყოფილიყო არანაკლებ ერთი საათისა;

3. შესვენება ბავშვის კვებისათვის ითვლებოდა სამუშაო დროდ და ანაზღაურდებოდა საშუალო ხელფასის მიხედვით;

4. შესვენების დროს და მისი მიცემის წესს, დედის სურვილის გათვალისწინებით, ადგენდა ადმინისტრაცია ორგანიზაციის პროტკავშირთან ერთად.

ანუ, ქალს შეეძლო სამუშაო დღე ბავშვის მოვლა-კვების რეჟიმზე აენყო და არც

ხელფასში ზარალდებოდა. **165-ე მუხლი** ორსული ქალბატონების დასასვენებელი საგზურებით უზრუნველყოფისა და მატერიალური დახმარების საკითხებს არეგულირებდა. იმ ორგანიზაციებს, სადაც ქალის შრომას ფართოდ იყენებდნენ, **166-ე მუხლი** საბავშვო ბაღების, აგრეთვე პირადი ჰიგიენისათვის განკუთვნილი ოთახების მოწყობას ავალდებულებდა. ამ შეღავათებს ქალები თავისუფლად იყენებდნენ, რამეთუ დირექცია თავისი ახირების გამო ვერავის გაუშვებდა სამსახურიდან.

ყველა საღად მოაზროვნე ადამიანისათვის აშკარაა საბჭოთა წყობილების ანტიდემოკრატიული და ანტიჰუმანისტური არსი. მითუმეტეს, სამარცხვინოა, რომ კომუნისტებმა საქართველოს რესპუბლიკის „დემოკრატიის მამებს“ დედებზე და ბავშვებზე ზრუნვაში აშკარად აჯობეს. **2008 წელს ხელფაჩურში** განვითარებულმა მოვლენებმა თვალსაჩინო გახადა ფსევდო-ლიბერალურ შრომის კოდექსის „სიკეთენი“. მხედველობაში მათქვამ **სამკერვალო ფაბრიკაში** მომხდარი დაპირისპირება პერსონალსა და უფროსობას შორის. შრომის კანონმდებლობის „ლიბერალიზმით“ ფრთაშესხმულმა მეპატრონემ მეტისმეტად ლაღად განიავარდა. ვერ გეტყვით, რამდენად იხეირა მის მიერ გადახდილი გადასახადებით ქვეყნის ბიუჯეტმა, მაგრამ ფაბრიკის თანამშრომლები რომ დაზარალდნენ, ერთმნიშვნელოვნად ნათელია. ყველაფერი იმით დაიწყო, რომ შრომის აუტანელი პირობებით და შეურაცხმყოფელი დამოკიდებულებით მოთმინებადაკარგულმა ხალხმა პროფკავშირების შექმნა გადაწყვიტა. ამ ფაქტმა **დირექტორი ჯემინ აშმანი** იმდენად გაამწარა, რომ პროფკომიტეტის წევრები სამსახურიდან გაყარა.

მანანა შუშანიძის (ხელფაჩურის სამკერვალო ფაბრიკის პროფკომიტეტის თავმჯდომარე) კომენტარი 2010 წელს ჩავიწერე:

– მუშაკთა უმრავლესობა ქალები ვართ: ექვს ბრიგადაში - ორმოცამდე ქალი. ფეხმძიმეებიც, ცხადია, გვყოლია. დეკრეტული შვებულება? როგორ გეკადრებათ, ამის გაფიქრებასაც კი ვინ გაბედავს! ერთ ქალს ბავშვი გაუხდა ავად და სამკურნალოდ თბილისში წაიყვანა. მისცეს ორი კვირა უხელფასო შვებულება. საცოდავს ორი დღით შეავკვიანდა და სამსახურიდან დაითხოვეს. მერე მიღებაზე განცხადება ხელახლა დააწერინეს. მსგავსი ფაქტები უამრავი ყოფილა. ვინაობის დაკონკრეტებას ნუ მომთხოვთ; არ მინდა ხალხი საფრთხეში ჩავაგდო. შრომის კოდექსის გადამკიდე, ყველაფერს უნდა ელოდეს ადამიანი. შაბათ-კვირით, პრაქტიკულად, არ ვსარგებლობთ. სამუშაო დრო არანორმირებულია – 9-12 საათამდე. ყოფილა, რომ გამოთენიამდეც გვიმუშავია. საჭმელად რაღაც ხუთწუთიან შესვენებას გვაძლევენ. ავადმყოფობა მავათთვის არ არსებობს. ბიულეტენს საერთოდ არ ცნობენ – საკუთარ ხარჯზე იავადმყოფეთო. ბოლო წვეთი **დირექტორის, ჯემინ აშმანის** საქციელი გახდა. შემობრძანდებოდა, გაივლ-გამოივლიდა, შეგვათვალისწინებდა, დაიძახებდა: „ჰაივან! ჰაივან!“, ერთი გულიანად გაიციინებდა და გავიდოდა. ბოლოს, დავინტერესდით, რას ნიშნავდა ეს „ჰაივან“. აღმოჩნდა, რომ საქონელს, პირუტყვს გვეძახდა. ამან საერთოდ გაგვაგოჟა. გადავწყვიტეთ პროფკავშირის დაფუძნება, რათა იმ ვაჟბატონს ეგრძნო, რომ სწორედ ადამიანებთან ჰქონდა საქმე და არა პირუტყვთან. მსურველი უამრავი აღმოჩნდა. უფროსობამ საიდანღაც გაიგო რასაც ვაპირებდით და ხალხს დაშინება დაუწყო – იცოდეთ, გაგყრითო, მაგრამ მუშები ისე იყვნენ გამწარებულნი, რომ უმრავლესობამ (ხუთასი თანამშრომლიდან სამასმა მაინც) დასტური მოგვცა. პროფკომიტეტში სულ ცხრა ქალი ვიყავით. მე

თავმჯდომარედ ამირჩიეს, ხოლო მოადგილედ – **ნარგიზა ევგენიძე**. დაფუძნება მოხდა 11 მარტს (ქალთა საერთაშორისო დღეს მივუსადაგეთ). **ადვოკატმა მერაბ ქავთარაძემ** და **პროფკავშირების გაერთიანების წარმომადგენელმა დოდო ვერძაძემ** ღირეფტორი ჩვენი ინიციატივის თაობაზე საქმის კურსში ჩააყენეს. თურმე სულ ღიმილ-ღიმილით მიიღო, თავაზიანად მოუსმინა, ვითომ დაეთანხმა კიდევ. ქალბატონი დოდო ვაოცებული გამოვიდა: ეს რა კარგი კაცი ყოფილა, ნეტავი რატომ ემდურითო! მეორე დღეს „კარგმა კაცმა“ პროფკავშირის კომიტეტის წევრები კაბინეტში დაგვიბარა. ვიფიქრეთ, რომ საქმე შეთანხმებული დოკუმენტაციის ხელმოწერას ეხებოდა. ავიღეთ გამზადებული საბუთები და მივედით. ამ ვაჟბატონმა კი გამოგვიცხადა: შეგიძლიათ სახლში წაბრძანდეთ, ჩვენთან აღარ მუშაობთო და შუბლზე ჩვენი სანაქებო **შრომის კანონმდებლობის 37-ე და 38-ე მუხლი** აგვაფარა. როდესაც შევეკამათეთ, რის საფუძველზე გვანთავისუფლებო, პატრული გამოიძახა. პატრულის ბიჭებმა ხელი არ დაგვაკარეს: რა გინდა, რას ერჩი ამ ქალებსო? არ მომწონს და სამსახურიდან ვუშვებო. ბოლოს ნებით წამოვედით. აბა, იქ რაღა გვესაქმებოდა? ჩემი მეუღლე **იური ტიუტლიაივიც** ამ ამბების გამო გამოაგდეს.

აი, რა გვითხრა იმავე 2010 წელს **საქართველოს პროფკავშირების გაერთიანების შიდა ქართლის ქსელის ოფისის ხელმძღვანელმა ნინო ნინოშვილმა**:

– ქალბატონების უმიზნოდ გაშვება არსებული რეალობის განუყოფელი ნაწილია. დაზარალებულებს არ სჯერათ, რომ სამართალს იპოვიან, ამიტომ თავისი უფლებების დაცვას არც ცდილობენ). მეორე მხრივ, „ვილაცის“ გაალიზიანებაც ერიდებათ: „ნახვალ, იჩივლებ და სულ ცარიელზე დარჩები“. ხშირად, დამსაქმებელი განთავისუფლებულ მუშაკს ჰპირდება, რომ მომავალში რაღაცას გამოუნახავს; ისიც იჭერებს. ამასობაში გასაჩივრების ვადა ხელში შემოადნება და მოტყუებული რჩება. მერე, როგორც წესი, ხელს ჩაიქნევს და ყველაფერი ამით მთავრდება. სამწუხაროდ, საკანონმდებლო ბაზა დაზარალებულის ჯეროვანი დაცვის საშუალებას არ ვაძლევს; ფაქტობრივად, მხოლოდ მედიატორის როლიღა შეგვრჩა.

ქალთა შრომითი უფლებების დაუცველობის საკითხი რეგიონებში ძალიან მწვავედ იდგა. ხშირად, ქალები შრომის კოდექსში ჩახედულნი არ იყვნენ და რომც ყოფილიყვნენ, მენტალიტეტიდან გამომდინარე, უმრავლესობა თავის კანონიერ უფლებას ვერ გამოიყენებდა. **საია-ს გორის ოფისის ხელმძღვანელის, ქეთი ბებიაშვილის** სიტყვით, 2006 წლიდან მომართვიანობაში შრომითი დავები წარმოდგენილი იყო ორსული და მექუძური დედების პრობლემატიკით. ლაპარაკია შეკითხვებზე მექუძური დედებისგან, მაგრამ ჩვილამდე საქმე არ მისულა. იყო შემთხვევა, როდესაც დეკრეტულ შვებულებაში მყოფი ქალბატონი სამსახურიდან განთავისუფლეს, რაც მან სულ შემთხვევით გაიგო. ქალბატონი სამართლიანობის აღდგენას შეეცადა და განთავისუფლების ბრძანება გაუქმდა.

ძალადობისაგან დაცვის ეროვნული ქსელის გორის ოფისის თანამშრომელმა ჟანა აღუაშვილმაც გვითხრა, რომ არაერთხელ ყოფილა დეკრეტში გასული ქალბატონების სხვა მუშაკებით ჩანაცვლების ფაქტები. დაზარალებულებმა არ იჩივლეს, ამიტომ ეს ფაქტები ფართო საზოგადოებისათვის უცნობი დარჩა. **ჟანა აღუაშვილმა** ეს ასხნა, ერთის მხრივ, მენტალური პრობლემებით (მომჩივანს ცუდი თვალთ უყურებენ), მეორეს მხრივ, ქალბატონებს მიაჩნდათ, რომ მათ გასაჭირს გულთან ახლოს არავინ მიიტანდა. ერთ სამედიცინო დანესებულებაში დეკრეტული

შვებულებიდან გამოსულ ქალბატონს თავისი ადგილი დაკავებული დახვდა. ცხადია, ჩივილის შემთხვევაში, შესაძლებელი იყო უკანონო ბრძანების გაუქმება, მაგრამ ქალბატონმა საქმის მშვიდობიანად მოგვარება არჩია. ეკონა, სხვა ადგილს გამოუძებნიდნენ, რაც, ცხადია, არ მომხდარა.

რა არის ეს, თუ არა ქალებზე ძალადობა?! ბატონი გიგი წერეთელის ადგილზე არ ვიქნებოდი იმაში დარწმუნებული, რომ შრომის კანონმდებლობის საკითხი ქალთა უფლებებს არ უკავშირდება. თუმცა, იქნებ, მას შემდეგ აზრი შეიცვალა?..

დღეს

მას შემდეგ კანონმდებლობაში გარკვეული ცვლილებები შევიდა. საჯარო სექტორში დასაქმებული პირისთვის ორსულობის, მშობიარობისა და ბავშვის მოვლის გამო შვებულება - 730 კალენდარული დღის ტოლია. აქედან, გაუგებარი მიზეზების გამო, ანაზღაურებადია მხოლოდ 183 კალენდარული დღე, ხოლო მშობიარობის გართულების ან ტყუპის შობის შემთხვევაში - 200 კალენდარული დღე. სოციალური მომსახურების სააგენტოს მიერ ორსულობის, მშობიარობისა და ბავშვის მოვლის გამო გაცემული დახმარების თანხა არ აღემატება 1000 ლარს.

რაც შეეხება კერძო სექტორს, კანონი კერძო დამსაქმებელს დეკრეტული შვებულების ანაზღაურებას არ ავალდებულებს. ეს მხოლოდ მისი კეთილი ნებაა. სახელმწიფო კი ქალს იმავე ერთჯერად (1000 ლარამდე) დახმარებას სთავაზობს. თანხის რაოდენობა ქალის ხელფასზეა დამოკიდებული. თუ ხელფასი მცირეა, შესაძლოა, ათას ლარზე ბევრად ნაკლებიც მიიღოს; მაღალი ხელფასის შემთხვევაშიც, ერთჯერადი დახმარების თანხა ათას ლარზე მაღალი ვერ იქნება.

საინტერესო დეტალი: ნებისმიერი სალად მოაზროვნე ადამიანისთვის ცხადია, რომ ბავშვის გაჩენა-აღზრდაზე განეული შრომა ადამიანის საქმიანობათა შორის ერთ-ერთი უმნიშვნელოვანესია. უფრო მეტიც: ეს სტრატეგიული მნიშვნელობის შრომაა, ვინაიდან ყველაზე მთავარ ფასეულობას - მოქალაქეს აყალიბებს. დემოგრაფიული ასპექტი კიდევ ცალკე საკითხია. ამდენად, დეკრეტში გასული დედა სამადლო მიზნურად დახმარებას კი არა, მონივნით აღსავსე უხვ წახალისებას იმსახურებს. იგივეს ვიტყვოდი დეკრეტში გასული მამის შემთხვევაში.

2017 წლის 19 დეკემბრის ჩანაწერის თანახმად, საქართველოს შრომის კოდექსში ქალთა უფლებების დასაცავად სპეციალური რეგულაციები შევიდა. საერთო უფლებების გარდა, რაც ნებისმიერ დასაქმებულს აქვს, აგრეთვე დამატებითი დამცავი ნორმებიც დანესდა:

შრომის კოდექსი დამსაქმებელს აკისრებს ვალდებულებას, რომ მან უზრუნველყოს ორსული ქალის დაცვა ისეთი შრომისაგან, რომელიც საფრთხეს უქმნის მის ან ნაყოფის კეთილდღეობას, ფიზიკურ და ფსიქიკურ ჯანმრთელობას.

აკრძალულია ორსულ ან მეძუქურ ქალთან შრომითი ხელშეკრულების დადება მძიმე, მავნე და საშიშროებებიანი სამუშაოების შესასრულებლად.

აკრძალულია ორსული ან ახალნამშობიარები ქალის ზეგანაკვეთურ სამუშაოზე დასაქმება მისი თანხმობის გარეშე.

აკრძალულია ღამის სამუშაოზე (22 საათიდან 6 საათამდე) ორსული, ახალნამშობიარები ან მეძუძური ქალის დასაქმება, აგრეთვე 3 წლამდე ასაკის ბავშვის მომვლელის დასაქმება მისი თანხმობის გარეშე.

დასაქმებულს, რომელიც მეძუძური ქალია და კვებას ერთ წლამდე ასაკის ბავშვს, მისი მოთხოვნის საფუძველზე ეძლევა დამატებითი შესვენება დღეში არანაკლებ 1 საათისა. ბავშვის კვებისათვის შესვენება ითვლება სამუშაო დროში და ანაზღაურდება.

აკრძალულია დასაქმებული ქალის სამსახურიდან გათავისუფლება თავისი ორსულობის შესახებ დამსაქმებლისთვის შეტყობინებიდან შესაბამისი შვებულების მთელი პერიოდის განმავლობაში. გამოწვევები დაიშვება მაშინ, თუკი გათავისუფლება ხდება ისეთი საფუძველით, როგორცაა: შრომითი ხელშეკრულების ვადის გასვლა; ხელშეკრულებით გათვალისწინებული სამუშაოს შესრულება; პირადი განცხადებით სამსახურიდან წასვლა; მხარეთა წერილობითი შეთანხმება; სასამართლოს განაჩენის ან გადაწყვეტილების ძალაში შესვლა, რომელიც შრომითი ურთიერთობის გაგრძელებას გამოიწვევს.

საჯარო სამსახურში დასაქმებული ქალი არ შეიძლება გათავისუფლდეს სამსახურიდან ორსულობის ან ბავშვის 3 წლის ასაკამდე აღზრდის პერიოდში, საჯარო დაწესებულების რეორგანიზაციის, ან/და მისი სხვა საჯარო დაწესებულებასთან შერწყმის, ან მოხელის შეფასების შედეგების გამო.

მოხელეს უფლება აქვს 1 წლამდე ასაკის ბავშვის აღზრდისათვის, აგრეთვე, ორსულობის პერიოდში, ისარგებლოს ნახევარ განაკვეთზე მუშაობის უფლებით.

ცალკე საკითხია, რომ საქართველოს შრომის კოდექსის მე-2 მუხლის მესამე ნაწილი კრძალავს შრომით ურთიერთობებში ყოველგვარ დისკრიმინაციას. და კიდევ: გენდერული თანასწორობის კანონის მე-6 მუხლი ითვალისწინებს შრომით ურთიერთობებში გენდერული თანასწორობის პრინციპის დაცვას და სახელმწიფოს მხრიდან ორივე სქესის დასაქმების თანაბარი შესაძლებლობების ხელშეწყობას.

შეიძლება თუ არა მივიჩნიოთ, რომ პრობლემა მოგვარდა?

სამწუხაროდ, არა. მიზეზები უამრავია. მაგალითად, **ადოკატ ეკა იობაძის** პრაქტიკაში ხშირია ფაქტები, როდესაც ქალები ვერ ახერხებენ არსებული კანონების გამოყენებას საკუთარი შრომითი უფლებების დასაცავად:

- მაგალითად, ასეთი ფაქტი მახსენდება: ერთ დაწესებულებაში გამოცხადდა იურისტის ვაკანსია. გოგონამ გაიარა ყველა ეტაპი, 70-მდე მონაწილიდან სამი პირი რომ დარჩა, ბოლო ვასაუბრებაზე განუცხადეს: ყველაზე უკეთესი მონაცემები გაქვთ, მაგრამ „სარბენი სამუშაოა“ და, განკარგულების თანახმად, ბიჭი უნდა ავიყვანოთო. ანუ გადანყვიტეს, რომ ეს არ იყო გოგოს შესაფერისი საქმე. ამ დროს ეს არ ყოფილა იმ ტიპის სამუშაო, რომელიც, შრომითი კანონმდებლობის თანახმად, ქალის ჯანმრთელობისთვის შეუფერებლადაა მიჩნეული. ეს, ფაქტობრივად, იყო სქესის ნიშნით დისკრიმინაცია. მსგავსი შემთხვევები ხშირად რეაგირების გარეშე რჩება.

ავრეთვე, არსებობს სიძნელეები ფეხმძიმე და მცირეწლოვანი ბავშვების დედებისთვის, რომლებიც ვერ სარგებლობენ შრომის კანონმდებლობით მინიჭებული უფლებებით, მაგალითად, ვერ იყენებენ ბავშვის მოვლისთვის საჭირო დამატებით შესვენების დროს და ა.შ. ვინაიდან, შემდგომ, ადმინისტრაციის მხრიდან მოხდება მათი ირიბი ხერხებით შევიწროება. თუკი უფროსობას ძალიან უნდა მუშაკის სამსახურიდან განთავისუფლება, კანონიერი მიზეზის მოძიებას ყოველთვის მოახერხებს. ამიტომ კანონში ჩადებული დეკლარაციული ნორმები არ კმარა. აუცილებელია აღსრულების მექანიზმების დახვეწა; ავრეთვე შრომით დავებზე ორიენტირებული უფასო იურიდიული სერვისების განვითარება, ვინაიდან ადვოკატის მომსახურება არ არის იათვი სიამოვნება. ადამიანებს საკუთარი უფლებების დაცვა ხშირად ფინანსური ფაქტორის გამო უჭირთ. რეაგირების გარეშე დარჩენილი დარღვევები კი შემდგომი დარღვევების ნახალისებაა. როდესაც დამსაქმებელს ეცოდინება, რომ მისი უკანონო გადანყვეტილება რეაგირების გარეშე არ დარჩება, ასე მარტივად ვეღარ შეძლებს დასაქმებულთა უფლებების შელახვას.

მნიშვნელოვანი დეტალი: კანონი დასახვეწია, მაგრამ რაც არსებობს, იმასაც რომ არ იცნობ და ვერ იყენებ, ესეც არანაკლები პრობლემაა. სახელმწიფო ვალდებულია, რომ მოქალაქეთა სამოქალაქო განათლებაზე იზრუნოს. სამართლებრივი ცოდნის მინიმუმს ყველა უნდა ფლობდეს. განვითარებულ ქვეყნებში ეს საკითხი დიდხანია გადანყვეტილია. მოსწავლეები და სტუდენტები სასწავლო დაწესებულებებში შესაბამისი სამართლებრივ განათლებასაც იღებენ.

თავი მეორე

ქალთა

პოლიტიკური კატიუროზა

მამაკაცებს ქალთა გააქტიურება აფრთხობთ

„რატომ სურთ ამ ქალბატონებს დეპუტატობა? დარჩნენ
იმათ, რაც არიან - ბოზებად!“

რაიმონ დიუპლატიე
ფრანგი სენატორი

1932 წელი

2003 წელს საპარლამენტო ტრიბუნლიდან **აღა მარშანიამ** სახელისუფლებო ორგანოებში ქალთა წარმომადგენლობის გასაზრდელად პარლამენტს პარტიული სიების კვოტირება შესთავაზა. რეაქცია საკმაოდ ოდიოზური იყო; საბედნიეროდ, პარლამენტარ მამაკაცებს რაიმონ დიუპლატიესავით უცენზურო ლანძღვა-გინება არ დაუწყიათ, მაგრამ ფრიალ გახალისდნენ:

– კი ბატონო, სულ ქალბატონები, თანაც მხოლოდ ლამაზები დავსვით პარლამენტში; ისინი საქმეს უკეთ გააკეთებენ. ჩვენ კი თოხი დავიჭიროთ! – „დიდსულოვნად“ დათმო **ჯემალ გოგიტიძემ**.

– მეშინია, რომ პარლამენტში მოსახვედრად მამაკაცები ქირურგიული წესით სქესს გადაიკეთებენ! – „შეშფოთდა“ **გივი წერეთელი**.

– კუზანოვს რიგი დაუდგება! – გახალისდა **გივი შულაროვი**.

– მოლით ზედა და ქვედა პალატა დავაარსოთ! ზედაში ქალბატონები დავსვით, ჩვენ კი ქვედაში ვიყოთ! – „მიაგნო“ კომპრომისულ ვარიანტს **ვასილ მაღლაფერიძემ**.

კულუარებში უარესი „მარგალიტებიც“ აფრქვიეს:

„კი მაგრამ, სად მოვნახოთ ამდენი ჭკვიანი ქალი ერთად?“

„რა საჭიროა ეს მეტიჩრობა? ბოლოს და ბოლოს, ქალის საქმე ქმარი და ოჯახია!“

ერთი შეხედვით პარადოქსია, მაგრამ ასე ოხუნჯობდნენ როგორც კონსერვატიული-ტრადიციულად მოაზროვნე, ისე ულტრაევროპული ფრაგელოლოგიით მოკვლულუცე პარლამენტარები. რა იდგა ამ სიცილ-ტკარცალის მიღმა, თუ არა ვითომ სახუმარო „ქალი - კუნაში!“? ავტორის აზრით, ეს იყო ქალთა მხრიდან კონკურენციის ბანალური შიში, მის უკან ჩასათვრებელი ფემინოფობიით, ან, სულაც, მიზოგინიით. ამ პროექტის ჩაგდებათ ქალებს გადანყვეტილების მიმღებ სტრუქტურისკენ მიმავალი გზა, ფაქტობრივად, გადაუკეტეს.

საინტერესო დეტალი: ავტორის მიერ გასული საუკუნის 80-იან წლებში ჩატარებულ კვლევაში, ქალთა 43,71%-მა და მამაკაცთა 78,31%-მა მიიჩნია, რომ ქალი ინტელექტუალური შესაძლებლობებით ჩამორჩება მამაკაცს. საეჭვოა, 2003 წლისთვის სიტუაცია არსებითად შეცვლილიყო ამდენად, პარლამენტართა არასერიოზული დამოკიდებულება საგსებით ლოგიკური გახლდათ.

ეს იყო აღნიშნულ თემაზე კანონპროექტის შემოთავაზების მეორე მცდელობა. თავად იდეა **გაეროს ქალთა დისკრიმინაციის ყველა ფორმის აღმოფხვრის კომიტეტის (CEDAW)** მიერ იყო რეკომენდებული. სულ ხუთი მცდელობა განხორციელდა (დამკვიდრებული ტრადიციის თანახმად, ხუთ ტალღად მოიხსენიებენ).

პირველი მცდელობა **1998 წლით** თარიღდება (სამწუხაროდ, ამ პერიოდზე სრული ინფორმაცია დღესდღეობით არ არსებობს). **2003 წლისთვის** მომზადდა გენდერული კვოტირების ორი დამოუკიდებელი ინიციატივა. ერთი ეკუთვნოდა **ქალთა პოლიტიკურ ფორუმს** და ითვალისწინებდა პარტიული სიების ყოველ ათეულში, ქალი-კანდიდატების არანაკლებ 40%-ს. ამას აქტიურად უჭერდა მხარს **NDI-ს** საქართველოს წარმომადგენლობა. მეორე ინიციატივა (რომელიც 2003 წელს ადა მარშანიაშ გააუღერა) - პარლამენტის წევრ ქალებს, იმავე წელს აღნიშნულ თემაზე პუბლიკაციის მოსამზადებლად პოლიტიკურ და საზოგადოებრივ მოღვაწეთა კომენტარები ჩავინერე.

აი, რა მითხრა მაშინ **ადა მარშანიას** მიერ ლობირებული ვერსიის ერთ-ერთმა ავტორმა, **ნანი ჭანიშვილმა („გენდერული განვითარების ასოციაცია“)**:

- თავდაპირველად, უმრავლესობა ჩვენი ინიციატივის მიმართ პოზიტიურად განწყობილი, მაგრამ კენჭისყრა მაინც ვერ მოხერხდა. მეორე მოსმენაზე, გარკვეულმა ძალებმა თავისი გაიტანეს და კანონპროექტი გააქილივეს. მესამე მოსმენაზე კი ჩაუარდა. მიუხედავად ამისა, პრეცედენტი ძალზე მნიშვნელოვანია. არჩევნების დროს ჩატარდება გამოკითხვა და გაირკვევა კანდიდატის დამოკიდებულება კვოტირებასთან დაკავშირებით. დარწმუნებული ვარ, ბევრ პოლიტიკოსს თავისი უარყოფითი პოზიცია ამომრჩეველ ქალთა ხმების დაკარგვად დაუჭდება.



ადა მარშანიას აზრით, ქილიკის მიუხედავად, ამ წინადადების საპარლამენტო ტრიბუნლიდან გაუღერების ფაქტი დიდი პოლიტიკური მნიშვნელობის მოვლენა იყო. შეიქმნა პრეცედენტი, რაც იმის გარანტი იყო, რომ მცდელობები მომავალშიც გაგრძელდებოდა:

- კავკასიური მენტალობიდან გამომდინარე, დარბაზის ქილიკი ჩემთვის მოულოდნელი არ ყოფილა. ე.წ. „ქალის კულტი“ ქალს, ძირითადად, ოჯახის კონტექსტში მოიაზრებს, ხოლო მისი საზოგადოებრივ-პოლიტიკურ სიბრტყეზე დანახვა ძალიან უჭირს. ქალების მხრიდან კონკურენციის შიშიც გასათვალისწინებელია. მამაკაცებს აფრთხობს პოლიტიკურ სარბიელზე ქალების გააქტიურება. ოპონენტთა ნაწილმა ინიციატივის „არაკონსტიტუციურობაზე“ მიუთითა: ქალთა სასარგებლოდ კვოტირების დაწესება სქესთა თანასწორობის პრინციპს დაარღვევსო, რაც იმას მიუთითებს, რომ არ ესმით ინიციატივის არსი. კვოტირება დროებითი ზომაა და ითვალისწინებს კონკრეტულ მიზანს - გენდერული ბალანსის მიღწევას და არა უპირატესობის მინიჭებას. პარტიულ სიებში ყოველ მეოთხე ადგილზე ქალის დასახელება გაზრდის ჩვენს წარმომადგენლობას გადაწყვეტილების მიმღებ სტრუქტურებში. საზოგადოება ამას შეეჩვევა, ქალები გააქტიურდებიან და მათი წილი მაჟორიტარებს შორისაც მოიმატებს. ამ გამოცდილებამ მსოფლიო მასშტაბით გაამართლა. სამწუხაროდ, მხარი არც პარლამენტარმა ქალბატონებმა დაგვიჭირეს - რაში გვჭირდება რაღაც განსაკუთრებული პირობები, ინვალიდები ხომ არ ვართო?! **ნინო**

ბურჯანაძე თავიდანვე ეწინააღმდეგებოდა ამ იდეას. არავის გაუაზრებია ჩვენი წინადადება რაციონალურად. არადა, ქალების სიმცირე გადაწყვეტილების მიმღებ ორგანოში ქვეყანას აზარალებს. მართვა-ორგანიზაციაში ყოველთვის წარმოდგენილი უნდა იყოს სამყაროს ხედვის ქალური მხარე, რომელიც, ძირითადად, გარემოს ჰარმონიზაცია-კეთილმონწყობაზეა ორიენტირებული. რა პრინციპებით ხელმძღვანელობს სანიმუშო დიასახლისი? ეს არის ოჯახის წევრთა კვება, ჩაცმა, ჰიგიენა, ჯანმრთელობასა და განათლებაზე ზრუნვა, ურთიერთობის წეს-ჩვეულებათა ჩამოყალიბება, საცხოვრისის მონესრიგება, კომფორტის შექმნა. იგივე პრინციპები ქალს საზოგადოებრივ-პოლიტიკურ სარბიელზე გადააქვს, რაც სახელმწიფოს მონწყობისა და სოციალური პროგრამების განხორციელებაში ვლინდება. ნებისმიერი ქვეყანა, სადაც ქალთა პოლიტიკური აქტიურობა დაბალია, ამ კუთხით მოისუსტებს. შორს წასვლა არც მოგვიწევს, ამის მაგალითი თავად საქართველოა.

პარლამენტარმა ქალბატონებმა განსაკუთრებული პირობები ტყუილად იუკადრისეს. მათ აშკარად დაავინყდათ, რომ პატრიარქატმა ქალს სწორედაც რომ „სოციალური ინვალიდის“ როლი არგუნა. თავად ტერმინი „ინვალისი“ უვარგისს ნიშნავს. სხვა რა იყო პატრიარქალური იდეოლოგია, თუ არა ქალის უვარგისობის დასაბუთება და ამის საფუძველზე თვითრეალიზაციის სფეროების შეზღუდვა? მაგალითად, **დორმერ სტენჰოუსი (1694 - 1773, სახელმწიფო მოღვაწე და მწერალი)** მიაჩნდა, ჭკვიანი ადამიანი ქალს ჭკვიანი ბავშვივით უნდა ექცეოდეს - ეთამაშოს, უძღვნას ქათინაურები, მაგრამ, სერიოზულ თემებზე მათთან საუბარი არ ღირსო. **ნევროპათოლოგი და ფსიქოთერაპევტი პოლ მობიუსი (1853 - 1907)** თავის ნაშრომში „ქალის ფიზიოლოგიური გონებასუსტობა“ წერდა - ქალს არ ძალუძს კარგისა და ცუდის განსხვავება. ამიტომ ინსტიქტი აიძულებს საკუთარ თავში დაურწმუნებელი და მამაკაცზე დამოკიდებული იყოსო. მისი აზრით, გათხოვების შემდეგ ქალი სულიერად დეგრადირებდა და პრიმიტიული ხდებოდა. ასეთ სტერეოტიპებს საუკუნეთა მანძილზე „მიჰყავდა ალღუმი“. ამასობაში ქალი შეეგუა თავის „სოციალურ ინვალიდობას“. წიგნის ავტორის აზრით, სწორედ ეს გახლავთ ქალთა დიდი ნაწილის სოციალურ-პოლიტიკური პასიურობის ყველაზე სიღრმისეული მიზეზი. უფლებადამცველებმა დისკრიმინაციული ტერმინის - „ინვალისი“ ნაცვლად, „შეზღუდული შესაძლებლობის პირი“ დაამკვიდრეს, რაც უფრო კორექტულია და ზუსტად მიესადაგება ქალის ისტორიულ სტატუსს. ათასწლეულთა მანძილზე მას შესაძლებლობები ხელოვნურად შეუზღუდეს და კვოტირება სწორედ ამ უსამართლობის გამოსწორებას ემსახურება. სამწუხაროა, როდესაც ქალების სასიკეთო ინიციატივებს ისევ ქალები ებრძვიან.

„მამაკაცები ქალებს ასე ადვილად ვერ მოერევიან, თუკი ამაში თავად ქალი არ დაეხმარა!“ - თქვა ნანა დევედარიანმა 1996 წელს ქალთა ორგანიზაციების გაერთიანების მიერ მოწყობილ კონფერენციაზე. როგორც კუხალაშვილსაც ანუხებს დეპუტატი ქალების არამყარარი პოზიცია. მმართველ პარტიაში ყოფნისას მხარს არ უჭერდნენ კვოტირებას; სამაგიეროდ, როგორც კი ოპოზიციაში გადაინაცვლეს, უცებ შეიწყალეს აზრი და მოეწონათ. მხარდაჭერას ფასი მაშინ აქვს, როცა პროცესებზე ზეგავლენა შეგიძლია, და არა მაშინ, როცა შენზე აღარაფერია დამოკიდებული.

აი, რა თქვა 2003 წელს კვოტირების თემის გარშემო შექმნილ სიტუაციაზე თბილისის სახელმწიფო უნივერსიტეტის პროფესორმა ლელა გაფრინდამვილიმა:

- საუკუნის დასაწყისში კანონპროექტის ჩაყარა და საკვების კანონზომიერი იყო. კვოტირების მნიშვნელობის გაზარებას პოლიტიკური განათლების სხვა დონე სჭირდებოდა, რაც ჩვენი პოლიტიკოსების უმრავლესობას დღესაც კი არ გააჩნია; საზოგადოების ფართო ფენებზე კი ლაპარაკიც ზედმეტია. წლების განმავლობაში სწორედ ქალები წარმოადგენდნენ სა-არჩევნო პროცესის პირ-კამპანიათა ლოკომოტივებს, მაგრამ, ძირითადად, მამაკაცთა სასარგებლოდ ირჩებოდნენ; აზრ-დაც არ მოსდიოდათ, რომ ეს ზღვა ენერჯია შეეძლოთ თავის პოლიტიკურ თვითრეალიზაციაზე დაეხარჯათ. დამოუკიდებელი პოლიტიკური ინი-ციატივის უქონლობის მიღმა არაინფორმირებულობა და გაუცნობიერებელი პოლი-ტიკური ინერტულობა იდგა. ამიტომ, დიდი ხნის მანძილზე, მასკულინურ გარემოში წარმატებას, ძირითადად, ფსიქიკის „მამაკაცური“ სტრუქტურის ქალები აღწევდნენ.

ნინო ბურჯანაძეს საარჩევნო პროგრამაში არ ჰქონდა წარმოდგენილი სოციალური პრობლემატიკა; სამაგიეროდ, შეინიშნებოდა აგრესიულ-მასკულინური მოტივაცია, თუნდაც ტერიტორიების დაბრუნების საკითხში. ეს წმინდა მამაკაცური მიდგომაა.



პარალელი: სოციალური აქცენტი „ქალურ“ მმართველობას ნამდვილად ახა-სიათებს, მაგრამ, ვფიქრობ, რომ ეს ფაქტი არა იმდენად სქესთანაა დაკავშირებუ-ლი, არამედ უფრო კულტურული ფენომენია. კაცობრიობას ახსოვს კულტურები, სადაც ქალი მამაკაცის თანაბრად ეუფლებოდა საომარ ხელოვნებას და ბრძოლის ველზეც ტოლს არ უდებდა. მათი მმართველი ქალების მოქმედებაც აგრესიულ-მასკულინური იყო. მაგალითად სკვითების დედოფალი ტომირისიც იკმარებს.

ქალის აქტიურობის სოციალურ სფეროსთან მიბმა საუკუნის დასაწყისში ძალი-ან მდგრადი აღმოჩნდა. 2003 წლის დეკემბერში საქართველოს კულტურულ ურ-თიერთობათა ცენტრის „კავკასიური სახლის“ და ჰაინრიხ ბილოის ფონდის თა-ნამშრომლობით ჩატარდა კვლევა „სტუდენტთა დამოკიდებულების შესწავლა პოლიტიკურ და სოციალურ სფეროში ქალთა მონაწილეობის შესახებ“. კვლევის ავტორი გახლდათ ფსიქოლოგი ია მერკვილაძე. გამოკითხულთა 71,6%-მა ქალი სწორედ სოციალური სფეროში დაინახა. მისი პოლიტიკური აქტიურობის შემა-ფერხებელ ფაქტორებად დასახელდა: საზოგადოებრივი განწყობები - 26%, გამოუცდელი პოლიტიკური მოღვაწეობის კუთხით - 19%, ნაკლები დაინტერესება პოლიტიკით - 15%, დემოკრატიის არასწორი გაგება საზოგადოებაში - 13%, ფი-ნანსურად დამოკიდებული პოზიცია - 12%, კრიზისული სიტუაციების მართვის უე-ნარობა - 10%, კონკრეტული პოლიტიკოსი ქალების ცუდი იმიჯის ზეგავლენა - 10%, ქალთა სუსტი წინასაარჩევნო კამპანიები - 7%, ქალთა არასამთავრობო ორგანი-ზაციების მხრიდან არასაკმარისი მხარდაჭერა - 6%, სხვა - 7%. რესპონდენტთა 31%-მა კვოტირება დადებითად შეაფასა (სოციალური პრობლემების მოგვარებაზე დადებითად აისახებაო); გამოკითხული ქალების 60%-მა შესაძლებლად მიიჩნია ოჯახის შეთავსება პოლიტიკურ საქმიანობასთან. 41%-ის აზრით, კვოტირების სა-კითხს არ ჰქონდა მნიშვნელობა ქვეყნის პოლიტიკური კეთილდღეობისთვის, ხო-ლო 28%-მა პასუხისგან თავი შეიკავა.

კვლევამ აჩვენა, რომ საუკუნის დასაწყისში კვოტირების/ქალთა პოლიტიკური აქტიურობის მიმართ დამოკიდებულება თავად ქალებში იყო არაერთმნიშვნელო-

განი, ხოლო მამაკაცთა უმრავლესობას ამაზე საუბარი კიდევ აღიზიანებდა.

აღა მარშანის ინიციატივაზე პუბლიკაციის მომზადებისას მამაკაცთა პოზიციითაც დაინტერესდი. **პოლიტოლოგმა რამაზ საყვარელიძემ** განაცხადა: კვოტირების შემთხვევაში წინსვლა მოხდება არა პიროვნული ღირსების, არამედ სქესის ნიშნის მიხედვით, რაც პოლიტიკის ხარისხს გააუარესებსო. კვოტირების იდეა არც **პარლამენტის საბიუჯეტო ოფისის ხელმძღვანელმა რომან გოცირიძემ** მოიწონა: ქალთა პოლიტიკური აქტივობის იდეა გამართლებულია, მაგრამ კვოტირება ხელოვნურია და კარგს არაფერს მოგვითანსო. ყველაზე გონივრულად კი რეალობის თანდათან გამოსწორება მიიჩნია.

ალექსანდრე ნალბანდოვმა კვოტირება შეაფასა, როგორც მდგომარეობის გამოსწორების ეფექტიანი ფორმა ისეთი ქვეყნისთვის, სადაც „ღე იურე“ და „ღე ფაქტო“ ერთმანეთს არ ემთხვევა:

- პარლამენტში ქალთა მცირე წარმომადგენლობა ნიშნავს უზარმაზარი ინტელექტუალური პოტენციალის გამოუყენებლობას. დაუშვებელია, რომ ელექტორატის ნახევარი მხოლოდ ექვსი პროცენტით იყოს წარმოდგენილი. კონსტიტუციურად ქალი და მამაკაცი თანასწორია, მაგრამ, რეალურად, ქალს მეტი წინააღმდეგობის გადალახვა უნევს; ამიტომ გვირჩევენ კვოტირების დანერგვას გაერო და სხვა საერთაშორისო ორგანიზაციები. საქართველოს არასამთავრობო სტრუქტურების იგივეს მოითხოვენ, რაც სავსებით გამართლებულია.

აი, როგორი იყო პარლამენტში ქალთა წარმომადგენლობის სტატისტიკა წლების მიხედვით: 1992 - 6,3%, 1995 - 6,4%, 1999 - 7,2%, 2004 - 9,4%, 2008 - 6,5%, 2012 - 12%, 2016 - 16%. ფინანსურმა ნახალისებამ აშკარად „არ იმუშავა“. ქალთა წარმომადგენლობის ზრდის დინამიკაც დაბალია. სიტუაციის გამოსწორება მხოლოდ კვოტირებითაა შესაძლებელი.

პირველი წარმატებები

კვოტირების საკანონმდებლო ინიციატივა მესამედ **2008** წელს იქნა წარდგენილი. ინიციატივის ავტორი იყო **ქალთა განათლებისა და ინფორმაციის საერთაშორისო ცენტრი**, მხარს **ეუთო** უჭერდა და **ქალთა კოალიციის სამუშაო ჯგუფის** სახელით გაჟღერდა. ამ თარიღთანაა დაკავშირებული პირველი წარმატებები.

აი, რა მითხრა **მაია კუპრავა-შარვაშიძემ** გენდერული თანასწორობის ქსელის **კოორდინატორმა**, **ქალთა პოლიტიკური მონაწილეობის სამუშაო ჯგუფის (Gender Task Force – GTF)** წევრმა:

- პარლამენტს წარუდგინეთ 32400 ამომრჩევლის მიერ ხელმოწერილი კანონპროექტი. მის თანახმად, პარტიას პროპორციულ სიაში სქესთა 50% - იანი ბალანსი უნდა ჰქონოდა დაკული. წინააღმდეგ შემთხვევაში, ყოველ 5%-იან დარღვევაზე საბაზისო დაფინანსების 5% დააკლდებოდა. ხოლო მაჟორიტარ კანდიდატებზე (როგორც ძირითადად,



ასევე სარეგულაციო) სქესის პროპორციულობის ყოველ დარღვევაზე დაფინანსება მცირდებოდა 10%-ით. სამწუხაროდ, პარლამენტმა არც ეს ინიციატივა განიხილა. მაგრამ ჩვენს ცდებს უშედეგოდ მაინც არ ჩაუვლია - **2010 წლის გენდერული თანასწორობის კანონის** მიღება სწორედ ამ კანონპროექტის გამოძახილი იყო. მოგვიანებით, **2011 წელს პარლამენტის გენდერული თანასწორობის საბჭოს თავმჯდომარის, რუსუდან კერვალიშვილის** ინიციატივით, მიიღეს პოლიტიკური პარტიების ფინანსური წახალისების კანონი: იმ პოლიტიკურ პარტიებს, რომლებიც პარტიულ სიებში 20%-იან გენდერული ბალანსს დაიცავდნენ, დაფინანსება 10%-ით გაეზრდებოდათ. **2013 წელს, Gender Task Force - GTF სამუშაო ჯგუფის** სახელით და მმართველ პარტიასთან თანამშრომლობით, **მოქალაქეთა პოლიტიკური გაერთიანებების შესახებ ორგანულ კანონში** შევიდა ცვლილება (**30-ე მუხლის 71 პუნქტი**). პოლიტიკური პარტიები, რომლებსაც პარტიული სიის ყოველ ათეულში სამი ქალი ეყოლებოდათ წარმოდგენილი, დამატებით 30%-ან დაფინანსებას მიიღებდნენ. ამ ინიციატივაზე მე და **ქალბატონმა რუსუდან კერვალიშვილმა** ვიმუშავეთ. უმრავლესობის მხრიდან აქტიურად გვეხმარებოდა **ბატონი თამაზ კრავიშვილი**. ამ წარმატებით მოტივირებულებმა, მალევე წარვადგინეთ წინადადება, რომლის თანახმად, ამომრჩეველთა სიებს უნდა დამატებოდა სქესის განმსაზღვრელი პუნქტი და ეს ინიციატივაც წარმატებით დასრულდა.

კვოტირების შესახებ საკანონმდებლო ინიციატივა მეოთხედ დაარეგისტრირა **Gender Task Force-მა 2015 წლის 10 ივნისს**. ინიციატივა **ნინო ჯანაშიამ (Gender Task Force-ის წევრი, სამართლიანი არჩევნებისა და დემოკრატიის საერთაშორისო საზოგადოების იურისტი)** წარადგინა. მოთხოვნა ეხებოდა პროპორციულ სიებში სქესთა შორის 50%-იან ბალანსს; ანუ პროპორციული წესით არჩეული 77 წევრიდან 38 ქალი უნდა ყოფილიყო, რაც, დღევანდელი პარლამენტის შემადგენლობის 25%-ს შეადგენდა. ინიციატივა არ ითვალისწინებდა რაიმე სპეციალური ზომის დაწესებას მაჟორიტარულ საარჩევნო სისტემასთან დაკავშირებით. ჯგუფში შემავალი ყველა ორგანიზაცია მხარს უჭერდა მაჟორიტარული სისტემის გაუქმებას, რომელიც აფერხებს ქალთა დანინაურებას პოლიტიკაში. მენტალიტეტიდან გამომდინარე, მოქალაქეები მაჟორიტარებად უფრო მამაკაცებს ასახელებენ. 2015 წლის საკანონმდებლო წინადადებას პარლამენტში ლობისტი არ გამოუჩნდა და პლენარულ სხდომაზე განსახილველად ვერ მოხვდა; თუმცა განხილული იქნა **ადამიანის უფლებათა დაცვისა და სამოქალაქო ინტეგრაციის და იურიდიულ საკითხთა კომიტეტებზე**. პირველმა კომიტეტმა საკანონმდებლო წინადადებას მხარი დაუჭირა, ხოლო მეორემ - არა. ამავე პერიოდში, არასამთავრობო ინიციატივის პარალელურად, **პარლამენტის წევრების, ნანა ყვინიშვილის და თეიმურაზ ჭკუასელის** მიერ წარდგენილი სამთავრობო ინიციატივის თანახმად, პროპორციულ სიაში ყოველი მესამე განსხვავებული სქესის (ქალი კანდიდატი) უნდა ყოფილიყო. ინიციატივა განიხილეს პლენარულ სხდომაზეც, მაგრამ კენჭისყრა გაურკვეველი ვადით გადაიდო და მე-8 მოწვევის პარლამენტში აღარც ჩატარებულა.

აღნიშნულმა მცდელობებმა მომავლის პერსპექტივაში სერიოზული შედეგი გამოიღო. ამალდა საზოგადოების გენდერული ცნობიერება, გაიზარდა ქალთა პოლიტიკური მონაწილეობის მხარდაჭერთა რიცხვი, გაძლიერდა ქალთა მოძრაობა. თბილისში და საქართველოს სხვა ქალაქებშიც ჩატარდა საპროტესტო

აქციები ქალთა პოლიტიკური მონაწილეობის გაზრდის მოთხოვნით. **2017 წელს საიამ საკონსტიტუციო კომისიის** ფორმატში ადვოკატირება გაუწია **არსებითი თანასწორობის პრინციპის** აღიარებას და სახელმწიფოს მხრიდან გენდერული თანასწორობისათვის შესაბამისი ზომების უზრუნველყოფას. ამ საკითხის ლობისტი იყო **Gender Task Force-ის წევრი, პარლამენტის ვიცესპიკერი და გენდერული თანასწორობის საბჭოს თავჯდომარე თამარ ჩუგოშვილი**. ძალისხმევამ შედეგი გამოიღო: კონსტიტუციის პროექტის მე-11 მუხლის მე-3 ნაწილში განისაზღვრა, რომ სახელმწიფო უზრუნველყოფს თანაბარ უფლებებსა და შესაძლებლობებს მამაკაცებისა და ქალებისათვის. აგრეთვე, იღებს განსაკუთრებულ ზომებს მამაკაცებისა და ქალების არსებითი თანასწორობის უზრუნველსაყოფად.

მეხუთე მცდელობა **Gender Task Force-მა** დაარეგისტრირა **2017 წლის 12 ივნისს** (37455 ამომრჩევლის ხელმოწერით). საკანონმდებლო ინიციატივა, **ამერიკის დემოკრატიული ინსტიტუტის (NDI)** მხარდაჭერით, მოამზადა და წარადგინა **ქალთა განათლებისა და ინფორმაციის საერთაშორისო ცენტრმა**. კანონპროექტი ითვალისწინებდა პროპორციულ სიებში ყოველ მეორე ადგილზე განსხვავებული სქესის კანდიდატის წარდგენას. დარღვევის შემთხვევაში, პოლიტიკური პარტია ვალდებული იქნებოდა აღმოეფხვრა ხარვეზი; წინააღმდეგ შემთხვევაში, რეგისტრაციას ვერ გაივლიდა. დეპუტატის მანდატის ვადამდე შეწყვეტის შემთხვევაში, მის ადგილს დაიკავებდა სიაში რიგით მომდევნო იმავე სქესის წარმომადგენელი. კანონპროექტი პარლამენტში, ყველა ეტაპზე **მაია კუპრავა-შარვაშიძემ** წარადგინა. უპრეცედენტო მხარდაჭერისა და დიდი ძალისხმევის მიუხედავად, კანონპროექტი ვერ გავიდა (მხარი დაუჭირა სამოცდაექვსმა დეპუტატმა, თოთხმეტი კი წინააღმდეგი იყო). საერთო ჯამში, ცხრა ხმა დააკლდა.

პარლამენტის სპიკერმა ირაკლი კობახიძემ იმავე სხდომაზე ერთი კვირის ვადაში პარლამენტისთვის ალტერნატიული კანონპროექტის წარდგენა დააანონსა, რაც დაგვიანებით, მაგრამ მაინც განხორციელდა, რაც ჭეშმარიტად ისტორიული გარდატეხა იყო.

თვისობრივი გარდატეხა

ამ წიგნზე მუშაობის პროცესში, **2020 წლის ივლისში**, კვოტირების მოდელის დანერგვის კუთხით, თვისობრივი გარდატეხა მოხდა: პარლამენტმა მესამე მოსმენით მხარი დაუჭირა საარჩევნო კოდექსის ცვლილებათა პაკეტს. ამიერიდან, საარჩევნო კოდექსის თანახმად, პარტიულ საარჩევნო სიაში ყოველ მეოთხე კანდიდატად განსხვავებული სქესის წარმომადგენელი უნდა იყოს მითითებული. გარდა ამისა, მომდევნო წლებში გათვალისწინებულია არჩევნებზე ქალთა წარმომადგენლობის ეტაპობრივი ზრდა: ქალების რაოდენობა პარლამენტში 2020-წლისთვის გაიზრდება მინიმუმ 30-მდე, 2024 წლისთვის - მინიმუმ 37-მდე, ხოლო 2028 წლიდან პარტიულ სიებში უკვე ყოველი მესამე იქნება განსხვავებული სქესის და ქალთა წარმომადგენლობა პარლამენტში 50-მდე გაიზრდება. თუ საარჩევნო სიას ქალი გამოაკლდება, ისევ ქალით უნდა ჩანაცვლდეს, თუ კაცი - ისევ კაცით. კიდევ ერ-

თი დეტალი: გენდერული კვოტირების დაცვისთვის ფინანსურ სარგებელიცაა გათვალისწინებული. სოციალურ ქსელებში უამრავმა ქალბატონმა გამოხატა სიხარული ისტორიული გამარჯვების გამო. განსაკუთრებული სიამაყე ქალთა მოძრაობის წარმომადგენელთა კომენტარებში იგრძნობოდა.



CEDAW კომიტეტის წევრმა, ა/ო „კავკასიური ფემინისტური ინიციატივის“ თავმჯდომარემ, ქალთა პოლიტიკური მონაწილეობის სამუშაო ჯგუფის წევრმა, ლიკა ნადარაიამ აღნიშნა:

- პანდემიასთან დაკავშირებული კრიზისის გამო, შესაძლოა, უკანაც კი წავსულიყავით; კრიზისები ცუდად მოქმედებს მონყველად ჯგუფებზე; პირველი, ვინც ტოვებს ასეთ დროს პოლიტიკურ არენას - ქალია; ანუ ხდება მასკულინიზმის გაძლიერება ყველა მიმართულებით. მაგრამ, პირიქით, წინ წავედით. ეს ცვლილება შესაძლებელი გახდა ძალების იმ კონსოლიდირებამ, რაც 2015 წელს ქალთა პოლიტიკური მონაწილეობის სამუშაო ჯგუფის ჩამოყალიბებამ მოიტანა. მიუხედავად იმისა, რომ წარმომადგენლობის მხოლოდ ოთხპროცენტიანი ზრდა გვექნება, ეს სწორედ თვისობრივი გარდატეხაა, ვინაიდან ქალთა წარმომადგენლობა გარანტირებულია; შემდგომ ეტაპებზე მისი კიდევ უფრო მეტად გაზრდაა დაგეგმილი. მნიშვნელოვანია ისიც, რომ 30%-იანი დანამატი, რომელიც ადრე წასახალისებლად ეძლეოდა პოლიტიკური პარტიებს, თუკი პარტიულ სივრცეში ქალებს შეიყვანდნენ, მიზნობრივი გახდა - შიდა პარტიული ქალთა სტრუქტურების გაძლიერებას მოხმარდება. ესეც თვისობრივი გარდატეხის საწინდარია და ფინანსურ ბაზას შეუქმნის ქალთა პოლიტიკურ აქტიურობას. კვოტირების ნორმები ძალაში იქნება 2032 წლამდე, მაგრამ, ცხადია, გადახედვადია იმის მიხედვით, თუ როგორ მოხდება გენდერული უთანასწორობის დაძლევა სხვა სფეროებში; მათ შორის - პოლიტიკაშიც. ამ წლებში რამდენიმე პროცენტიანმა ზრდამაც კი შეცვალა სიტუაცია. ქალი პოლიტიკურ არენაზე უკვე ხილვადია. ნაკლები ინტელექტუალური პოტენციალი იყო ქალთა მოძრაობაში, თუნდაც, 2000-იანი წლების დასაწყისში?! მაგრამ პოლიტიკაში კარი არავინ გაუღო. პირიქით! როდესაც „ვარდების რევოლუციის“ შემდეგ მოხდა „კადრების გადადინება“ არასამთავრობო სექტორიდან სახელმწიფო სტრუქტურებში, არც ერთი კარიერულად წინ არ წასულა. ის ფაქტი, რომ ქალთა მოძრაობიდან მოვიდა, მუხრუჭად მოქმედებდა. წინათ პოლიტიკოსი სიტყვა „გენდერს“ თუ ასხენებდა, ეს პოლიტიკური რეპუტაციისთვის დიდი ლაქა იყო. ამას პირადად ვარ შეხებული. ახლა ქალები აღარ გაურბიან გენდერული საკითხების წამოწევას, ვინაიდან ეს მათ პოლიტიკაში ყოფნას აღარ ემუქრება.

ქართველ და გერმანელ ქალთა განათლებისა და ინფორმაციის საერთაშორისო ცენტრის დამფუძნებელი თამარ აბრამიშვილი მტკიცედაა დარწმუნებული, რომ კვოტირება მხოლოდ ქალების ხელისუფლებაში მოყვანის ინსტრუმენტი კი არა, პირველ რიგში, სისტემური ცვლილებების გასაღებია:

- პარტიებს მოუწევთ შეცვალონ სივრცის შედგენის წესი, იზრუნონ ქალთა მოსაზიდად და განავითარონ პარტიის შიდა დემოკრატიის ღონე. პარტიის ლიდერებმა შეკითხვამ -



როგორ ადგენდნენ საარჩევნო სიებს, გვიპასუხეს - ეს ჩვენი შიდა სამზარეულოა. კვოტირების მოდელი ამასაც შეცვლის. პარტიებს მოუწევთ ლიდერების გამოსაკვთვლად სამართლიანი შიდა არჩევნების ჩატარება. ჩვენ ვითხოვდით საარჩევნო სიებში ყოველი მეორე ყოფილიყო განსხვავებული სქესის ადამიანი. თანასწორობა არის ყოველი მეორე და არა მესამე ან მეოთხე. რატომღაც არავინ იკვლევს პოლიტიკაში მოსული მამაკაცების კვალიფიკაციას, ფსიქიკურ მდგომარეობას, ან ინტელექტს. ქალთა მიმართ კი საზოგადოება უფრო მკაცრია და მოთხოვნებიც უფრო მაღალია. პოლიტიკაში მოსვლის ხელშეწყობა იმასაც გულისხმობს, რომ ქალიც და მამაკაციც მისთვის დამახასიათებელ თავისებურებას ინარჩუნებს და არ ემსგავსება უსქესო პოლიტიკოსს. საჭიროა პოლიტიკაში გვყავდეს ისეთი ადამიანები, რომელთაც კარგად ესმით საკუთარი სქესის საჭიროებები, თუ პრობლემები. დღეს ამისი სრული დეფიციტია. ოცდამეერთე საუკუნე ქალების საუკუნეა. გასაოცარი, თავისუფლების პერიოდში დაბადებული და გაზრდილი თაობა მოდის. დარწმუნებული ვარ, რომ პოლიტიკაში უამრავი ნიჭიერი ლიდერი ქალი გამოჩნდება. რაც შეეხება კვოტირების საშუალებით არაკვალიფიცირებული კადრების წამოწევას, პარტიაც მიხვდება, რომ არაკვალიფიცირებული კადრი არ სჭირდება.

არასამთავრობო სექტორი მომავალს იმედიანად არცთუ უსაფუძვლოდ უმზერს. კვოტირების გონივრულმა გამოყენებამ გამოზარდა სკანდინავიაში ლიდერ ქალთა თაობები, რომელთა მზრუნველი ხელი ამ რეგიონს კეთილად წაადგა. ამასთან, როგორც სამართლიანად მიუთითებს ლიკა ნადარაია, მოდელი დროში პროგრესირებადი. შიდა პარტიული ქალთა ორგანიზაციები გაძლიერდებიან პოლიტიკური პროცესების ცოდნის, სტრატეგიული აზროვნების გაღრმავების თვალსაზრისით, რაც საქართველოსაც კეთილად წაადგება.

„ქალები მზად არიან ჩანაცვლონ პოლიტიკაში უსაქმური მამაკაცები, ხოლო საქმიანებს კი გვერდში ამოუდგნენ“ - მითხრა ელისო ამირეჯიბმა. ამ პოზიციას ავტორიც უერთდება; აღარათყერი გვიშლის ხელს, რომ პოლიტიკაში სკანდინავიის მაგალითი გავიმეოროთ.

და რატომაც არა?!..

პოლიტიკური მონაწილეობა და „სავსე ქისის“ პრინციპი

სოციალური ჯგუფის სტატუსს განსაზღვრავს პოლიტიკური აქტიურობა, რომელიც, თავის მხრივ, ფინანსურ რესურსს საჭიროებს; ამ რესურსს კი ეკონომიკური საქმიანობა ქმნის. ანუ, ქალთა პოლიტიკურ აქტიურობას შესაბამისი ფინანსური ბაზა ესაჭიროება. **ლუსილ ბოლის „სავსე ქისის პრინციპი“** ამ შემთხვევაშიც აქტუალურია. არც ისაა საკამათო, რომ „პოლიტიკურ ქისას“ ყველაზე წარმატებით თავად ქალები შექმნიან; ანუ ქალთა პოლიტიკური მონაწილეობის საკითხი მჭიდრო კავშირშია მათ ეკონომიკურ აქტიურობასთან. ორივე ერთმანეთს აძლიერებს და, საბოლოოდ, გენდერულ ლანდშაფტზეც აისახება. ქალთა პოლიტიკური გაძლიერებისთვის მნიშვნელოვანია აქტიურობა ბიზნესის სამივე (მსხვილ, საშუალო და მცირე) სექტორში. ყველაზე საიმედო, ამ მხრივ, მესაკუთრის პოზიციაა. მცირე ბიზნესის სექ-

ტორი ქალბატონებმა წარმატებით აითვისეს. საშუალო ბიზნესის მფლობელთა შემადგენლობაში, ნაკლებად არიან წარმოდგენილნი. მსხვილი ბიზნესი, კი, ფაქტობრივად, მასკულინიზმის საუფლოა.

ამასთან დაკავშირებით უნდა აღინიშნოს, რომ 2010 წლიდან გაეროს ქალთა ორგანიზაცია (საქართველო) ინტენსიურად მუშაობს სოფლად მცხოვრებ ქალთა ეკონომიკური გაძლიერებისთვის. იგულისხმება მობილიზაცია, ინდივიდუალური და ინსტიტუციური განვითარება (საგანმანათლებლო პროგრამები). აგრეთვე, ხაზგასასმელია ინოვაციებისა და ტექნოლოგიების სააგენტოს საქმიანობა ქალთა მენეჯმენტის წახალისების კუთხით (მაგრამ მხოლოდ მცირე და საშუალო ბიზნესში).

კავშირ „საფარის“ მიერ 2017 წელს გამოქვეყნებულ კვლევაში (პროექტი გაეროს განვითარების პროგრამის - UNDP-ის და შვედეთის მთავრობის ხელშეწყობით განხორციელდა) ვკითხულობთ, რომ ქალთა ჩართულობას ეკონომიკის მაკრო განზომილებაში ჯეროვანი ყურადღება არ ექცევა. კვლევამ აჩვენა, რომ გენდერული სეგრეგირების პროცესი უკვე განათლების სფეროში იწყება. ქალი სტუდენტების რიცხვი ყველაზე დაბალია სოფლის მეურნეობის, საინჟინრო და სამშენებლო დარგებში, აგრეთვე სამეცნიერო პროგრამებში. ეს ტენდენცია სწავლის დამთავრების შემდგომაც გრძელდება. როგორც სოფლად, ისე ქალაქად, შინამეურნეობების 62%-ში უფროსად მამაკაცები მოიაზრებიან. სოფლად ეს ტენდენცია კიდევ უფრო მკვეთრად გამოხატული.

საინტერესო დეტალი: 2014 წელს სოფლად რეგისტრირებული 1538 კოოპერატივი აერთიანებდა 13677 პირს; აქედან მხოლოდ 3674 (27%) იყო ქალი. კოოპერატივის თავმჯდომარეებს შორისაც ქალი მხოლოდ 8% იყო; დანარჩენი ქალბატონები კი მეპაიეები იყვნენ.

სავარაუდოდ, მას შემდეგ სიტუაცია დიდად არ შეცვლილა. **2016 წლის** მონაცემების თანახმად, 15 წლის და მეტი ასაკის ქალთა 42% ეკონომიკურად არააქტიურია. იმავე ასაკობრივ კატეგორიაში არააქტიური მამაკაცთა მხოლოდ 22%-ია. მამაკაცთა შორის ეკონომიკურ გააქტიურება ძალზე კარგი მოვლენაა; განსაკუთრებით, წლების განმავლობაში გაგრძელებული კრიზისის დროინდელი აპათიის გათვალისწინებით, მაგრამ ახალგაზრდა ქალთა დასაქმების შედარებით დაბალი პროცენტი ცუდი სიმპტომაა. **გაეროს განვითარების პროგრამის** მიერ 2013 წელს ჩატარებულმა კვლევამ აჩვენა, რომ ქალთა 18%-ს სამსახურის ოჯახთან შეთავსება უჭირს და ურჩევნია არ იმუშაოს, რაც დამოუკიდებელ პოზიციაზე უარის თქმის ტოლფასია. ეს ფაქტი შრომის კანონმდებლობის ხარვეზებსა და დედებზე მიმართული პროგრამების აუცილებლობაზე მიუთითებს. როგორ უნდა გააქტიურდეს ქალი პოლიტიკურად, თუ მის შრომით აქტიურობასაც კი ბარიერები აფერხებს?!

საინტერესო დეტალი: ავტორის მიერ ჩატარებულ სოციოლოგიურ გამოკვლევაში, ქალთა 85,24%-მა და მამაკაცთა 93,85%-მა ოჯახის ძირითად მარჩენლად ქმარი მიიჩნია; ანუ, მუშაობა, მათი აზრით, უფრო მამაკაცის შემთხვევაში იყო არსებითი. თუ გასული საუკუნის 80-იან წლებში ქალის პროფესიულ საქმიანობას მენტალიტეტი ბლოკავდა, ახლა ეს უფრო შრომის კანონმდებლობის დამსახურებაა.

კვლევის პროცესში გამოკითხული ათი მსხვილი კომპანიის ხელმძღვანელობა ვერ ხელდავდა ქალთა გაძლიერების საჭიროებას; დარწმუნებულნი იყვნენ, რომ მათ

ორგანიზაციაში წინსვლა მხოლოდ სურვილსა და შრომაზეა დამოკიდებული. ისინი ვერ აცნობიერებდნენ მრავალრიცხოვან დაბრკოლებებს, რომლებიც აფერხებენ ქალების ზრდას როგორც პროფესიულ, ისე სხვა ასპარეზზე და ქალთა გაძლიერებას მხოლოდ დეკრეტულ შვებულებას აკავშირებდნენ. კვლევის თანახმად, 2016 წელს ქალების საშუალო თვიური ხელფასი 731, 2 ლარი იყო, ხოლო მამაკაცის - 1116, 6 ლარი.

პარალელი: აქვე უნდა აღინიშნოს, რომ მიმდინარე წელსაც, თითქმის ყველა სექტორში, კაცების ხელფასი აღემატება ქალების ხელფასს. საქართველოს სტატისტიკის ეროვნული სამსახურის მიერ გამოქვეყნებული ციფრების თანახმად, 2020 წლის მეორე კვარტალში ქალების საშუალო ხელფასი 924,2 ლარია, ხოლო მამაკაცების - 1 352,4 ლარი.

ყველაზე უფრო ძნელად გადასალახი ბარიერი სტიგმური ცნობიერებაა. რამდენიმე თვის წინ, უზენაესი **სასამართლოს მოსამართლეობის კანდიდატმა ნუგზარ სხირტლაძემ** გამაოგნებელი განცხადება გააკეთა: მენეჯერულ პოზიციებზე ქალთა დაბალი წარმომადგენლობა თავად ქალების არჩევანია, ვინაიდან ადმინისტრირება ნაკლებად ხიბლავთო. საინტერესოა, რაზე დაყრდნობით გააკეთა ასეთი გამაოგნებელი დასკვნა, როდესაც უზენაეს სასამართლოში 2014-დან 2016 წლამდე ქალი მოსამართლეების რაოდენობა 21%-დან 38%-მდე გაიზარდა? შეცდომა იქნებოდა გვეფიქრა, რომ მგავსი აზრები მხოლოდ ერთეულებს „ანუხებს“. მამაკაცთა არცთუ მცირე ნაწილს ქალისთვის „სავარძელი“ ამკარად არ ემეტება. განსაკუთრებით - გადანყვეტილების მიმღებ ორგანოებში.

სიტუაციის შესაცვლელად აუცილებელია ქალების აქტიურობის გაზრდა პოლიტიკური, საზოგადოებრივი და ეკონომიკური თვალსაზრისით. მხოლოდ ასე მოხერხდება გადანყვეტილების მიმღებ პოზიციებზე არა მხოლოდ მოსვლა, არამედ საიმედოდ გამაგრება. კვლევების კანონპროექტი ამ პროცესში კატალიზატორის როლს შეასრულებს - ქალები აქტიურ მონაწილეობას მიიღებენ კანონმომოქმედების პროცესში და მოვლენებზე ზემოქმედების პირდაპირი ბერკეტი ექნებათ.

თავი მეთორმეტე

ქალის კულტი

პიტი, თუ რეკლოზა?..

შენიღბული სტიგმა

„ქალებს უკიდურესობები ახასიათებთ. ან კაცებზე
გაცილებით უკეთესნი არიან, ან უარსენი“

ჟან დე ლაბროუერი

თაობათამანძილზე საზოგადოებას გულწრფელად მიაჩნდა, რომ ქართველი ქალი საქართველოს მთელი ისტორიის მანძილზე თავყვანისცემით იყო გარშემორტყმული. ამ ფენომენს „ქალის კულტად“ მოიხსენიებდნენ. სასმისშემართული თამადა, დანა-ჩანგლის კაკუნის ფონზე, ენაწყლიანად აჩუქურთმებდა ბრტყელ-ბრტყელ ფრაზებს ათასჯერ გადაღეჭილი მეტაფორებით და ფსევდო ისტორიული ექსკურსით. **სსრკ-ს** პერიოდში „ქალის კულტი“ განუყოფლად დაუკავშირდა **ქართლის დედის სახე-სიმბოლოს**, რომლის წარმოშობის ისტორია ცალკე კვლევის საგანია. გასულ საუკუნეში **ქართლის დედის სახეს** საპატიო ადგილი მიუჩინეს საბჭოთა იდეოლოგიის სიმბოლოთა პომპეზურ პანთეონში, ვინაიდან კარგად ეხმიანებოდა პოლიტიკურად ანგაჟირებულ, ხმაღმემართულ „როდინა-მატს“-ს.

ცნობისთვის: ქართლის დედის ქანდაკება ნარიყალაზე 1958 წელს დადგეს თბილისის 1500 წლისთავთან დაკავშირებით. თავდაპირველი გადანწყვეტილების თანახმად - მხოლოდ დროებით, ამიტომ ხისგან იყო შესრულებული. თუმცა, მოგვიანებით, გადანწყვეტილება შეცვალეს და ალუმინით დათარეს.

სსრკ-ს რღვევის შემდეგ, **ნარიყალაზე** აღმართული ქართლის დედა დემონტაჟისაგან ეროვნულმა სპეციფიკამ იხსნა. ლენინი თავისუფლების მოედნიდან „გააძევეს“, მაგრამ ქართლის დედის მონუმენტური ძეგლი ისევ თავის ადგილზეა. უფრო მეტიც: 1997 წელს ძველი, შედარებით მცირე ზომის ქანდაკება შეცვალა 20 მეტრის სიმაღლის ალუმინის მონუმენტმა. პარალელურად, მოხდა ძველი კონცეფციის განახლება: **ელგუჯა ამაშუკელის „ქართლის დედა“** დამოუკიდებელი და ძლიერი საქართველოს სიმბოლო უნდა გამხდარიყო, თუმცა კრიტიკის ქარ-ცეცხლი მაინც არ ასცდა. 1998 წელს თქვენმა მონა-მორჩილმაც მიუძღვნა ამ თემას პუბლიკაცია. გთავაზობთ რამდენიმე თვალსაზრისს:

ლელა ხომერიკი (ისტორიკოსი):

- „ქართლის დედა“ ასახავს არა ქართველ ქალს, არამედ საზოგადოებაში არსებულ ტრადიციულ აზრს ქართველი დედის შესახებ. მაგრამ რამდენად ზუსტად გამოხატა ავტორმა თუნდაც ეს ტრადიციული შეხედულება? დავინყოთ იქიდან, რომ ქალი მხოლოდ დედა არ არის... თუ ქართველი დედის სიმბოლოდ განვიხილავთ, შეიძლება ითქვას, რომ შემაშინებლად კატეგორიულია - ან თასი, ან მახვილი! სახეზეც არაფერი აწერია. ვერ გაარკვევ რას ფიქრობს, ან ფიქრობს თუ არა საერთოდ. არსებობს შეხედულება, რომ ქართლის დედის ძეგლი ფემინისტური სიმბოლოა, იმიტომ რომ აქვს არჩევანი - თასი, ან მახვილი. მაგრამ იქმნება შთაბეჭდილება, რომ ორივე თავად კი არ აიღო, არამედ ააღებინებს. ამას-

თან, წინასწარ განუსაზღვრეს, ვინ მტერია და ვინ მოყვარე.

რუსუდან ფხაკაძე (ფსიქოლოგი):

- ქართულ კულტურაში ქალობა დედობასთანაა გაიგივებული. ქართლის დედა მხოლოდ დედაა, მაგრამ ქალი, ამ სიტყვის სრული გაგებით, არ არის, ვინაიდან ეროტიკულობა ქალში ტრადიციულად „მინუს“ ნიშნით ფასდება. საკუთრივ, ამაშუკელის ქანდაკება კი, ჩემის აზრით, დედობასაც კი არ გამოხატავს. ხმლის მომენტი ზედმეტად მიმაჩნია, ვინაიდან აგრესიულობის ნიშანია. დედობა მოითხოვს სიბრძნეს, ვაჟუცაობას, მაგრამ არა ასეთი სწორხაზოვანი ფორმით.

ილია ზაუტაშვილი (მხატვარი):

- ეს სიმბოლო თავზე მოგვახვიეს. შუა საუკუნეებში, ალბათ, შეესატყვისებოდა ყოფიერებას. მაგრამ დღეს, როდესაც საქართველო ეზიარა მსოფლიო კულტურას, ამ ქანდაკებით იგივე ხაზი გრძელდება - ქალში მნიშვნელოვანია დედა და მეომარი; სამაგიეროდ, მას უკარგავენ ინტელექტს, სოციალურ აქტიურობას, სექსუალობას. ანუ, ქალი მნიშვნელოვანი მხოლოდ მაშინ ხდება, როდესაც კარგავს თავისი სქესის ნიშნებს. მუდმივი დედის თანმდევია მუდმივი შვილი. აქედან საზრდოობს ქართველი ადამიანის და ქართული საზოგადოების ინფანტილიზმი.

წარმოდგენილ აზრთა სხვადასხვაობას გასდევს საერთო ლაიტმოტივი: ისტორიულად დამკვიდრებული სტერეოტიპი ქალურ საწყისს გამოვლენის მრავალფეროვნებას უკვეცავს და პატრიარქალურ კლიშეებში ამწყვდევს. პლაკატური მოკრძალებით გარემოცული ქართლის დედის ისტორიულ-მენტალური საწყისები მატრიარქალური ცნობიერების წიაღში ჩაკარგულ დედა-ღვთაებაში უნდა ვეძიოთ. ასეთები იყვნენ **ეგვიპტური ისიდა, წინააზიური კიბელე, ელინური რეა** და ა.შ. ყველა ჩამოთვლილ დედა-ღვთაებას ახასიათებს ძლიერი სექსუალური ენერჯეტიკა, ყოვლისმომცველი ინტელექტი და მრავალმხრივი აქტივიზმი. ამ მხრივ, განსაკუთრებით აღსანიშნავია **ისიდა**, რომელიც გადაარჩენს თავის მეუღლეს - **ღვთაებრივ ოსირისს** და სამყაროს ბოროტებისგან იხსნის. ისიდაში მნიშვნელოვანია მძაფრი სექსუალობა და **ოსირისისგან** დამოუკიდებელი ძალაუფლებრივი სტატუსი. უფრო მეტიც - ძველეგვიპტურ ღვთაებათა პანთეონში, ფაქტობრივად, ცენტრალური პერსონაა. პატრიარქატის მომძლავრების კვალდაკვალ მოხდა დედა ღვთაების სახის დაკნინება და მისი აქტივიზმის შეკვეცა. ქრისტიანული იდეოლოგიის დამკვიდრების პარალელურად, დედა ღვთაება დედა ღვთისმშობლის ასკეტურ ხატად ტრანსფორმირდება. უბინო ჩასახვის კონცეფცია საბოლოოდ აფორმებს მის დესექსუალიზაციას, რასაც თავისი იდეოლოგიური და პოლიტიკური საფუძვლებიც ჰქონდა: ქრისტიანულ-პატრიარქალურ სამყაროს სტაბილურობის შესანარჩუნებლად სჭირდებოდა აქტივობაშეკვეცილი და დესექსუალიზირებული ქალი.

პარალელი: გავიხსენოთ პირველი შეცოდების ისტორია: ადამმა და ევამ მიროთვის აკრძალული ნაყოფი, რათა ავი და კარგი შეეცნოთ და... შეიმოსნენ! სიტყვა „შეცნობა“ ძველად სექსუალური აქტის აღსანიშნავდაც იხმარებოდა („შეიცნო იგი“, ანუ სქესობრივი აქტი დაამყარა). აქაც ჩანს ქცევის მართვის რაოდენ მძლავრი იარაღია ინტიმურ-სექსუალური სფერო. კვლავ გავიმეორებთ: სწორედ ამიტომ ახორციელებს ნებისმიერი ტოტალიტარული სისტემა მის მკაცრ კონტროლს.

საუკუნეთა მანძილზე მოქმედმა პატრიარქალურმა პიარ-მექანიზმმა ფრიად

ხისტი ზნეობრივი ეტიკეტი დაამკვიდრა. ამაში საფუძვლიანად დაეხმარა ეკლესიური იდეოლოგია, რომელმაც სქესობრივი ტკბობისკენ სწრაფვა ავხორცობად გამოაცხადა. პარალელურად, მოხდა სქესობრივი ქცევის მკაცრი რეგლამენტირება; განსაკუთრებით ქალის შემთხვევაში - მისი სექსუალობა მკაცრად შეიზღუდა. საქართველოში ქალის მისაბაძ სახელ იქცა ქმრის მორჩილი, კარგი მეოჯახე, შვილების მოყვარული ფრიგიდული მეუღლე, ხოლო იდეალად - დესექსუალიზებული ქართლის დედა, რომელიც მხოლოდ დედაა. სატროფოს როლში გაჭირვებით თუ წარმოვიდგინოთ; ვნებიან საყვარლად წარმოდგენას კი მკრეხელობაში ჩამოგვართმევენ. ეს ფარისევლური კლიშე თაობათა მანძილზე ინერგებოდა და ქართველ ქალს სრულფასოვანი ქალობა დააკარგვინა. მისი პიროვნული სივრცეები ოჯახის დიასახლისობით და დედობით შემოთვარგლა.

დამაფიქრებელი დეტალი: სსრკ-ს დაშლის შემდეგ პირუკუ პროცესის მომსწრენი ვახდით - ხდება ქალის სახის აქცენტირებული სექსუალიზაცია. ავტორის აზრით, პროგრესი სულაც არაა, თუ დესექსუალიზებული ქართველი ქალი ჩვენს თვალწინ სექსუალიზებულ სამომხმარებლო ერთეულად იქცევა.

მარადიული მსხვერპლის გამღები

„იციო რატომ მიყვარს ებრაელები? ძალიან მართლები არიან, რომ ეროვნებას დედით განსაზღვრავენ. ძველი ცივილიზაციის ერებს კარგად აქვთ გაცნობიერებული დედის მნიშვნელობა. რადგანაც მამაკაცების დიდი ნაწილი ომებში და ლაშქრობებში იხოცებოდა, მენტალური მემკვიდრეობის - მწერლობის, წერა-კითხვის და განათლების გადაცემა ქალებს უნდა ეტვირთათ. „ვეფხისტყაოსანიც“ ქალებმა შემოგვინახეს. მათ შორის ისეთებიც იყვნენ, მთელი ტექსტი რომ გეპირად იცოდნენ...“ - მითხრა ერთხელ ნანა დევდარიანმა.

სამართლიანობა მოითხოვს აღინიშნოს, ისტორიულად, დედობის, თუნდაც, შეკვეცილი სახით გაპიარებას დადებითი მხარეც ჰქონდა. სწორედ ამაზე მიუთითა კომენტარში **მხატვარმა ილია ზაუტაშვილმა**. საომრად წასული მამაკაცის თანამეცხედრე ქართველი ქალი, ხშირ შემთხვევაში, დედაც იყო, მამაც, მარჩენალიც და დამცველიც. ალბათ, აქედან საზრდოობს ცნობილი გამონათქვამი: „აბა, შენ იცი, ქალიც შენ ხარ და კაციც!“. ქართველი ქალის ამ უდიდესმა ძალისხმევამ გადამწყვეტი როლი შეასრულა ერის ფიზიკურ და სულიერ გადარჩენაში.

მაგრამ, პერსპექტივაში, ამ ავ-კარგიანობამ ძალიან უარყოფითი შედეგი მოგვიტანა. **„ქართლის დედის“ კულტს** აქვს კიდევ ერთი მანკიერი მხარე - ოჯახისა და შვილების ცალმხრივი მსახურების ასპექტი, რაც, აგრეთვე ისტორიულად ჩამოყალიბდა და მენტალურად ჩადულაბდა. მეომარ ერს მებრძოლებს ქალი უზრდოდა, ხოლო ომში წასულ მეუღლეს - კერას უნარჩუნებდა. ხშირად კი, მარტო დარჩენილი და დაქვრივებული ეწეოდა ცხოვრების ჭაპანს. ქართველი ქალი პერმანენტულად მგლოვიარე იყო; გლოვობდა ომში დაღუპულ ქმარს თუ არა, მამას, ძმას, ნათესავს და ა.შ. სწორედ ამიტომ „ქართლის დედის“ სახესთან განუყოფელია ფატალური გამძლეობის დეტალი, რაც შავოსანი დედის ვიზუალურ

ხატშია ხორცშესხმული. შავი ფერი ცხოვრების სიამეთაგან განდგომის სიმბოლოა. ტრადიციულ ქართლის დედას სიამოვნება-გართობასთან არაფერი ესაქმება, ვინაიდან მას მხოლოდ მოვალეობები აქვს - ქმარის, შვილის, ოჯახისა და ერის წინაშე. საპასუხოდ არაფერს ელის და არც უნდა ელოდეს. ქართლის დედა მარადიული ტკივილისთვის განწირული „ნეტარია“, რომელმაც წამებულის „გვირგვინი“ ამაყად თავანუელმა უნდა ატაროს. „გვირგვინის“ მოხსნის მცდელობა (მაგალითად, გათხოვება) საპატიო მისიის ღალატად ჩაეთვლება. სწორედ ამიტომ თქვეს უარი დაოჯახებაზე **ოთარაანთ ქვრივმა და თავსაფრიანმა დედაკაცმა**.

არსებითი დეტალი: პერმანენტული დისკომფორტი ნევროზის წყაროა. ამიტომ ირთვება დამცველი მექანიზმი, რომელიც ტკივილს ბუნებრივ მდგომარეობად, ან, სულაც, ტკბობის წყაროდ გადააქცევს. ქართლის დედა უბრალოდ კი არ ეგუებოდა ტკივილს, არამედ ამაყოფა კიდევ თავისი ამტანობით; ხოლო შავი ფერი, რაღაც გაგებით, მის საფირმო „ხარისხის ნიშნად“ იქცა.

ამისი ყველაზე თვალსაჩინო ლიტერატურული მაგალითია **ნიკო ლორთქიფანიძის თავსაფრიანი დედაკაცი**: „ქართველი ქვრივი... თავსაფრიდან წულეზამდის... წინდაც კი შავი...“, რომელსაც მხოლოდ „შემთხვევით თუ გამოუჩნდება მეტისმეტად ლილიან წყალში გავლებული საცვალი“. რა მნიშვნელობა აქვს იმას, რომ ქმარი ომში კი არა, სწეულებით დაეღუპა! ეს მხოლოდ დეტალია. არსებითი სხვაა - რას მიქვია გათხოვება, „როგორ უმტყუნებს ობლებს?“ სწორედ ამიტომ მოიკვეთა ნათელი ფერები, ხელში მოვალეობათა მძიმე ჯვარი აიღო და მარტოღმარტო შეუყვამ ცხოვრების გოლგოთას.

სულისშემძვრელია? დიახ!

დიდებული? მხოლოდ ერთი შეხედვით... შვილების ცივისსხლიანი უმადურობა ყველაფერს ხაზს გადაუსვამს. რატომ მოხდა, რომ შვილად ერთმაც კი ვერ ივარგა?

რა არის ეს - შემთხვევითობა, თუ კანონზომიერება?

პასუხი ქალისთვის ტრადიციული მოდელით განსაზღვრულ როლში უნდა ვეძიოთ. თუკი თავსაფრიანი დედაკაცში კონკრეტიზირებული „ქართლის დედა“ პერმანენტული მსხვერპლის გამღებია, ავტომატურად ყალიბდება პერმანენტული მსხვერპლის მიმღები, რომელიც მხოლოდ იღებს და არაფერს გასცემს. ქართლის დედა ბედნიერია შვილის მსახურებით, რაც მას სოციუმში ზნეობრივი გმირის სტატუსს ანიჭებს („დაილოცოს შენი ქალობა!“ და მისთანანი). როდესაც ადამიანი მაზოხისტურ პოზიციას ნეტარებით ითავისებს, საჭირო ხდება სადისტის, ანუ დისკომფორტის წყაროს არსებობა, რომელიც მას „საპატიო დანიშნულების“ რეალიზაციაში დაეხმარება. ამ პოზიციიდან სადისტი კეთილმყოფელია, რომელიც მაზოხისტს ანიჭებს ბედნიერებას „დატკბეს“ ტკივილით. შვილები ეჩვევიან აზრს, რომ დედა მხოლოდ მათი მსახურებისთვისაა გაჩენილი; ამიტომ მადლიერება-დაფასება ან სუსტია, ან საერთოდ გამორიცხული. ეს კანონზომიერება ადვილად ხსნის თავსაფრიანი დედაკაცის შვილების, ერთი შეხედვით, პარადოქსულ უმადურობას. მათი გულცივი ეგოიზმი სწორედაც რომ კანონზომიერებაა და არა შემთხვევითობა. განა „კერპი“ თავს იწუხებს „კერპთაყვანისმცემლის“ პრობლემებით?! მას მიაჩნია, რომ თავისი არსებობის ფაქტითაც საკმარისად აბედნიერებს. ნოველის ყველა დეტალი სადომამოხისტურ სქემაში ბუნებრივად ეწერება: დედა, რომელიც უყოყმანოდ ითავისებს პერმანენტული „კერპთაყვანისმცემლის“ პო-

ზიციას და შვილები, რომლებიც ასევე უყოყმანოდ იფერებენ „კერპის“ ამპლუას. „კერპთაყვანისმცემლის“ მსახურება, ხშირად, სრულ ექსტაზში გადადის და კერპს მსხვერპლადაც კი ეწირება. სწორედ ამას აკეთებს თავსაფრიალი დედაკაცი. ამიტომ გაუჩინარდა შვილთა ცხოვრებიდან ასე შეუმჩნეველად. თვალში არც კი დაკლებიათ; ერთს მეორესთან ეგონა და არც მოუკითხავთ - ეს არ იყო მათთვის აქტუალური. გამოსათხოვარი ბარათითაც დაკმაყოფილდნენ, ვინაიდან საზოგადოების თვალში რეაბილიტაციისთვის სასვებით კმაროდა. თავსაფრიალი დედაკაცის ეს უკანასკნელი მსხვერპლიც დაუფასებელი აღმოჩნდა. ჩემს მოსაზრებას არავის დავაძალე, მაგრამ ვფიქრობ, რომ სწორედ ეს არის **თავსაფრიალი დედაკაცის**, უფრო ფართოდ - **„შავოსანი დედის“** და კიდევ უფრო განზოგადებულად - **„ქართლის დედის“** არსი - იგი ქმარს და შვილებს შეწირული მოახლეა. ამის დანერისას უნებლიედ გამახსენდა სიტყვები **„ასავალ-დასავალში“** მოსული წერილიდან: „გაჩენის დღიდან ვალდებულნი ვართ ჯერ მშობლების, მერე ქმრის, შვილების და მგონი მთელი რესპუბლიკის წინაშე. როდემდე უნდა გავრძელდეს ასე?“

მნიშვნელოვანი დეტალი: როდესაც ქალს სოციალური აქტიურობის არეალს შეუზღუდეს, მენტალურად დაწნეხეს და მხოლოდ ოჯახს მიაჯაჭვეს, ქვეყნობიერად კომპენსატორული მოთხოვნები გაუჩნდა. ქართველი დედა ამას შვილების საკუთარ პერსონაზე „მიჯაჭვით“ ახერხებს. მისი სამყარო შვილებით იწყება და შვილებითვე მთავრდება, ამიტომ ასე ადვილად ვერ შეეღევა. სწორედ ამიტომ, რომ საქართველოში, თაობათა მანძილზე, ფიზიოლოგიური მშობიარობა ფსიქოლოგიური მშობიარობით არ გრძელდება და სოციალური მშობიარობით არ გვირგვინდება. პროცესი მეორე სტადიის რაღაც ეტაპზე იყინება; შვილი, ფაქტობრივად, არ ტოვებს დედის წიაღს, დედა კი მასზე კრუხივითაა გადაფაფრული.

„ბანკომატი“ დედები

სურათი, რომელიც თბილისის ერთ-ერთი სასაფლაოს მუშაკებს დახვდათ, „ოთარაანთ ქვრივიდან“ ამოგლეჯილს ჰგავდა: ხანშიშესული ქალბატონი ასაკოვანი მამაკაცის საფლავს ჩახუტებოდა და ისე დაელოია სული. მალე გარდაცვლილის ვინაობა გაირკვა - თურმე დასაფლავებულის ქვრივი იყო. პატრონსაც მიაგნეს და ქალბატონმა მეუღლის გვერდით ჰპოვა საუკუნო განსასვენებელი.

ვინ იყო ის ქალი? რა ტრაგედია დატრიალდა მის ცხოვრებაში?..

ყველაფერი გასული საუკუნის 90-იან წლებში დაიწყო. ჩვენი გმირი მამინ ჯან-ღონით სავსე ახალგაზრდა ქალი და ორი გოგონას დედა იყო. კრიზისმა ოჯახი შიმშილის ზღვარზე მიიყვანა, ამიტომ ინვლისში სამუშაოდ წასვლა გადაწყვიტა. დატრიალდა, წასასვლელად საჭირო თანხა ისესხა და გაემგზავრა. საცხოვრებლად ნაცნობმა ქალბატონმა შეიფარა. ერთ პატარა ოთახში ექვს ქალს ეძინა. ენობრივი ბარიერის გამო ლონდონში სამსახურის მოძებნა გაუჭირდა. ისეთ ჩიხში აღმოჩნდა, რომ ერთხანს თავის მოკვლაც კი იფიქრა, მაგრამ როდესაც წარმოიდგინა რა დღე დაადგებოდა მის ოჯახს, ეს აზრი თავიდან ამოიგდო. მერე როგორღაც

ძალა მოიკრიბა და ინგლისური ენის შესწავლა დაიწყო. დღე-ღამეს ასწორებდა; საერთო ოთახში რომ არავინ შეეწუხებინა, ღამით თავზე საბან გადაფარებული მესადინებოდა. ბოლოს შინამოსამსახურის ადგილი იშოვა და პირველი ფულიც გაუჩნდა. ურიგო თანხას არ უხდიდნენ, მაგრამ თავისთვის არაფერი ემეტებოდა და დიდ ნაწილს სახლში აგზავნიდა. ვალის გასტუმრების შემდეგ მეუღლემ თხოვა - სახლში დაბრუნდიო. ბავშვებს კი დედა ენატრებოდათ, მაგრამ ყურის არ ათხოვა: რა დაბრუნება, რის დაბრუნება, ოჯახს ათასი რამ ჭირდება, შვილების მომავალზე და სწავლა-განათლებლაზე უნდა ვიზრუნო.

ამასობაში წლები გავიდა, ქალიშვილები წამოიზარდნენ. დედა მუხლჩაუხრე-ლად შრომობდა: შვილების სწავლის საფასური ხომ გადაიხადა, კიდევ ცალ-ცალკე ბინები უყიდა და უზრუნველი ცხოვრებისთვისაც ფულს არ აკლებდა. მხოლოდ ათი წლის შემდეგ მოახერხა საქართველოში ჩამოსვლა. სახლში შეეგება მონატრებული და, საბედნიეროდ, ერთგული მეუღლე, რომელსაც ცოლზე დარდით ორჯერ ინფარქტი გადაეტანა. სამავიეროდ, ქალიშვილები დახვდნენ ფრიად გაუცხოებულნი. დიდი ხნის უნახავ დედას დაწვრილებით ჩამოუთვალეს კიდევ რა პრობლემები ჰქონდათ მოსაგვარებელი. მერე მეუღლისგანაც იგრძნო მინიშნება - საზღვარგარეთ უნდა დაბრუნდეო. „ერთ კვირაში მივხვდი, რომ ზედმეტი ვიყავი!“ - ამბობდა მოგვიანებით. თვალცრემლიანი გაემგზავრა ინგლისში. აეროპორტში მხოლოდ მეუღლემ გააყილა.

მერე ისევ თავდაუზოგავი შრომა და დაპროგრამებული ავტომატივით ოჯახისთვის ფულის გამოგზავნა. თითქოს ამარტში შევიდაო, ისე გულმოდგინედ ცდილობდა თანხის დაზოგვას, რომ ოჯახისთვის მეტი გაემგზავნა. საკუთარი თავისთვის კი კაპიკსაც ვაჭირვებით იმეტებდა. ჩამოსასვლელად ვეღარც იცლიდა. თავში მხოლოდ ერთი ამრი უტრიალებდა: შვილებს უნდა ჰქონოდათ ყველაფერი რაც შეიძლება ბევრი და, ამასთან, საუკეთესო. ამასობაში მეუღლე გარდაიცვალა. დაკრძალვაზე შვილებმა ისე ცივად მიიღეს, რომ გულმოკლული ინგლისში დაბრუნდა. მუშაობა და ფულის გაგზავნა - ესლა იყო ახლა მისი ცხოვრების ამრი.

ახლობელთა სახეები სადღაც შორს, მირაჟით დამორდა. ამასობაში ოცდაშვიდი წელი გავიდა... შვილებმა ცხოვრება აიწყეს და რაღაც მომენტში იგრძნო, რომ აღარც იყო მათთვის საჭირო. ცხოვრება ხელის გულზე თოვლის ფიფქივით შემოადნა, ლიმონივით გამოწურულმა თავი სრულ მარტოსულად იგრძნო. ნელ-ნელა სიკვდილზე ფიქრები მოეძალა და მეგობარს სთხოვა: ფულს გამოგიგზავნი და საფლავისთვის ნაკვეთი მიყიდეო.

ყურადღება მიაქციეთ - მეგობარს და არა შვილებს!

დაბერებული და დასნეულებული დაბრუნდა სამშობლოში, საიდანაც ოდესღაც ახალგაზრდა და ენერგიით სავსე გაემგზავრა და სადაც უკვე აღარავინ ელოდა - აღარც გარდაცვლილი მეუღლე და აღარც ცოცხალი შვილები. დაბრუნებიდან რამდენიმე თვეში მეუღლის საფლავზე უსულოდ დამხობილი ნახეს. როგორც ჩანს, გულმა უმტყუნა.

„დიდებული ადამიანები უძველესად იკარგებიან!“ - იტყოდა ნიკო ლორთქიფანიძე. თავად უფრო მკაცრად შეაფასა საკუთარი ცხოვრება: „იქნებ ოჯახს საზღვარგარეთ წასვლით იმაზე მეტი დავაკელი, ვიდრე იმ ფულადი გზავნილებით მივე-

ცი?... იქნებ ჯობდა, არ წავსულიყავი, დავრჩენილიყავი და ერთად გადაგვეტანა ვაჭირვება? იქნებ, მაშინ მეუღლეს ჩემზე დარდით ინფარქტი არ დამართვოდა, ხოლო შვილებს კი ჩემი სიყვარული არ დაეკარგათო?”- უთქვამს მეგობრისთვის სიკვდილამდე ცოტა ხნით ადრე.

ძნელი სათქმელია!

ფაქტია, რომ საკუთარი სიცოცხლე მთლიანად შვილებს მიუძღვნა და ეს ნამდვილად იყო „თავსაფრიალი დედაკაცის“ თანამედროვე ვერსია...

მასობრივი შრომითი მიგრაცია საზღვარგარეთ, ძირითადად, 2002 წლიდან დაიწყო და დღემდე გრძელდება. 2003 წელს ფულადი გზავნილების საერთო ოდენობა იყო 236 მლნ დოლარი, 2011-ში კი – მილიარდ 200 მილიონს მიაღწია. მას მედიაში სხვადასხვა დროს გამოქვეყნებული საექსპერტო გათვლების თანახმად, უცხოეთიდან შემოსული ფულადი გზავნილების გარეშე, ქვეყანაში სიღარიბის მაჩვენებელი 20-25%-ით მეტი იქნებოდა. ამ ადამიანებმა ქვეყანას და საზოგადოებას ფასდაუდებელი სამსახური გაუწიეს.

ქალების შრომით მიგრაციას, ხშირად, „თვითტრეფიკინგს“, ან „ოჯახურ ტრეფიკინგს“ უწოდებენ. ფაქტობრივად, ეს არის ქალებზე ძალადობის სპეციფიკური ფორმა. თვითტრეფიკინგის დროს ადამიანს, შესაძლოა, არც უნდა საზღვარგარეთ სამუშაოდ წასვლა, მაგრამ თავს არწმუნებს, რომ ეს ერთადერთი გზაა ოჯახის გადასარჩენად; უკვე წასულებს კი, ხშირად, ძალიანაც უნდათ სამშობლოში დაბრუნება, მაგრამ იმავე არგუმენტით თავს დარჩენას აიძულებენ. ოჯახური ტრეფიკინგის შემთხვევაში, კი, ახლობლები ქალს ფსიქოლოგიურად და მორალურად ისე პრესავენ, რომ იძულებულია საზღვარგარეთ დარჩეს და გაუსაძლისი შრომა გააგრძელოს. ზემოთმოყვანილ ისტორიაში ორივე მოვლენის ნიშნები იკვეთება.

„მე წავედი, რომ დავბრუნებულიყავი; მართლა მეცოდებიან ის ქალები, ვინც ოჯახის მიერ აღებული კრედიტების მონა ხდება და ვეღარ ბრუნდება..“ - ამბობს უკვე ნახსენები ვანელი ქალბატონი ქეთევან თომეიშვილი, რომელმაც ათზე მეტი წელი იშრომა საზღვარგარეთ და საკუთარი თვალთი იხილა, რა უმძიმეს ტვირთს ეჭიდებიან ჩვენი სამუშაოდ წასული თანამემამულენი.

აი, რა მითხრა 2017 წელს მიგრაციის საერთაშორისო ორგანიზაციის თბილისის მობილურობის ცენტრის კოორდინატორმა ციური ანთაძემ:

- წლების მანძილზე ვიმუშავე დაბრუნებულ მიგრანტებთან და ყოველდღიურ რეჟიმში ვისმენდი სხვადასხვა ისტორიებს იმ პრობლემებზე, რაც მათ სამშობლოში დაბრუნების შემდეგ დახვდათ. ერთი ქართველი ქალბატონი წლების განმავლობაში საბერძნეთში შრომობდა. გამომუშავებულ ფულს თითქმის მთლიანად მეუღლეს და ორ შვილს უგზავნიდა. წლების მერე რომ დაბრუნდა, მეუღლე სხვა ქალთან დაოჯახებული დახვდა. შვილებმაც ვერ მიიღეს გაუცხოებული დედა. მიჭირს იმ ქალბატონის ემოციებისა და სტრესის სიტყვებით გადმოცემა. იძულებული ვახდა ისევ საბერძნეთში დაბრუნებულიყო. ისეთი ფაქტებიც მახსენდება, როდესაც ზრდასრულ შვილებს არ გახარებიათ დედის დაბრუნება - ერჩივნათ დარჩენილიყო საზღვარგარეთ და მათთვის ფული ეგზავნა. ერთხელ ასეთი შემთხვევის მომსწრე ვავხდი: 72-75 წლის ქალბატონმა მიგრანტებისთვის გათვალისწინებული დახმარების მისაღებად მოგვაკითხა. ზორბა აღნავობის, ასე ოცდა-

თხუთმეტი წლის ვაჟი კი აგრესიულად ურჩევდა ბიზნეს-გრანტის აღებას. მერე შესაძლო დახმარების თანხაც ეცოტავა და ჩხუბი დაუნყო: რატომ დაბრუნდი, ხომ გუებნებოდი, არ ჩამოსულიყავიო. ქალმა ტირილი დაიწყო - ჩვიდმეტი წელი ვიმუშავე და ფული გიგზავნი; ახლა ხომ ხელავ, ავად ვარ და მუშაობა აღარ შემიძლიაო. შემძრა ამ შემთხვევამ. ოჯახური ტრეფიკინგის კლასიკური მაგალითია! ამაზე სოციალურ ქსელებში ბევრს წერენ ემიგრანტები. 2015 წლიდან დაბრუნებულ მიგრანტთა დახმარების პროგრამა მოქმედებს. მსგავსი პროექტები საქართველოში ევროკავშირის დაფინანსებით ადრეც ხორციელდებოდა. პროგრამის ფარგლებში მიგრანტებს შეუძლიათ მიიღონ სამედიცინო და ფსიქო-სოციალური დახმარება, ისარგებლონ თვითდასაქმების პროგრამით, მცირე მიკრო-ბიზნეს გრანტებით და ა.შ. მაგრამ, როგორც ჩანს, ეს საკმარისი არ არის; განსაკუთრებით, კი, იმ შემთხვევაში, თუკი შრომით მიგრანტთა მასობრივი დაბრუნების ტალღა დაიწყება.

მოდით, ისევ მოვუსმინოთ **ქალბატონ ქეთევან თომეიშვილს**, რომელსაც ურთულეს პირობებში მოუწია შრომა:

- 400 დოლარს მიხდიდნენ და 24 საათიან რეჟიმში; ხშირად, შესვენების გარეშე უმძიმეს სამუშაოს ვასრულებდი: ჩავარდნილი მოხუცის მოვლა, საოჯახო საქმე. ერთი დღე მქონდა დასასვენებლად და მაშინაც სხვა ოჯახში გავრბოდი სახლის დასალავებლად, რომ ყოველთვიური ანაზღაურება მეტი მქონოდა. ასეთ დღეში იყო იქ ქალების უმეტესობა; თან უსაფრთხოდაც ვერ გრძნობ თავს. თუ საბუთები წესრიგში არ გაქვს, შეიძლება ხელოფასიც არ გადაგიხადონ. რამდენი შემთხვევა ვიცი, ქალებზე უძალადიათ, მაგრამ ეს ამბავი არავის აინტერესებს... სამედიცინო დაზღვევაც ბევრს არ აქვს, იმიტომ რომ მაშინ გადასახადები უნდა გადაიხადო და „გაალეგალურო“, რაც ისედაც მცირე ხელოფასს აკლდება... თუ გაუძლებ, გადარჩები და ამ გადარჩენაში აუცილებლად დაგეხმარება მიზანი. ძალიან ბევრი ქალი ვიცი, შრომობს იქ წლებია, აგზავნის ფულს, მაგრამ ცხოვრების პირობების გაუმჯობესებას ვერ ახერხებს და ასე გადის მათი ცხოვრება... იცით რატომ? იმიტომ რომ ამ ქალების გამოგზავნილი ფული აქაურებისთვის იოლი ფულია და ასევე იოლად ხარჯავენ. ერთხელ რომ გამოგვგზავნი 300 დოლარი, მალე მეც ჩამოვედი ცოტა ხნით და ოჯახში არაფერი ქონდათ საჭმელი. ამის მერე გადავწყვიტე, რომ პირდაპირ ფული კი არ გამოგვგზავნა, მალაზიისთვის გადამეხადა ყოველთვიურად და ჩემებს საკრედიტო ხაზივით ქონდათ გახსნილი პროდუქტის ასაღებად..“

ქეთევანი თომეიშვილი „ვერკეტი კაკალი“ გამოდგა და ცხოვრების ქარტეხილებმა ვერ გაანადგურა. სამშობლოში დარჩენილი დედაც ყოველთვის მორალურად მხარს უჭერდა. მისი ცხოვრება საუკეთესო მაგალითია იმ ელენტარული ჭეშმარიტებისა, რომ ქალის ყველაზე საუკეთესო დამცველი, საბოლოო ჯამში, მისი სასესე ქისაა. მაგრამ უამრავი ქალბატონი ასე მედგრად ვერ უხვდება სიძნელებებს და არც ოჯახის წევრებში უმართლებს. ისინი სიხარულით დაბრუნდებოდნენ, მაგრამ ვერ ბედავენ იმის შიშით, რომ აქ საერთოდ უმუშევრად დარჩებიან. როგორც დაბრუნებულმა მიგრანტებმა მითხრეს, მათ შორის 75 წლის მოხუცებიც არიან, რომლებსაც მუშაობის თავიცი კი აღარ აქვთ - ძლივს დადიან. ამ თემას მიძღვნილი სტატია „**კვირის პალიტრის**“ **ონლაინ-ვერსიაში** გამოვაქვეყნე. პუბლიკაციის ქვეშ 48 კომენტარია და კომენტატორთა უმრავლესობა ქალბატონია. ქართველი ქალი ოჯახისთვის ზვარაკად შეწირულის როლს უკვე აშკარად აღარ ეგუება:

„უმაღური გაუმადლარი შვილები... მათ დედა კი არა, საკუთარი ქვეყანაც ფეხებზე ჰკიდიათ, მთავარია ფული არ შემოაკლდეთ და ამაში მთავარი დამნაშავენი - სწორედ შვილებისათვის ზვარაკად შენირული დედები არიან! ჰოდა, ვის რად უნდა მათი ასეთი თავგანწირვა და ასეთი გადაგვარებული ადამიანები, როგორებიც მათი - უდედოდ და უსიყვარულოდ გაზრდილი შვილები არიან??“

„პირველ რიგში, შვილებს ვასწავლოთ შრომა, ადამიანების დაფასება და პატიოსნება; დანარჩენს თვითონ მიხვდება. ყველაფერს აქვს საზღვარი. ადამიანი ათი და მეტი წლით ოჯახიდან შორს რომ იმყოფება, რა თქმა უნდა, ასწავლის შვილებს, ბინასაც უყიდის, მავრამ, თავისთავად, გაუცხოვდება. დედამ თავი უნდა დაიფასოს, მიახვედროს შვილები, რომ ის მათი ბანკირი არ არის. მათაც მიხედონ თავის თავს და დედასაც; ხელი გააქანონ, იშრომონ, და იცხოვრონ, ნუ გაუტკვებათ მექთა ფულეები. თუ კარგია, ახლა დედის ადვილზე თავად წავიდნენ და იმუშაონ.“

მიგრანტების დიდი ნაწილი ადრე თუ გვიან საქართველოში დაბრუნდება. მათ შორის „ბანკომატი დედებიც“. აქ გაზრდილი, ხშირად, გაუცხოებული შვილები და შევცვლილი საზოგადოება დახვდებათ. ანუ „ფსიქოლოგიური დაბრუნება“ ძალიან გაუჭირდებათ; ძნელია გაუცხოების გადალახვა, როდესაც ოჯახის თვალში მხოლოდ წყობიდან გამოსული ბანკომატი ხარ. მიგრანტთა მასობრივი დაბრუნების ტალღას სახელმწიფომ კარგად ორგანიზებული და დაფინანსებული სამედიცინო და ფსიქოლოგიური პროგრამები უნდა დაახვედროს. დაუშვებელია უცხოეთში ახლობელთა გადასარჩენად გადახვენილი ქალები იმ ყველასგან დაუფასებელ დიდებულ ადამიანთა რიგში აღმოჩნდნენ, რომლებიც უძევლოდ იკარგებიან.

კათოლიკოს-პატრიარქმა ერთხელ საკვირაო ქადაგებაში ბრძანა: დღეს საქართველოში შემოვიდა მანკიერი წესი, დედები ტოვებენ თავიანთ ოჯახებს, მიდიან უცხოეთში და ქმარ-შვილი უპატრონოდ რჩებათო. ისეთი შთაბეჭდილება იქმნება, თითქოს დედებს აქ უკეთესი არჩევანი ჰქონდათ და, რატომღაც, საზღვარგარეთ წასვლა არჩიეს. რალაც არ მახსენდება, ეკლესიის მესვეურთ ტახტზე წამოგორებული მამრები გაეკიცხათ, რომლებიც გადახვენილი ცოლების ხარჯზე ცხოვრობენ და საყვარლებსაც არჩენენ. ასეთი პარადოქსული მოსაზრება ნამდვილად არ უწყობს ხელს საშოვარზე გადახვენილ ქალთა ამაგის დაფასებას.

ქალი „კუნაში“, ან „ბუტკაში“?

მეტროს ვაკონში დაახლოებით 10-13 წლის ბავშვები შემოვიდნენ, მშობლებთან ერთად - ხუთი ბიჭი და ერთი გოგო. გოგო დედამ ჩემს გვერდით დასვა და თვითონაც მიუჭდა. ბიჭები მოპირდაპირე მხარეს დასხდნენ და სადგურის მოედნიდან დელისამდე აიკლეს მთელი ვაკონი - „ნამიოკობანას“ თამაშობდნენ, ლექსებს ამბობდნენ, გამოცანებს და ანეკდოტებს ყვებოდნენ... მოკლედ, კარგ ხასიათზე იყვნენ და ჩვენც გვართობდნენ.

დედები ხანდახან შენიშვნასაც აძლევდნენ, მავრამ, ეტყობოდათ, სინამდვილეში როგორ ამყოფდნენ ბიჭების სითამამით და გონებამახვილობით.

ჩემ გვერდით მჯდარი გოგონა ერთ-ერთის და იყო. თვალებიდან სხივებს აფრქვევდა, ცქმუტავდა, გულშემატკივრობდა - მთელი სულით და გულით ჩართული იყო ბიჭების მხიარულებაში. ჩემსა და დედამისს შორის იჭდა ზამბარასავით მომართული და ყოველ წამს მეგონა, რომ წამოხტებოდა და გაიქცეოდა, შეუერთდებოდა ძმას და მეგობრებს. თუმცა, არა. ერთი ხელი დედის ქურთუკის სახელოზე ჰქონდა მოკიდებული, მეორეთი ძმას გამოცანების სწორ პასუხს ანიშნებდა და თუ ვერ გააგებინებდა, ხელს შუბლზე შემოირტყამდა და კისკისებდა. ხანდახან გასძახებდა:

„ეგ როგორ ვერ მიხვდი?!“

„მეც ვიცი ეს თამაში ...“

„საბა, თუ გინდა ჩანთას დაგიჭერ, რომ კარგად დაჯდე.“

ყოველ ჯერზე დედამისი შენიშვნას აძლევდა:

„ანუკი, ნყნარად იჯექი!“

„ხმადაბლა გაიცინე, ბიჭი ხომ არ ხარ?!“

„ხელს ნუ უშლი შენს ძმას!“

ყოველი შენიშვნის შემდეგ, ანუკი დედის ქურთუკის სახელოს უფრო მაგრად უჭერდა ხელს და კიდევ უფრო მეტად ანთებული თვალებით უყურებდა ბიჭებს.

- ბიჭოლო, ყველა სიტყვა შენ გამოიყენე, უეჭველი პროფესორი გამოხვალ.

- რა პროფესორი ბიჭოლო, მე ფეხბურთელი უნდა გამოვიდე.

- კი, ერთი შენ გამოხვალ ფეხბურთელი და მეორე ხეჩიკა - პილოტი.

- ავერ ვნახოთ თუ არა. მე რომ ვიფერენ სხვადასხვა ქვეყნებში, შენ იჯექი, რაღაცები დახაზე და სახლები აშენე.

- ბიძაჩემია არქიტექტორი და მეც მაგიტომ მინდა. იცი რა მაგარი ოფისი აქვს?

- ყველას ჯობია, ძმაო, ბიზნესმენი გამოხვიდე. ყველაზე ბევრი ფული გექნება.

- პილოტობა ჯობია ყველას! - წამოიძახა ანუკიმ. მერე დედას ახედა და სასწრაფოდ აიფარა პირზე ხელი.

გავხედე. გაუვლიძე. - შენ პილოტი უნდა გამოხვიდე? - ვეკითხები.

- მეე? პილოტით? არა, რა პილოტი. მე ხომ გოგო ვარ.

- მერე რა, რომ გოგო ხარ?! ხეჩიკა თუ უნდა გამოვიდეს, შენ ვერ გამოხვალ? მხრები აიჩეჩა.

- ისე, დედაჩემი მასწავლებელია.

- შენც მასწავლებლობა გინდა?

- ან მასწავლებლობა, ან ექთნობა. ჩემი კლასელის მამაა ექიმი და დაჩიმ ხელი რომ მოიტეხა, თვითონ მოარჩინა.

- ექიმი და ექთანი სხვადასხვა რამეა, ხომ იცი?

- ვიცი, ვიცი - ექთანი არის ექიმის დამხმარე. ექიმობა უფრო რთულია. დედამ მითხრა, რომ ექთანი გამოვიდე, ან მასწავლებელი. ჯერ არ ვიცი რომელი უფრო მინდა.

- მკონი პილოტობა უფრო გინდა.

- მე ხომ გოგო ვააარ?! - მეუბნება სიცილით და ცოტა გაკვირვებული.

სანამ ვუპასუხებდი, მატარებელი დელისზე გაჩერდა და ანუკი, ბიჭებთან ერთად, სიცილ-ხარხარით გავარდა ვაგონიდან. ვავედით ჩვენს.

- ანუკი, ნუ ვარბიხარ! ქაჯივით ნუ იქცევი ამხელა გოგო!

ვდგავარ შუა მეტროში. ვუყურებ როგორ დაბრუნდა ანუკი და როგორ ჩაეჭიდა დედის ქურთუკის სახელოს. ვუყურებ როგორ ვარბიან მათ წინ საბა, ხეჩიკა და დანარჩენები, როგორ იცინიან, როგორ ეხუმრებიან ერთმანეთს, აჯავრებენ მასწავლებლებს...

- გაიქეცი ანუკი, შენც გაიქეცი! შენც მოყევი ანეკდოტები და იცინე, ბევრი იცინე. ხმამაღლა იცინე! იხმაურე, შეაწუხე მთელი ვაგონი, მთელი ქალაქი და მთელი ქვეყანა - ხმამაღლა და ყველას გასაგონად მოყევი რა ვიხარია და რა ვწყინს. ნუ ჩაიქრობ სხივებს თვალებში! ნუ იჭდები წყნარად, როცა ვაქცევა მოვინდება. ნუ იქნები ჩემად, როცა ლაპარაკი მოვინდება. არ შეგეშინდეს ეჭიმობის, იმიტომ რომ რთულია. არ თქვა უარი პილოტობაზე, იმიტომ რომ გოგო ხარ. გაუშვი ხელი დედის ქურთუკის სახელოს და გაიქეცი. დაენიე შენს ძმას. დაენიე და გაუსწარი. შენ ყველაფერს შეძლებ! შენს თვალებში ვაბრწყინებულ სხივებში ვხედავ ამას. ოღონდ, ნუ ჩაიქრობ ამ სხივებს! ნუ იქნები წყნარად, გაიქეცი!

ჩემი ხმა მეტროს მგზავრების ყაყანმა და ორივე მხარეს, საპირისპირო მიმართულებით მოძრავი მატარებლების გრუხუნმა შთანთქა.

ამ ტექსტს ფეისბუკში გადავანყდი. მისი ავტორი ახალგაზრდა გოგონა **თამთა კახაბერიძე** და, მისივე ნებართვით, ამ წიგნში შევიტანე. მან ძალზე მკაფიოდ და ლამაზად გადმოსცა ყველა ის მენტალური ბარიერი, რომელიც ბავშვობიდანვე მკაცრი ცენზორის ხელით შემოსაზღვრავს ქალის თვითრეალიზაციის ჰორიზონტებს; ან, თუ ავტორს დავესესხებით, „თვალში სხივს უქრობს“. სხვათა შორის, ერთი ასეთი „ცენზორი“ ჩემს მოგონებათა ნუსხაში უსიამო ლანდალ ჩაიწერა.

საკმაოდ მოძრავი ბავშვი ვიყავი. დღესაც მახსოვს, როგორ დამტუქსა საბავშვო ბაღში აღმზრდელმა:

- რა დღეში ხარ, გოგო მაინც არ იყო, აი შეხედე ამ გოგონას (თანაჯგუფელზე მიმითითა), რა კარგად იქცევა. იმიტომ რომ შენზე ჭკვიანია...

არ ვიცი რატომ, მაგრამ საქმეში გარკვევის სურვილი გამიჩნდა:

- რატომ არის ჩემზე ჭკვიანი, ჩემზე ბევრი ლექსები იცის?

- არა (სრული სიმართლე იყო!).

- ჩემზე უკეთესად ხატავს?

- არა (ჯგუფში ამ უნარით მხოლოდ ერთი გოგონა მჯობნიდა).

- აბა რატომ არის ჩემზე ჭკვიანი?

- ნახე როგორ წყნარად ზის!

ამის იქით დისკუსია „ველარ გაეფაჩე“, მაგრამ აშკარად მახსოვს - სურვილი არც გამჩენია, რომ ამ ქალისგან ქება დამემსახურებინა. თავად კი, ალბათ, იფიქრა - რა მატრაკვეცა, ენატლიკინა ბავშვიაო...

ჰატრიარქალური კლიშეები - გოგონა უნდა იყოს წყნარი, მოკრძალებული,

დამჯერი და ა.შ, მოზრდილი ქალის შემთხვევაშიც აქტუალური რჩება. გავისენოთ, რა თვისებებს ასხამდნენ ხოტბას თამადები: კდემამოსილი მეუღლე, მზრუნველი დედა, ჩინებული დიასახლისი, სამაგალითო რძალი. რაღაც არ მახსენდება, ქალის, როგორც კარგი პროფესიონალის სადღეგრძელო შეესვათ. უმაღლესი განათლების დიპლომი სასურველი საპატარძლოს აუცილებელ ატრიბუტად ითვლებოდა. ქალს კიდევ მოუნონებდნენ მოეპოვებინა „ხარისხის ნიშანი“ ამ დოკუმენტის სახით, მაგრამ დიდად არავის ესაჭიროებოდა მისი რეალური პროფესიული უნარჩვევები. პროფესიის არჩევის კუთხითაც დაუნერვლი „გადარჩევის კანონი“ მოქმედებდა: ეს პროფესია ქალის შესაფერისია, ეს - უფრო მამაკაცური. **თბილისის პოლიტექნიკური ინსტიტუტის** სტუდენტთა უმრავლესობა ყმანვილი კაცები იყვნენ. სამაგიეროდ, **პედაგოგიურ ინსტიტუტში**, ძირითადად, გოგონები სწავლობდნენ. მასწავლებელთა შორის დღემდე იშვიათად დალანდავთ მამაკაცთა სახეებს. ცხადია, არსებობდნენ ქალი-გეოლოგები, ინჟინრები, არქიტექტორები, მაგრამ ეს არ იყო ტენდენცია. მუშაობის ოჯახთან შეთავსება თუ გაუჭირდებოდათ, უპირატესობა „ქალური მოვალეობებისთვის“ უნდა მიენიჭებინათ. „მეტიჩრობის“ შემთხვევაში, ოჯახი, ხშირად, ინვრეოდა. სახუმარო ფრაზაში - „ქალი - კუხნაში!“ ჭეშმარიტების დიდი მარცვალია. თუმცა კაცებისთვის ამას ხელი არ შეუშლია ცოლები „ბუტკაში“ გაემწესებინათ, ან საზღვარგარეთ გაემშვათ და კისერზე დაჯდომოდნენ.

სიტუაცია დღესაც დიდად არ შეცვლილა. გთავაზობთ სოფელში მცხოვრები ქართველი ქალის კომენტარს. თავად ქალბატონმა ანონიმად დარჩენა არჩია:

„ბოსტანში რომ ვთოხნიდი, „კალიასკით“ ბავში გვერდით მყავდა; ამ დროს მამათილი იუდა ჩრდილში და ნარდს თამაშობდა. არ მკითხოთ ახლა, მონასავით რატომ ვემორჩილებოდი. 19 წლის ვიყავი; სანამ ხმის ამოდება და თავის დაცვა ვისწავლე, ვი გავიდა წლები. სოფლებში ამ მხრივ არაფერი შეცვლილა. რძალს ისე უყურებენ, როგორც იაფ მუშახელს. 70% ასეა, მერწმუნეთ. ყველაზე მწარედ სტუდენტობის წლები მახსენდება. ნივნებს მიმაღაუდნენ, რომ არ მემყვადინა და გამოცდები არ ჩამებარებინა. წლების შემდეგ ვპოულობდი ტახტის ქვეშ, ან კარადის უკან ბიბლიოთეკიდან გამოტანილ ნივნებს. სწავლას, ბავშვის მოვლას და საოჯახო საქმეებს ვერ ვუმკლავდებოდი ერთდროულად“.

სოციალურ ქსელები სოციალურ-მენტალური ლანდშაფტის მკვლევარისთვის ფასდაუდებელი რესურსია. უკანასკნელი წლების კომენტარებში ჩანს როგორც პატრიარქალური ყოფის ინერცია, ისე მისი თანდათანობით ნგრევა და ახალი ტიპის მენტალობის ჩამოყალიბება. ფრაზა „ქალი - კუხნაში“ დღეს უკვე ნაკლებად შეესატყვისება ქალთა დიდი ნაწილის თვითაღქმას და მისწრაფებებს.

ამორძალის სინდრომი

2002 წელს ფსიქოლოგ ქეთევან ვასაძემ მიუთითა დამაფიქრებელ გენდერულ ტენდენიაზე, რომელზედაც სხვა პედაგოგებიც საუბრობდნენ. მისი სიტყვით, თუკი ადრე პრობლემებს ბიჭები ქმნიდნენ, აღნიშნული პერიოდისთვის სიტუაცია შესამ-

ჩნევად შეიცვალა და უფრო საფრთხილონი გოგონები გახდნენ:



- გოგონების გაუხეშება საზოგადოებაში გამეფებული ნიჰილიზმის კონტექსტში უნდა განვიხილოთ. გაუხეშდა საზოგადოება, გაუხეშდა ახალგაზრდობა და გოგონებიც ამ პროცესში მოჰყვნენ. მათ შემთხვევაში მოვლენები უფრო სწრაფად განვითარდა; ბიჭებს არა მარტო „ნამოწივინენ“, არამედ, გარკვეული თვალსაზრისით, „გაუსწრეს“ კიდევ უცნებურო საუბარი, მუშტი-კრივი ისევ ბიჭების „პრეროგატივა“; სამაგიეროდ, გოგონების ნიჰილიზმი უფრო გააზრებული, მიზანდასახული და დემონსტრაციულია. ბიჭისგან

განსხვავებით, გოგონამ წინასწარვე იცის, რას აკეთებს და რისთვის სჭირდება. არგუმენტაციაც გამზადებული აქვს - ხშირად საკმაოდ კარგად გააზრებული და ლოგიკური. გოგონები უფრო ეშმაკურად მოქმედებენ, მოსალოდნელი რისკი და შედეგებიც გათვლილი აქვთ. ამასთან მათი საქციელი უფრო უკმეხი და შეუვალაია. ქალური ბუნების პრაქტიციზმი, ამ შემთხვევაში, მანკიერი ფორმით ვლინდება. ტენდენცია ამკარაა და მომავალში, ალბათ, უფრო გაძლიერდება. ერთი გოგონა დიდი ხნის განმავლობაში არ ამზადებდა გაკვეთილებს. კარგა ხანს თავს ვიკავებდი, არ მინდოდა ცუდი ნიშანი დამეჩნერა, მაგრამ, ბოლოს, იძულებული გამხდა. ძალიან შევწუხდი: შვილო, რა ჰქენი, რატომ დამანერინე ძალით ორიანი-მეთქი? მერე და რა ძალა გედგა, ნუ გამიძახებდიო - მიპასუხა არათურად ჩამგდები ტონით. იცის, რომ, საბოლოოდ, სკოლა ორების დანერას გაურბის და თავს იმედიანად გრძნობს. ბიჭების ნიჰილიზმი იმპულსური და ბავშვურია. უშნო ცელქობას ვუნოდებდი. პრაქტიკულ შედეგზე, როგორც წესი, გათვლილი არ არის და არგუმენტაციაც მოისუსტებს.

ექსპერტი გოგონების გაუხეშების მიზეზს გარემოს გაუხეშებაში ხედავს, რაც, წლების მანძილზე, კრიზისის გაღრმავების კვალდაკვალ ჩამოყალიბდა. ამ პროცესმა დესტრუქციული გავლენა მოახდინა არა მარტო მენტალობაზე, არამედ გენდერულ ლანდშაფტზე და დემოგრაფიაზეც. **2000 წლისთვის** 100 ფერტილური ასაკის ქალზე შობადობა საშუალოდ 46 ბავშვს უდრიდა, რაც, სავარაუდოდ, მზარდმა გაჭირვებამ და დედობის დაუცველობამ განაპირობა. მეორე მხრივ, არც მამაკაცები ესწრაფოდნენ დაოჯახებას და მარჩენალის ფუნქციის საკუთარ თავზე აღებას. თუ მამაკაცს რეგისტრირებული შემოსავალი არ ჰქონდა, განქორწინების შემთხვევაში, ვერც ალიმენტის გადახდას აკისრებდნენ. ამდენად

გთავაზობთ 2012-2019 წ.წ.-ში რეგისტრირებული ქორწინებებისა და განქორწინებების სტატისტიკას, რომელიც საქართველოს სტატისტიკის ეროვნული დეპარტამენტის საიტზეა ხელმისაწვდომი:

რეგისტრირებულ ქორწინებათა სტატისტიკა:

2012 – 30 412, 2013 – 34 693, 2014 - 31 526, 2015 – 29 157, 2016 – 25 101, 2017 - 23 684, 2018 – 23 202, 2019 - 23 285.

რეგისტრირებულ განქორწინებათა სტატისტიკა:

2012 – 7 136, 2013 – 8 089, 2014 – 9 119, 2015 – 9 112, 2016 – 9 539, 2017 – 10 222, 2018 – 10 288, 2019 – 11 205

ქორწინებების სტატისტიკა ცვალებადია და კლების ტენდენციას ავლენს, სამაგიეროდ, განქორწინებები სტაბილურად მზარდია. ოჯახების 1/3-დან ნახევრამდე ინგრევა და ქალები ცხოვრებისეული გამოწვევების წინაშე მარტონი რჩებიან. სად ახერხებდა ქალების დიდი ნაწილი საარსებო თანხის შეკონინებას? სწორია - ბაზრობებზე, პატარაპატარა კერძო მაღაზიებში და უკვე საანდაზოდ ქცეულ „ბუტკებში“. მცირე ბიზნესი ყოველთვის დაკავშირებული იყო ათას რისკთან. განსაკუთრებით - განუკითხაობის და ქაოსის წლებში. უნდა „გეჭმია“ ათასი ჯურის შემომნმებელ- „მეხარკისთვის“, საქმე გერჩია რეკეტორთან და ა.შ. შესაბამისად, „ჩაირთო“ ფსიქოლოგიური დაცვის მექანიზმი და მოხდა „სოციალური მუტაცია“ - ქალებს „ეშვები“ და „ბრჭყალები“ წამოეზარდათ. პროცესმა ჯერ ზრდასრულთა თაობა მოიცვა. დროთა განმავლობაში, კი, ვერტიკალში ავიდა და უმცროსი თაობაც ჩაითრია. დადებით მხარედ ის უნდა ჩაითვალოს, რომ „**ამორძალის სინდრომმა**“ მოიტანა ქალების ფსიქოლოგიური გაძლიერება; პიროვნულ დამოუკიდებლობას და საზოგადოებრივ აქტიურობას ვგულისხმობ. ხოლო ნეგატიური მხარე, ჩემის აზრით, ფსევდო-მასკულინური ქცევის გათავისებაა. ხაზგასმული აგრესიულობა და ბილნსიტყვაობა მაქვს მხედველობაში.

ქალებს „ბრჭყალები“ და „ეშვები“ ეზრდებათ, ვინაიდან მიზოგინურ გარემოში ყველაზე მარტივი გამოსავალი გაუხეშებაა. კონსტრუქციული გზის მოძიება რთულია. მახსენდება ნოდარ რუხაძის სიტყვები: „სამწუხაროდ, ზოგიერთ გოგონას წარმოდგენაც არ აქვს, რა არის ძლიერი ქალი და როგორ უნდა გახდეს ასეთი...“

თავი მეცამეტე

კველი თემა:

„ღელიკოს ზიჭუზი“

„დედის წიაღში“ ჩარჩენილნი

1970 წელს ეკრანზე გამოვიდა **ოთარ იოსელიანის ფილმი „იყო შაშვი მგალობელი“**. პირველივე კადრებიდან თვალშისაცემია ფილმის გმირის სახის განზოგადებულობა. **გიას** თავის საქმეში ნიჭი ნამდვილად არ აკლია. მაგრამ, მიუხედავად ამისა, არაფერს ქმნის; მხოლოდ დინებას მიჰყვება: ვითომ მუშაობს, ვითომ მუსიკოსობს... ვითომ, ვითომ, ვითომ. „ადამიანები რომლებიც თამაშობენ“ - ასე მოიხსენიებს **ფსიქოლოგი ერიკ ბერნი** მსგავს პერსონაჟებს. შეიძლება მის ასეთ საქციელში სისტემაც დავადასაშაულოთ: სსრკ-ს დროს ყველაფერს ჰარტია საზღვრავდა: რა უნდა ჩაგეცვა, როგორ უნდა გეფიქრა, რა უნდა გეთქვა, სად უნდა გემუშავა, როგორი მუსიკა უნდა დაგენერა და ა.შ. ამდენად, ალბათ, არც უამისობაა. მაგრამ, ვისაც მართლა ჰქონდა ქმნის სურვილი, მაინც ახერხებდა - მეტ-ნაკლებად. მომხიბლავი და გულღია **გია**, ფაქტობრივად, დიდი ბავშვია. ყველას უყვარს, იმიტომ რომ „კაი ბიჭია“. საკუთარ თავში ჩაღრმავების, ან რალაცის შეცვლის სურვილი არც აქვს. **გია** ფილმის ფინალში იღუპება, რაც ძალზე სიმბოლოურია; ასეთ ტიპაჟს პერსპექტივა არ აქვს. ჩემის აზრით, მიზეზი არა მხოლოდ სისტემის ჩაკეტილობაშია; ძირითადი მიზეზი სწორედ **გიას** ინერტულობა და ინფანტილიზმია.

ინფანტილიზმი, ზოგადად, ჭარბადაა მოცემული ქართველი მამაკაცის ხასიათში და ცნობილი სინდრომის - „დედიკოს ბიჭობის“ წარმოებელია. მახსენდება **დიმიტრი უზნაძის სახელობის ფსიქოლოგიის ინსტიტუტის მეცნიერ-მუშაკის, გავა ნიუარაძის** გამოსვლა ერთ-ერთ ტელეგადაცემაში. მან ძალზე საინტერესოდ და, ჩემის აზრით, სავსებით სწორად ახსნა, რატომ ვერ დაინერგა საქართველოში დიდი ხნის განმავლობაში როკერობა. მოტოციკლეტი ყოველგვარი დაზღვევის გარეშე სამყაროსთან პირისპირ დგომაა, ხოლო მანქანა შედარებით დაცული და იზოლირებული მიკროსამყაროა. ზედმეტი მზრუნველობიდან გამომდინარე, ქართველი მშობელი შვილისთვის უფრო ხალისით ყიდულობდა მანქანას, იმის მიუხედავად, რომ მოტოციკლეტზე ბევრად უფრო ძვირი უჭდება. ასეთი ახსნა ნამდვილად არ არის უსაფუძვლო. სსრკ-ს დროსაც ქართულ ოჯახებში ვაჟებს განსაკუთრებულად ანებივრებდნენ და ცდილობდნენ მათ იზოლირებას სამყაროს გამონევევებისგან. ამის მაგალითია, თუნდაც, ჭარში სამსახურისგან დახსნის მასობრივი მცდელობები, რაც ძალიან შორს იდგა ეროვნული მოტივაციისგან. უბრალოდ, დედებს სათაყვანებელი ბიჭიკოები შორს და დიდხანს გასაშვებად არ ემეტებოდათ. აქვე ა/ო „ჰეპა+“-ის ხელმძღვანელის მანანა სოლოლაშვილის ნაამბობიც უნდა შეგახსენოთ. ბებია მის ძმას გამორჩეული მზრუნველობით ექცეოდა, თან დებს მოძღვრავდა: არ გენყინოთ, ბიჭია და მეტი ეკუთვნისო. ბიჭებზე ასეთი „ჩაყვილება“ „ძლიერი სქესის“ საკრალიზაციის ერთ-ერთი გამოვლინებაა. შედეგად „ბიჭობაში“ ჩარჩენილ ეგოცენტრიკთა თაობები მივიღეთ.

ერთხელ **სეფსლოგ პაატა სოფრომაძესთან** მიღებაზე დედის თანხლებით ახალგაზრდა ბიჭი მივიდა. შვილს ხმა არ ამოუღია, სულ დედა ლაპარაკობდა: ძალ-

ზე ვწუხვართ შვილის სიმარტოვის გამო და გადავწყვიტეთ, ცოლი მოვიყვანოთო. „ამაზე კინალამ გავგიჟდი - მითხრა **სოფრომაძემ** - როგორ თუ მოიყვანოთ, მათთან ერთად დანოლას ხომ არ აპირებთ-მეთქი?! წარმოიდგინეთ, იმდენად ჰქონდა საკუთარი თავი შვილთან იდენტიფიცირებული, რომ ცალკე პიროვნულობის განცდა თითქმის დაკარგა და ასეთ საკითხზეც კი „ჩვენობით“ საუბრობდა!“.

სწორედ ამას ჰქვია „დედის წიაღში ჩარჩენა“. აღნიშნული სინდრომი ჩინებულად აიხსნება **ერეკ ბერნისეული** მოდელით. მეცნიერის აზრით, ადამიანის ყველა ქცევას სამი შინაგანი მექანიზმი განაგებს. ეს არის „ბავშვი“, „მშობელი“ და „მოზრდილი“. „ბავშვი“ იმპულსურ ქცევას განსაზღვრავს, „მშობელი“ „ბავშვს“ აკონტროლებს, ხოლო „მოზრდილი“ კი მათ აბალანსებს. სწორედ ამ დაბალანსების წყალობით ვერც „მშობელი“ „დაჩაგრავს“ ბავშვს და ვერც „ბავშვი“ „წამოაჭდება თავზე“ „მშობელს“. დაბალანსებულ და ჰარმონიულ პიროვნებაში სამივე „ძრავა“ შეთანხმებულად მუშაობს, ამიტომ თვითკონტროლი წარმატებით ხორციელდება. ტრადიციული აღზრდის მოდელში **„კენგურუს“ კომპლექსით** შეპყრობილი დედა საკუთარ თავზე იღებს შვილის „შინაგანი მოზრდილის“ ფუნქციას. იგი მთელი ცხოვრების მანძილზე „მწყემსავს“ ვაჟს, რომელიც პიროვნებად ვეღარ ყალიბდება. განებივრებულ „დედიკოს ბიჭს“ გარემოს მიმართ მომხმარებლური დამოკიდებულება აქვს. აგრეთვე ახასიათებს ხაზგასმული სწრაფვა თავისთავადობისკენ, რაც, საბოლოო ჯამში, პოზიორობაა.

„ქართველი დედები ვაჟებს ზრდიან შვილებად და არა მამაკაცებად!“ - მითხრა **მოდელმა ბექა ჯუმუტიამ**. ასეთი „შვილ-ქმარი“ ექსტრემალურ სიტუაციაში ოჯახის დამცველისა და მარჩენალის ფუნქციას ვერ შეასრულებს. სამაგიეროდ, მსუნაგი ბავშვებივით ეტანება სხეულებრივ სიამეებს - დროსტარებას, სექსუალურ ტკობას და ა.შ. „დედიკოს ბიჭების“ სრული ზნეობრივი გაკოტრება მაშინ გამოჩნდა, როცა საზღვარგარეთ გადახვეწილი „დედა-ცოლების“ შესანახები გახდნენ. ნეპოტიტურ გარემოში, შესაძლოა, კარგ თანამდებობაზე აღმოჩნდნენ, ან, სულაც, მენეჯმენტის სფეროში მოკალათდნენ. ამ დროს იმ გალალეული ბავშვივით იქცევიან, ჯოხის ცხენზე ამხედრებული ჟივილ-ხივილით რომ დაჰქრის და თავი გენერალი ჰგონია. მაგალითები უამრავია; თუნდაც, საქართველოს პარლამენტში.

საინტერესო დეტალი: დაქორწინების შემდეგ „დედიკოს ბიჭი“ მშობელი დედის წიაღიდან „დედა-ცოლის“ წიაღში გადაინაცვლებს და „მარადიული შვილი“ ხდება. არცთუ იშვიათად, „დედა-ცოლი“ მშობელ დედას მთლიანად ანაცვლებს.

მიზეზი - ზედმეტი განებივრება

„დედიკოს ბიჭის“ ყველა ვერსიას ახასიათებს აღზრდა-ჩამოყალიბებაში დედის გადაჭარბებული მონაწილეობა. შედეგად ვიღებთ პასუხისმგებლობის სისუსტეს, ანუ კლასიკურ ინფანტილიზმს. ასეთი ადამიანი თვითკმარი და პასუხისმგებელი ვერ იქნება, ამიტომ, ექსტრემალურ სიტუაციაში, მხარდაჭერას აქვთ საჭიროებს. დევნილმა ქალებმა მწარედ იმწვნიეს ვაჟების მარადიულ შვილებად გაზრდის შედეგი. დევნილობის ტვირთმა, ძირითადად, მათ ზურგზე გადაიარა. მოვეუსმინოთ

„აფხაზეთის ასრ ქალთა საბჭოს“ თავმჯდომარეს, როზა კუხალაშვილის :



- წარმოიდგინეთ, ქალი დაქვრივდა, დარჩა ყველაფრის გარეშე ბავშვებთან ერთად. თუ ბევრ მამაკაცს ჰქონდა იმის ფუფუნება, რომ დეპრესიაში ჩავარდნილიყო და არათავი ეკეთებინა, ქალებს ამისი ფუფუნება ნამდვილად არ ჰქონიათ. სწორედ ქალებმა დაიწყეს პირველად უსამართლობაზე ლაპარაკი. მხოლოდ ქალები დარბოდნენ სამთავრობო სტრუქტურებში; მე იქ კაცები არასოდეს მინახავს. ქმარი რომც ჰყოლოდა, მაინც ქალი მოდიოდა და ეს იყო ტენდენცია. დევნილების საცხოვრებელ ადგილზე თუ რამე პრობლემა

ანუხებდათ, ქალის მეტი ხმას არავინ იღებდა. მამაკაცებს, არ ვიცი, ერიდებოდათ, თუ უჭირდათ ხმის ამოღება. როდესაც ბავშვებს შიათ და სცივათ, აქ უკვე შენი თავმოყვარეობა წინ არ უნდა დააყენო.

- ალბათ, მიზეზი ის არის, რომ ქართველი დედები ბიჭებს უფრო ანებივრებენ, ამიტომ უფრო ინფანტილურები და ყოყოჩები იზრდებიან. სიძნელეების შემთხვევაში კი იბნევიან და პრობლემებს გაურბიან...

- ასი პროცენტით ვეთანხმებით. სწორედ ასეა. მაშინაც კი, იმ უმძიმეს მდგომარეობაში, უმეტეს შემთხვევაში, დედები ცდილობდნენ თავისი 14-15 წლის ბიჭები არ დაეტვირთათ და ყველაფერი თავის თავზე აეღოთ. ამ დროს, ამ ასაკის ბიჭს ბევრი რამე შეუძლია - მოიტანოს, წაიღოს და ა.შ. სოფლებში, ხანდახან, 15 წლის ბიჭები ოჯახებსაც არჩენენ. გააჩნია, ვინ როგორ გაზრდის. რატომ არის რომ ქართველ ბიჭთა უმრავლესობისთვის ჯერ დედაა მზრუნველი და მერე ცოლი? სწორედ მაგიტომ, თქვენ რომ აღნიშნეთ - ყველაფერი ზედმეტი განებივრების ბრალია. ამდენად, ჩვენ მივდივართ იქითკენ, რომ ყველა იმ პრობლემის საწყისი, რომელიც საზოგადოების წინაშე დგას, ისევ ქალში უნდა მოვიძიოთ.

- შეგახსენებთ, რომ მამაკაცების დომინანტობა ქალს თავში სისტემამ ჩაუღო; ხოლო სისტემა კი მამაკაცებმა შექმნეს...

- ცხადია, ქალს ოდითგანვე ჩაგონებული აქვს, რომ მამაკაცი გვარის გამგრძელებელია და ამიტომ ეფუფუნება. იმერეთში იციან: გოგონები სხვისი ტუტაა (ანუ ნაცარი), სხვის ოჯახში წავა, ბიჭი კი რჩებაო. როდესაც არჩევანი დგება, ხშირად, ოჯახი წყვეტს, რომ ბიჭმა უნდა დაამთავროს უმაღლესი. ბიჭის შემთხვევაში ავინწყდებათ სიბრძნე: შვილი მტრად გაზარდე, მოყვრად გამოგადგებაო. ცხადია, აქ გონივრულ სიმკაცრეზეა საუბარი. შვილი თავზე არ უნდა დაიჭინო. მის სასიკეთოდ, ხანდახან, გულს უნდა გადავაბიჯოთ. ცხოვრება სიურპრიზებითაა სავსე და ადამიანი ყველაფრისთვის მზად უნდა იყოს. ახლა გამახსენდა: სოხუმში მთელი წლის მანძილზე ომი რომ მიდიოდა, უმეტესად ქალები იყვნენ სახლებში დარჩენილნი. ძალიან ბევრმა მამაკაცმა ქალაქი დატოვა.

- საომრად წავიდნენ?...

- არა, განერიდნენ აფხაზეთს...

- მაინც ვერ მიეხვდი. ცოლ-შვილი სოხუმში რატომ დატოვეს?

- შვილები გაიყვანეს, მაგრამ სახლი ცარიელი რომ არ დარჩენილიყო, ცოლეს ბი დატოვეს. ანუ სახლის მცველად, ხშირად, სწორედ ქალი იყო დარჩენილი.

- ცოლ-შვილი გაერიდებიანთ და სახლის მცველებად თავად რომ დარჩენილიყვნენ, არ შეიძლება?

- კაცები ხშირად პანიკაში იყვნენ. ის კაცები მყავს მხედველობაში, რომლებიც არ ომობდნენ და, უბრალოდ, მეზობლად ცხოვრობდნენ. გაოგნებული ვიყავი. ყველას ფსიქიკა ვერ იტანს ასეთ სტრესს. ერთი, მახსოვს, აკანკალებული მოვიდა ჩემთან; ხელში შეკვრა ეჭირა: მეზობელმა აფხაზმა დამიტოვა თავისი ოქროულობა შესანახად. შენ ვიცი, რომ არ წახვალ (დედაჩემი იყო უარზე), ამიტომ მინდა გადასაცემად შენ დაგიტოვო. არც გამიხსნია, ისე გადავეცი იმ ადამიანს, როდესაც აფხაზები შემოვიდნენ.

- მოკლედ, პირველი გენდერული პრობლემა, რომელიც დევნილებში შეამჩნიეთ, იყო მამაკაცების განრიდება პრობლემებისგან და უღლის მხოლოდ ქალების ძალით ვაწევა. რა იყო რიგით მეორე პრობლემა, რომელიც ასევე მწვავედ იდგა ამ თემის წინაშე?

- იცით, უნდა ვითხრათ, რომ მამაკაცთა განრიდების პრობლემა იმ წლებში არ ჩარჩენილა და დღესაც აქტუალურია. ბევრი მამაკაცი ძალიანაც მოერგო უმუშევრობას და სასმელს მიეძალა. მათ, ფაქტობრივად, ცოლები არჩენენ. სამწუხაროდ, ზოგმა სინდის-ნამუსი დაკარგა. სხვა სიტყვებს, უბრალოდ, ვერ ვპოულობ. წარმოიდგინეთ, იკრიბება რამდენიმე კაცი, ვიღაცას ფული რომ შეაწერონ და, ელემენტარულად, დალიონ! ხან ერთი ადამიანისგან სესხულობენ ფულს, ხან მეორისგან. თან დაბრუნებას არც აპირებენ. ეს მასობრივი მოვლენა იყო; განსაკუთრებით, დევნილთა კომპაქტურ ცენტრებში. ასეთი დეგრადირება საკმაოდ დიდხანს გაგრძელდა.

- ასეთი ცხოვრების წესი პირდაპირ განაპირობებს ოჯახში ძალადობას...

- რასაკვირველია! პიროვნულად დეგრადირებულ მამაკაცს, რომელიც ასე ცხოვრობს, ტვინში მხოლოდ ის აქვს, რომ დალიოს. თუ ცოლი ფულს იშოვის, ცდილობს წაართვას და სასმელში დახარჯოს. ქალი უარს თუ ეტყვის, კონფლიქტი იწყება. მაგასაც არ ვხედავთ, ქალები ათეულ წლობით საზღვარგარეთ რომ მიდიან, ხოლო მათი უსაქმური ქმრები, ძმები და ვაჟები გამოგზავნილი ფულით საამურად ცხოვრობენ! ისეთი შემთხვევებიც ვიცი, ქალი უმაქნის ქმარს რომ ეყრება და მერე ბავშვთან ერთად საზღვარგარეთ მიდის, ვინაიდან ყოფილი ქმარი შვილს ყურადღებას არ აქცევს.

პარალელი: ბიზნეს-ლედი ქეთევან თომეიშვილს, რომლის შესახებაც წინა თავში ვიამბეთ, ემიგრაციაში მიღებულმა მკაცრმა ცხოვრებისეულმა გამოცდილებამ აღზრდის გამკაცრების აუცილებლობა დაანახა: „შვილთან ურთიერთობაც სიმკაცრეში გადამდის, მაგრამ მირჩევნია შრომას მიეჩვიოს და ამ შრომაში ხელფასი გადაუხადო, რომ თავისი საჭიროებები დაიკმაყოფილოს, ვიდრე მთელი ცხოვრება მე შემომყურებდეს ხელებში. საქართველოში ხომ იცით როგორცაა - 40 წლის კაციც ბავშვია და მოვლას ითხოვს...“

რამდენიმე წლის წინ ფონდმა „გლობალური ინიციატივა ფსიქიატრიაში“ დევნილობის ტრავმაზე და ფსიქიკური ჯანმრთელობის პრობლემაზე ოთხი ათასზე მეტი დევნილი გამოიკვლია (როგორც 90-იანი წლების, ისე 2008 წლის ომის შედეგად ადგილნაცვალნი მოსახლეობა). გამოკვლევა ჩატარდა ისეთი ტიპის ფსიქიკურ აშლილობებზე, როგორიცაა დეპრესია, შფოთვა, სტრესული აშლილობა

და ა.შ. აგრეთვე შესწავლილი იქნა, როგორ ახერხებდნენ მამაკაცები და ქალები პრობლემების გადაწყვეტას. კვლევის მონაცემები **2015 წელს** გამოქვეყნდა

აი რას ამბობს **ფონდის დირექტორი, ფსიქიატრი ნინო მახაშვილი:**



- კლინიკური მდგომარეობები ქალებში უფრო იყო გავრცელებული. დეპრესიის სიმპტომები, მაგალითად, დევნილი ქალების 15,4%-ს აღენიშნებოდა, კაცებში - 11,4%-ს. რაც ნიშნავს რომ ასიდან 15 ქალი და 11 კაცი ამ კლინიკური დიაგნოზის სიმპტომებით იტანჯებოდა (აღარ ჰქონდა მომავლის იმედი, იყო უინტერესო და უინიციატივო და სხვ.). რაც შეეხება სტრესთან გამკლავებას, მამაკაცები ხშირად იყენებდნენ დესტრუქციულ სტრატეგიებს (ალკოჰოლი, აზარტული თამაშები, სიტუაციიდან განრიდება და სხვა), ხოლო ქალები - კონსტრუქციულს (გვეგმავდნენ მომავალს, აქტიურად ცდილობდნენ გამოსავლის მოძებნას). თავის სათემო ცხოვრებაში ეს ქალები ხშირად ირგვლივმყოფთა საყრდენები იყვნენ, ქმნიდნენ მხარდამჭერ სოციალურ ქსელს, ანუ მყუდრო სიტუაციას, სადაც შეგეძლო მისუღიყავი, ყავა დაგელია და განტვირთულიყავი.

გამოკვლევამ დაადასტურა როზა კუხალაშვილის ემპირიული გამოცდილება: ფსიქიკური დაავადებების მიმართ მეტი მონყველადობის მიუხედავად, პრობლემების გადაწყვეტის კონსტრუქციულ სტრატეგიებს სწორედ ქალები იყენებდნენ. „დედის წიაღში ჩარჩენილი“ მამაკაცები სიძნელეებისთვის მოუმზადებულნი აღმოჩნდნენ.

გოგია უიშვილის სინდრომი

2002 წელს ოჯახში ძალადობის წინააღმდეგ კოალიციის მიერ გამართულ ერთ-ერთ შეხვედრაზე **სახალხო დამცველის მოადგილემ, თეიმურაზ ლომსაძემ** ყველასათვის მოულოდნელი განცხადება გააკეთა:

- ყველა რატომღაც მხოლოდ მამაკაცის მიერ ქალზე ძალადობის შესახებ ლაპარაკობს. ამ დროს, საყოველთაო კრიზისის გამო, მამაკაცები უფრო განიცდიან ფსიქოლოგიურ ძალადობას და ამაზე რატომღაც ყველა ღუშს.

დარბაზში ვნისაი ატყდა. ორმა ასაკოვანმა მამაკაცმა **ბატონ ლომსაძეს** მხარი აუბა და პათეტიკურად გვაუწყეს... მამაკაცთა დისკრიმინაციის შესახებ! თურმე როკაპი ცოლები საყოფად ქმრებს მოსვენებას არ აძლევდნენ და ოჯახის შესანახად ფულს ითხოვდნენ: არ მაინტერესებს საიდან მოიტან; მოიპარე, მაგრამ იზოვეო! მერე კი მათგან ცუდ გზაზე დაყენებული ქმრები ციხეში ხვდებოდნენ.

ძალიან საინტერესოა, რომ იმავე წელს და იმავე ორგანიზაციის მიერ ჩატარებულ ღონისძიებაზე, მსგავსი მოსაზრება **შსს-ს წარმომადგენლის, ბ-ნ ფორაქიშვილისგანაც** მოვისმინე:

- ოჯახში ძალადობაზე საუბრისას, აპრიორი გულისხმობთ, რომ დაზარალებული მხარე ქალია. ხომ არ გეჩვენებათ, რომ ეს ცალმხრივი მიდგომაა? რატომ არ

გინდათ იმის დანახვა, რომ, ხშირ შემთხვევაში, დაზარალებული სწორედ მამაკაცია? ცოლი ვასაქანს რომ აძლევს - საიდანაც გინდა ფული მოიტანო, ეს განაძალადობა არ არის?"

მისმა სიტყვებმა ხუმრობის ხასიათზე დამაყენა:

- მომიტევეთ, მაგრამ ეს ძალადობაა, თუ სამართლიანი მოთხოვნა? აბა, სახლში რომ მოდის, ცოლისგან ხომ მოითხოვს - საჭმელი მაჭამო? საიდან აჭმევს, თუ სახლში ფული არ იქნება?

ქალბატონები გამხიარულდნენ. **ფორაქიშვილმა** კი პირქუში მზერა მესროდა და, მგონი, გამინანწყნდა. ალბათ, ჩემი ხუმრობა უადგილო იყო. ყოველთვის უმჯობესია, ოპონენტის არგუმენტები ბოლომდე მოისმინო და დეტალებშიც ჩაეძიო. სტატისტიკა გვიჩვენებს, რომ მეუღლეთა შორის ძალადობის ხუთი პროცენტის შემთხვევაში დაზარალებული ნამდვილად მამაკაცია; მაგრამ იმ შეხვედრამდე კრიზისი, მეტ-ნაკლები ინტენსივობით, დაახლოებით ათი-თხუთმეტი წელი თუ გრძელდებოდა; „მოძალადე“ ცოლებიც დაახლოებით ამდენივე (ან უფრო ცოტა ხანს) „ძვინვარებდნენ“. და, აი, მამაკაცები უკვე ატირდნენ!

ძალაუწებურად ჩნდება კითხვა: ნეტა რა დღეში ჩაცვივდებოდნენ, მათზე რამდენიმე ათასი წლის განმავლობაში რომ ეძალადათ, როგორც ეს ქალების შემთხვევაში მოხდა? პატრიარქალური წნეხი მთელი პლანეტის მასშტაბით, მეტ-ნაკლებად, ახლაც არსებობს.

მაგრამ, მეორეს მხრივ, პატრიარქალურ კულტურაში მარჩენალის როლის დაკარგვა მართლაც ფსიქოლოგიურად დამანგრეველია. „რა კაცი ვარ მე ახლა? აი, კაცი მაშინ ვიყავი, მთელ კურსს რესტორანში რომ ვეპატიუებოდი და მერე კი ყველა გოგონას ტაქსით ვუშვებდი სახლში!“ – მითხრა ერთხელ ორმოცს გადაცილებულმა მამაკაცმა. გახანგრძლივებული სტრესი ორგანიზმს შიგნიდან „ხრავს“; დროთა განმავლობაში თავს იჩენს გულ-სისხლძარღვთა დაავადებები და ნევროზები. ორმოცს გადაცილებულ მამაკაცთა გულის დაავადებებით სიკვდილის გახშირებას ამაზე მეტყველებს.


პარალელი: იგივე სიმპტომები აღენიშნებათ ხანშიშესულ ბაბუიებს (პრიმატთა სახეობა), რომლებიც ჯოჯის დაცვას ვეღარ ახერხებენ. სხვა მამრთა უპირატესობა სასონარკვეთილებაში ავლებს და მწვავე ნევროტული დარღვევები ეწყებათ.

ბიჭობაში ჩარჩენილებს წარუმატებლობა სასონარკვეთილებაში ავლებს: საკუთარი უსუსურობით ნაკვები ავრესია ნელ-ნელა გროვდება და რალაც მომენტში გადმოხეთქავს; საკითხავია მხოლოდ, როდის, ვის წინააღმდეგ და რა ფორმით. იმპულსები, ხანდახან, საკუთარ თავისკენაც წარიმართება; დეპრესიისკენ მიდრეკილმა ადამიანმა, შესაძლოა, თავიც კი მოიკლას. ამას შეიძლება „**გოგია უიშვილის სინდრომი**“ ვუწოდოთ. „სხვაი, სხვაი იყო მათრახებით ცემა!“- ამბობს თვითმკვლელობის წინ **ეგნატე ნინოშვილის** სასონარკვეთილი გმირი. ასეთი „სხვაი, სხვაი“ არც თანამედროვე მამაკაცებს აკლიათ კომუნალური გადასახადების ქვითრების, ყოველდღიური სახარჯო ფულის უქონლობის, გააციებული ბავშვის ხიხინის, სამსახურში უფროსის თავგასულობის, და ცოლის საყვედურების სახით.

ეს მონაცემები **1999 წელს საქართველოს სტატისტიკის სახელმწიფო დეპარ-**

ტამენტის პრესცენტრმა მოგვანოდა:

გრაფიკის მიხედვით, მამაკაცთა შორის სუიციდი 3-4-ჯერ აღემატება ანალოგიურ მაჩვენებლებს ქალებში; მინიმალური მაჩვენებელია - 91, მაქსიმალური - 151; ქალებში: მინიმალური - 30, მაქსიმალური - 56. ციფრები ადასტურებს - ხანგრძლივი სტრესის მიმართ ქალის ფსიქიკა უფრო მდგრადია. ეს ბიოლოგიურადაა განპირობებული (იგივე ფენმძიმობა ხანგრძლივი სტრესისა). სამაგიეროდ, ძლიერი, ხანმოკლე სტრესის მიმართ მამაკაცის ფსიქიკა უფრო მდგრადია. ანუ, მამაკაცი უფრო სპრინტერია, ხოლო ქალი - სტაიერი.



ციფრები ადასტურებს - ხანგრძლივი სტრესის მიმართ ქალის ფსიქიკა უფრო მდგრადია. ეს ბიოლოგიურადაა განპირობებული (იგივე ფენმძიმობა ხანგრძლივი სტრესისა). სამაგიეროდ, ძლიერი, ხანმოკლე სტრესის მიმართ მამაკაცის ფსიქიკა უფრო მდგრადია. ანუ, მამაკაცი უფრო სპრინტერია, ხოლო ქალი - სტაიერი. „ღედის წიაღში ჩარჩენილის სინდრომი“ კიდევ უფრო აქვეითებს მამაკაცების მდგრადობას ხანგრძლივი სტრესის მიმართ. გაჭიანურებული სოციალური კრიზისიც იგივე ხანგრძლივი სტრესია. ლოგიკურია, რომ ქალებმა მის მიმართ მეტი გამძლეობა გამოავლინეს.

1999 წელს შევისწავლე თვითმკვლელობის მასალები **გლდანი-ნაძალადევის** და **ვაკე-საბურთალოს** რაიონებში. **1999 წელს გლდანში** მოხდა თვითმკვლელობის 20 ფაქტი. აქედან 14-ის მიზეზი სოციალური სიდუხჭირე იყო. ვაკეში იმავე პერიოდში ათმა ადამიანმა მოიკლა თავი. აქედან ორმა სოციალური სიდუხჭირის გამო. ამ მიზეზით თავს, ძირითადად, მამაკაცები იკლავდნენ. ქალთა სუიციდის მიზეზი ემოციურ-გრძნობითი იყო. გამონაკლისი - ავადმყოფი მოხუცებულები, რომლებმაც არსებულ სოციალურ სიტუაციაში თავი „ზედმეტ ბარგად“ იგრძნეს. მოკლელ, სახეზეა ტიპური „**გოგია უიშვილის სინდრომი**“. გთავაზობთ რამდენიმე ფაქტს, რომელიც **გლდანისა** და **ვაკის პოლიციის** დოკუმენტაციაში მოვიძიე:

ნოდარ რ. 28 წლის უმუშევარი - მეუღლემ პურის ფული სთხოვა და კაპიკიც არ აღმოაჩნდა. შელაპარაკების შემდეგ გამწარებულმა თავი დანით დაიჭრა.

გ. ა. 56 წლის, დამსახურებული პედაგოგი, უმუშევარი - გაჭირვების გამო რაც კი ებადა, ყველაფერი გაყიდეს. ბოლოს ვალი აიღეს და ტრაგედია მევალეების მუქარამ განაპირობა. გამოსათხოვარ ბარათში დანერა: „იძულებული ვაფხვი საკუთარი თავისთვის ეს განაჩენი გამომეტანა. ამდენ დამცირებას ველარ ავიტან..“

ა.ს. 37 წლის, სამი შვილის მამა, უმუშევარი - ბოლო ორი წლის მანძილზე სულიერად მოტყდა, გაუჩნდა საკუთარი თავის უმაქნისობის და არარაობის განცდა. ჩაუარდა მძიმე დეპრესიაში, ვალოთდა, საშინელ მდგომარეობამდე მივიდა. ბოლოს, როდესაც მეუღლე საყიდლებზე გასული დაიგულა, თავი ჩამოიხრჩო.

მ.გ. 39 წლის, ორი შვილის მამა - დაახლოებით იგივე ისტორია; საბედნიეროდ, არ ვალოთებულა. თვითმკვლელობის მიზნით ვენები გადაიჭრა, მაგრამ დროზე მიუსწრეს. „დამატებით კითხვაზე ვიპასუხებთ, რომ არავის მიმართ პრეტენზია არ გამაჩნია“ - დანერა ახსნა-განმარტებით ბარათში.

დ.მ. 20 წლის, უმუშევარი - ნასვამ მდგომარეობაში ვაახსენდა თავისი შეყვარებული, რომელმაც ვერ დაქორწინდა ეკონომიური მდგომარეობის გამო და რამდენჯერმე დანა ჩაირტყა. საბედნიეროდ, გადაარჩინეს.

განსაკუთრებით სულისშემძვრელია **30 წლის გ.ა-ს** ისტორია. თავის ჩამოხრჩობა სცადა, მაგრამ მიუსწრეს და ექიმებმა ძლივს გადაარჩინეს. ამ აღამიანმა ახსნა-განმარტებით ბარათში საოცარი სიზუსტით მოუყარა თავი ყველა იმ პრობლემას, რომელიც აწუხებდა და აწუხებს მამაკაცებს: რისი მაქნისი ვარ, ცხოვრების აზრი დავკარგე, ვერაფერს ვაკეთებ, გავზარმაცდი, იმპოტენტი ვარ და თავის უნდა მოვიკლო. ანუ გაჭირვებამ მამაკაცი სოციალურად, ფსიქოლოგიურად და ხანდახან ფიზიკურადაც დაასაჭურისა. სუსტი ფსიქიკის პატრონი იქამდეც მიდის, რომ თავს იხრჩობს, დანას ირტყამს და ფანჯრიდანაც ხტება...

„ინფორმაციის თავისუფლების ინსტიტუტის“ საიტზე მოვიძიე თვითმკვლევლობის სტატისტიკა 2014-2017 წლებში: 2014 – 306 მამაკაცი 76 ქალი; 2015 – 329 მამაკაცი, 71 ქალი; 2016 – 373 მამაკაცი, 96 ქალი; 2017 – 301 მამაკაცი, 60 ქალი. შემთხვევები ყველაზე მეტი იყო 25-44 წლის ასაკობრივ კატეგორიაში. ზოგადად, ყველაზე მაღალი მაჩვენებელი 35-65 წლის მამაკაცებშია.



„საქართველოს ფსიქიკური ჯანმრთელობის ასოციაციის“ ხელმძღვანელის, ფსიქიატრი-ფსიქოთერაპევტის მანანა შარაშიძის სიტყვით, პატრიარქალური საზოგადოებისგან დაკისრებული როლის გამო, მამაკაცი სუიციდის მიმართ უფრო მონწყვლადი ხდება:

- ეს ის ასაკია, როდესაც აღამიანი შემდგარი უნდა იყოს. რადგანაც ამას ვერ ახერხებს, სასონარკვეთილებაში ვარდება და, ხანდახან, სიკვდილის გარდა გამოსავალს ვერ პოულობს. აღრიცხვიანობის მიხედვით, ქალები თითქმის ორჯერ უფრო ხშირად ხდებიან ავად დეპრესიით; სამაგიეროდ, თვითმკვლელობა მამაკაცებში სამჯერ მეტია, რასაც საზოგადოებრივი ჯანდაცვის პარადოქსს ეძახიან. საზოგადოება მამაკაცისგან სიძლიერეს ელის, ხოლო დეპრესია სისუსტესთან ასოცირდება; ამიტომ მამაკაცებს ფსიქიატრიულ სერვისებისთვის მიმართვა კი არა, პრობლემის საკუთარ თავთან აღიარებაც კი უჭირთ. ქალები უფრო მოგვმართავენ. მამაკაცები კი დახმარებას არ ითხოვენ; უბრალოდ, თავს იკლავენ. ანდა, ხდება დეპრესიის სომატიზაცია. ჩინეთში, მაგალითად, მამაკაცები ექიმებს ამ დროს მუცლის ტკივილის ჩივილით მიმართავენ. „მუცელი მტკივა“ უფრო მისაღებია მამაკაცისთვის, ვიდრე იმის გაცნობიერება, რომ დეპრესია აწუხებს. არსებობს დეპრესიის თვითშეფასების სკალები (კითხვარები). მამაკაცებს იმდენად უჭირთ დეპრესიის დროს თავისი მდგომარეობის შეფასება, რომ მათთვის განსაკუთრებული სკალის შექმნას ფიქრობენ. ფსიქოლოგიური ტკივილის ჩახშობა ალკოჰოლით და დესტრუქციული, აგრეთვე, სარისკო ქცევებით ხდება. უკვე კვლევებიც დაიდო, რომ გარდამავალი ეკონომიკის ქვეყნებში 25-40 წლის მამაკაცები მონწყვლადნი არიან. საზოგადოება მათგან ელის, რომ ოჯახის მარჩენალი იქნება. ამ დროს სამსახურს კარგავს; ქალი კი შოულობს და მარჩენალი ხდება. პროფესორ ქალს ნაკლებად უჭირს ძიძა გახდეს. მამაკაცი, კი, ამ დროს, საკუთარი პატივისცემის გრძნობას კარგავს და თვითშეფასება უდაბლდება; ანუ, სოციალურ კიბეზე ჩამოყურებას მამაკაცი ქალზე მეტად განიცდის. მის შემთხვევაში შემოსავალი და ღირსება ერთმანეთთან გადაჭაჭვულია. ამიტომაც რომ გარდამავალი ეპოქის ქვეყნებში ამ ასაკის მამაკაცებში თვითმკვლელობათა სტატისტიკა იზრდება...

2002 წელს ამ თემაზე **რუსუდან ფხაკაძეს ვესაუბრე**. მისი სიტყვით, ადრე მამაკაცები ფსიქოლოგიური დახმარების ტელეფონზე არ რეკავდნენ, მაგრამ ბოლო ნახევარი წლის განმავლობაში მდგომარეობა შეიცვალა:

- მოგვმართავენ მამაკაცები, რომლებიც ძირითადად ჯანმრთელობას და ფსიქოლოგიურ პრობლემებს უჩივიან. ეს ყველაფერი სოციალური პრობლემებითაა გამოწვეული. გაჭირვება და ამის საფუძველზე აღმოცენებული ფსიქოლოგიური სტრესი ვნებს მამაკაცების უმნიშვნელოვანეს ფიზიოლოგიურ რგოლს - რეპროდუქციულ სისტემას. ანდროლოგები ერთხმად მიუთითებენ საგანგაშო მდგომარეობაზე - მამაკაცების სოციალური უმწეობა მათი ფიზიოლოგიური ვაკოტრებით მთავრდება. სოციალური უმწეობა განაპირობებს მამაკაცთა ფსიქოლოგიურ და ფიზიოლოგიურ დემასკულინიზაციას. სწორედ ამით აიხსნება ალკოჰოლიზმი, აგრეთვე კარდიოლოგიური და ნევროლოგიური პრობლემების გახშირება.

რაც უფრო ინფანტილურია მამაკაცი, მით უფრო იოლად ხდება „გოგია უმშვილის სინდრომის“ საკუბლო. თვითმკვლელობისა და მკვლელობის იმპულსები საერთო წყაროდან საზრდოობს. მამაკაცთა ნაწილი აგრესიას გარემოსკენ მიმართავს. უახლოესი გარემო ოჯახია, ხოლო უახლოესი ობიექტი - მეუღლე. ამიტომ, ზოგი თუ თავს იკლავს, სხვა საკუთარ ცოლს/პარტნიორს უსპობს სიცოცხლეს. რომელ გზას აირჩევს, მის ხასიათზე და კონკრეტულ სიტუაციაზეა დამოკიდებული. რატომ კლავს მაინცდამაინც ცოლს/პარტნიორს გამწარებული „დედიკოს ბიჭი“? იმიტომ, რომ პატრიარქალური გავებით, ქალი „დაბალი ღობეა“. მაგრამ ეს ახსნის მხოლოდ ნაწილია. კრიზისულ წლებში სწორედ ქალებმა გამოიჩინეს სიყოჩაღე: წამოიწყეს მცირე ბიზნისი, ვაჭრობა; ზოგი საზღვარგარეთ წავიდა ოჯახისა და ქმრის გადასარჩენად. მათ აშკარად აჯობეს მამაკაცებს გამძლეობაში. რა გასაკვირია, რომ ზოგიერთი ცხოვრებაზე განაწყენებული „დედიკოს ბიჭი“ ისე იმეტებს საკუთარი შვილების დედას, რომ ხელიც კი არ უკანკალებს?! განსაკუთრებით კი მაშინ, როდესაც მოთმინებადაკარგული ქალი მისგან ნასვლას გადანწყევტს.

ბებერ ბაბუინს თუ სხვა მამრთა უპირატესობა ავდებს სასოწარკვეთილებაში, კრიზისით გასრესილი ქართველი მამაკაცი საკუთარი ცოლის/პარტნიორის სიყოჩაღით კომპლექსდება. მაშინაც კი, როდესაც ოჯახს მამაკაცი არჩენს, მისი კონკურენტები ხშირად ქალები არიან. „დედაკაცთა გამეტიჩრებით“ აღძრული გაღიზიანება ნელ-ნელა გროვდება (გაუიხსენოთ „მატრაკვეცა ტუკნებზე“ გამწარებული მარკ ლეპინი!). გადაიქცევა თუ არა ბოლშა დამანგრეველ აგრესიად, კონკრეტულ სიტუაციაზეა დამოკიდებული.

შემლუდული პასუხისმგებლობის მშობელი

„დედიკოს ბიჭი“ ვერასოდეს იქნება სრულფასოვანი მამა. **გია მურღულიას (საერთაშორისო აკადემია ლოგოსი - Logos International Academy, დამფუძნებელი, სამეცნიერო ხელმძღვანელი)** სიტყვით, მამობის ინსტიტუტი „შემლუდული პასუხისმგებლობის საზოგადოებას“ დაემსგავსა. „შემლუდული პასუხისმგებლობის მამა“ ყოველგვარი შინაგანი დისკომფორტის გარეშე უთმობს მეუღლეს შვილზე ზრუნვის

და სიბოროტის გაცემის პატივს. მისი ფუნქცია ხშირად მხოლოდ იმით შემოიფარგლება, რომ ბავშვს ან თავზე ხელი გადაუსვას, ან თითი დაუქნიოს. ათიოდე წლის წინათ ბატონმა ვიამ გადანწყვიტა შეეცვალა სიტუაცია და **მამათა საბჭო** ჩამოაყალიბა. როცა პირველ შეკრებაზე დირექტორი დაინტერესდა, უფროსკლასელთა მამებს ბოლოს როდის ჰქონდათ შვილებთან მეგობრული საუბარი, უმრავლესობამ თავი მორცხვად დახარა და აღიარა, რომ კარგა ხნის წინ თუ ისაუბრეს შვილთან, ან ასეთი ფაქტი საერთოდ ვერ გაიხსენეს. შედეგი: რამდენიმე შეკრების შემდეგ საბჭო უმტკივნეულოდ დაიშალა.

წინა თავში „ქართლის დედის“ ფენომენის მანკიერ მხარეებზე ვისაუბრეთ. მაგრამ ქართველი დედა თუ გადაჭარბებული დედაა, ქართველ მამას არასაკმარისი მამობა უნდა ვუსაყვედუროთ. ყოველდღიურ ყოფაში ყველას გვსმენია ცნობილი ფრაზები: „დედამისი მოვა და მიხედავს!“, „დედას ჰკითხე და აგიხსნის!“, „სულ დედამისმა გაატუტუცა“ და ა.შ. ანუ შვილზე მეურვეობა-ზრუნვა და პასუხისმგებლობა მთლიანად დედასთანაა ასოცირებული.

ინფორმაცია განსჯისთვის: ავტორის აზრით, ეს დისბალანსი ფოლკლორშიც აისახა. გავიხსენოთ, თუნდაც, ზღაპარი „ნიქარა“. დაქვრივებული მამაკაცი ცოლს მოიყვანს. დედინაცვალი მცირეწლოვან გერს აითვალწუნებს და ყველანაირად ცდილობს მის დაღუპვას. ობოლს ქომაგად ერთგული ხარი ნიქარა ევლინება. რატომ ხარი, და არა ძროხა? ეს არ არის შემთხვევითი. ვფიქრობ, ზღაპარში ჩადებული კოდი შემდეგნაირად იშიფრება: ხარი მიწის სტიქიის სიმბოლოა, ხოლო მინა - დედობრივი სანჯისის საუფლო. მამობრივი სანჯისის დაკნინების სიტუაციაში შვილს მასკულინიზირებული დედობრივი სანჯისი პატრონობს. არც ისაა შემთხვევითი, რომ როკაპი ცოლის სიტყვაზე მამა ღორს შემოაჯდება და შვილს მოსაკლავად გაეკიდება. ღორი ამ შემთხვევაში ბინძური სხეულებრივი ვნებების სიმბოლოა, რომელშიც ასე ადვილად ეფელობიან ინფანტილური მამაკაცები.

სოციალურმა კრიზისმა მამობრივი უნარები კიდევ უფრო დააკნინა. **ექიმი-ფსიქოთერაპევტი მანანა სოლოღაშვილი** პრაქტიკაზე დაყრდნობით აღნიშნავს, რომ საკუთარი თავის ახლებურად პოვნა განსაკუთრებით უფროს თაობას გაუჭირდა. ტოტალური დაბნეულობიდან გამოსვლა მხოლოდ მცირე ნაწილმა თუ მოახერხა; ნაწილი კი საკუთარი უმწეობის დაბალანსებას, ან ძალადობით შეეცადა, ან/და ნარკოტიკს და სასმელს მიეძღვა. ასეთ სიტუაციაში მამობის დანიშნულების წარმატებით შესრულებაზე ლაპარაკიც ზედმეტია.

მსოფლიო ლიტერატურაში ძნელად თუ მოიძიებთ თავდადებული მამობრივი სიყვარულის მაგალითებს. **ბალზაკის „მამა გორიო“** იშვიათი გამონაკლისია. სამაგიეროდ, მრავლადაა ხისტ მამათა სახეები, რომლებიც სასტიკად სჯიან შვილებს შეცდომებისთვის. მაგალითად, **მერიმეს „მატეო ფალკონე“, გოგოლის „ტარას ბულბა“** და **ყაზბეგის „ხევისბერი გოჩა“** იკმარებს. უვარგისი მამების სახეებიც, აგრეთვე, მრავლადაა. **ნიკო ლორთქიფანიძის** ნოველაში **„ტრაგედია უგმირით“** შიმშილით ჭკუიდან გადასული მამა შვილებს ლუკმას არ გაუყოფს. მერე კი, სინანულში ჩავარდნილი, სიცოცხლეს მოისწრაფებს, თან თავში ჩაქუჩივით უკაკუნებს შეუბრალებელი სიტყვები: „რა ვქენი! დედა ხომ არ იზამდა!“ ქვეტექსტი აშკარაა: დედა უფრო თავდადებული და ძლიერია. შემთხვევითი არაა, რომ სწორედ **ნიკო ლორთქიფანიძის** კალამს ეკუთვნის შვილებს უპირობოდ შეწირული დედობის

აპოლოგია - „თავსათფრიანი დედაკაცი“.

ყოფითმა, ლიტერატურულმა და ფერწერულმა ტრადიციამ თავგანწირული სიყვარულის და თავდადების ღირსება ექსკლუზიურად დედობის ფენომენს მიაკუთვნა; და არა მარტო მიაკუთვნა - მის ყველაზე საპატიო და, ფაქტობრივად, ერთადერთ დანიშნულებად აღიარა. ვითომ პატივია? ეჭვი მეპარება. ეს ის შემთხვევაა, როდესაც პატივს შებლუღვები მოჰყვება და ბორკილებად იქცევა.

შვილთა თაობა ახალ პირობებში ჩამოყალიბდა და მზადაა როლებების ახლებურად გადანაწილებისთვის. უკანასკნელი ათიოდე წლის მანძილზე ფრიალ მნიშვნელოვანი ტრადიცია გაჩნდა - მომავალი მამები მეუღლეების მშობიარობას ესწრებიან; შპს „ჰერა 2011“-ის გენერალური დირექტორის, მედიცინის დოქტორის, ირაკლი მაჭარაძის სიტყვით, საქართველოში ეს პრაქტიკა, სადღაც, 1999-2000 წლებიდან შემოვიდა. დანერგვა, ძირითადად, კერძო კლინიკებმა დაიწყეს და ერთ-ერთი პირველი „ჰერა“ იყო. ირაკლი მაჭარაძე იხსენებს, რომ თავიდან მამებს, ცოტა არ იყოს, ეუხერხულებოდათ, ახლა კი აღნიშნულ კლინიკაში მამების 80-90% ესწრება მეუღლის მშობიარობას. ეს უკვე ჩვეულებრივი ამბავია. ქმარი ინდივიდუალურ ბლოკში არავითარ უხერხულობას არ გრძნობს და ცდილობს ცოლი გაამხნევოს, რაც პროცესზე დადებითად მოქმედებს. იშვიათ შემთხვევაში, როდესაც ქმარი დასწრებას ვერ ახერხებს, ყოველთვის არსებობს საპატიო მიზეზი - ფიზიკურად სხვაგანაა, ან შეუძლოდა.

სამწუხაროდ, აღნიშნული კლინიკის კონსტრუქციული გამოცდილება ზოგად სიტუაციას არ ასახავს. **2020 წელს** გამოქვეყნებული კვლევის „**კაცები, ქალები და გენდერული ურთიერთობები საქართველოში: საზოგადოების აღქმა და დამოკიდებულება**“ ანგარიშში ვკითხულობთ, რომ 2019 წელს გამოკითხულთა შორის მამების მხოლოდ 7% დაესწრო შვილის დაბადებას. 2013 წელს კი მხოლოდ 4,5% ესწრებოდა. გამოკითხული ქალების 48%-მა განაცხადა, რომ მშობიარობაზე დასწრება კაცებისთვის სავსებით მისაღები უნდა იყოს, რასაც მამების 45% დაეთანხმა. ანუ, ამ კვლევის თანახმად, მომავალი მამის მეუღლის მშობიარობაზე დასწრების მომხრენი ჯერ კიდევ უმცირესობაში არიან, მაგრამ რეალურად დამსწრენი - განუზომლად უფრო ნაკლები. როგორც ვხედავთ, მენტალური პოზიცია რეალურ ქცევასთან ამკარა წინააღმდეგობაშია,

საინტერესო დეტალი: ექვითან კონსულტაციაზე მისულ ცოლებს ქმრების მხოლოდ ნახევარი ახლდა. ამასთან, ამ ნახევრის ნახევარმაც მოსაყდელ ოთახში ლოდინი არჩია, ხოლო მეოთხედმა - ქალი კლინიკის შესასვლელთან დატოვა. ოთხი მამიდან მხოლოდ ერთი შეხვდა მეუღლესთან ერთად ექიმს. მომავალი მამების უმრავლესობა ვერ აცნობიერებს თავის როლს წინასამშობიარო პერიოდში.

ამ დროს, ქალის მხარდაჭერა როგორც წინასამშობიარო პერიოდში, ისე მშობიარობის დროს მომავალი მამისთვის ფრიალ სასარგებლო გამოცდილებაა; ეს არის არა მარტო მეუღლის გამხნეება, არამედ, ჩასახვის მომენტიდან შვილზე პასუხისმგებლობის განაწილება. ანუ, ფსიქოლოგიური გაგებით, მამაც „ორსულადაა“ და „მშობიარობს“. რატომ ხდება, რომ, განქორწინების შემთხვევაში, მამების არცთუ მცირე ნაწილს შვილებზე ზრუნვა ან მინიმუმადე დაჰყავს, ან თავის დაძვრენას ცდილობს? ცხადია, პირველ რიგში, ეს ინტენტილიზმით აიხსნება: როგორც უკვე

აღინიშნა, „დედიკოს ბიჭები“ სრულფასოვანი მამები ვერ იქნებიან. მაგრამ, ავტორის აზრით, არსებობს კიდევ ერთი, არანაკლებ მნიშვნელოვანი მიზეზი: ისინი ჯეროვნად ვერ აცნობიერებენ შვილთან სიღრმისეულ კავშირს, ამიტომ მამობის თვითგანცდა საკმაოდ ფორმალურია. წინასამშობიარო პერიოდში მეუღლის გვერდში დგომა და შვილის მოვლინების პროცესში მონაწილეობა ხელს შეუწყობს ამ სიღრმისეული კავშირის ჯეროვან გაცნობიერება-გამინაგნებას.

„მეუღლის მშობიარობაზე იმდენად განვიცდიდი, რომ გონება დაგვარგე. ახლა რომ ვიცი, რა ტანჯვად დაუჯდა მეუღლეს ჩვენი შვილის დაბადება, კიდევ უფრო მიყვარს და პატივს ვცემ!“ - მითხრა ერთმა ახალგაზრდა მამამ.

მოქმედი კანონმდებლობის თანახმად, დეკრეტულ შვებულებაში გასვლა მამასაც შეუძლია. მშობლების გადასაწყვეტია - ვისი გასვლაა უფრო მიზანშეწონილი. ზემოთნახსენებ გამოკითხვაში მამის დეკრეტულ შვებულებაში გასვლას მხარი დაუჭირა მამაკაცების 65%-მა და ქალების 67%-მა. ასე რომ მოვლენები, შესაძლოა, სასურველი სისწრაფით არ ვითარდება, მაგრამ, ჩვენს თვალწინ, ნაბიჯ-ნაბიჯ ხდება გენდერული ასიმეტრიის გამოსწორება. მოეუსმინოთ ახალგაზრდა მამას, რომელიც მშობელთა როლების ტრადიციულ დაყოფას არ ეთანხმება.

შოთა მ. (35 წლის; ორი ვაჟიშვილის მამა):

- დედების და ბებების თაობაში მიღებული იყო, რომ მამა, ძირითადად, მარჩენალი უნდა ყოფილიყო, ხოლო დედა - შვილების აღმზრდელი. ჩემი შეხედულებით, ეს არ იყო სწორი. ზრუნვა და აღზრდა-სწავლებაში ორივე მშობელმა თანაბრად უნდა მიიღოს მონაწილეობა. ჩვენს ოჯახში სწორედ ასეა. ცხადია, ვცდილობ გავუღვივო ჩემს ბიჭებს ის თვისებები, რაც ახალგაზრდა მამაკაცს სამომავლოდ დასჭირდება: რომ უნდა იყოს სულით და ფიზიკურად ძლიერი, მისდევდეს ჯანსაღ ცხოვრებას და ა.შ. თუმცა, ამ საკითხებზე დედაც ესაუბრება.

- არსებობს მოსაზრება, რომ მამა შვილებს, ძირითადად, მოვალეობით ღირებულებებს უნდა უნერგავდეს, ხოლო დედა - ემოციურ-გრძნობით. თქვენ რას იტყვით?

- არა მგონია, რომ მკვეთრი ზღვარი უნდა არსებობდეს. ზოგ შემთხვევაში, შესაძლოა, პირიქითაც კი მოხდეს.

- ბავშვის ტექნიკური მოვლა დედის მოვალეობად მიიჩნეოდა ყოველთვის. თქვენს ოჯახში როგორ არის ეს საკითხი გადაწყვეტილი?

- ჩაცმა და ჰიგიენური პროცედურები არაერთხელ ამიღია ჩემს თავზე; ბავშვი კიდევ დამიბანია. საჭმლის მომზადება-ჭმევაში მონაწილეობას ნაკლებად ვღებულობდი. მაგრამ საჭიროება რომ დამდგარიყო, მაგასაც გავართმევდი თავს. არ მაქვს იმის კომპლექსი, რომ, ეს დედის საქმეა და იმან უნდა მიხედოს.

- ვიცი, რომ ბიჭების მამა ხართ. გოგონაც რომ გყოლოდათ, ყველას ერთნაირად მოეწყვოდით?

- დისშვილი მყავს გოგონა და ვატყობ, რომ მასთან ბიჭებზე უფრო რბილი და ლოიალური ვარ. ალბათ, გოგონა რომ მყოლოდა, მასაც ასე მოვეყვებოდი.

- ჩვენი კანონმდებლობით დეკრეტულ შვებულებაში შეიძლება მამაც გავიდეს; გულწრფელად მიპასუხეთ: დეკრეტულ შვებულებაში გახვიდოდით?

- ასეთი პრობლემა არც დაგვდგომია - მე და ჩემს მეუღლეს სახლში ვმუშაობთ.

მაგრამ თუკი ოჯახს დაჭირდებოდა, დეკრეტულ შვებულებაში მე გავიდიოდი.

- დღესდღეობით მამას შეუძლია შვილის მოვლინებას დაეხსნოს და მეუღლე გაამხნევოს. რა აზრის ხართ ამაზე?

- მე, პირადად, არ დავსწრებივარ და, ალბათ, ვერც დავესწრებოდი. ჩემთვის ემოციურად მძიმე გადასატანი იქნებოდა. უბრალოდ, ვერ გავუძლებდი. მაგრამ, ზოგადად, ასეთ დროს მეუღლის გვერდში ყოფნა მიზანშეწონილად მიმაჩნია.

- მშობელთა კრებებზე თუ დადიხართ, ან სკოლაში მასწავლებლებთან თუ გაქვთ კონტაქტი?

- ჩემი მეუღლე დადის. ალბათ, არ არის სწორი - მეც უნდა ვაქტიურობდე. თუმცა, თავად მასწავლებლებიც დედებს იბარებენ. როგორც ჩანს, ჩვენს საზოგადოებაში კიდევ ბევრი რამეა შესაცვლელი.

ნამდვილად ბევრი რამე შესაცვლელი. მშობიარობაზე მამების დასწრების მაჩვენებელი ნელა, მაგრამ მაინც იზრდება. პარალელურად, იზრდება მამების შვილების აღზრდაში ჩართულობაც, ანუ პროცესი დანყებულია. ქალაქების ქუჩებში უკვე ვხედავთ „კენგურუიან“ ახალგაზრდა მამებს, რომლებიც ამაყად ასეირნებენ შვილებს. შეცვლიან თუ არა ისინი „შეზღუდული პასუხისმგებლობის“ ტრადიციას? ნიგნის ავტორს ამისი დიდი იმედი აქვს.

თავი მეოთხე

„ჩატენილი ხილის“

ბენდარული ვერსია

„მზეთუნახავი“ და „ურჩხული“

უსიერ ტყეში განმარტოებით ცხოვრობს ყველასგან მოძულებული და მთელ ქვეყანაზე გაბოროტებული ურჩხული. ოდესღაც უფლისწული იყო და უწინდელ სახეს მხოლოდ მშვენიერი ქალის სიყვარული დაუბრუნებს. შანსი პრაქტიკულად წულია. მაგრამ მოხდა საოცრება - გამოჩნდა კეთილი გოგონა, რომელიც არ შეუძინდა მის შემზარავ იერს და... მონსტრი უფლისწულად გარდაიქმნა!

მსოფლიოს ხალხთა ზღაპრებში ხშირად შეხვდებით ამ სიუჟეტის სხვადასხვა ვერსიას. ყოველთვის და ყველგან შენარჩუნებულია მთავარი ხაზი: კეთილი და მამაცი მზეთუნახავის წყალობით, ურჩხული მშვენიერ ჭაბუკად გარდაიქმნება. ურჩხული წარმოდგენილია ფანტასტიკური არსების, მტაცებელი ცხოველის, ან რეპტილიის სახით. ეს სიუჟეტი იმდენად გავრცელებულია, რომ მითური პირველწყაროც უნდა არსებულებო. მის შემორჩენილ ნიმუშად **გილგამეშის ეპოსის** ერთ-ერთი სიუჟეტური ხაზი გვესახება: **მზეთუნახავი შამხათი** ესტუმრება **ნახევრად პირუტყვ ენქიდუს**, რომელიც, ზემოხსენებული ურჩხულისა არ იყოს, უსიერ ტყეში ცხოვრობს და შიშის ზარს სცემს ყველა სულიერს. ენქიდუ შეიყვარებს შამხათს. აქამდე უცხო განცდები აკეთილშობილებს მის ბუნებას და გილგამეშის დაუძინებელი მტერი ყველაზე ერთგულ მოკავშირედ და მეგობრად გარდაიქმნება.

სიუჟეტის ყველა ვერსიას საერთო ხაზი აერთიანებს: ურჩხულის გარდასახვა მშვენიერი ქალის წყალობით. **„მზეთუნახავი“ (მშვენიერი და კეთილშობილი ქალი) „ურჩხულს“ (აგრესიულ მამაკაცს) „მშვენიერ ჭაბუკად“ (კეთილშობილ მამაკაცად) გარდაქმნის.** ეზოთერული იგავი ხალხთა ზეპირსიტყვიერებაში მითებად, ლეგენდებად და ზღაპრებად ჩამოიქნა. ვფიქრობ, ამ სიუჟეტში დაფიქსირებულია უძველესი წარმოდგენები ქალისა და მამაკაცის ბუნების, აგრეთვე ურთიერთობაში როლების გადანაწილების შესახებ. მამაკაცის დანიშნულებად აღიარებულია სამყაროზე უშუალო ზემოქმედება და პროცესების მართვა („აქტიური“ აქტიურობა), რომელიც შეიძლება იყოს როგორც კონსტრუქციული (გილგამეში), ისე დესტრუქციული (ენქიდუ). ქალის დანიშნულებად კი მამაკაცში სულიერ-ზნეობრივი მუხტის გამოღვიძება და აგრესიის ჩაქრობა („პასიური“ აქტიურობა) მიჩნეული. ანუ, შემერთა კოსმოგონიურ და სოციალურ წარმოდგენებში, ქალურ სანწყის საკმაოდ ამაღლებული, თუმცა მეორადი მისია ეკისრება. ეს არის პატრიარქატი მასკულინისტური სექსიზმის გარეშე.

მოგვიანებით პატრიარქატის ნიაღში თანდათანობით მძლავრობს მასკულინისტური სექსიზმი და მისი წარმოებული - აგრესიული ფემინოფობია. მიზეზებზე საუბარი შორს წავიყვანს, ამიტომ მხოლოდ ფაქტის კონსტანტირებით შემოვიფარგლებით. ფაქტი კი ისაა, რომ ქალური სანწყის ნელ-ნელა ნევატიური შინაარსით იტვირთება. პარალელურად, ტრანსფორმაციას განიცდის მზეთუნახავის სახე-სიმაბოლო, რომელიც მაცდურ „ურჩხულად“ გარდაიქმნება და მამაკაცს სულიერად, ან ფიზიკურად ღუპავს. მასკულინისტური სექსიზმის ხელნერა კულტურის მთელ ისტო-

რიას ეტყობა. ელინთა უკიდურესად მასკულინისტურ მითოლოგიაში „მზეთუნახავის“ ამპლუა კარდინალურად შეცვლილია: მზეთუნახავი **კირკვს** მაგია მამაკაცებს ღორებად გარდაქმნის. ნიშნა **კალიფსოც** აჭადოვებს და იმორჩილებს მამაკაცებს, **არტემიდე** უბედურ **აქტეონს** ირმად გადააქცევს და მას საკუთარი ნაგაზები დაგლეჯენ. ცალკე ხაზგასასმელია **მშვენიერი ელენეს** საბედისწერო როლი: **ზევის ლედას** გედის სახით დაეუფლება. ამ უკუღმართი კავშირის შედეგად გაჩენილი ელენეს სილამაზე, ელინური მითური ტრადიციის თანახმად, ათწლიანი ომის და ტროის დაღუპვის მიზეზად იქცევა. უკვე აშკარაა ქალის სილამაზის მიმართ გაჩენილი შიშები. პატრიარქალური ფობიების პრიზმაში „მზეთუნახავი“, მასთან დაკავშირებული რისკების თვალსაზრისით, გარდაიქმნება სახიფათო „ურჩხულად“, რომელიც მამაკაცში ქვენა სანყისებს აღვივებს და დაღუპვის გზაზე აყენებს. „მზეთუნახავი სიცოცხლის შემმუსრავე მახვილია!“ - ღაღადებს აღმოსავლური ანდაზა.

ფემინოფობია-მიზოგინიის ყოველგვარ გამოვლინებას (უნდობლობიდან და სოციალური წნეხიდან - გენდერული მოტივით მკვლელობამდე), არქექტიპული შიშები, ანუ არაცნობიერში ისტორიულად დაფიქსირებული ნეგატიური კოლექტიური წარმოდგენები ასაზრდოებს. ამ წარმოდგენებს ინდივიდუალური გამოცდილებაც ემატება. ანუ, ფაქტობრივად, ნაშრომის დასაწყისში ნახსენები წარმოსახვითი „აისბერგის“ წყალქვეშა ნაწილს მივადექით, პატრიარქატის განვითარების პარალელურად, სქესთა შორის გაჩენილი მენტალურ-ემოციური ბზარი ღრმავდება, ფემინოფობიური მოტივაცია მძლავრდება და ახალი დეტალებით „იხუნძლება“.

რა კავშირშია ეს ყველაფერი ქართულ მენტალობასთან და წიგნის თემასთან? - იკითხავს მკითხველი.

კავშირი პირდაპირი და ძალზე საფუძვლიანია.

საქართველოც ფემინოფობიით შეპყრობილი პატრიარქალური სამყაროს ნაწილია. ქალური სანყისის - „მზეთუნახავის“ ხატის ტრანსფორმაცია ქართულ მითოლოგიასა და ზეპირსიტყვიერებაშიც აისახა. **ოქროსთმიანი დალი** ქართველური ტომების მითოლოგიაში პირველად ოჯახის კეთილი ქალღმერთი უნდა ყოფილიყო; შემდეგ კი მაცდურის, ავსულის, ჯადოქრის თვისებები შეიძინა, რომელიც აცდუნებს მონადირეებს და თუ მისი ნება არ შეასრულეს, სიცოცხლეს მოუსწრაფებს. დროთა განმავლობაში, ნეგატიურმა შტრიხებმა კიდევ უფრო იმძლავრა და ზოგან ბოროტ მატყიად, ზოგან კი ვერაგ ტყის ქალად გარდაისახა. ეს დიალექტიკა იდეალურად იმეორებს „მზეთუნახავის“ კოდის ტრანსფორმაციას - ქალური სანყისი ბოროტ ძალად, ანუ, ფაქტობრივად, „ურჩხულად“ გარდაიქმნება. ქართულ ფოლკლორში განცალკევებით დგას უძველესი კეთილი „მზეთუნახავის“ პატრიარქალური „დუბლიორი“ - დედის ხატი, რომელსაც, ქალის სამიჯნურო იპოსტასისგან განსხვავებით, კონსტრუქციული მისია ეკისრება. ამ მხრივ ძალზე საინტერესოა **ზღაპრული ნოველა „დედის გული“:**

სატრფომ ჭაბუკს, ცოლობაზე თანხმობის სანაცვლოდ, მამის ნაქონი ბეჭედი და დედის გული მოსთხოვა. დედამ ვაჟს ბეჭედი უსიტყვოდ გამოუტანა, მერე კი გული ამოივლიჯა და გადასცა. ყმანვილმა ყველაფერი ცხვირსახოცში გაახვია, უბეში შეინახა და სატრფოსკენ გასწია. გზაში ნაიბორძიკა და კინაღამ არ დაეცა.

- ვაიმე, შვილო, მოვიკვდეს დედაშენი, ხომ არაფერი იტკინო? - გამოსძახა დედის გულმა.

ყმანვილმა მოიყრუა და გზა გაავრძელა. ქალთან რომ მივიდა, ჯერ ბეჭედი მიართვა.

- უი, რამხელა ყოფილა, ჩემს ჩამოქნილ თითებს ეს ეკადრებაო?! - გაიყინა მზეთუნახავმა, ბეჭედი ფეხის ცერზე წამოიყვია და ვაჟს საკოცნელად ტერფი გაუნოდა. სიყვარულით დაბრმავებული ყმანვილი დაიხარა და...

- ამას რას ვხედავ, ხალხო, ჩემს შვილს როგორ ამცირებენ, ცოცხლად მარხავენ, უშველეთ, გადაარჩინეთო! - დაიკვნესა დედის გულმა.

ყმანვილი გამოერკვა, წამოხტა და გაიქცა. მივარდა დედასთან, გული საგულეში ჩაუდო და მის წინ მუხლებზე დაემხო:

- დედავ, მაპატიე, მე რეგვენმა, ვერ დავაფასეო..

- მადლობა ღმერთს რომ გადაგარჩინეო... - გაჭირვებით ამობგერა მომაკვდავმა და გარდაიცვალა.

ამ შემზარავ სიუჟეტში კოდირებული გზავნილის გაშიფვრა რთული არ არის: ქალური სანწყისი მხოლოდ თავის სისხლს და ხორცს თუ უერთგულებს, ანუ მხოლოდ დედურ გამოვლინებაშია კეთილი და ნათელი. სხვა მხრივ მასთან სიფრთხილეთა საჭირო, რამეთუ, მანკიერი ბუნებიდან გამომდინარე, ამპარტავნება-ანგარების ტყვეობაშია. სილამაზით აღძრული ემოციურ-ხორციელი მიჯაჭვულობა საიმედო იარაღია მსხვერპლის (მამაკაცის) ხელში მოსაგდებად და „გასაურჩხულებლად“. მამის ბეჭედში კოდირებულია გვარის სტატუსი და ფასეულობები, რომელიც ვერაგმა ქალმა, პირდაპირი მნიშვნელობით, „დაიკიდა“ და ვაჟსაც აქეთვე უბიძგა. ნიშანდობლივია, რომ მსხნელის როლი მთლიანად დედას ეკისრება და მამა ნოველაში არც კი ფიგურირებს. ადრე ნახსენებ „წიქარაშიც“ „ურჩხულ-მზეთუნახავის“ მიერ გონებადაბნელებული („გაურჩხულებული“) მამა დანით მისდევს შვილის მოსაკვლავად, ხოლო მსხნელად კი დედის ხატის მასკულინიზირებული ვერსია, წიქარა მოევილინება. აქაც იგივე გზავნილს ვხედავთ - ქალური სანწყისი მხოლოდ დედურ ამპლუაშია სიკეთის მომტანი.

საინტერესო დეტალი: აღნიშნული გზავნილის საუკუნეებში ჩაკარგულ ავტორებს უხერხულობას არ უქმნის ფაქტი, რომ ქალი შვილისთვის თუ დედაა, ქმრისთვის ცოლი და სატრფოა. ანუ, ერთ შემთხვევაში, „მზეთუნახავი“ გამოდის, ხოლო მეორეში - „ურჩხული“. ჩნდება კითხვა: როგორაა შესაძლებელი ამ ორი ურთიერთგამომრიცხავი ასპექტის შეთავსება? სახეზეა კლასიკური კოგნიტური დისონანსი, რომელიც ათასწლეულთა მანძილზე საფუძვლიანად ამღვრევს სქესთა ურთიერთობას და ფემინოფობიას ასაზრდოებს.

მასკულინისტური სტიგმიდან გამომდინარე, მამაკაცთა ცნობიერებაში ქალი ერთდროულად მიმზიდველიც იყო და შემამინებელიც; ამასთან, რაც უფრო მიმზიდველი - მით უფრო სახითათო. აღქმის ასეთი „გახლეჩა“ სოციალურ ცხოვრებაში უამრავი კომპლექსის და ფობიის წყარო შეიქმნა. ეს ფაქტი ქართულ ფოლკლორში საინტერესოდ აისახა:

ლამაზი ცოლის პატრონსა,
ძალლი უნდა ჰყავდეს ფრთხილი.
ან ძალლი უნდა ფხიზლობდეს,

ანდა ქალის დედამთილი!

რად გინდა ქალი ლამაზი, რა ომში გამოვადგება,
ჩაიკვამს წითელ-ყვითელსა, გამოვა, კარზე დადგება,
იმის შემყურე ვაჟკაცი კელაპტარივით დადნება

ლამაზი ქალი დღეს შენია, ხვალ – სხვისიო.

ლამაზი ქალის ცოლად შერთვა წყალში ჩავარდნაო.

(ქართული ანდაზები)

მასკულინიზტურმა კოგნიტურმა დისონანსმა, თუ ილიასეული ტერმინით ვისარგებლებთ, „ჩატეხილი ხიდის“ გენდერული ვერსიით „დაგვასაჩუქრა“. ნებისმიერი ფემინოფობი მტკიცეა და დარწმუნებული, რომ ქალის „ნებაზე მიშვება“ არ შეიძლება. პატრიარქალურმა სისტემამ „რისკების“ გასანიტრალეზად გარკვეული „დამცავი მექანიზმები“ შეიმუშავა. პირველ რიგში, ეს იყო სოციალური უფლებების შეკვეცა. ვინც სოციალურ მოთხოვნებს შეესატყვისებოდა, მისი დანიშნულება მეოჯახეობა და მემკვიდრეების გაჩენა იყო, სხვების - მამაკაცთა სხეულებრივი კომფორტის უზრუნველყოფა.

პარალელი: უკიდურესად პატრიარქალურ ელადამი ქალები ინტელექტის სფეროს ჩამოაცილეს და სავსებით ოფიციალურად ორ სოციალურ ამპლუაში გამოკეტეს; ეს იყო ცოლი და სხვადასხვა კატეგორიის მეძავეები. განათლება მხოლოდ ელიტური მეძავეებისთვის - პეტერებისთვის იყო ხელმისაწვდომი. ლამაზი, ჭკვიანი და განათლებული პეტერების სახით ელიტის წარმომადგენლებმა ძვირადღირებული „ნუგბარი“ გაიმზადეს. ეს ქალებიც, მიუხედავად მათი მდგომარეობის გარეგნული ბრწყინვალეობისა, რეალურად დამოკიდებულ მდგომარეობაში იყვნენ; ამიტომ მათი ინტელექტი მამაკაცებს საფრთხეს არ უქმნიდა.

ქალის ფუნქციური „დანანევრება“ და განათლების შეზღუდვა, ფაქტობრივად, მის „გაუფლებელყოფას“ ემსახურებოდა, რაც პატრიარქალური კულტურის შემდგომ პერიოდებშიც გაგრძელდა. ჭკვიანი, განათლებული და პიროვნულად დამოუკიდებელი ქალი ყოველთვის აღძრავდა შიშებს და ეჭვებს; ყველა აღნიშნულ „რისკთან“ ერთად, თუ ლამაზიც იყო, პრობლემებს ჭარბად მოიძიდა. პატრიარქალური სისტემისთვის „ქალი-დივერგენტები“, ანუ უნივერსალები, ძალზე სახიფათონი იყვნენ. ინკვიზიცია, მაგალითად, ასეთებს ხშირად კოცონზე აგზავნიდა.

„ქალი ლამაზი და ცოტა ჩერჩეტი უნდა იყოს. წარმოიდგინეთ, რა კომპარია, როდესაც ოჯახში შემოვა ლამაზი, თან ჭკვიანი!“ - ბრძანა ერთმა ტიპურმა „დედიკოს ბიჭმა“ და თვალები გადაატრიალა. როდესაც შევეკითხე - მაინც რატომ მეთქი, მიპასუხა - სად მაქვს მაგის ატანის თავი, ტვინს გამომილაყვებო. საბოლოო ჯამში, სავსებით სწორად მიპასუხა; ასეთი ქალის ღირსეული პარტნიორობისთვის შესაფერი ტვინი ნამდვილად არ ჰქონდა.

საქართველოში ჭკვიან, განათლებულ და ძლიერ ქალებს, პირდაპირი მნიშვნელობით, არ წვავდნენ, მაგრამ არც ახარებდნენ. ქართული ყოფისთვის ქალთა ფუნქციური დანანევრება ყოველთვის იყო დამახასიათებელი: აი ეს ქალი გამოდგება ერთხელ დროის გასატარებლად, ეს - საყვარლად, ეს - საცოლედ და ა.შ.

ათიოდე წლის წინ, მე და ჩემი ქალიშვილი სიონთან მივსეირნობდით. რამდენიმე წყვილი ჯვარის დასაწერად თავის რივს ელოდებოდა. უნებლიედ, ორი ყმანვილის საუბარს მოვკარით ყური:

- ისე, პატარძალი დიდი არაფერია! - თქვა ერთმა.

- ცოლს სილამაზე რად უნდა?! - უპასუხა მეორემ.

ერთმანეთს უხმოდ გადავხედეთ და გულიანად გავგვეცინა. სიტყვები საჭირო არც იყო.

მაქვს სათუქვლიანი ეჭვი, რომ ყმანვილებს არც ჯკუა და რეალური განათლება მიაჩნდათ ცოლისთვის დიდად საჭირო სამკაულად. რატომ? ასეთი ტიპის მამაკაცთა აზრით, ნაკლებად შეხედული, ნაკლებად ჯკვიანი და ნაკლებად განათლებული ცოლი ადვილად სამართავია. როგორც ჩანს, ქართულ მენტალობაში „დივერგენტების“ მიმართ შიშების დაძლევის კიდევ დიდი ხანი დასჭირდება.

ორი ნაპირი

90-იანი წლების დასაწყისში ერთ-ერთ რადიოგადაცემაში გოგონების ექსპრეს-გამოკითხვა ჩაატარეს. უნდა ეპასუხათ, რა აზრის იყვნენ თანამედროვე ყმანვილებზე. მესხიერებაში ჩამრჩა სამი ფრაზა, რომელიც ამომწურავად გამოხატავდა საერთო თვალსაზრისს:

„გადაგვარდნენ, ნამდვილად გადაგვარდნენ... ნახეთ, რით არიან დაკავებულნი თანამედროვე ბიჭები: ზოგი თავხედი, ზოგი უსაქმური, ზოგი ნარკომანი, ზოგი ლოთი, ზოგი იმპოტენტი; ზოგი კი (თქვენ წარმოიდგინეთ, ასეთი კატეგორიაც არსებობს) - საჯაროში ზის!“

„მე საჭიროდ არც კი ვთვლი, რომ რამე ვუთხრა მათ!“

„ვეტყოდი ასე: ნუ ართულებთ ყველაფერს, სიცოცხლე ძალიან მარტივია!“

ანუ, მამაკაცთა ნაწილის უსაქმურობა, ნარკომანია და ლოთობა უკვე მაშინ იყო თვალმისაცემი. საჯარო ბიბლიოთეკაში კი არცთუ დიდი ნაწილი ბეჭითობდა (ამას სრული პასუხისმგებლობით ვამბობ!). თუმცა, ვფიქრობ, განაწყენებულმა გოგონამ საჯაროში ჯდომა ქალთა მიმართ ყურადღების დაქვეითებას დაუკავშირა. შემდგომ ფრაზაში წყენა კიდევ უფრო გამოკვეთილია და განდგომაში გადადის. ყველაზე საინტერესოდ კი მესამე ფრაზა მომეჩვენა. ავტორს აშკარად გაცნობიერებული აქვს, რომ მამაკაცებს საკუთარი ტკივილი აწუხებს; ეს ტკივილი აფერხებს გარე სამყაროსთან (მათ შორის ქალებთან) ადეკვატურ ურთიერთობას და ამიტომ, მისი აზრით, „ყველაფერს ართულებენ“. პირველ ფრაზაში აშკარაა წყენა, მეორეში - გაბუტვა, ხოლო მესამეში - სიტუაციის რაციონალურად გააზრების მცდელობა.

მოდით, მესამე რესპონდენტს მივბაძოთ. დავინწყით იქიდან, რომ პრეტენზიები და წყენები ქალთა მიმართ მამაკაცებსაც აქვთ და ეს სხვადასხვა ფორმით ვლინდება. ჯერ კიდევ საბჭოთა პერიოდში (იგულისხმება 80-იანი წლები) „ნიანგის“ გარეკანზე გამოქვეყნდა კარიკატურა წარწერით: „ნატურიდან ჩაიხატა...“ გვერდზე

ავტორი იყო მითითებული. დახატული ქალის ვულგარულად წათხიპნილი სახე-ნიღაბი, „ირიდათი“ გალურჯებული აჩეჩილი თმა, თუთიყუშებით ჩაცმულობა და მკერდზე უზარმაზარი კულონი წარწერით: „ფრთხილად, შეღებილია!“, უსიამო შთაბეჭდილებას ტოვებდა. გამანადგურებელი ტექსტი ცალკე თემაა. შევეცდები მეხსიერებით აღვიდგინო მისი შინაარსი:

„...რომ შეგეძლოს, ერთს კი არა, ნახევარ შვილს გააჩენდი და ამით მოიხიდი შენს ვალს ერისა და ქვეყნის წინაშე. ინგლისურად, გერმანულად, ფრანგულად ლაპარაკობ და ქართული კი დაგაფინყდა... შენი შვილი მეცხრე კლასიდან ჩამოშორდა სკოლას, უსაქმური და ნარკომანია... ესპანეთში რომ წასულიყავი, რომელიღაც ტრესტში დამლაგებლად გაფორმდი; მადრიდიდან ჩამოტანილი საყურეებით ვაჭრობ; აღარ გყოფნის არც ქმრის, არც მამის, არც „მეგობრის“ ნაქურდალი და ყველას ერთად გაუშვებ ციხეში, ოღონდ კიდევ ერთი პერანგი და მისი ამხანავი იყიდო... ნახე, როგორ უსაშველოდ მომრავლდა სასაფლაოზე საფლავები. შენ ხარ მათი ავტორი და არქიტექტორი... ველარ უძლებენ შენგან ცუდ გზაზე დაყენებული და სიმსივნისთვის განწირული მამაკაცები იმას, რასაც სჩადიან. მათი დღე დაძაბულია. დამე - უარესი... ვერ გრძნობ საით მიექანები? შეჩერდი!“

ძალიან საგულისხმოა, რომ აღნიშნული კარიკატურა მარტის ნომრის გარეკანზე მოათავსეს. ნომერში უხვად იყო შრომის გმირ ქალთა მაქებარი ტექსტები და პოზიტიური შარუები, მაგრამ ყველაფერზე მაინც გარეკანის პათოსი დომინირებდა. იქმნებოდა შთაბეჭდილება, რომ **„ნიანგის“ რედაქციისთვის** სწორედ ეს პერსონაჟი იყო საზოგადოებაში ზოგადი ატმოსფეროს ამსახველი თუ არა, ტიპური მაინც. სწორედ ასე წარმოედგინა მხატვარს ქართველ ქალთა, საუარაუდოდ, არც თუ მცირე ნაწილი. ზოგიერთი დეტალი ამკარად მიუთითებს, რომ კარიკატურას რეალური პროტოტიპიც ჰყავდა. გზავნილიც ნათელია: უვარგისი ცოლი, უვარგისი დედა, უვარგისი მოქალაქე. ასეთები, ცხადია, არსებობდნენ და ახლაც არსებობენ, მაგრამ ავტორმა მამაკაცთა ადვოკატირებაში გვარიანად გადააჭარბა; ქალებისგან „ცუდ გზაზე“ დაყენებული „დედიკოს ბიჭები“, საკუთარი დროსტარება-გრიალის დასაფინანსებლად, „შავი ფულის“ შოვნაში თავადაც ხალისით იჩენდნენ ინიციატივას. ამდენად, ნამდვილად არ იყო გამართლებული ხელის ცოლებზე შეწმენდა. კარიკატურაში დაფიქსირებული პოზიციის ფესვები წარსულში უნდა ვეძიოთ:

*„ჯანი გავარდეს ან შვილსაც, მამულს,
ოღონდ ვაამოთ ჩვენს საკუთარ გულს,
რის ქართველობა, რა ქართველობა,
ვითომ რას გვავენებს უცხო ტომობა?!“*

აღბათ, გეცნოთ ამონარიდი **ნიკოლოზ ბარათაშვილის პოემიდან „ბედი ქართლისა“**, რომელიც აზრობრივად ზემოაღნიშნული კარიკატურის ტყუპისცალია. მსგავს ნიმუშებს ჭარბად მოვიძიებთ მე-19 საუკუნის ბელეტრისტიკა-პუბლიცისტიკაში, რაც იმ უტყუარ ფაქტზე მიუთითებს, რომ ორივე სქესს ერთმანეთის მიმართ უამრავი პრეტენზია დაუგროვდა; ზოგი უსაფუძვლო, ზოგი, აღბათ, საფუძვლიანი.

აი, რა მომწერა ფეიხბუკში ფრენდმა მამაკაცმა, რომელმაც ანონიმად დარჩენა

არჩია:

„ზოგადად, ქალები ცხოვრებაში იმდენად ინტეგრირებულნი და დამოუკიდებელნი გახდნენ, რომ კაცები ოჯახშიც კი შეცვალეს. ქმარს, მისი ბუნებრივი ფსიქოტიპის თანახმად, ყოველთვის სურს დომინანტი იყოს. როდესაც ქალი კაცზე მეტს შოულობს და საკუთარ თავზე იღებს ოჯახის შენახვას, იქ უკვე გენეტიკასთან წინააღმდეგობა იწყება და ქალი იშვიათად მიდის დათმობაზე. ამიტომაც ინგრევა ოჯახები. ქალებს სურთ თანასწორობა ყველა სფეროში, მაგრამ ეს თანასწორობა ხშირად ესმით, როგორც ყველაფრის უფლება. უნდათ რომ მამაკაცი ჩაანაცვლონ, თან, ამავე დროს, სურთ, რომ ურთიერთობებში მათთან იგივე კაცური დამოკიდებულება ჰქონდეს. მაშინ ახსენდებათ, რომ ქალები არიან და მისგან დათმობას მოითხოვენ როგორც საქმეში, ასევე საუბარშიც. მაგალითად, როდესაც პოლიტიკოსი ქალი შეურაცხყოფას აყენებს მამაკაცს და საპასუხოდ შესაბამის რეაქციას ღებულობს, აუცილებლად ახსენდება, რომ ქალია და ეგრევე შეტევაზე გადადის: „ქალს როგორ ესაუბრები?! არა გრცხვენია?“ და ა.შ. თუ ქალებს სურთ იყვნენ კაცების თანასწორები, მაშინ უნდა მიიღონ ეს თავისი მიწისპლიუსებით. არ შეიძლება მავნიტი გქონდეს და მას მხოლოდ „+“, ან მხოლოდ „-“ ჰქონდეს... ასეა ცხოვრებაც... თუ ქალებს სურთ იყვნენ ყველაფერში კაცების ტოლნი, ამას უარყოფითი მხარეებიც მოყვება და ნუ წუნუნებენ... იგივეს ვიტყვი კაცების მისამართითაც. როდესაც რაღაცის შეცვლა გვინდა, მაშინ უნდა მივიღოთ ის მიწისპლიუსიც, რომელიც ამ ცვლილებას მოყვება. კიდევ ერთი: თავად ქალებს, განსაკუთრებით მათ, ვისაც დომინანტობა სურს, სინამდვილეში მოსწონთ ის კაცები, ვინც კაცობს და მათ თავის ადვილს მიუჩენს, მაგრამ ოჯახში ვერ ეგუებიან. ასეთი ქალები ხშირად მარტოხელა დედები არიან, რადგანაც „ორ სკამზე ერთდროულად ჯდომა“ ჯერ არავის გამოსვლია. ქალების ასეთმა დამოკიდებულებამ შეცვალა კაცების ვარკვეული ნაწილის შეხედულება ცხოვრებაზე. კომფორტული ცხოვრება უფრო ურჩევნიათ და ხმასაც კი არ იღებენ. ანაბოთ ყველაფერი.“

აღნიშნულ ტექსტში რამდენიმე საკვანძო თვალსაზრისი იკვეთება: 1) ოჯახში მამაკაცის დომინანტური პოზიცია გენეტიკურადაა განპირობებული; 2) თუ ქალს მეტი შემოსავალი აქვს, ეს საფრთხეს უქმნის მამაკაცის დომინანტობას და არღვევს ბუნებისგან დანესებულ ბალანსს; 3) ქალებს რომლებსაც თანასწორობა სურთ, სინამდვილეში დომინანტი მამაკაცები მოსწონთ; ანუ კოგნიტურ დისონანსში არიან და, ხშირად, სულ მარტონი რჩებიან; 4) მამაკაცების ნაწილმა მიიღო ქალების დომინანტობა, ვინაიდან მოსწონს მექთა კომფორტი.

პირველი ორი პუნქტი კლასიკური პატრიარქალური წარმოდგენების ნიმუშია, მეორეში კლასიკური ფემინოფობია იკითხება - ქალმა თუ ძალა აიღო, თავზე წამოგაჯდება, მესამე საესებით სწორი მინიშნებაა ქალთა იმ ნაწილზე, რომელსაც ვერ განუსაზღვრავს, რა სურს და საკუთარ თავთან წინააღმდეგობაში ვარდება. მეოთხე კი მიუთითებს ინტენტილურ მამაკაცებზე, რომლებმაც ქალის კისერზე ჯდომა ძალიანაც შეიფერეს.

ჩემს რესპონდენტს ერთ რამეში ნამდვილად დავეთანხმები: მძიმე სანახავია „ემანსიპირებული“ ქალი, რომელიც ლანძღვა-გინებით იწვევს მამაკაცისკენ და როდესაც შესაბამის რეაქციას იძვის, მაშინვე დათმობას მოითხოვს.

ფაქტია, რომ მამაკაცისა და ქალის ჰარმონიულ ურთიერთობას უამრავი ბა-

რიერი ართულებს. ვფიქრობ, მიზეზი ათასწლეულთა მანძილზე დაგროვილ ქვეყნობიერ შიშებში უნდა ვეძიოთ. ქალისა და მამაკაცის ურთიერთობა ყმისა და ბატონის მოდელში ვითარდებოდა; ამ პერიოდში გაჩენილმა უნდობლობამ „ჩატეხილი ხიდის“ გენდერული ვერსია ჩამოაყალიბა. ცნობიერი და ქვეყნობიერი ფობიების გამო გენდერული ლანშაფტის გაჯანსაღება წინააღმდეგობრივად მიმდინარეობს. ძველი მოდელები ინგრევა, ხოლო ახალი - ჩამოყალიბების პროცესშია; სწორედ ამის შედეგია ნაწყენი და ამბოხებული ცოლები, არანაკლებ ნაწყენი და გაბრაზებული ქმრები, ფემიცილის გახშირება, კოგნიტურ დისონანსში ჩაძირული საქმიანი ქალები, ქალის კისერზე წამოსკუპებული „დედიკოს ბიჭები“, მოქილიკე პოლიტიკოსი მამაკაცები და ჩვენი ცხოვრების სხვა უამრავი „სამშვენისი“.

ქალი - ფარული მმართველი?..

ქართული კულტურა მატრიარქალურია. ეს, ერთი შეხედვით, არ ჩანს, მაგრამ რომ დააკვირდები, აშკარაა - აქ სიტუაციას ქალები მართავენ. ერთხელ თბილისში მე და ჩემი მეუღლე მეგობრებს ვენვით. მასპინძლებმა, როგორც აქ მიღებულია, დიდებული სუფრა გაშალეს და ნაცნობ-მეგობრები დაპატიჟეს. ცოტა ხნის შემდეგ ქალბატონებმა მისაღები ოთახის მეუღრო კუთხეში გადაინაცვლეს. მამაკაცებმა კი დრო ვიხელათეთ და კარგად მოვიღობინეთ: ვხუმრობდით, ვხარხარებდით და ერთმანეთს მეგობრობას ვეფიცებოდით. უნდა გენახათ, რა თბილი და შემწყნარებლური ღიმილით გვიმზერდნენ მეუღლეები! აი როგორც ცელქ, მაგრამ ძალიან საყვარელ ვაჟიშვილებს - გაერთონ და დაისვენონო. მამაკაცების მიმართ ეს დედობრივი დამოკიდებულება ყველგან და ყველაფერში იგრძნობა!“ - განაცხადა ერთ-ერთ ინტერვიუში **ავსტრიელმა ბიზნესმენმა ბაუსბერგმა**, რომელმაც წლების წინ **გუდაურში** სპორტული კომპლექსი ააშენა და ცოლად ქართველი ქალბატონი მოიყვანა.

სიძის კვალობაზე, **ბატონ ბაუსბერგს** საქართველოში ჩამოსვლა, ალბათ, ხშირად უნევდა, მაგრამ სიტუაცია მაინც ტურისტის თვალთ შეაფასა. ჩალრმავებული ანალიზის შემთხვევაში, სიტუაციას ასე იდილიურად წამდვილად აღარ აღიქვამდა. ნეტა ოთახის კუთხეში მოკალათებული მანდილოსნები რაღას იტყოდნენ?

„მამაკაცები ბავშვებით არიან. როდესაც წვეულების დროს სუფრიდან მეუღრო კუთხეში გავდივართ, იქიდან ვუსმენთ სისულელეებს, მთვრალ გონებაზე რომ აფრქვევენ და სიცილით ვიკუდებით!“

ეს იაპონელი ქალბატონის სიტყვებია. წლების წინ რომელიღაც სტატიამი ამოვიკითხე და გონებაში ჩამრჩა. მაქვს საფუძვლიანი ეჭვი, რომ უამრავი ჩვენი ქალბატონიც დაახლოებით ასე ფიქრობს, თუმცა, საქვეყნოდ, ალბათ, ასე ადვილად არ გაამხელს. წიგნის ავტორის აზრით, **ბაუსბერგის** მიერ დახატული იდილიურ სურათის მიღმა ჩატეხილი ხიდის გენდერული ვერსია იმალება. ეს არ არის ღია და თანასწორი პარტნიორობა. **ბერნისეული „მშობელ-ბავშვის“** ტანდემი ასიმეტრიულ ურთიერთობას განაპირობებს და მონაწილეთა პიროვნულ სივრცეებს ახშობს.

2006 წელს ამ თემაზე ფსიქოლოგიის მეცნიერებათა დოქტორ გაგა ნიჟარაძეს ვესაუბრე. მისი აზრით, ქალი ყოველთვის ოჯახში ახდენდა პოლიტიკური და სოციალური უუფლებობის კომპენსირებას:

- ქართული კულტურა ნორმატიული თვალსაზრისით მასკულიზურია, მაგრამ ლატენტურად - ფემინური. მამაკაცი მთავარი პერსონაა (მიიჩნევა, რომ უფრო ტკვიანია და ა.შ.). სამაგიეროდ, ყოფაში ქალები წყვეტენ, ვინ ვისზე დაქორწინდება, ვინ სად ისწავლის, სად დაისვენებს და ა.შ. ყოველდღიური ხარჯებისა და ოჯახის ბიუჯეტის მართვაზე აღარაფერს ვამბობ. ნორმატიული მასკულიზურობის შეთავსება ლატენტურ ფემინურობასთან საქართველოზე უფრო ძლიერად იაპონიაშია გამოხატული. ამ ქვეყანაში მამაკაცი მეფე და ღმერთია. შვილს თუ ხელში აიყვანს, ეს პატარასთვის დიდ პატივად ითვლება. მამა მხოლოდ შემომტანია; ხოლო ოჯახის, ბიუჯეტის გაძღოლა და ბავშვების მოვლა ცოლს ევალება. დედის წამყვან როლს შორსნასული სოციალური შედეგები მოაქვს; ბავშვი ფსიქოლოგიურად ზრდასრულ პიროვნებად ვერ ყალიბდება, რაც განსაკუთრებით ვაჟებზე აისახება. მნიშვნელოვანი გადაწყვეტილებების მიღება მთლიანად დედაზეა დამოკიდებული და ვაჟი ბიჭობაში „იყინება“. მარადიული დედობა მამაკაცთა მიმართ დამოკიდებულებაშიც იგრძნობა; ქმარიც იგივე „შვილია“, მხოლოდ ზრდასრული. ამიტომაც ქართულ კულტურაში ასე აქტუალური „რძალ-დედამთილიანი“. ვაჟის დედაზე მიჯაჭვულობის გამო, ხშირად, დედამთილი „იმარჯვებს“ და ოჯახი ინგრევა.

უნებლიედ ერთი ძველი ანეკდოტი გამახსენდა:

ფრანგს ჰყავს ცოლი და საყვარელი. უყვარს ცოლი; საყვარელი პრესტიჟისთვის სჭირდება. ინგლისელს ჰყავს ცოლი და ჰყავს საყვარელი. უყვარს საყვარელი. ცოლი პრესტიჟისთვის სჭირდება. ქართველს ჰყავს ცოლი, ჰყავს საყვარელი, კიდევ საყვარელი, კიდევ საყვარელი... და უყვარს მხოლოდ დედიკო...

ანეკდოტში ერთ შეწონებას შევიტანდი: დედაზე ემოციურად მიჯაჭვულია, მაგრამ, ქვეცნობიერად, სულაც არ ეხატება გულზე მისი დიქტატი. ამისი შედეგიც ხომ არაა ყოველდღიურ საუბარში ბალღინჯოსავით მოდებული: „ჩემი დედა“?...

ისე, არც დედამისია ბედნიერი მხოლოდ „კუხნაში“ ფუსფუსით...

საქართველოს საზოგადოებაში „მეფობს“ მამაკაცი, ოჯახში კი ქალი „ხელმწიფობს“. აღნიშნული „მეფობა/ხელმწიფობა“ კოგნიტური დისონანსითაა მონამლული. შედეგად ვლბულობთ ფობიებზე აზელილ სოციალურ ნახევარფაბრიკატს, რომელსაც ტრადიციული ქართული ოჯახი ჰქვია. აშკარაა, რომ აღნიშნული ინსტიტუტი კაპიტალურ რემონტს საჭიროებს.

„ნეკნის“ შიში

ნდობის ტელეფონზე მამაკაცმა დარეკა და კონსულტანტ ქალბატონს, რბილად რომ ვთქვათ, უკმეხად ესაუბრა:

- ნეტავი რა გკონიათ თავი? რომ იცოდეთ, რა ბედნიერებაა, როდესაც ქუჩაში ლამაზი ქალი მოდის და შენ კი სულ ფეხზე გკიდია!

რა იყო ეს? ვითომ კონკრეტულ ქალზე განაწყენებული კონკრეტული მამაკაცის კომპლექსი? შესაძლოა, არც უამისობაა, მაგრამ, ვფიქრობ, ეს მეტისმეტად ზედაპირული ახსნაა. კოგნიტურ დისონანსზე დაფუძნებული კულტურა წარმოქმნის სოციალურ სინდრომს, რომელსაც შეიძლება **„ნეკნის“ შიში** ვუნდოთ (მოგეხსენებათ, ბიბლიური ტრადიციის თანახმად, უფალმა ევა ადამის ნეკნისგან შექმნა - ავტ.). იგულისხმება უკვე ნახსენები ქვეცნობიერი შიში ქალთა წინაშე - ფემინოფობია, რომელიც, თუ კონკრეტული გამოცდილებით გამყარდა, მიზოგინიაში გადადის. ფენომენი არასრულფასოვნების განცდით საზრდოობს, რაც ქალთა მიმართ ქედმაღალი დამოკიდებულებით, ან სულაც თავხედობით ინიღბება. შიში იმის მაუწყებელია, რომ ადამიანი ფარულ, ან აშკარა საშიშროებას გრძნობს, რაც ხელს უწყობს „მტრის ხატის“ ჩამოყალიბებას. თუ ისევ **ერაკ ბერნის** მოდელით ვისარგებლებთ, მამაკაცთა მიერ შექმნილმა სოციალურ-გენდერულმა სისტემამ ქალში ჩაკლა „მოზრდილი“, გაკოჭა „მშობელი“, „ბავშვზე“ მეურვეობა კი თავად იკისრა. მაგრამ ქალის „დაპატიმრებული მშობელი“ რევანშს ესწრაფვის - შემოვლითი გზებით ცდილობს მამაკაცის დაჭაბნას და მის „ბავშვის“ პოზიციაში გადაყვანას. აქედან საზრდოობს არცთუ უსაფუძვლო წარმოდგენა ქალური ეშმაკობის შესახებ, რომელიც ლიტერატურასა და ფოლკლორში ხშირად გაშარჟებულია, ყოფაში კი დემონიზირებული. სულ არ არის პარადოქსული, რომ ათასწლეულთა მანძილზე მამაკაცებს ქალი მეორეხარისხოვან არსებად - „ნეკნად“ კი მიაჩნდათ, მაგრამ ამ „ნეკნის“... პანიკურად ეშინოდათ! ახლაც ეშინიათ - ქვეცნობიერად.

„ნეკნის შიშით“ გულგახეთქილი ქართველი მამაკაცი დაუინებით ცდილობს ქალის კონტროლს, ანუ „მშობლობას“. „გაუგებელყოფა-გაკოჭვის“ მეთოდები უამრავია: უფლებების შეკვეცა, მეარველურ-ფამილარული, ან დამცინავი დამოკიდებულება, ძალადობა, ქალის პოლიტიკური აქტიურობისთვის ბარიერების შექმნა და ა. შ. ფემიციდი „გაკოჭვის“ ყველაზე რადიკალური გამოვლინებაა.

2006 წელს ლელა გაფრინდაშვილმა დაიწვა დისერტაცია თემაზე **„ქართული კულტურის გენდერული პარადიგმები; ინტერდისციპლინარული და ინტერტემორალური პერსპექტივა“**. მე-19 საუკუნის არქივებზე დაყრდნობით, მეცნიერმა ქალბატონმა აღადგინა იმ პერიოდის გენდერულ კოლიზიათა პანორამა. მიღებული სურათი აქარწყლებს მითს, თითქოს ქართველი ქალი მამაკაცთა თვალში დიდი ზნეობრივი ავტორიტეტით სარგებლობდა. აგრეთვე, მოულოდნელ ამპლუაში წარმოგვიდგებიან ილია ჭავჭავაძე და აკაკი წერეთელი.

XIX საუკუნეში გაჩაღებული „მამათა და შვილთა ბრძოლა“ ყველასათვის ცნობილი ქრესტომათიული ფაქტია. თუმცა, უფრო უპრიანია, „მამათა და ვაჟიშვილთა ბრძოლა“ ენოდოს (ქალიშვილებს ხმას ვინ ამოაღებინებდა!). სამაგიეროდ, თითო-ოროლა სპეციალისტმა თუ იცის სქესთა უმწვავესი დაპირისპირების შესახებ იმავე საუკუნის 80-90-იან წლებში. აღნიშნული პერიოდის პრესა გადაჭრელებულია ქალთა და მამაკაცთა პაექრობის ამსახველი პუბლიკაციებით. ამ ისტორიული ფაქტის პერიპეტეები დანვრილებითაა განხილული **ლელა გაფრინდაშვილის დისერტაციაში, აგრეთვე მისსავე წერილში „დედათა კითხვა და/თუ „ქალთა საკითხი საქართველოში“ (კრებული „გენდერი, კულტურა, თანამედროვეობა“ თბილისი 2005 წ. ტ. I)** ძალიან სიმპტომატურია, რომ ქალები ანონიმებად ყოფნას არჩევდნენ. გამოწვევის ბარბარე ჯორჯაძე აღმოჩნდა:

„პირველიდანვე დანყებული ყველა კაცი დედაკაცის გაკილებაში ყოფილა და არის. ყოველივე ბრალეულობა ქალს მიაწერეს და დიდად ცდილობენ ეს თავისი ამხანავი ყოვლის გზით დაეცათ და დაემდაბლებინათ... შენი წესი ის უნდა იყოს: ხმაგაკმენდილი ჩუმად იყო... სწავლა და სხვა ენებით განათლება რა შენი საქმეაო... თვითონ მამაკაცმა კი შეისხა ამპარტავნობის და ზვაობის ფრთები... გაითართოვა გზა და დედაკაცი ვალდებულებაში ჩაადლო: თუ მე არა, ლუკმას ვერ შესჭამო, რა იყო უფრო დაემონებინა“ („**ორიოდე სიტყვა ყმანვილ კაცების საყურადღებოდ**“; უურნალი „**კვალი**“ 1893 წ).

მამაკაცთა პუბლიკაციებში მხოლოდ ზიზღნარევი დაცინვა, ან ლანძღვაა. მაინც რამ ვააგულისა ბატონები? ევროპიდან შემოსული ლიბერალიზმის ტალღაზე ქალებმა განათლების მიღება და საზოგადოებრივი აქტიურობა მოინადინეს. მამაკაცთა მწვავე რეაქციის მაგალითია **დავით კვბელის (მწერალი, პუბლიცისტი, თეატრალური, საზოგადო და პოლიტიკური მოღვაწე)** სიტყვები:

„ის მირჩევნია... შავი ზღვის ცხრილით ამოხაპვა განვიზრახო, მანამ ქალს მეცნიერული ბაასი ვაგუბა, როგორი ჭკუისა და განათლებისაც არ იყოს ის... თუ გინდათ ღირსეულად ატაროთ ქართველი ქალის ერთხელ ქვეყანაზე განთქმული სახელი, გამოირეკეთ თავიდან ოცნებები ექიმობაზედ, პროფესიონობაზედ და შეეცადეთ შეიქმნათ ღროის შესაფერი დედები. ამისათვის საჭიროა დაწვრილებით შეისწავლოთ თქვენი სამშობლოს წარსული, ძველი ხალხების და განსაკუთრებით რომის ისტორია, რომელთა წაბაძვაც დღეს თქვენი მოვალეობაა. ამერიკელ და ევროპელ ქალებთან თქვენ თვალის სარგო არ გაქვთ. იმიტომ რომ „**Quod licet Jovi, non licet bovi**“ (რაც ნებადართულია იუპიტერისთვის, არაა ნებადართული ხარისთვის)...“

როგორც ჩანს. დავით კვბელი იზიარებდა დასავლეთის ანტიფემინისტთა პოზიციას ქალის ფიზიოლოგიური და ფსიქოლოგიური არასრულფასოვნების შესახებ; სწორედ ამიტომ ყველა ქართველი ქალი – „ტვინარეულიც“ და „სამაგალითოც“ მეორეხარისხოვან არსებებად გამოაცხადა. სამაგიეროდ, ევროპელი და ამერიკელი ქალების შემთხვევაში, განათლების მიღება არ აღაშფოთებს. ძნელი მისახვედრი არაა რატომ - მათი განათლება და ინტელექტი „ნეკნის შიშით“ შეპყრობილ ქართველ მამაკაცებს „საფრთხეს“ ვერ შეუქმნიდა.

კვბელის რეტროგრადიზმი იდეოლოგიურად გააფორმა **ილია ჭავჭავაძის** თანამებრძოლმა, **ქართველთა შორის წერა-კითხვის გამავრცელებელი საზოგადოების წევრმა, ექიმმა, პუბლიცისტმა და ქველმოქმედმა ექვთიმე ვაშაკიძემ**:

„საშუალო წრიდან დანყებული მაღალ წრემდის ქართველმა ქალებმა, უსაქმობის გამო, არ იციან რა ქნან... ამ მხრივ, ჩვენი ძველი დედები უფრო ყურადღების ღირსნი არიან. მათში უფრო მეტია დედობაც და ოჯახის და საზოგადო საქმის შეგნებულობაც.“

ძალიან საგულისხმოა, რომ **აკაკი** და **ილიაც** დაუპირისპირდნენ პიროვნული ზრდის სურვილით ანთებულ ქალბატონებს:

„დღეს, ღვთის მადლით, ქალებიც არიან თითო-ორიოლა რომ ჩვენს სჯულზედა დგანან, მაგრამ თქვენ ვერც იმათ იცნობთ... თქვენის წრის ქალებზედა კი კარგა ხანია გულგატეხილები ვართ. შრომასა და თანავრძნობას არ გთხოვთ, მხო-

ლოდ ნუ სცდილობთ, რომ ჩვენს მტრებთან ერთად ხელი გვიშალოთ და გვაბრკოლოთ... სულ რომ ჩამოვთვალო თქვენი ცოდვები, მაშინ მეღნაღ შავი ზღვა მოგვინდებოდა, სანერლად იალებუმი, კალმად კი თქვენი გრძელი ენა“, – თითს უქნევს აკაკი წერეთელი მიზანში ამოღებულ ქალბატონს.

„თუ „ცისკარი“ უვარვისია, კიდევ თქვენგან, ყვავებო ფარშავანგის ფრთებითა, ბულებულებო ყორნის ჩხავილითა!... ესტეტიკური, სენტიმენტალური, დრამატიზმი და სხვანი... ეს სიტყვები სუსტი არსებებისთვის ძნელი მოსანელებელია... მაღალსასწავლებელს დაბალი გონება ვერ მისწვდება, ტყუილია...“ – ეს კი დიდი ილია ამკობს ბარბარე ჯორჯაძეს და, ზოგადად, ქალთა სქესს.

ქალების წინააღმდეგ მომართულ ვაჟბატონთა „მხედრონს“ ღირსეული პასუხი გასცა ვინმე „ოლ-დამ“. ლელა გაფრინდაშვილის ვარაუდით, ეს ნიკო ნიკოლაძის მეუღლე ოლლა გურამიშვილია, რომელმაც განათლება ციურისში მიიღო:

„...გვარგია კი იდეალად ძველი ქალები? ცხოვრება იცვლება. მაშინ, როცა ყველა წინ, მერმისისკენ იცქირება და მიისწრაფება, ჩვენ გვეუბნებიან ნანგრევებს ჩამტვრედივით, წარსულს ჩაუკვირდით, იქ იპოვით ქალის იდეალსო. დროის მოთხოვნილება კი გამოიყვალა. ძველი ქართველი დედა ხმალს აძლევდა შვილს ხელში... ჩვენ კი თანამედროვე იარაღი უნდა მივცეთ... ამიტომ ნანგრევებში კი არ უნდა ვქექოთ ჩვენი იდეალი, ჩადრი კი არ უნდა წამოვისხათ, არამედ იდეალად უნდა დავსახოთ ევროპულ ქალთა შესანიშნავი წარმომადგენლები და ჩვენს იმათსავით ავმალდეთ გონებით..“

ფსევდონიმი რომ არა, ეს პუბლიკაცია გმირობას გაუტოლდებოდა. ქალები ფრთხილობდნენ; თუკი ევროპულ განათლებას ნაზიარებმა ილია ჭავჭავაძემ და აკაკი წერეთელმა მამა-პაპურად გათათხეს, ნაკლებად განათლებული ქმრებისა და მამებისგან რაღა ელოდათ?

რეტროგრადულად განწყობილ მამაკაცთა მიერ გამართულ ბაკქანალიაში ეუღლად გაჟღერდა საღი აზრი, რომელიც ეკუთვნოდა ცნობილი პუბლიცისტს, მწერალსა და საზოგადო მოღვაწეს სერგი მესხს:

„ჩვენ ისეთი თვალთ ვუყურებთ ქალს, რომ იმის ნახვით პირუტყვილი გრძობის დაკმაყოფილებისა და არმიყობის მეტი აზრი არაფერი მოგვდის. საზარელია ამისთანა შეხედულება ქალზე... ყველასათვის, ვისაც გონება მამაპაპური აზრებითა და ცრუმორწმუნოებით არ აქვს დახშული, ცხადია, რომ ქალი კაცის თანასწორად არის გაჩენილი, რომ იმის დამონება და სხვადასხვა უფლებების წართმევა სიკეთის მაგივრად ვნებს კაცობრიობას და აფუჭებს იმის ბუნებას და ხასიათს, როგორც საზოგადოდ გაფუჭებულია ყოველი „მონისა“ და „ბატონის“ ბუნება...“

საუბედუროდ, ასეთი გამოსვლები ჟღერდა როგორც ხმა მლალადებლისა მასკულინისტური სექსიზმის უკიდევანო უდაბნოში. წარსულში ჩარჩენილი ნაწნავიანი ქალის გაიდელალების მიღმა იდგა მამაკაცთა შიშები ქალთა გააქტიურების წინაშე. ეს იყო ერთგვარი თავდაცვითი რეაქცია. საზოგადოებრივად პასიური, მორჩილი ქალები „საშიშროებას“ ვერ შეუქმნიდნენ. იმავე ბუნების შიშები ახლაც შეინიშნება; ხშირად, ძალზე რადიკალური ფორმით. მაგალითისთვის ფემიციდიც იკმარებს.

საინტერესო დეტალი: ლელა გაფრინდაშვილის დისერტაციის დაცვაზე დამ-

სწრე მამაკაცებმა გენდერის სფერო მეცნიერებისთვის ნაკლებად აქტუალურად მიიჩნიეს. ასეთი დამოკიდებულება დიდად უწყობს ხელს გენდერული პრობლემატიკის გაუცნობიერებლობას და სტიგმის შენარჩუნებას, აქედან გამომდინარე ყველა შედეგით.

როგორ აღვადგინოთ ჩატეხილი ხიდი?

როგორც სავსებით სწორად შენიშნა სერგი მესხმა, ყოველი „მონისა“ და „ბატონის“ ბუნება საფუძველშივე დასახიჩრებელია. მათი ურთიერთობა შიშებითაა გაჭრებული: არც „ბატონი“ ენდობა ყმას და არც „ყმას“ აქვს ილუზიები ბატონის მიმართ. ანუ, თანსწორი და ღია ურთიერთობები საფუძველშივე გამოირიცხულია. გენდერულად ასიმეტრიულ ფორმატში ჩამოყალიბებული კომპლექსები დღესაც წამლავს სქესთა ურთიერთობას. როგორ აღვადგინოთ სქესთა შორის ჩატეხილი, ან, თუ გნებავთ, საფუძვლიანად მოფამფალელებული ხიდი?

პრობლემას აქვს ფილოსოფიური, პოლიტიკურ-სამართლებრივი, მენტალური და ყოფითი მხარეები. გენდერულად სიმეტრიული კანონების მიღება ძალიან მნიშვნელოვანია, მაგრამ არა გრძელვადიანი შედეგებისთვის. როგორც უკვე აღინიშნა, კანონი მოვლენის არა მიზეზზე, არამედ შედეგზე მუშაობს. ამიტომ, უფრო მნიშვნელოვანია, რომ გენდერულ საკითხების მიმართ პატრიარქალური მენტალური ინერცია დაიძლიოს. განსაკუთრებით კი იმ ქვეყნებში, რომლებიც გვიან შეუყვანენ დემოკრატიული განვითარების გზას. ხიდის აღდგენა შეუძლებელია მრავალსაუკუნოვანი მენტალური სტიგმის დაძლევის გარეშე. უამისოდ საქმეს ყველაზე საუკეთესო კანონმდებლობაც კი ვერ უშველის.

კავშირმა „საფარი“ 2017 წელს გამოაქვეყნა კვლევა, რომლის თანახმად, გენდერული უთანასწორობის ინდექსი 1995 წლიდან 2015 წლამდე მხოლოდ 0,065-ით გაუკეთესდა, ამასთან, მხოლოდ კანონმდებლობის გაუკეთესების ხარჯზე. ეს ინდექსი თანასწორობას რეპროდუქციული ჯანმრთელობის, გაძლიერების და შრომის ბაზარზე ჩართულობის მიხედვით ზომავს. მენტალური პარამეტრებიც რომ გაეთვალისწინებინათ, შედეგი, სავარაუდოდ, კიდევ უფრო მოკრძალებული იქნებოდა. კანონი საზოგადოებას წინ ექაჩება, ხოლო საზოგადოებრივი მენტალიტეტი - მეტ-ნაკლები წარმატებით უძალიანდება. შედეგად, კოგნიტური დისონანსის რეჟიმში მცხოვრები ქართული ოჯახის ინსტიტუტი მოქმედ ვულკანს დაემსგავსა. გენდერული ლანდშაფტის მოსაწესრიგებლად, წესრიგი ჯერ ადამიანთა თავებში უნდა დამყარდეს. ეს კი მხოლოდ თაობათა მიზანმიმართული აღზრდა-განათლებითაა შესაძლებელი. განათლების გენდერულად კორექტული მოდელის დანერგვა სახელმწიფო სტრატეგიის დონეზე უნდა იქნას აყვანილი. ამ საშვილიშვილო საქმეში მასმედიას დიდი როლის შესრულება შეუძლია.

„სამოქალაქო ინტეგრაციისა და ეროვნებათშორისი ურთიერთობების ცენტრმა“ 2013 წელს დაწყებითი სკოლის სახელმძღვანელოები გენდერული კუთხით გამოიკვლია. მოვუსმინოთ შეფასებისა და გამოცდების ეროვნული ცენტრის სამოქალაქო განათლების ჯგუფის ხელმძღვანელს, ირმა ხომერიკს:



- სახელმძღვანელოები მოძველებული სტერეოტიპებით გაჯერებული აღმოჩნდა, რაც განსაკუთრებით, ქართული ენისა და ლიტერატურის სახელმძღვანელოებზე ითქმის; მაგალითად, რამდენჯერ და რა როლში იყვნენ წარმოდგენილი გოგონები და ბიჭები, ან რა თვისებები მიეწერებოდათ. ტექსტებში როლების ტრადიციული განაწილება იყო ასახული: დედა აკეთებს საჭმელს, ან აუთოებს; მამა აშენებს, მიდის სამსახურში და ა.შ. მათემატიკის ამოცანებში იმდენად სტერეოტიპული შინაარსები იყო, რომ გაცილებულნი დავრჩით: დედამ ხუთი კილო კარტოფილი იყიდა, ან ოცი ღვეზელი გამოაცხო. ქალი დიასახლისის როლში იყო წარმოდგენილი. არ ავლენდა ისეთ თვისებებს, როგორცაა კომპეტენტურობა, გადანყვეტილების მიღება, ავტორიტეტულობა. ეს ყველაფერი რეალობას არ ასახავდა. ქალები ამ დროს უკვე ოჯახებს ფინანსურად უზრუნველყოფდნენ და საზოგადოებრივ-პოლიტიკურ ცხოვრებაშიც აქტიურობდნენ. იგივე შეიძლება ითქვას ილუსტრაციებზე: დედა აუთოებს, მამა კი საწერ მაგიდასთან მუშაობს. გოგონა დედას ეხმარება სუფრის გაშლაში, მამა ამ დროს გაზეთს კითხულობს, ხოლო ბიჭი კონსტრუქტორს აწყობს. სახელმძღვანელოების გენდერული ანალიზი პირველად 2006 წელს ჩაატარა **ქალთა არასამთავრობო ორგანიზაციათა კოალიციის განათლების ჯგუფმა**. სამწუხაროა, რომ წლების განმავლობაში სასკოლო სახელმძღვანელოები კვლავ სტერეოტიპულად წარმოაჩენს ორივე სქესს. **2012 წელს „სამოქალაქო ინტეგრაციისა და ეროვნებათშორისი ურთიერთობების ცენტრის“** პროექტის ფარგლებში სამოქალაქო განათლების და ისტორიის გრიფირებული სახელმძღვანელოების ანალიზი ჩატარდა. სამოქალაქო განათლების სწავლების ერთ-ერთი მიზანი მოსწავლეთათვის ადამიანის უფლებებზე აუცილებელი ცოდნის მიწოდება და თანასწორობის იდეის დამკვიდრების ხელშეწყობაა (მათ შორის გენდერული თანასწორობის!). ამ დროს სახელმძღვანელოებში ტერმინი გენდერიც კი არ იყო ნახსენები. მხოლოდ ერთ-ერთ ალტერნატიულ სახელმძღვანელოში ერთი გაკვეთილი ეთმობოდა სქესთა თანასწორობის საკითხს, ამასთან საკმაოდ ზოგადი და შემღუფლებული ინფორმაციით, რაც საკითხის გასაცნობიერებლად საკმარისი არ არის. სამოქალაქო განათლების კურსი ამ კუთხით განსაკუთრებით მნიშვნელოვანია. ისტორიის სახელმძღვანელოებიც უფრო მეტ ინფორმაციას უნდა იძლეოდეს ცნობილი ქალების, ზოგადად, ქალთა ცხოვრებისა და დამსახურების შესახებ. უამრავი ისტორიული ფაქტი და მოვლენა შეიძლება საინტერესოდ გაანალიზდეს გენდერული თვალსაზრისით. ისტორია ხომ მხოლოდ ომებისა და მეფეთა ცხოვრება არ არის! სასკოლო გარემოში მიმდინარეობს მოზარდის სოციალიზაცია, შესაბამისად, სასწავლო პროცესის როლი გენდერული სტერეოტიპების კვლავწარმოებაში უმნიშვნელოვანესია. სწორედ ამიტომ გაჩნდა ინტერესი შეგვესწავლა განათლების სისტემა რეალურად უწყობს ხელს თანასწორობის იდეის (მათ შორის გენდერულის) დამკვიდრებას, თუ ეს იდეა განათლების სახელმწიფო პოლიტიკაში ფორმალურადაა დეკლარირებული. საერთოდ, სახელმძღვანელოების შედგენისას უამრავი ფაქტორია გასათვალისწინებელი. ავტორი, ცხადია, ძირითად ყურადღებას საკმარის შინაარსზე ამახვილებს, მაგრამ თუ გენდერული მგრძობელობა არ აქვს, ეს მის მიერ შექმნილ

პროდუქტზეც აისახება. ერთ-ერთი მთავარი რეკომენდაციაც ეს იყო - განათლების სამინისტროს მიერ სახელმძღვანელოების გრიფირებისას გენდერული ფაქტორის გათვალისწინება. ახლა სიტუაცია გარკვეულწილად გამოსწორდა და ეს მოთხოვნაც მიიღება მხედველობაში. მომდევნო კვლევა დაადგენს, რამდენად მოხერხდა ახალ სახელმძღვანელოებში სქესთა დისკრიმინაციის აღმოფხვრა.

განათლების სისტემაში გენდერულად კორექტული სამოქალაქო აღზრდის დანერგვა ჯერაც ვერ მოხერხდა. ამ კუთხით დიდი სამუშაოა ჩასატარებელი.

ახალი რეალობა ახალ პიროვნულ თვისებებს და მენტალობას საჭიროებს. უამრავი ტრადიციული სტერეოტიპი დრომოჭმულ ბორკილად იქცა, მაგრამ, ვფიქრობ, აუცილებელია იმ რაციონალური მარცვალის შენარჩუნება, რომელიც კულტურულ თავისთავადობას განაპირობებს. მხოლოდ კარგად ორგანიზებულ და კოორდინირებულ აღზრდა-განათლების სისტემას ძალუძს ამ ისტორიული მისიის შესრულება. მხედველობაში გვაქვს არა მხოლოდ სასკოლო განათლება, არამედ, აგრეთვე, პიროვნული განვითარების პროგრამები ზრდასრული ადამიანებისთვის. პიროვნული ზრდა, ერთის მხრივ, მოიცავს ფსიქოლოგიურ ტრენინგებს, მეორე მხრივ – სამოქალაქო განათლების და სხვა სპეციალურ კურსებს. საქართველოში ეს ყველაფერი, ჯერჯერობით, ძირითადად, არასამთავრობო სექტორის ძალებით ხორციელდება. მაგალითად, **საქართველოს ზრდასრულთა განათლების ქსელში (ხელმძღვანელი - ნინო ბაბალაშვილი)**, აღნიშნული ქსელი აერთიანებს **ცენტრებს სამეგრელოში, ზემო სვანეთში, რაჭაში, გურიაში, აჭარაში, ქვემო ქართლში, სამცხე-ჯავახეთსა და კახეთში. ლელიანის ზრდასრულთა განათლების ცენტრში.**

სტუდენტმა ლუკა ჩუბინიძემ მენეჯერთა კურსები გაიარა; მაგრამ ყველაზე მეტად სწორედ იქვე გავლილ პიროვნული ზრდის ტრენინგებს ემაღლიერება:

– ტრენინგზე გენდერული საკითხებიც განვიხილეთ, რამაც სულ სხვანაირად ჩამომიყალიბა აზროვნება. 12-13 წლის ბავშვი ყველა საკითხს არ უფიქრდება და მასზე გარემო ახდენს გავლენას. ვუყურებდი სამეზობლოში ქმარი ცოლს რომ ეუბნებოდა: იქ არ უნდა წახვიდე, ეს არ უნდა გააკეთო და ეს სწორი მეგონა; ანუ ცოლი ჩემი მონა უნდა ყოფილიყო – ასე ვფიქრობდი მაშინ. გენდერულ ტრენინგზე კი ყველაფერი სხვა კუთხით დავინახე და ამაზე სერიოზული ფიქრი დავინყე: რატომ უნდა იყოს ცოლი ჩემი მონა? ბოლოს მივხვდი, რომ არავინ არავის მონა არ არის და არც უნდა იყოს. მოკლედ, ჩემგან მოძალადე ქმარი აღარ გამოვა!

შემამფოთებელია, მაგრამ ფაქტია - ეკლესია აქტიურად ეწინააღმდეგება გენდერულად კორექტული მენტალიტეტის დამკვიდრებას. საპატრიარქოსთან არსებული **„ჩხოხსანთა საზოგადოების“** ეგიდით, **სტუდია „გუთინს“ ხელმძღვანელი ლექსო გელაშვილი** სკოლის მოსწავლეებს ასწავლის, რომ ქალის საზოგადოებრივი აქტიურობა და კარიერული ზრდა ლამის სატანური მოვლენაა: „დაღლილი ქალი, სათანადო სიყვარულს ვერ მისცემს ქმარს და ამის შემდეგ ქმარი სხვაგან მოძებნის სიყვარულს. ეს კი გამოიწვევს ოჯახის დანგრევას... ოჯახი რომ დაინგრევა, შემდეგ ყველაფერი თავისთავად მოხდებაო“ (ანუ,სატანური ძალები იზვიამებენ). **ონლაინ-გამოცემა „ბათუმელების“** პუბლიკაციის თანახმად, ამ კურსს უკითხავენ **რუსთავის მე-17 საჯარო სკოლის** მოსწავლეებს. საინტერესოა, რომ დირექტორი **ნელი ლიქოკელი** გელაშვილის საავტორო სახელმძღვანელოს გაცნობილი არ

იყო; ხოლო გაკვეთილის ვიდეოჩანაწერის გაცნობის შემდეგ, მოუცლელობის მიზეზით, კომენტარისგან თავი შეიკავა. განათლების სამინისტროც ფორმალური კომენტარით შემოიფარგლა: პროექტის განხორციელებაში მონაწილეობა არ მიგვიღია, სკოლა დამოუკიდებელია და უფლება აქვს მოსწავლეებს სერვისი შესთავაზოსო. სამწუხაროა, რომ სამინისტრო ამ ფაქტს ჯეროვან ყურადღებას არ უთმობს „**პარტნიორობა ადამიანის უფლებებისთვის**“ ხელმძღვანელი, ანა აბაშიძე „ბათუმელებისთვის“ მიცემულ კომენტარში სამართლიანად მიუთითებს, რომ სალექციო კურსი ეწინააღმდეგება როგორც საკაცობრიო ღირებულებებს, ასევე საქართველოს კონსტიტუციას და ბავშვის უფლებათა კონვენციას. ეკლესია, რომლის გავლენა საზოგადოების ნაწილზე საკმაოდ მაღალია, ღიად ქადაგებს დისკრიმინაციული ისტორიული მოდელის დაბრუნებას, რომელშიც ქალს მომსახურე პერსონალის ფუნქცია ეკისრება.

აი, რა თქვა **2012 წელს კათოლიკოს-პატრიარქმა** საკვირაო ქადაგების დროს:

„ახლა მიღებულია ასეთი ტერმინი, რომ ცოლი და ქმარი თანასწორუფლებიანია. საღმრთო წერილი კი ამბობს, რომ ოჯახში მთავარი არის ქმარი. ოჯახი ესაა ერთი სხეული და არ შეიძლება ერთ სხეულზე იყოს ორი თავი... ბედნიერია ის ოჯახი, სადაც დედა და ცოლი სწირავს თავს ოჯახს... ადამიანის ბედნიერება უპირველესად ერთმანეთის სიყვარული და პატივისცემაა. მაგალითად, როცა ქმარი მოდის სამსახურიდან, შენ უნდა შესთავაზო დასვენება, უნდა შესთავაზო ფეხების დაბანა, შესთავაზო საჭმელი, სითბო უნდა აჩვენო შენს ქმარს. მინდა კიდევ ერთხელ დაფიქრდეთ თქვენს მოვალეობაზე...“

ფეხის დაბანის დეტალს თვალი რომც აუარიდოთ, არა მგონია მართებული იყოს მთელი დღის განმავლობაში ნამუშევარ-ნაჯახირები ქალისთვის ქმრის მომსახურების დაკისრება. მავანი იტყვის - დაეტიონ სახლში და ოჯახს მიხედონ, მამაკაცებმა კი არჩინონო. მაგრამ უკუსვლით ვერც სქესთა შორის ჩატეხილ ხიდს აღვადგენთ და ვერც მომავლის კარებს შევალბთ.

კიდევ ერთხელ გავიმეორებ: ეკლესიის მესვეურნი ქალებისთვის რჩევა-დარიგებებს არ იშურებენ, მაგრამ ცოლების კისერზე მოკალათებული ქმრების მიმართ შეგონებები რატომ არ ისმის? ან, იქნებ, რაღაც გამომჩრა?...

ღირებულებათა გადაფასებამ და სოციალური კატაკლიზმებმა სქესთა შორის ურთიერთობაში უამრავი პრობლემა გააჩინა. ეს არ ნიშნავს, რომ დახავსებული წარსული უნდა დავაბრუნოთ, რომელიც გენდერული ჰარმონიის თვალსაზრისით, იდეალური სულაც არ ყოფილა. სქესთა შორის ჩატეხილი, ან თუ გნებავთ, მოფამფალეებული ხიდის აღდგენა საზოგადოებრივი ცნობიერების გაჯანსაღებისა და სამოქალაქო საზოგადოების ჩამოყალიბების გარეშე ვერ მოხერხდება. ყველას გვახსოვს, რა ვნებათა ღელვა ატყდა, როდესაც განათლების სამინისტრომ საგნობრივი კურსის, „მე და საზოგადოება“ დანერგვა დააანონსა. ამ დროს, აღნიშნულ კურსს რევოლუციური როლის შესრულება შეუძლია; ცხადია, გონივრულად დანერგვის შემთხვევაში. არანაკლებ მნიშვნელოვანია პიროვნული ზრდის პროგრამების დანერგვა ზრდასრული მოქალაქეებისთვის, რაც ასევე სახელმწიფო პოლიტიკის რანგში უნდა იქნას აყვანილი. მენტალური გაჯანსაღების ხელშეწყობა სტრატეგიული მნიშვნელობის ამოცანაა.

თავისუფლად მოაზროვნე თაობის გამოსაზრდელად მოსემ იუდეველნი უდაბნოში ორმოცი წელი ატარა. ჩვენც, ფაქტობრივად, „უდაბნოში“, ანუ ისტორიული გარდატეხის პერიოდში ვიმყოფებით. გენდერული ლანდშაფტის გაჯანსაღება (და არა მარტო ეს!) იმაზეა დამოკიდებული, რამდენად სწრაფად და გონივრულად ავითვისებთ ისტორიული გამოცდის დროს მიღებულ გაკვეთილებს.

ბოლოსიტყვაობა

წიგნში შევეცადე თვალი მიმედევნებინა გენდერული ლანდშაფტის ცვლილებებისთვის უკანასკნელი ოცი-ოცდახუთი წლის მანძილზე. როგორც უკვე ითქვა, შეუძლებელი იყო ერთი ავტორისთვის, ერთი წიგნის სივრცეში ამ ურთულესი მრავალგანზომილებიანი პროცესის ამომწურავად გაშუქება და არასამთავრობო სექტორის ღვანლის სრულფასოვანი წარმოჩენა. იმედს ვიტოვებ, რომ ძირითადი ნიშნულებისა და ტენდენციების ნაწილის ასახვა მაინც მოვახერხე.

რა შეიცვალა ყველაზე „მყვირალა“ პრობლემების კუთხით?

1) მიღებული იქნა გენდერული მოტივით ძალადობის საპრევენციო კანონმდებლობა; მიმდინარეობს მისი დახვეწა. დარჩა მენტალური პრობლემები: სქესთა თანასწორუფლებიანობა და გენდერული ნიშნით ძალადობის დაუშვებლობა საზოგადოებრივ ცნობიერებამ ჯერაც ვერ „აითვისა“.

2) დედებისა და ბავშვების უფლებები მეტადაა დაცული, ვიდრე ოციოდე წლის წინ; მაგრამ, ამ კუთხით, კიდევ ბევრია გასაკეთებელი. ეს, განსაკუთრებით, ფეხმძიმე ქალების შრომითი უფლებებისა და დეკრეტული შვებულებების მისამართით ითქმის. ცალკე საკითხია ფეხმძიმე ქალთა, აგრეთვე მცირეწლოვან ბავშვთა დედების დასაქმებასთან დაკავშირებული სირთულეები.

3) საკანონმდებლო ორგანოებში ქალები არ არიან ჯეროვნად წარმოდგენილნი. თუმცა კვოტირების კანონპროექტის მიღება სამომავლოდ ამ ხარვეზის გამოსწორების საფუძვლიან იმედს გვაძლევს.

4) სოციოლოგიური გამოკითხვების შედეგების თანახმად, ქალი ოჯახში, დღესაც ვერ სარგებლობს მამაკაცის თანაბარი უფლებებრივი სტატუსით. საოჯახო ბიუჯეტის შექმნაში შეტანილი წვლილიც კი ვერ ახდენს ჯეროვან გავლენას. ამ კუთხით სიტუაცია უკეთესობისკენ მხოლოდ უმნიშვნელოდ შეიცვალა.

5) ოჯახში ძალადობის წინააღმდეგ კანონის მიღებამ, შესაბამისი მექანიზმების დანერგვამ და თავშესაფრების გახსნამ, დანაშაულის გამოვლენის და პრევენციის კუთხით, სიტუაცია უკეთესობისკენ შეცვალა. თუმცა, ჯერ კიდევ, ხშირია შემთხვევები, როდესაც ქალები, მენტალური ინერციიდან გამომდინარე, ერიდებიან ამ შესაძლებლობის გამოყენებას.

6) კანონი სქესთა საკუთრებრივ უფლებებს თანაბრად იცავს, მაგრამ, სტიგმური მენტალიტეტის გამო, ქალთა უფლებები მაინც ილახება; განსაკუთრებით, მემკვიდრეობის გადაცემის შემთხვევაში.

ჩნდება კითხვა: იქნებ, ღირს შემოვიღოთ დროებითი საკანონმდებლო ნორმა, რომელიც მშობლებს პირდაპირი ტექსტით აუკრძალავს მემკვიდრეობის სქესის ნიშნით განაწილებას? ანუ, სანამ შეიქვნიან (როგორც კვოტირების შემთხვევაში).

7) ქალის საკუთრებრივი უფლებების მონყვლადობას საქორწინო ხელშეკრულების არაპოპულარობაც განაპირობებს. ამ კუთხითაც მუშაობაა საჭირო.

8) საკუთარი ღირსების და უფლებების დაცვა, იურიდიული თვალსაზრისით, გაადვილდა, მაგრამ, რეალურად, ისევ მენტალური ბარიერები აფერხებს. ეს, განსაკუთრებით, რევიონებში შეინიშნება. საკუთარი ღირსებისთვის მებრძოლი ქალი საზოგადოების დიდ ნაწილში დღესაც ნეგატიურ გრძნობებს აღძრავს; თუმცა, ოცი-ოდე წლის წინ, აგრესიის ხარისხი განუზომლად მეტი იყო.

9) ამ წლების ერთ-ერთი ყველაზე საუკეთესო მიღწევაა ანტიტრეფიკინგული კანონმდებლობის შემუშავება-მიღება. თუმცა, მისი სრული ძალით ამოქმედებისთვის, მოსახლეობის რეგულარული ინფორმირებაა საჭირო.

აი, როგორ აფასებს განვლილ გზას **უფლებადამცველი ბაია პატარაია** ფეისბუქ-ში გამოქვეყნებულ პუბლიკაციაში:

„...ადვილად შესამჩნევია, რომ ქალთა მოძრაობის მოთხოვნები თითქმის სრულად არის შესრულებული. თუ გინდათ, შეგახსენებთ რამოდენიმეს:

1. კანონმდებლობის უმეტესობა მიღებულია. დაგვრჩა გაუპატიურების მუხლის შესწორება.

2. ორგანიზაციული რეფორმები გატარებულია. არსებობს დღის ცენტრები და შსს ადამიანის უფლებათა განყოფილება.

3. კვოტები მიღებულია.

4. ქორწინების ასაკი გაზრდილია 18-მდე; ცნობიერება ადრეულ ქორწინებაზე მნიშვნელოვნად გაზრდილია, მათ შორის, აზერბაიჯანულ თემში.

5. სახელფასო სხვაობაზე მუშაობა სახელმწიფოს მხრიდან დაწყებულია.

საჭიროა ახალი მიზნების და ამოცანების დასახვა... ამ ეტაპზე მხოლოდ იმას ვთავაზობთ, რომ იფიქროთ და თქვენი იდეები აქ ჩამოწეროთ... ჩემს მოსაზრებებს ვაგიზიარებთ, რომელიც ზოგი ძველია, ზოგიც შედარებით ახალი:

1. გაუპატიურების მუხლის ცვლილება.

2. ოჯახში ძალადობის მსხვერპლთათვის იათ საცხოვრისზე ხელმისაწვდომობა.

3. ქალთა ეკონომიკურ გაძლიერებაზე პოლიტიკის შემუშავება, მიმართულუბებად ჩაშლა და კონკრეტული მოთხოვნების დაყენება. ამ ეტაპზე დაყენებულია მოთხოვნა, რომ კანონით აიკრძალოს გენდერული სახელფასო სხვაობა და შემუშავდეს ქალთა ეკონომიკური გაძლიერების სახელმწიფო ხედვა.

4. ახალი პარლამენტისა და მთავრობის მიერ, სადაც, იმედია, წულუკიანი აღარ იქნება იუსტიციის მინისტრი, სქესის ნიშნულის შეცვლა პირადობის დამადასტურებელ დოკუმენტებში.

5. კვოტა სრულად ვერ აღმოფხვრის ქალთა პოლიტიკური მონაწილეობის პრობლემებს, ამიტომ ქალთა პოლიტიკური გაძლიერებისთვის საჭიროა უფრო დეტალური და მკაფიო სტრატეგიის შეთავაზება. მაგალითად, პარტიებში ქალთა

ორგანიზაციების ჩამოყალიბება და ხელშეწყობა და სხვა.

6. ჩემი დიდი სურვილია, რომ ქალთა მოძრაობა აქტიურად ჩაერთოს მობილური აპლიკაციის Safe YOU პოპულარიზაციაში, რადგან ეს ახალი ტექნოლოგია ახალ შესაძლებლობებს აძლევს ქალებს.

...მთელი სტრატეგიაა გადასახედი, რომ ახალი მიზნებით და ახალი ძალებით შევეუბნოთ ჩამკალ პატრიარქატს... ახალი სტრატეგიული მიზნები და ამოცანები უნდა დავისახოთ და განვახორციელოთ ისე ლამაზად და კოჰნიად, როგორც აქამდე ვაკეთებდით“.

რა დასკვნის გამოტანა შეიძლება ყოველივე ზემოთქმულიდან?

გენდერული ლანდშაფტი ნელა, მაგრამ მაინც იცვლება და პროცესებს ვედარავინ შეაჩერებს. ეს, მეტწილად, კანონმდებლობაზე ითქმის, მაგრამ საერთაშორისო ვალდებულებები რომ არა, მისი გაჯანსაღება კიდევ უფრო გაიწვლავდა. ეს იმიტომ ხდება, რომ ხელისუფლებაში, ისე საზოგადოებაში მენტალური სფერო საკანონმდებლო სიახლეებს ზანტად მიჰყვება. სიახლეების სწრაფი და ეფექტიანი დანერგვა მხოლოდ მენტალური პროგრესის პირობებშია შესაძლებელი. ამისთვის სამთავრობო და არასამთავრობო სექტორის, აგრეთვე მასმედიის ერთობლივი და მიზანმიმართული ძალისხმევაა საჭირო.

წიგნის გარეკანზე შევეყვადე გენდერული დისბალანსის შესაცვლელად მიმდინარე ბრძოლა გამოიხატა. სასწორის პინა ძე ლომის მხარესაა გადაწეული, ანუ ქალები შეუპოვრად იბრძვიან თავისი უფლებებისთვის, რაც მამაკაცთა დიდ ნაწილს აღიზიანებს. მათი აგრესია, უკეთეს შემთხვევაში, კანონმდებლობის დაბლოკვით, ხოლო უარესში - ფიზიკური აგრესიით და ფემიციდით გამოიხატება. სასწორის პინათა განწონასწორება მხოლოდ კონსტრუქციული დიალოგით და გონივრული, ორივე მხარისთვის სასიკეთო კომპრომისებითაა შესაძლებელი.

გამოყენებული ლიტერატურის ჩამონათვალი

ავტორის პუბლიკაციები

„ქალთა გაზეთი“

- „მკვლელი“, 1996 წელი, ოქტომბერი;
„გათელილი ლუკრეცია“, 1996 წელი, თებერვალი;
„ქალწულობის ინსტიტუტი, უმანკოება თუ ფიქცია?“, 1996 წლის თებერვალ-მარტი;
„უდანაშაულო დამნაშავენი“, 1996 წელი, იანვარი.
„ობობას ქსელში“, 1997 წელი, აპრილი.
„კაცის გვედით... უკაცოდ?!“, 1997 წელი, აგვისტო.
„ქართული ოჯახი საფუძველში ძალადობრივია!“, 2005 წელი, ნოემბერი.
„დაუცველნი“, 2005 წელი, ნოემბერი.
„დემოკრატიის ორმაგი სტანდარტი“, 2006 წელი, ივლის-აგვისტო.
„მამაკაცებო, თქვენი არ გვეშინია!“, 2006 წელი, ივლის-აგვისტო.

ჟურნალი „სარკე“

- „სად უნდა იდგეს ქართლის დედა, ან უნდა იდგეს თუ არა საერთოდ?“, 1998 წელი, 1-8 ივლისი.
„ჩემს საცოლეს მაქსი ეცვას, დანარჩენს კი ყველას მინი, ანუ კიდევ ერთხელ ქალწულობის შესახებ“, 1998 წელი, 5-12 აგვისტო.
„ქართველი დედები ზრდიან შვილებს და არა მამაკაცებს!“, 1998 წელი, 16-23 სექტემბერი.
„როცა ცოლი ქმარს ალიმენტს არ სთხოვს“, 1998 წელი, 23-30 სექტემბერი.

გაზეთი „ექო“

- „ჩემი საცოლე ქალწული იყოს, დანარჩენებს თავში ქვა უხლიათ!“, 2002 წელი, 8-14 ოქტომბერი.
„ქართველი დედები მოძალადეებს ზრდიან?!“, 2002 წელი, 13-19 ოქტომბერი.
„გოგოებს ბრჭყალები და ეშვები ეზრდებათ?“, 2002 წელი, 8-14 ოქტომბერი.

„ვინ არიან ფემინისტები - შერევილი დედაკაცები, თუ დემოკრატები?!“, 2002 წელი, 29 ოქტომბერი-4 ნოემბერი.

„რამდენი ნაცემი ცოლია საქართველოში?“, 2002 წელი, 1-7 ოქტომბერი.

ჟურნალი „იმიჯი“

„ნეკნის შიში“, ნოემბერი 2003 წელი.

„საქართველოს რესპუბლიკა“

„გაგაუპატიურეს? ესე იგი დაიმსახურე!“, 01-01-04-2003.

„მერიდიანი 44“

„არაოპტიმისტური ტრაგედიები „სტაბილურობის“ ავანსცენაზე“, 1999 წელი, 22-25 ოქტომბერი.

„დასრულდა 16-დღიანი აქცია გენდერული ძალადობის წინააღმდეგ“, 2000 წელი, 13-20 დეკემბერი.

„ინტიმი და ქართული კულტურა“, 2000 წელი, 13-15 მარტი.

„ინტიმი და ქართული კულტურა“, 2000 წელი, 16-18 თებერვალი.

„სკოლა მასწავლებლებისთვის“, 2000 წელი, 12-14 იანვარი.

„დაკვრა ოთხ ხელში“, 1999 წელი, 30 აგვისტო-1 სექტემბერი.

„იგავი კომბოსტოზე“, 1999 წელი, 22-24 დეკემბერი.

„ახალგაზრდობა და სექსუალური რევოლუცია“, 1999 წელი, 11-18 დეკემბერი.

„მისი მშვენიერი ლედი. რისი ეშინია ქალს“, 1999 წელი, 10-12 ნოემბერი.

„ვაშლის გემო. რისი ეშინია ქალს“, 1999 წელი, 24-26 ნოემბერი.

„ახალგაზრდობა და სექსუალური რევოლუცია“, 2001 წელი, 11-18 აპრილი.

„ქართველი ქალი: ბორკილგაყრილი სული, თუ იდეალური სიმბოლო?“, 1999 წელი, ივნისი.

„არის თუ არა ევა სუბიექტი?! ქალთა უფლებები საკუთრების კანონის ჭრილში“, 2000 წელი, 30 ოქტომბერი - 1 ნოემბერი.

ჟურნალი „გზა“

„ქმარი ჩემი - მტერი ჩემი?!“, 08-02-2001.

„აფროდიტეს წყევლა“, 15-02-2001.

„ვინ არის დამნაშავე - მოძალადე, თუ მსხვერპლი?!“, 15-08-2002.

„ვინ არის დამნაშავე - მოძალადე, თუ მსხვერპლი?!“, 22-08-2002.

„პასუხისმგებლობით დასჯილნი“, 19-03-2015.

გაზეთი „ახალი ეპოქა“

„ამის შესახებ რატომღაც არავინ ლაპარაკობს“, 2002 წელი, 28 ივნისი-4 ივლისი;

„ახალი მერიდიანი“

„ახალი მერიდიანი“ „მარადიული დილემა: ვინ არის დამნაშავე?“, 2001 წელი, 2-5 ნოემბერი.

„თამაში სახელად ბრძოლა ტრეფიკინგის წინააღმდეგ“, 2001 წელი, 19-21 ნოემბერი.

„დედობრივი საწყისის მასკულინიზირებული ხატი ეროვნულ ცნობიერებაში“ „ახალი მერიდიანი“, 2001 წელი, 10-12 დეკემბერი.

„სქესის კორექცია; ცოდვა, თუ ცოდვისგან თავის დაღწევა?!“ 2001 წელი, 12-15 ნოემბერი.

„მთავარი გაზეთი. კვირას“

„საქართველოში პიროვნებების ნაცვლად ნახევარფაბრიკატებს ზრდიან“, 03-10-2003.

ჟურნალი „იმიჯი“

„გენდერული ასიმეტრია ქართულ ცნობიერებაში“, 2003 წლის ოქტომბერი.

„ნეკნის შიში“, 2003 წლის ნოემბერი.

„ევას ასულნი“, 2003 წლის დეკემბერი.

„ადამის ძენი“, 2004 წლის თებერვალი.

Журнал «Подруга»

«Следствиетекст1 по делу гражданина вне всяких подозрений», №52, декабрь, 2006.

«Почему нас не учат любить?», №45, ноябрь, 2007.

«Бить, или не бить? Закон о насилии в семье недееспособен!», №9, март, 2007.

«К феминизму я пришел не сразу!», №4, февраль, 2008.

- «Когда мама и папа как кошка с собакой», №5-6.
 «Я сама – горе от ума?», №28, июль, 2008.
 «Изнасилование – убожество морали», №30-31, июль-август, 2008.
 «Зверь – любимый мой, родной..», №32, август, 2008.
 «Еще одно убожество морали», №33, август, 2008.
 «Интим и грузинская культура», № 34-35, сентябрь-август, 2008.
 «Когда материнская любовь оборачивается злом» №40, октябрю 2008.
 «Женская точка зрения», №51, декабрь, 2008.
 «Гендер – это серьезно!» №5, февраль, 2009.
 «И кто же все-таки правит балом? В Грузии главный мужчина, но верховодит женщина?», №48, декабрь, 2008.
 «Насилие в семье – другая точка зрения», №44, ноябрь, 2009.

„HE&SHE - მარადიული დაპირისპირება“ (კრებული „გენდერი, კულტურა და თანამედროვეობა“, მომზადა და გამოსცა კავშირმა „ქალების ინიციატივა თანასწორობისთვის“ ფონდ „ღია საზოგადოება - საქართველოს“ მხარდაჭერით, თბილისი 2005).

ონლაინ-პუბლიკაციები

1. <http://www.tspress.ge/ka/site/articles/13808/> 2013.03.26 მომხმარებელი ქალების თვითსტიგმატიზაცია;
2. <http://www.tspress.ge/ka/site/articles/13985/> 2013.04.25 მომხმარებელი ქალები: გზა თვითგადარჩენისკენ!
3. <http://www.tspress.ge/ka/site/articles/14160/> 2013.05.20 ყოფილი ნარკომომხმარებელი ქალი, რომელიც ახლა სხვებს ეხმარება;
4. <https://www.kvirispalitra.ge/public/36201-qqali-mamakacis-saflavs-chakhuteboda-da-ise-daelia-suliq-21-e-saukunis-qthavsafriani-dedakacebiq-da-qbankomatiq-dedebi.html?lang=ka-GE> „ქალი მამაკაცის საფლავს ჩახუტებოდა და ისე დაეღია სული“ - 21-ე საუკუნის „თავსაფრიანი დედაკაცები“ და „ბანკომატი“ დედები“;
5. http://www.awa.org.ge/მოხუცებზე_ძალადობა_-_საზოგადოების_სენი/ი388;
6. <https://druginfo.wordpress.com/2013/03/29/> მომხმარებელი ქალები: სიცოცხლე შიშის ქვეშ
7. <http://www.tspress.ge/ka/site/articles/15270/%20მკვლელები: გუმბინ და დღეს;>
8. <http://www.tspress.ge/ka/site/articles/15295/> შევაჩეროთ ძალადობა! 2014.

11.30;

9. <https://socreactive.wordpress.com/2017/11/18/ფემიციდი/ ნოემბერი 18, 2017;>

10. <https://www.kvirispalitra.ge/public/41678-gvaris-gagrdzelebis-msurvelebs-shetsiruli-sul-cota-25-athasi-gogona-uchinari-femicidi.html> 2018, 28 მარტი, გვარის გაგრძელების მსურველებს შეწინააღმდეგე 25 ათასზე მეტი გოგონა - უჩინარი ფემიციდი;

11. <http://gza.kvirispalitra.ge/qveyana/526-qalis-tvirthi-ufro-mdzimea.html>. 09.11.2014, ქალის ტვირთი უფრო მძიმეა

12. https://socreactive.wordpress.com/2017/11/12/სწავლა-სიბერემდე/?fbclid=IwAR0aV0H_6GWQs7x7Pf3v5wc5jqXaBCKnail9TikQBAS29zUGGWdHQmm-Oa8

სხვა ავტორთა პუბლიკაციები

1. <http://intermedia.ge/სტატია/107874-ქართული-მიოლოგია-დედა-მინა/8-9/>.

2. <https://netgazeti.ge/news/413153/> 11.12.2019, 151 “მოკლული ქალი 6 წელიწადში – როგორ პასუხობს სახელმწიფო ფემიციდს”, ნინო ბიძინაშვილი.

3. <https://www.svoboda.org/a/29806802.html> 08.03. 2019, Любава Малышева, Мужчины убивают женщин. Проблема фемицида в мире и России.

4. <https://imedinews.ge/ge/politika/57676/mesame-seqtori-pemitsidis-gamo-qali-patrulebis-raodenoba-unda-gaizardos> 18.04.2018, მესამე სექტორი: ფემიციდის გამო ქალი პატრულების რაოდენობა უნდა გაიზარდოს.

5. <https://netgazeti.ge/news/14534/> 18.06.2012, ოჯახში ძალადობის სტატისტიკა და რეალობა საქართველოში.

6. <https://ru.globalvoices.org/2020/03/26/89795/> 26 მარტი 2020, Даже с изменениями в законодательстве Бразилии не удастся защитить женщин на фоне растущего числа фемицидов;

7. <https://www.newsru.com/world/20oct2016/adgentina.html0> ოქტომბერი 2016, В Аргентине тысячи людей протестовали против насилия над женщинами.

8. <http://www.tabula.ge/ge/story/143954-2018-tsels-saqartveloshi-qalze-dzala-dobis-minimum-5875-shemtxveva-moxda> 6 თებერვალი, 2019, „2018 წელს საქართველოში ქალზე ძალადობის მინიმუმ 5875 შემთხვევა მოხდა“.

9. <http://www.tabula.ge/ge/story/59228-ilia-meore-ojaxshi-mtavari-aris-qmari> 29 აპრილი, 2012, ილია მეორე: „ოჯახში მთავარი არის ქმარი“.

10. <https://www.ekhokavkaza.com/a/29764020.html> Февраль 11, 2019, Кавказские пленницы, XXI век, Тенгиз Аблотия.

11. <https://batumelebi.netgazeti.ge/news/128732/> 10.04.2018, გოგოს მოტაცების შემთხვევები გაიზარდა, ჯაბა ანანიძე.

12. <https://netgazeti.ge/news/393388/> 23.09.2019, 66%-ის აზრით, ქალისთვის ქორწინებამდე სექსი “არასდროს არის გამართლებული” – კვლევა, ნინო ბიძინაშვილი.

13. <https://www.kvirispalitra.ge/istoriani/42529-mzithvis-tradicia-saqarthveloshi.html> შხითვის ტრადიცია საქართველოში, 2018, 27 აპრილი, ირინე საგანელიძე, ოსუ ჰუმანიტარულ მეცნიერებათა ფაკულტეტის დოქტორანტი.

14. https://jam-news.net/ge/kvleva-rogor-ckhovoben-saqartveloshi-mokhucebi/?fbclid=IwAR2yyDwkjb_O-hspeiB5mCxKaWyY1pQhID-rv-eEQFqnAftiYJffp7T-VQc 20.04.2020 კვლევა: როგორ ცხოვრობენ საქართველოში მოხუცები.

15. <https://www.radiotavisupleba.ge/a/30586198.html> მაისი 01, 2020, ტრანს-გენდერმა ქალმა თავის დანვა სცადა - პროტესტი თბილისის მერიასთან.

16. <https://netgazeti.ge/news/400446/> 23.10.2019, ქალი მოსამართლეების რაოდენობა კაცებს აჭარბებს, მენეჯერულ პოზიციებზე პირიქითაა – კვლევა, მარიამ ბოგვერაძე.

17. <https://netgazeti.ge/news/400673/> 24.10.2019 შესაძლოა, ქალებს ნაკლებად მიზიდვით ადმინისტრირება – მოსამართლე ნუგზარ სხირტლაძე; ნინო ჩიჩუა.

18. <https://netgazeti.ge/news/393242/> 23.09.2019, ქალისა და კაცის თანაბარი შრომა თანაბრად უნდა ანაზღაურდეს – შრომის კოდექსის შესაძლო ცვლილებებზე კომენტარი.

19. <https://www.ambebi.ge/article/52493-ilia-meore-colebs-kmrebis-morchilebisen-moucodebs/> 29-04-2012, ილია მეორე ცოლებს ქმრების მორჩილებისკენ მოუწოდებს.

20. <https://batumelebi.netgazeti.ge/news/320190/> 22.12.2020 მოსწავლეებს ასწავლიან, რომ ქალის როლის წამოწევა ეშვაკისეულია - სამინისტრო დუმს.

21. <http://mshobeli.ge/index.php/ძალადობა/1645/> 2020-12-08 შსს-ში სექსუალური ძალადობის შესახებ შესული 361 შეტყობინებიდან, განაჩენი მხოლოდ 26 საქმეზე დადგა.

22. <https://www.coe.int/ka/web/tbilisi/-/administration-of-justice-on-sexual-violence-crimes-against-women-in-georgia> 08.12.2020 ქალთა მიმართ სექსუალური

ძალადობის დანაშაულებზე მართლმსაჯულების განხორციელება საქართველოში

არასამთავრობო და სამთავრობო სექტორი

1. „ქალები. სიტუაციის პროფილირება საქართველოში“, „კავკასიის ქალთა კვლევითი და საკონსულტაციო ქსელი“, 2002 წელი/
2. „ქალთა ეკონომიკური გაძლიერება საქართველოში; არსებული პოლიტიკის და ინიციატივების ანალიზი“. კავშირი „საფარი“, თბილისი 2017.
3. „ტრანსგენდერების საჭიროებების კვლევა საქართველოში“. ა/ო „ჰეპა“, 2018 წელი.
4. https://idfi.ge/ge/suicide_statistics_2014_201
5. „საკუთარი ოთახი“ - სერია „ფემინისტური ბიბლიოთეკა“, „ფონდი ტასო“ - ქალთა ფონდი და მესხიერების კვლევის ცენტრი, 2007.
6. „გენდერი, კულტურა და თანამედროვეობა“ - კავშირი „ქალების ინიციატივა თანასწორობისთვის“, 2005 წელი.
7. („ეფექტიანობის აუდიტის ანგარიში“, #26/36, 08.02.2019.), https://sao.ge/files/auditi/auditis-angarishebi/2019/ojaxshi_dzaladobis_dacvis_efeqtianobis_auditis_angarishi.pdf
8. „ოჯახში ძალადობა, ოჯახური კონფლიქტები და არასრულწლოვნები“ (შსს, საინფორმაციო ანალიტიკური დეპარტამენტი). [https://police.ge/files/pdf/statistika%20da%20kvlevebi/geo/sxvadasxva%20statistika/ojaxuri_dzaladoba-saboloo\(1\).pdf](https://police.ge/files/pdf/statistika%20da%20kvlevebi/geo/sxvadasxva%20statistika/ojaxuri_dzaladoba-saboloo(1).pdf)
9. კვლევის ანგარიში: „კაცები, ქალები და გენდერული ურთიერთობები საქართველოში: საზოგადოების აღქმა და დამოკიდებულება“ 2020, დებოლენა რაკუპიტი და რუთი ლევტოვი.
10. საქართველოს სტატისტიკის ეროვნული სამსახური: „ქალი და კაცი საქართველოში“, სტატისტიკური პუბლიკაცია, 2020 წელი.
11. „ფემიციდი - დისკრიმინაციული დანაშაული და მასთან ბრძოლის სახელმწიფო ვალდებულება“ კავშირი „საფარი“. თბილისი, დეკემბერი, 2016

